

سیف المملوک

www.islamiurdubook.blogspot.com

حصہ دوم

میال محمد بخش

فہرست

	داستان رواں شدن شاہزادہ بمع ملکہ ازاں قلعہ دریا و کشتن نہنگ ہوشر بار راو بہزار رنج بردر گنج مراد رسانیدن ملکہ راو بہ سر اندیپ آمدن بمشقت بسیار
	داستان در بیان ملاقات شدن با صاعد و بدست آمدن و کیفیت خود بیاں کردن بہ یک دیگر صاعد و شہزادہ
	حکایت بطریق تمثیل می گوید
	در وصف جمال بدرہ خاتون و عاشق شدن صاعد بروے
	آمدن بدیع جمال بہ شہر سر اندیپ و ملاقی شدن با ملکہ خاتون و شیندن حال شہزادہ ملاقات نمودن بہزار حیلہ
	در وصف جمال شاہ پری می گوید
	حاصل کلام
	در غزلیات و دوہرہ کہ غزل مے سرانیدے
	در وصف جمال با کمال شاہزادہ سیف الملوک و عاشق شدن بدیع الجمال بروے
	غزل
	دوہرہ
	غزلیات
	غزل
	نامہ بدیع الجمال

داستان رواں شدن شاہزادہ بمع ملکہ از اں قلعہ دریا و کشتن نہنگ
ہو شربار راو ہزار رنج بردن گنج مراد رسانیدن ملکہ راو بہ سر اندیپ

آمدن بمشقت بسیار

مالی ایس باغیچے والا واناں مرد سچاواں
جس دے باغوں لے پنیری میں بھی بوٹے لاواں
ہر ہر جاء کیدارے تک کے بوٹے راس لواندا
جس جائے اوہ لائق ہووے اوے جاء سہاندا
ایہ فرماندی آئی اگوں رت بسنت پھلاں دی
کوئی دن سر و خزاں دے رہندے لگی امید گلاں دی
باغ اندر ہریانی ہوئی کڈھ سی شاخ انگوری
لالہ تے گلاب ملن گے نرگس تے گل سوری
جاں شاہزادے دیوے تائیں کیتا مارا ازائیں
ملکہ خاتون نوں لے ٹریا چھڈ دیوے دیاں جائیں
لکڑیاں دا ٹلا بدھا بہت پکیرا کر کے
رھڑ رھڑ رجا ناہیں تریا پھیرندی وچہ تر کے
لعل جواہر قیمت والے نعمت بے شماری
کھانے دانے ٹلے اتے پالنے اک واری
سبھ اسباب ٹلے تے دھریا پکا محکم کر کے
ملکہ سنے ٹلے پر چڑھیا ٹلا ٹریا تر کے
اٹھے پیرندی وچہ جاندا ٹلاٹاں شتابی
سیف ملوک عبادت اندر ذکر ثنا وہابی

لہراں اندر آیا ملا ول ول دھکے کھاندا
 کدے پتال اندر لہہ جائے کدے گنگن چڑھ جاندا
 کدے پئے وچہ گھمن گھیراں پھر دا اندر پھیراں
 پھیراں وچہ گئے ایوں پانی چوٹ لگے جیوں بھیراں
 چست گھراٹ پھرے جیوں تیوں پانی ترکھا بہوندا
 لہراں قہراں دے منہ ملا ڈوبن اتے ہوندا
 شاہزادے نے جھاگ آہے سفر ایہیے اگے
 ملکہ سی معصوم شاہزادی ڈر ڈوبن وا لگے
 رات بہیری ندی چوہیرے نظر نہ پون کنارے
 جانی توں ہتھ دھوتی بیٹھے ایہ مارے کہ مارے
 اوڑک سفر دواں تے آئے مشکل ودھ حسابوں
 قدرت نال بچاندا جاندا مالک ہر گردا بوں
 سرگردان ندی وچہ رھڑ دے نال کجھ پتہ نشانی
 کدھروں آئے کدھر جاناں کدھر خلق جہانی
 بک تھیں بک چڑھندی آوے عاشق نوں دلیگیری
 دن دن پیرا گیرے رکھے واہ عشق دی شیریں
 چوٹے وچوں لکڑ سڑدی سٹے وچہ چراں دے
 کولہ ہویاں پھیر جلاوے آہرن زرگراں دے
 عشقے دی ایہ رسم قدیمی جلیاں نوں نت جالے
 اگلا زخم نہ مولن دیندا ہو راتوں چاڈالے
 ٹلے اتے رھڑوے آہے ملکہ تے شاہزادہ
 بک دن کرنا رب وا ہویا مشکل نبی زیادہ

ظالم واؤ مخالف جھلی جھکھر جلے ویندا
 بدل پاغباری آیا مارو مار کریندا !
 اتھارتھ اجیہا یارو کی گل گتھ سناواں
 کتے جہازاں لانگ نہ لگدی کانگ چڑھی دریاواں
 بدل آکھے اے بہرناں توڑے پھیر نہ وسماں
 کیتے شہرا جاڑ بتیرے واہیاں کو ہلاں کساں
 جھکھر آکھے زور تمامی لاء خلق نوں دساں
 ہک ہک ندی سمندر ہوئی ندیاں وانگر لساں
 تارے چھوہے ٹھاٹھ ندی دی انبر تیک اچھلے
 نیناں بنجواں مینہ وسائے مارے موت اولے
 نہ کوئی کنڈھی نظری آوے ناں کوئی ٹاپو بیلا
 کانگ طوفان غضب وا چڑھیا قیامت ویلا
 جیا جون رولے وچہ آخر سب سنسار بلائیں
 کجھ رھڑ دے کجھ کھاوے آوے شاہزادے دے تائیں
 شور ککارا انبر توڑی تیکر لہندے چڑھدے
 زور پیا کوہ قاف ندی وچہ سر پرے ہو جھڑ دے
 مڑ مڑ ٹلے تائیں دیوں گھسن گھیر کلاوے
 ٹھاٹھاں مار اولار و گاؤں تاں پھر باہر آوے
 ہک اندر وچہ کانگ غماندی ندیوں موج ودھیری
 بدل وانگن بنجواں وسن آہیں سرد ہنیری !
 خونی لہر عشق دی وگی بے کنار ڈونگھیری
 پھیر کرہاہ فکر دے پیندی ہمت صدق دلیری

شوکو شانک ندی دی سن کے سمیرناں تن کنبے
 جتول نسن پانی سے اڈ اڈ کے پر اے
 راجے دھول پیا دل بھارا ہول اس کانگ طوفانوں
 بھار زیں وا چان نہ ہوندا عذر نہ سی فرمانوں
 مچھی جان تلی پر رکھی تلے نار فکر دی
 ایسی کانگ چڑھائیو ربا میں اج بھاروں مردی
 اوہل اوہل نکلے پانی جیونکر تیل کڑاہی
 ترفن مچھ کڑاہیاں اندر جان تیندی آہی
 ڈنی سنار نہ دے کدھرے باہن سنار دیندے
 کجھ بیہوش ہوئے کھا دھکے کجھ موئے کجھ جیندے
 ٹے نوں تھر تھلی آئی گگن پتال مریدا
 الٹا سیدھا ہو پھر بچدا جاں رب راکھا تھیندا
 عاشق وا رب عشق پکاندا دم دم دکھ سہاندا
 رحمت لطف گماندا آپے مڑ مڑ پیا بچاندا
 سیف ملوکے وا پیو نالے عاصم شاہ نماں
 وانگ نبی یعقوبے رونددا درد فراق رنجاناں
 اٹھے پھر دعائیں کروا سجدے اندر پے کے
 ربا خیری آوے بیٹا نال پری نوں لے کے
 تیرا نام کریم خدایا کرم کریں ہر جانی
 مارلیا میں چوٹ پتر دی مدھ بن اوٹ نہ کانی
 پیری وقت میرے تے کیتی بخشش مدھ جنابوں
 اوتر تھیں پھر سوتر ہو ایم وافر کرم حسابوں

سیف ملوک میرے گھر دتا بیٹا صورت والا
 وائشمندا کابر چنگا یوسف مثل اوجالا
 اس نوں شیر عشق دے کھڑیا جیوں اسوں بہیاڑاں
 عام تے یعقوبے آپوں اک لگائی واڑاں
 کاہنوں میں شاہ مہرے وے کاہنوں اس تعبیراں
 اس دا کھوہ پیاتے میرا وچہ سمندر نیراں
 ہک گیا اس باراں وچوں رو رو ہویا نانیاں
 میرا ایہو بکو آہا سٹ گیا مسکیناں
 اس نوں بھی تھہ خیری کھڑیا لونڈا ہو دکایا
 پھیر مضر دی شاہی دے کے بابل نال ملایا
 سیف ملوک میرے فرزندے صحیح سلامت رکھیں
 نال مرا دوی دے اس نوں میں بھی ویکھاں آھیں
 نامرادی اندر اگے تھہ مراد پچانی
 پھر بھی آس تیرے در اتے ہور پناہ نہ کائی
 میرا پت حوالے تیرے ہے خالق سبحان
 میں بھی عاجز اوہ بھی عاجز تینوں سبھ خصمان
 حضرت ختم نبیاں کہی اپنی خبر کتابوں
 صلی اللہ علیہ وسلم ہوون پاک جنابوں
 خاص حدیث شریفے اندر آمن جدوں قضاکیں
 کوئی دعا نہ چلدی اوتھے ناں اوہ علن ملاکیں
 ماپے کرن دعائیں جس دی ہوندا اثر دعا یوں
 یا پھر رو بلاکیں کردا صدقہ پاک ریا یوں

عاصم شاہ آہانت کردا بیٹے کان دعائیں
 اوہ دعائیں جان بچائیں سیف ملوک تائیں
 سچے مرد صفائی والے جے کچھ کہن زبانوں
 مولیٰ پاک منیندا اوہو پکی خبر اسانوں
 کم نہیں ایہہ انہر کردا سر اس دے بد تائیں
 سبھ کم کر دے مرد اللہ دے حکم کریندا سائیں
 نیل ندی فرعون نہ کھاہدا اتان قارون زمیناں
 موسیٰ دی بدعائے کیتا غرق دوہان لے دیناں
 ہمت مرداں دی ہر جانی کر دی کم ہزاراں
 پھلاں بھوراں شمع پتنگاں یار ملائے یاراں
 ہر مشکل دی کتنجی یارو مرداں دے ہتھ آئی !
 مرد دعا کرن جس ویلے مشکل رہے نہ کاٹی
 قلم ربانی ہتھ ولی دے لکھے جو من بھاوے
 مردے نوں رب قوت بخشی لکھے لیکھ بھاوے
 مرداں نیندے مرد تنیدے کر دے مرد لویراں
 سیون مرد پوشاک بناون شاد کرن دلگیراں
 مرداں دے ہتھ کارج سارے آپ خداوند سٹے
 دنیا باغ ولی وچہ مالی بوٹے لاوے پٹے
 کدھرے پتلا جج رلاوے کدھرے کرے گنہیرا
 کدھرے جھوڑا پانی لاوے کدھرے دے ودھیرا
 ڈالی قلم کرے اک رکھوں جادوے پر جوڑے
 پیوند لا بناوے میوہ آپے پھیر ترورے !

ہر ہر پکھے پانی پھیرے ہر آدمے ہر بنے
 کہناں نوں سرر اس کریندا گل کہناں دے بھنے
 دنیا باغ انبر کھوہ ویندا دیہہ چن وانگن بیلاں
 مانی مرداتے رب مالک بھور عاشق وچہ سیلاں
 اتنے بھید پھر ولن جوگی دل نہ دے کمتالی
 گل سنا محمد بخشا سیف ملوکے والی
 ملکہ تے شاہزادے اتے آیا روز حشر دا
 باپ اپنے دل ہو متوجہ شاہ ولیاں کردا
 جے ماں باپ میرے سنگ مینوں سچے رب ملاناں
 تاں اس ویلے دس سی کوئی ٹاپوں چاء ٹکاناں
 ایہو شکن وچارے دل وچہ پاندا ایہو فالان
 اچن چیت وگی واؤ ایسی پتر رہے نہ ڈالان
 ساعت جھل ہوئی پھر مٹھی صاف ہويا جگ سارا
 اچن چیتی نظری آیا ٹاپونڈی گنارا !
 ایسی اوہ زمین عجب سی ایسے رکھ ہزاراں
 گل پھل رنگ برنگی پھلے وانگ بہشت بہاراں
 ہوراک قسم رکھان دی آبی کی کجھ آکھ سناواں
 واہ خالق بے انت محمد خلقت انت نہ پاواں
 ان خرچنگ دوارے وچوں دن گل رنگ رنگیاں
 جھاتی پاوے تے سر کڈھے سرخ کرے رنگ پیلا
 لاجور دی تنبو پائے انبر دا جس ویلے
 صادق صبح ستر تھیں اٹھ کے آوے باہر سویلے

صومعہ ارزق وچوں کڈھے جاں سر باہر شتابی
 ہتھ تقدیر دے ید بیضا حکمے نال وہابی
 چمکن ہار کٹوری والا جھنڈا جاں سر چاوے
 ظل اللہ فلک دا رجبہ جس دم تخت سہاوے
 دینھ چڑھے جگ روشن ہووے خوب سہاوے بندر
 رکھ سنہری پیدا ہون ہور اس بندر اندر
 جاں اسمانی شاہ تخت توں ستریں اندر جاندا
 میر وزیر ہوں پھر تازے ہر اک خان کہاندا
 نکی موٹی فوج اسمانی ہسن کھیڈن لگے
 کوئی لہندے کوئی چڑھدے وکھن کوئی پریت نوں وگے
 قطب شمالی لپکا ہو کے چوکیدار کھلووے
 سورج ڈبے تارے چڑھدے روز و نخیں شب ہووے
 رات پئے تاں رکھ سنہری چھپ جاون وچہ دھرتی
 دن دو بجے پھر ظاہر ہون سدا ایہو اکم ورتی
 بندر اندر میوے آہے باہر انت شماراں
 پستہ مغز بادام منقی انب الوج اماراں
 انگن میوے لے رس چوے اک اک لال بنا توں
 ٹلے توں شاہزادہ اتھا نالے ملکہ خاتون
 محکم کر کے مدھا ٹلا آپ ہوے سیانی
 کھاون میوے شکر گزارن فضل ہويا سبحانی
 ٹھنڈے مٹھے پانی وگن جو من بھاوے پیندے
 ہک مہینہ رہے مقامی پھیر او وای تھیندے

سیف ملوک کہیا سن ملکہ کس کم اتھے بہناں
 جب لگ جان بجن دے لوڑے رھڑ دے تردے رہناں
 ملکہ کہندی سن وے ویرا میں پھڑ یا سنگ تیرا
 اگا تیرا کچھا میرا کوچ کرو اج ڈیرا
 کوئی دن دا کر خرچ ٹلے تے رکھ لئے کجھ میوے
 دیکھ محمد رازق کتھے رزق بندے نوں دیوے
 ہوئے سور ٹلے تے دوئے ملکہ تے شاہزادہ
 لمیس وین پے پھر عاشق سچا رکھ ارادہ
 راتیں دیہاں ٹردے جاندے گھڑی آرام نہ پاندے
 نال سدھ بدھ سنسار جگت دی نہ کوئی دندار اندے
 پانی اوپر جاندا ٹلا بیڑی وانگن ترکے
 سیف ملوک چلائی جاندا آس رے دی کر کے
 پنج مہینے ہور کسیندا پنڈھ گمرا آبی
 واء مراد رہی نت جھلدی ٹریا گیا شتابی
 آپ شہزادہ چپا مارے آپے ونجھ لگاندا
 راتیں دیہاں خوف ندی دا پلک اک اکھ نہ لاندہ
 باجہ ملاحاں ترن نہ بیڑے مردان باجہ نہ جھیرے
 ہویا ملح اوہ شاہ مصر دا کیں رھڑ اکے بیڑے
 یوسف بردہ ہو وکاناں خوک بکے صنعانے
 پٹ پہاڑ سٹے شاہزادے فرہادے اک جانے
 پنوں دھوبا نام دھریا کچم دے سلطانے
 چاک کلا لاں واسد وایا عزت بیگ جوالے

کام کمر چھڈ گھر در ثریا مر مر کے جند بچی
 پورن گھر گھر بھیکھ منگیندا پال محبت سچی
 بے نظیر در دگ وگایا قید اندر تن گالے
 نجم نساء بی بی بن جوگی بن بیلے کوہ بھالے
 قیس عرب دا رجبہ آبا نبیاں مجنوں جھلا
 شیراں تے بگیاڑاں اندر وچہ پہاڑ اکلا
 مجنوں نے اک عورت ڈھکی اکدن نال قضائے
 مردے دے گل رسا پیایا چلی نگر ول جائے
 مردے دا منہ کالا کیتا وال پئے وچہ گل دے
 رچھ قلندر دا نگر دوئے اگے کچھے چلدے
 جاں مجنوں دے کولوں لنگھے پچھدا مردیگانہ
 کس کارن ایہ کارن کیتو کی ایہ مکر بہانہ
 بدھی کہیا سمجھ جواناں ایہ کم پیٹ کراندا
 میں عورت اس مردے تا میں در در پھرے نچاندا
 اس نوں میں نچاندی پھر ساں ہر بوہے کر پھیرا
 خلقت ویکھ تعجب ہوی پسی خیر ودھیرا
 جی کجھ حاصل وی سانوں وڈ دے رل کھاساں
 ادھا مرد کھڑے گا گھر نوں اوہ میں بھی ملیجاساں
 مجنوں کہندا اس کم لائق میرے جیہا نہ کوئی
 پا میرے گل رسہ مانی کھٹ زیادہ ہوئی
 گھر گھر ناچ کراں گا عمدے غزلاں بول سناں
 لیاں دے گھر توڑی چلساں کھٹی تھکھ کرانسان

جی کجھ حاصل ہوسی تینوں کجھ نہ دیویں مینوں
 جی کجھ لہسی تو ہمیں کھائیں ہوگ پنجبال نہ تینوں
 مجنوں نے گل رسہ پایا منہ لیا کر کالا
 اس عورت دے کچھے ٹریا واہ عشق وا چالا
 شہر شریکاں دے گھر ٹھویا مجنوں عشق قلندر
 رسہ چھک نچاوے بڈھی ہر ہر ویہڑے اندر
 غزلاں جوڑے تاڑی مارے ناچ کرے سنگ تالاں
 ویکھ شریک مزا خاں کر دے بتے کڈھن گالاں
 لیااں دے گھر جا بیچارہ خوب سرود سناندا
 منہ کالا تے گل وچہ رسہ خوب دھالاں پاندا
 ایہو کم عشق دے دامن کرے جیسے کارے
 کی ہویا جے چے مارے سیف ملوک بیچارے
 جے مجنوں دی گل تمامی ہور اگیڑے کھڑیے
 اس قصے دا رہے نہ چیتا اوے اگے سٹریے
 ایہو گل محمد بخشا ہے فرمائش بھاری
 سیف ملوک دی پھر پچھوں دس کہانی ساری
 مولی پاک کرے میں یاری توڑ چڑھے ایہ قصہ
 اگوں پھیر بنیر دیوے گا جتول ہوسی حصہ
 بے آرامی وچہ شاہزادے مدت بہت گزاری
 بجد تھکا ماندہ ہویا نیندر چڑھی خماری
 سیف ملوک لے تے ستانیندر گھل مل آئی
 عجب جمال پری دی محرم ملکہ رب ملانی

ستے نوں کچھ ہوش نہ رہیا بہتاسی نندریا
 ملکہ خاتون بیٹھی جاگے اگے دیر سوایا !
 پھیر اوچھل سٹاں دی جاپوں خبر رکھیندی ساری
 سیف ملوکے وانگ ٹلے نوں ٹورے نال ہشیاری
 ہو روں ہو ر عاشق نوں آفت نت خداوند دے
 صدق صفائی اس دی تکدامت کدھروں مڑنے
 سیف ملوک ستے تے دھانی آفت ہو ر وڈیری
 اس تھیں بھی رب رکھن والا خاص اوے دی ڈھیری
 پانی تھیں سرکدھ وکھایا ہک سنسار وڈیرے
 ٹلے دے چوگردے پھر دا مڑ مڑ پاوے گھیرے
 آن انہاں دل نیت رکھی دشمن سخت مرپے
 منہ اوہدے وچہ معدے آچے کتنے ہاتھی پیلے
 ظالم کالا رنگ براسی شکل ڈراون والی !
 ویکھن والے ہوش نہ رہیندی جس دم دے وکھالی
 ٹٹے زور دلیر جواناں شیر تکے مر جاوے
 لکڑے کرے جہازاں تائیں جے اک دھکا لاوے
 سنگھار وانگ ہنیر اوروگی دسا جے منہ اڈے
 دہشت نال بندے نوں بھائی تر ت فرشتہ چھڈے
 گرم ہوا ہڑ نرگ دی نکلے جاں اوہ وات ہگاڑے
 جس پاسے ساہ لیندا آہا بوہ مغزنوں ساڑے
 ٹلے نوں اوہ کھاوَن آیا ملکہ نوں ڈرگا
 خشک ہوئی رت جسے وچوں ہو گیا رنگ بگا

جھولی وچہ شاہزادہ ستا اس نوں سرت نہ کوئی
 ملکہ کہندی نہیں جگاواں نیند کچی مت ہوئی
 میں واری جے مینوں کھاوے جان کراں قربانی
 اس دا وال نہ ہووے ڈنگا ناں ہو بے ارمانی
 جہاں پیار محبت ہوندے ایسے صرفے کر دے
 بجن ستا نہیں جگاوں آپ ہوون جے مردے
 خسرو نوں جد بیٹے اپنے زخم چلایا چوری
 کاری پھٹ لگا وچہ وکھی ہوئی کیجے موری
 خان کندن دی تلخی اندر بہت ہویا ترہایا
 کوئی نہ پانی دیون جو گا کول اس ویلے آیا
 شیریں کول اوہدے سی ستی اکدو جے انگ لائی
 کرے دلیل منگاواں پانی ایسے نوں فرمائی
 پھیر کہے ایہ ہن ہی ستی ناہیں بھلا جگاناں
 آپ مراں ترہایا توڑے اس نوں گلی ہلاناں
 وگیا لبو شیریں دے بیٹھوں گرم لگا جاگ آئی
 مٹھی مٹھی کہندی اٹھی شاہ نہ آپ جگائی !
 اج زمانے یار کہاوں دعویٰ کرن پیاراں
 اپنی خیر منگن تے مارن نال دئے دے یاراں
 یاری لاون جان بچاوں کرن کمال بے ترسی
 ہک مرے ہک ہمداتے اوہ جانے جے مرے
 بھیناں دہڑیاں سیس گنداں ہوون ویر کھڑا کے
 ویر دیرے گل چکھدا نا ہیں مرن لگے نوں جا کے

ناری اتوں کرن خواری بھنگ گھٹن وچہ یاری
 یار یاراں دی رتو مہاون موج زمانے ماری
 جے اک ہووے الباراں والا صاحب دولت زروا
 دوجا کول مرے جے بھکھا نہیں مروت کردا
 سکیاں ویراں بھیناں تائیں پیریں کاٹھ پوائے
 عیب گناہ ڈٹھے بن آکھیں ہتھیں سوٹے لائے
 مان پیو جائے دیر پیارے بھیناں آپ کو ہاوے
 ناریں کنت ازائیں کیستے بھابیاں ویر کھپاوے
 جتھے سپ اٹھواں ہووے یا کوئی آفت بھاری
 جہاں ٹورن آپ نہ جاوَن واہ جوکی یاری
 جے ہکی گھر روٹی ہووے دکھ دوجے نوں لگے
 ہر تہمت بدنامی دے کے چغلی مارن دگے
 ویراں بھیناں تے بھرجائیاں سبھناں دی گل بھائی
 ہو بہو دسالاں ساری ورتی جس جس جانی
 پرایہ پردہ ظاہر کرناں نا ہیں کم فقیراں
 کھڑی محبت رب محمد ویرنہ بھاون ویراں
 کہو جہی نہ کرے الہی ہن بھی بھلے بھلیرے
 چھڈ نہاں دی گل محمد قصہ ٹورا گیرے
 سیف ملوک جگایا نا ہیں ملکہ خاتوں رانی
 ناں ہتھ پیر ہلاندی آبی نیند مٹھی ایہ مانی
 چپ چپاتی ہنجوں روندی آبی بال ایانی
 شاہزادے دے منہ تے دھٹھا اتھرواں وا پانی

جاگ لگی شہزادے تائیں اٹھ کھڑا جلدی
 ملکہ روندی تک کے پچھدا خبر دیں اس گل دی
 ویر تیرے توں گھول گھمایا توں کیوں رو دیں بھینے
 دس شتابی کی غم تینوں دکھ تیرے وند لینے
 ملکہ کہندی ایہ تک ویرا ہے سنسار مریدا
 اسان دوہاں نوں کھاون آیا ڈھکا آخر ویدا
 ویکھ سنسار شہزادے جلدی سار کمان ہتھ پکڑی
 مار ہتھیار دو پار کریاں کرے دلیری تکرری
 چلے چاہڑ کمان شتابی شیر جوان سپاہی
 کرڑی چھک کڑا کے کڈھے کافی اتول واہی
 نال آھیں دے اکھ بھڑا کے سدھا تیر وگایا
 تیر انداز نہ گھتھا شستوں آھیں وچہ لگایا !
 دسر تیر گیا بھن آناں پئی بھجک سنسارے
 ہو کانا چھڈ گیا ٹکاناں جل وچہ چھپی مارے
 دوجی واری پھر سر کڈھیوس آٹلے دے کولوں
 ملکہ تے شہزادہ دوئے کنب گئے تن ہولوں
 دوجا تیر شہزادے جڑیا کر کے پھیر دلیری
 دوجی اکھ اوہدی وچہ لگا سل گیا بک ویری
 کر کے چھٹ چلایا تیغا سر سنسار سیاہ دے
 وڈھ لیا سراس دا جلدی واہ پڑ ہتھی شاہ دے
 مار سنسار شہزادے سٹیا اتنی رت وگی سی
 رتوں ندی ہوئی سبھ رنی مارن موج لگی سی

توں ندی ہوئی سبھ رتی نظر نہ آوے پانی
ٹھاٹھ چڑھی کوئی ہاٹھ قہر دی پھر دی پھیر کہانی
جو گیلی وچ پھیراں پندی جان نہ دیندی بنے
پیڑ نیڑ بناون ایویں جیوں کوہلو وچہ گئے !
ٹلے دا رب راکھا آہا جاندا آپ بچائیں
ہون قبول جنابے اندر عاصم دیاں دعائیں
لہراں اندر جاندا ٹلا رات وہاں کر دھانی
سے کوہاں دے پینڈے کر دانت حساب نہ کائی
لہندا چڑھدا دکھن پرہت پتہ نہ دیندا کوئی
دینہ چن ویکھ پچھانن قبلہ روز وقت جد ہوئی
راتیں تارا قطب تکیندے تاں کجھ معلم ہوندا
شاہزادہ متوجہ ہو کے پڑھن نماز کھلوندا
رات وہاں حیرانی اندر جل تھل وسدا پانی
ناں بن واس دے نان بیلا نہ کوئی جوہ ویرانی
کوئی دن ایسی مصیبت گزرے کرم کیتا پھر مولے
لتھی کانگ ندی توں ساری دور ہوے سبھ رولے
جا لگے اک ناپو اندر نام ساق اس بندر
میوے عجب عجائب مٹھے ڈٹھے بندر اندر
سیوساں ہد دانے جیڈے لٹکن پئے قطاراں
پانی والے گھرے برابر آہا قدر اناراں
ایس موافق میوے سارے پک ہوئے رنگ سوہنے
دتی واس نہ نیڑے کوئی کس نے آہے کھوہنے

ہر ہر جانی نہراں وگھن رکھاں پانی جائے
 جیونکر باغ اندر ہر پکھے مانی آڈاں لائے
 ہر نہرے تے جھلن شاخاں گھنیاں ٹھنڈیاں چھاواں
 سبزے نال سہاوے دھرتی پایا خضر پچھاواں
 آب حیات جیسے وچہ چشمے بے ظلمات دسیندے
 وانگ الیاس شہزادہ ہو ریں پی پی تازے تھیندے
 رنگ رنگ کچھیر دبولن اک تھیں اک چنگیرے
 پراس ناپو اندر آہے طوطے بہت گھنیرے
 رنگ اسمانی اکھ گمانی منھے بول زبانی
 پنجاں پیراں سرخی سوسنی گل وچہ کالی گانی
 اچی نیویں تیز اوڈاری سبز لباس فرشتے
 جیونکر ملک جماعتاں ہون کر دے سیر بہشتے
 اکناں دے سر سوہے آہے اکناں رنگ بہشتی
 اک ساوے اک سو سن رنگے طوطے قسم بے انتی
 ببل کوئل خوش گفتاراں خمرے کرن آوازے
 جوڑے نال بیٹھے مل جوڑے نال محبت تازے
 ہور پیڑی پکھی بولن تھاں تھاں لا کچھری
 سوہے سادے چٹے کالے تتری رنگ سنہری
 توہیں توہیں اے پکارے کوئی کوئی کہے رب سچا
 کوئی پیراں نوں یاد کریندا کوئی ہلاوے بچہ
 ارہ ذکر کسے دے سینے منہ نہ مول ہلاوے
 ہر ہر پکھی رب سچے دی حمد ثناء الہوے

آپو اپنی بولی اندر آہے ورد کماندے
 اسناں سنھناں نال تمامی مٹھے بول سناندے
 واہ خالق بے چوں پکارن چوں کیتی جس ظاہر
 رنگ پیدائش اس دی انت حسابوں باہر
 ہک ہک وچہ نگاہ اوے دی روزی نت پچاندے
 ہر ہر دی اس قسمت لکھی لکھیا پاس نہ جاندا
 جون ہزار اٹھاراں تائیں دے کے رزق سنبھالے
 کیا بیکار اسمتر شہدے کیا کمایاں والے
 اکناں آس اے دے درتے اکناں تک کمایاں
 اکناں بہت کمایاں کر کے آخر آن گویاں
 ہک عالم ہک فاضل ملاں ہک حافظ ہک قاری
 ہک قاضی ہک مفتی بہندے سر دھڑ پگڑی بھاری
 ہک زاہد ہک صوفی مفتی بندے ہک نمازی
 کہناں روزے دار کہا یا شیخی بے اندازی
 شیخ شیوخ مربی مرشد پیر بنے ہک بھارے
 کہناں طلب بہشت و نجن دی ہک دوزخ ڈر مارے
 کہناں مدد محبت والا پیتا پور پیالہ
 مست بیہوش وتن وچہ گلایاں نہ کجھ ہوش سنبھالہ
 کہناں اوگن بار کہایا پر تفصیر گناہی
 گل پلاتے گماہ موہیں وچہ مٹھے داغ سیاہی
 چورا وچکے ٹھگ اسمتر جوئے باز زناہی !
 سمھناں آس تیرے درسایاں کرسی کرم الہی

چوری یاری ٹھگی مونا بدن حرام کبابوں
 کر کر توبہ مڑ مڑ بہناں مستی چڑھی شرابوں
 سبز لباس فقیراں والا سر ٹوپی گل افنی
 باہر دے دیس اجالا اندر کالا کفی
 ہر صورت دل مائل ہووے غالب نفس اجیہا
 ہر دم تازہ چاء برے دا کدے نہ ہوندا بیہا
 جو جو عیب جگت وچہ بھارے سبھے میں در آئے
 کیہڑے کیہڑے گن گن دساں انت نہ پایا جائے
 اوگہار کونجی کونجی لونڈی لٹ نکاری
 خاوند مل خریدی سیو دے کے قیمت بھاری
 گنجی کافی لوہی ڈوری تیز زبان چراکی !
 بے پرہیز آمیز کریدی وچہ پلیدی پاکی
 ہے بد نیت پریت نہ پالے کوڑی زبانوں بولی
 دھن خاوند جس رو نہ کینی بد اجیہی گولی !
 خوبی خاوند دی کی دساں شالا جگ جگ جیوے
 حوراں پریاں اس پر ڈگن جیوں پتنگے دیوے
 بھلیاں بھلیاں در پر کھلیاں نک رگڑن وچہ تلیاں
 نوشہ پرت نگاہ نہ کردا کجھ پرواہ نہ ولیاں
 میں نکاری اوگہاری کی منہ لے کے جاواں
 طلب دیدار ہزار کھلوتے کت گن درشن پاواں
 لیکن آس نہ توڑاں میں بھی پاس انہاں دل جاندی
 بدھی دے ہتھ سو ترائی یوسف مل کراندی

اس پھر سوت کپے دی ائی میں ہتھ تند نہ کچی
 کچی خواہش میری سایاں طلب اوہدی سی سچی
 ایہ نہیں میں کہندی شہا خدمت ٹہل قبولیں
 نام اللہ دے بخش گناہاں سایہ مرتے جھولیں
 بھنی قسم کیتی گستاخی بہت بے ادبی ہوئی
 توں درکاریں تاں پھر سایاں کتے کتے نہ ڈھوئی
 کتنی واری توبہ بھنی میں ہاں بے اعتبارا
 پھر تیرے در توبہ کیتی بخشیں بخشہارا
 منہ کالا شرمندہ عاصی کی تیرے در آواں
 مجرم تھیں چا محرم کرنا تیرا فضل سچاواں
 دمری لے لکڑیاں بخشیں کافر مسلماناں
 شان نشان تساؤا وودھا جیوں جیوں گئے زماناں
 اس دی قسم تسانوں حضرت جو محبوب تمہارا
 سبھ بے ادبی تے گستاخی بخش مینوں پھیرا
 مکر فریب بہانے رتے سبھول چھل کوڑے
 میں کتا توں صاحب داتا پا کرم دے ٹوڑے
 کتا بھی بے کار مقصر خدمت کم شکاروں
 راکھی چوکی باجوں کھاواں خیر تیرے درباروں
 در تیرے تے پلایا عاجز خیر کرم دا ہایا
 ملے صواب جناب سچی تھیں کدے جواب نہ ملایا
 مدھ جھڑکیاں کوئی نہ جھلدا کسے جہان نہ ڈھوئی
 ہتھ سرے تے رکھیں شہا بخش بے ادبی ہوئی

مدو نال بچائیں حضرت ہر شہروں ہر بریوں
 کتھے قصے رہیا محمد ہن کدھر اٹھ ٹریوں
 جام جہان دسلن والا روشن چت بجن دا
 موہوں آکھ نہ آکھ محمد واقف ہے اوہ من دا
 اٹھے پیر محمد سرتے موت نقارہ کھڑا
 دس کہانی کی جانی نہیں وساہ عمر دا
 جس ناپو دی گل کچھے سی پنکھی بولن والی
 اس بندر وچہ حوض وڈا سی صفت بیانوں عالی
 اس حوض دے گردے آہے پنکھی ہور قد آور
 کالے بکمرے وانگ بدن تے جت میری وافر
 لاجور دی رنگ پنچے دا آھیں بلن مثالیں
 صورت دوجی ہور طرح دی کس دی شکل دسالاں
 اس حوض تھیں روٹی ویلے قدرت ہوندی ظاہر
 اک ہزار اگیٹھی اک دی نکلے دندیوں باہر
 ہر ہر اوس اگیٹھی اتے اوہ پنکھی آہندے
 وگو تک چکن اک تتی جس ویلے رج رہندے
 اڈہو اونجن چڑھ سارے آون پھیر دوپہراں
 بہ کے خوش آواز الاپن جیوں قانون وچہ لہراں
 داؤ دی آواز ریلی سنگھ صفائی والے
 مرلی تے شرنائیوں چنگی بینسریاں تھیں نالے
 بولن عجب سراں کدھ اچی کوئی ہتیار نہ ہووے
 تان سمین سنے جے اوتھے کھا غیرت بہ رووے

جدوں سرد و مکاوں لگن بولن قہقہہ کر کے
 اگ انہاندے موہوں ڈھیندی سٹن چنچاں بھر کے
 پانی وچہ پئے اگ ساری نہ ڈبڈی مان بھجھدی
 اگو اگ دے کل پانی حوض انگیٹھی بھجھدی
 ملکہ تے شاہزادہ روئے ویکھ تےجب ہوندے
 کئی تماٹے ایہو جیے تھکے وتن بھوندے
 سچہ کھجے تھکے سندے سیر کرن وچہ بندر
 کئی عجائب دسں جیہڑے نہیں قیاساں اندر
 ہک پاسوں آواز شہزادے آدمیاں دا آیا
 ایس پاسیں تگن لگا کی اسرار خدایا
 ویکھدیاں ہک نظری آئی قوم شہزادے تائیں
 سیر کرن دریا کنارے آدم لوگ گرائیں
 سیف ملوک انہاں ول ٹریا جا سلام پکارے
 بعد ساموں نال حلیمی پچھدا گل دوبارے
 یارو سچ و سالو مینوں کون تسی کس شہروں
 کیہڑے ملک ولایت رہندے سیر کرو اس لہروں
 یا کوئی وانگ اساڈے آئے دخت قصبے مارے
 یا ہو ایس جگہ دے وطنی کی ناول دیس تمہارے
 اونہاں جواناں کہیا اگوں سیف ملوکے تائیں
 ایہ ولایت وطن اساڈا دسدے شہر گرائیں
 سپر شکار کریندے پھر دے خوشیں ندی کنارے
 واسطہ ایس ملک داناواں روشن وچہ سنسارے

سراندیپ شہر وچہ تروا ایس ملک وا پسا
 اوتھے شاہ تخت وا والی شان سکندر جیسا
 سیف ملوکے نوں اس خبروں خوشی ہوئی دل بھاری
 ملکہ والی گل انہاں نوں کھول وسالی ساری
 سن گلاں فرمایا اوہناں ہے ایہ سچ دہانی
 شاہ اساڈے دی بہتر بچی ملکہ خاتون رانی
 پتہ نشانی راہ شہر وا پچھ لیاں سبھ گلاں
 وچو وچہ ندی دے جاناں ویا انہاں ولاں
 آیا پرت شہزادہ اوتھوں آ ملکہ نوں کہندا
 ہووے مبارک اللہ بھاوے پھار تیرا ہن لہندا
 حال حقیقت سبھ سنائی ملکہ خاتون تائیں
 دوہاں دے دل خوشیاں ہویاں پڑھن الحمد ثنائیں
 پھیر ٹلے چڑھ ٹھلے ہاہو واء مراد ہئی سی
 گردش گئی ستارے ساعت آ سعدین رلی سی
 ٹروا ٹلا حملے کردا جیوں پنکھی دریاتی
 یا کشمیر اندر ڈل کشتی ٹر دی نال صفائی
 یا پٹے دے دھاگے اتے موتی سچا ٹروا
 یار ہوار ٹرے جیوں تازی طرف طویلے ہردا
 دوروں تاڑ شکار ہوائیوں باز چٹا جیوں آوے
 تازی صاف اڈاری کردا نہ پر پیر ہلاوے
 نہ کوئی خلل خروج ندی وا نہ کوئی دوجی آفت
 خوشیوں پھر دے پکارا روز لنگھے جیوں ساعت

پانی اندر ٹرے جانے روز گئے پنجابی
 واسطہ شہر اندر جا لگے کرم کیتا رب والی
 ملے اتوں آئے ملکہ تے شاہزادہ
 سیف ملوک سلام اس شاہ دے ٹریا رکھ ارادہ
 ملکہ خاتوں کولوں پچھدا ایہہ شاہ چاچا تیرا
 کی کجھ نام مبارک اس وا دسیں پتہ پکیرا
 ملکہ کہندی سن وے بھائی دانشمند دلیرا
 تاج ملوک اس ناداں ہوی جے ایہ چاچا میرا
 سیف ملوک گیا دربارے پچھدا جا نقیبیاں
 کتھے ہے سلطان تساڈا ماناں اسان غریباں
 درباناں فرمایا اگوں شاہ شکار گیا ہے
 شام وقت نوں آوگ مڑ کے مطلب مدھ کیا ہے
 سیف ملوک کہیا میں مانا خواہ مخواہ اس شاہ نوں
 خبر نہیں مت چرکا آوے مل بہاں چل راہ نوں
 ملکہ نوں چھڈ ندی کنارے اوہلے جا جھروکے
 سیف ملوک اس شاہے پچھے ٹریا راہی ہوکے
 جاں کجھ پینڈا گیا اگیرے مرد اگوں اک آیا
 سونی صورت زیب شہانہ زیور روپ سہایا

ناں کچھ انت شمار سواری خچر ہاتھی گھوڑے
 شاطر نفر غلام پیادے لشکر سن بے اوڑے
 تاج ملوک عماری اندر نظر پیا شاہزادے
 لیکن ملن نہ ہو یا اس تھیں آبی بھیڑ زیادے
 کچھ کچھ گیا شاہزادہ ٹرڈا وانگ غریباں
 جا کھلا دروازے اتے کردا عرض نقیباں
 جادر بار حضوری اندر اس دی رپٹ پچانی
 ایسا شخص ملن نون لوچے ہے پردیسی کانی
 سونی شکل ستارے والا دانش منہ یگانہ
 چہرے تے چکارے مارے روپ اقبال شہانہ
 جمال شکل دی جھل نہ سکے گانگ اچھل حسن دی
 نقش نگار شمار نہ آوے ہر بہار چمن دی
 انگلیاں ہتھ پیر آوازہ بھننی وانگ ملوکاں
 خوب ہتھیار سپاہی لیا یا خبر نہیں کی لوکاں
 ہے کوئی رجبہ دیس کسے دا شاہاں بار سرشتہ
 یا کوئی نوری لوک بہشتوں آیا نکل فرشتہ
 بہتا درد رنجاناں دے نالے بہت سیاناں
 کہندا مطلب ہے سرکارے ملن حضورے جاناں
 تاج ملوک شاہے نوں سن کے صفت شنا جنے دی
 لگی چمک اندر وچہ بہتی خوبی روپ گھنے دی
 حکم کیتا دربار نے تائیں واسطہ دے سلطانے
 حاضر کرو حضور میرے وچہ اوں غریب جوانے

سیف ملوک اجازت پائی وڑیا جا کچھری
 سبھ مجلس نوں تابش لگی جیونکر دیہنہ دوپہری
 کر کے شرط ادب دی پوری جا سلامی ہویا
 جیہڑی طرح کھلوناں آہا اوے وضع کھلونا
 تاج ملوک دلاے کر کے نیڑے سد بہایا
 کہندا مرد مسافر دسیں دس کھاں کدھروں آیا
 سیف ملوک کہیا سن شاہا سخن نبی دا
 لکھنیا غریب ایتھوں اوڑک کوچ سبھی دا
 تاج ملوک کچھے پھر کپڑا وطن ولایت تیری
 کت سبب ہوویں پردیسی پہنٹوں جانی میری
 سیف ملوک جواب سنندا میں ہاں شہر مصر تھیں
 قصہ میرا بہت لمیرا نکل پیوں جیوں گھر تھیں
 بنی مصیبت بھاری مینوں کئی قصبے جھاگے
 باراں برس ہوئے میں پھر دے تاں پہنوس اس جاگے
 ندیاں نیر سمندر ٹاپو نیلے جنگل باراں
 جو ہیں تے کوہ قاف بلائیں ڈھکی عجب ہزاراں
 سیف ملوک دی گل سن کے شاہ لگا فرماون
 سن توں شیر جوان بہادر سخن تیرے من بھاون
 سراندیپ شہر دا والی ہے اک بھائی میرا
 اس گھر دھی پیاری آہی حوروں حسن گھنیرا
 باراں برس ہوئے اس چھپیاں چائی کسے بلائی
 اس دا پتہ نشانی کوئی اج دن تیک نہ آئی

ناں وسن بجھ نہ ظن کسے تے عاری ہاں تدبیروں
 توں بھی بہتیں جائیں پھریا ہیں بھی سگھڑ وزیروں
 نہ کوئی کھوج نشانی لدھی ایسی آفت چکی
 اکی خبر نہیں اج توڑی زندگی یا مر کی
 تھاں کو تھاں ڈٹھے مدھ چندیں دیو دیوا ندیاں جائیں
 مت کوئی معلم ہوئے تینوں پتہ اسانوں پائیں
 سیف ملوک کچھے کی آبا نام اوہدا میں پاواں
 تاج ملوک کہیا ہے اس دا ملکہ خاتوں نانواں
 شاہزادے فرمایا شاہا ہووے مبارک تینوں
 ملکہ خاتوں چنگی بھلی خبر پکی ایہہ مینوں
 تاج ملوک کہیا دی جلدی ہے اوہ کیہڑی جائی
 تیرے اسیں غلام ہوواں گے جے سانوں ہتھ آئی
 سیف ملوک کہیا سن شاہا ہے نیڑے اوہ رانی
 باہر شہروں ندی کنارے ویکھو جائی فلانی
 تاج ملوک ہویاں دل خوشیاں سن کے خبر جگر دی
 تے تا طبیعت اٹھی ساعت صبر نہ کر دی
 سنے وزیراں خدمت گاراں ٹریا اٹھ شتابی
 اوس پتے تے ڈھونڈن لگا جا کنارہ آبی
 لشکر فوج رہیا سبھ کچھے شاہ نوں چا مل چایا
 اک اکلا بھجدا بھجدا اس جائی پر آیا
 اگوں ملکہ نظری آئی تاج ملوکے تائیں
 اٹھ سلام کریدی چاچے رنی پا کہائیں

چاچے نے گل لائی بیٹی دوئے ہنچوں روندے
 شکر الحمد گزارن رب دا صدقے صدقے ہوندے
 تاج ملوک نہ میوے جامے بدن پھنڈا یا شادی
 میر وزیر رلے آپچھوں ہوئی مبارک بادی
 ملکہ نوں پوشاک لوائی زیور بادشہانہ
 ڈولی پاگھراں نوں چلے پھر یا نیک زمانہ
 خوشیاں دے دروازے کھلے مارے طاق غماں دے
 ڈولی اتوں مہراں موتی صدقے سعدے جانڈے
 حرماں اندر خبراں گیاں کرماں موج اٹھائی
 استقبال کرو اٹھ سبھے ملکہ خاتوں آنی
 ہر بیغم ہر گولی بی بی نوہاں دھیاں بھیناں
 میر وزیر سبھس دیاں حرماں لازم ہويا دیناں
 استقبال اوہدے نوں ڈولے شہروں باہر آوے
 زیور زیب شہانہ یار وانت نہ کیتا جائے
 باہیاں سونے چاندی آہیاں خوب اچھاڑ بناتی
 کلس کنارے جھل مل کردے سچے موتی ذاتی
 ڈولی ویکھ اس ڈولے یارو ڈولے چت دلیراں
 تک بابت دل رہے نہ ثابت بچھدی شیراں شیراں
 ماسی پچھپی چاچی تائی بھیناں سنگ سیاں
 رو رو ملکہ دے گل مل کے لے گھراں نوں گیاں
 شادی دے شدیانے وجے ملی مبارکبادی
 گنی گواتی رب لیاندی پھر ملکہ شہزادی

ہر سوانی بی بی رانی دھانی لے نذرانے
 زیور بیور نقد ترپور گلپیس رے شہانے
 کر عزت اکرام ہزاراں مال تمام آئینے
 ملکہ خاتون اندر آندہی ٹھنڈی پئی وچہ سینے
 تحت اتے شاہزادی تائیں گھر دے لوک بہان
 مڑ مڑ پھیر ہٹھاں سی ٹھنڈی جے سو گڑا ٹھال
 ٹپکھن لگے گل سفر دی بی بی دس کہانی
 باراں برس ہوئے مدھ چھپیاں کس کس طرح دہانی
 کی کجھ قید مصیبت جھاگی کیڈک رنج سفر دے
 لیکر رب خلاصی بخشی آئیں طرف اس گھر دے
 اسیں فراق تیر یوچہ روندے نیناں نیند نہ پائی
 رب معلم کی جانے عالم ظالم روگ جدائی
 بابل مائی بھینان بھائی رات وہاں مدھ روندے
 جے کجھ پتہ انہاں نو لبھدا سبھ تصدق ہوندے
 کوکھ مائی دی تیری جانی دکھ بھرے سکھ بھاگے
 چٹا پونی رنگ ہویا سوسک ہوئی جیوں دھاگے
 کھاوون لاوون بھاوون ناہیں جاوون جگر جنہاندے
 ماپے کرن ساپے دل وچہ رہندے تاپے ماندے
 سیاں مدھ بن نگھر گیان ملیاں میخاں جھکیاں
 اک مویاں اک ہویاں خفتی اک جو بن دے دکیاں
 اندر داغ وچھوڑے والے کالے وانگن لالے
 رنگ پہناوا وانگ پشاکان جگر وچوں پر کالے

ہسن کھیڈن سوہلے گاؤں سیس گنداؤں بھلے
 جھلیاں ہوياں گلیاں اندر چلیاں نے سر کھلے
 سرمہ پاؤں مہندی لاؤں وٹاں تیل ملاؤں
 ٹکا دھڑی دنداسہ شیشہ ماسہ کسی نہ بھاؤں
 وین کرن دن رین غماں دے جین گیا سبھ سنگوں
 جس گھر شمع نہیں کد ملکہ مجلس ہوئی پتنگوں
 تیر تیرے دا چیر کیجے دیر پھرن جیون پھلے
 تنگ حیاتوں آکھن داتوں اے ملکہ خاتوں پے
 درد فراق تیرے جو ملکہ کیتی بھاء اساڈے
 گذر گئی جس ہونان آہا مار سہائی ڈاڈے
 خبر نہیں سر تیرے اتے کیکر کیوں دہانی !
 کت سبب خلاصی ہوئی دیس کھول کہانی
 ملکہ کھول سنایا قصہ دفتر پھول غماں دا
 رب سبب بنایا مینوں سیف ملو کے آندا
 ظالم دیو وڈے دی قیدوں اس دیرے چھڑکائی
 حکم ربے دا ہمت اس دی ہور سبب نہ کائی
 جیہڑی نال میرے اس کیتی جاندی نہیں مکانی
 کرنی اس دی مینوں دس دی قیمت کون چکائی
 سکے بھائی ماں پو جائے نہیں مینوں اس جیہے
 جس نے میرے کارنگیتے کارن سخت ادیہے
 وال اہدے توں گھول گھمائے سے بھائی لکھ بھیناں
 سر بھی کٹ تئی تے رکھاں جے اس ہووے لیناں

جس قیدوں چھڑکایا اس نے میں نمائی تائیں
 جنگ ننگ ہویا سنگ دیوے کیتوس مارا ضاعیں
 سکیاں بھائیاں والی نظرے رہیا میرپول تکدا
 ساہویں اکھ نہ کرے حیاؤں اچا بول نہ سکدا
 جے کجھ خوبی اس نے کیتی ہور نہیں کوئی کردا
 جے کوئی سکا میرا ہوئی رہی اس دا بردا
 اس دا حق مکاوں جوگی نہیں میری گل ساری
 میں پر ہے وڈیائی اس دی حدوں بیشاری
 سیف ملوک اہدا ہے ناداں مصر شہر دا والی
 ویر اصل دھرم دا بھائی ہر ہر عیبوں خالی
 مینوں پھڑ پھڑ تخت بہالو اس بن کیکر بہساں
 جاں جاں اوہ ولشاد نہ ہووے میں دکھیری رہساں
 تاج ملوک سنی گل ساری جو ملکہ فرمائی
 سیف ملوک سدایا محلیں بہت کیتی وڈیائی
 نوباں دھیان حرماں تائیں سبھناں نوں فرمایا
 سیف ملوکوں منہ نہ کجہ جانوں ماں پیو جایا
 نہ کوئی بی بی چھپے اس تھیں نہ کوئی پردہ تانے
 ایہ فرزندائے نالوں چنگا ہے اساڈے بھانے
 ملکہ خاتوں بیٹی ساڈی اس تھیں کیہڑی چنگی
 اس نے اس نوں ویر بنایا دور کیتی دو رنگی
 تاج ملوک تخت تے بیٹھا وھڑا فرش سہایا
 سیف ملوک برابر اپنے سجے پاس بہایا

کہے پاسے ملکہ خاتون بیٹھی ہو خوشحالی
 شکر ہزاراں سارے کرم کیتا رب والی
 سرخ شرب یا قوت پیالے آن ہوئے پھر حاضر
 تر ت باورچی جا نکائے کھانے مادر مادر
 شربت مٹھے پین پیالے ہو شراب پرانے
 کھان پلا کباب فلووے رنگ رنگاں دے کھانے
 عشرت عیش ہوئی سبھ حاصل کجھ نہ رہیا باقی
 خوش آواز سرد الاپن سوہنے مطرب ساقی
 بارھیں برسیں ڈبا ہیرا مولے بنے لایا
 جیو جیو خوشی مراداں اندر ہو یا چین سوایا
 سیف ملوکے پکار نہ کردا آس رے ول لایا
 پراند روچہ داغ پری دا دھوتا مول نہ جاوے
 موہوں کوک پکار نہ کردا آس رے ول لایا
 ایسے درد پچاون ہمدے واہ مراداں دیا
 پیون کھاوں سندے گاوں خوشی کماوں سارے
 فضاں دے دروازے کھلے طاق قبر دے مارے
 کاغذ لکھ دوڑایا قاصد سراندیپ شہروں
 خیر خوشی دی خبر پچانی ملکہ جیو دے گھروں
 سیف ملوک شہزادے اتے تاج ملوک تروٹھا
 کرے تواضع باہر حدوں گرد احسانے کٹھا
 راتیں دینہاں خوشیاں کر دے ہر دم دل پرچاون
 سیف ملوک شہزادے اتوں صدقے ہو ہو جاوں

شمع جلان پلان پیالے مجلس لان پیارے
 عطر عیبر گلاب صندل دے بہت کرن چھنکارے
 عود وجود جلانے آتش بود نابود بنائے
 درد اپنا دے سوز دوائے دا دل خوشنود کرائے
 تار ستارست تار بجائے واہ ستار چتارے
 کھول دتے رب باب کرم دے چنگ رباب پکارے
 سارنگیاں سارنگ الاپن ایسا رنگ بنایا
 طلبے پر خوشبو خوشی تھیں خالی پیٹ پھولایا
 تازی رات خوشی دی تازی مارے خوب پٹاکے
 چمکے چمکے چانی کہندی چھڈو ہور لٹا کے
 ہر اک دل خوشیاں موجاں غم نہ آہا ماسہ
 سیف ملوکے دا دل گھائل باہروں کوڑا ہاسہ
 پین شراب شتاب پیالے کر دی نقل کبابوں
 دس راتیں دس روز گزارے خوشیاں باہر حسابوں
 محال اندر دوائے شہزادے مان عیشاں موجاں
 آدر بار تحت پر بہندے کرن سلامی فوجاں
 رہے شراب کباب ربا میں دس دن تے دس لیاں
 بعد اس تھیں نت رہندے آہے وچہ خوشی دیاں سیلاں
 جاں کوئی روز گذشتہ ہوئے کردے عیش جوانی
 تاج ملوک خوشی کر اک دن کرن لگا مہمانی
 سبھ فوجاں کروایاں موجاں عیداں خدمتگاراں
 سیف ملوکے نوں پھیر دیندا دولت مال ہزاراں

لکھ خزانے بھرے وہاں زبور ہور شہانے
 کئی پوشاکاں سچیاں پاکاں زین اسباب ترانے
 کوتل ہور پنجاہ دتے سن مال اسباب سنہری
 پوزی کفنی جھلمل کر دی جیوں کر دینھ دوپہری
 ساخت تنی لگام رکاباں کلمے رے سارے
 سونے موتی مال جڑاؤ کوتل خوب سنگارے
 وہتر ہور بلیوے والے گونٹ خچر اوٹھ گھوڑے
 جامے بہت دتے زرکاری زرہاں کفنی توڑے
 ہاتھی کئی عماری والے بہتے خونی جنگلی
 چھوکریاں تے گولے دتے روجی ختنی زنگی !
 ہندی آن اداواں والے پتلے لک جنہاں دے
 بولی خوب طبیعت ہولی لک ترن ول کھاندے
 سینے سنک تے انگ پکے سن سانوڑے رنگ سوہنے
 مور چکورتے ٹور کہگاں دی چور دلاں نول موہنے
 چینی لونڈے روپاں والے مکھ سوہے گل لالے
 بدن صفائی چین نہ کائی چمکن چین پیالے
 نفر خطائی ناں خط آئی دس پاک خطائیوں
 ذرا خطائی کسے نہ جانی راس سچن ہر جابیوں
 نقش چگل دے میوے دل دے حسن بسنت بہاراں
 رنگا رنگ پھلاں دی صورت کر دے قید ہزاراں
 زگس نمین سیاہ کشمیری بن پیتے متوارے
 مرگ نیناں دیاں شاخاں جڑ کے شیر جھاں پھڑناے

رومی شوخ چلاک لڈ کے جو ہتھ آون چرکے
 اگے آئے بھی چھٹ جاون روم کھلن دے پھرکے
 سیف ملوکے تائیں دتے خدمت گار ایسے
 تنبو نیچے ہور قناتاں انت حساب نہ ریے
 لعل جواہر مانک موتی دولت مال خزانہ
 بخشے سیف ملوکے تائیں جو ہتھیار شہانہ
 تاج ملوک اونوں دن راتیں رکھا کول بہالیں
 ہر بذیر صلاح عقل دی اس نوں کہے دسا لیں
 سیف ملوکے نوں رکھ کولے رہندا دل پر چاندا
 قصے عشق محبت والے آہانت سناندا
 خاطر جمع تسلی دے کے شاد رکھے دل اس دا
 جاں صاعد چت آوے اس نوں کرو غماندی کسدا
 دل سی سنجے بیر بھجدا وانگ کباباں
 سرد آہیں تے سینہ تا اکھیں بھریاں ڈاباں
 پرتے پاس اوساس چلاوے رہے اداس نماں
 بے غم ہو نہ ہسے کھیڈے نت دے کلماتاں
 لانر انگ ہو یا رنگ پیلا تنگ رہے دن راتیں
 ہر دم صاعد یاد کریندا جاں کوئی لاوے باتیں

کہ جواہر جلاک لڈ کے جو ہتھ آون چرکے

جے اس نوں وچہ اگی سٹاں ساعت ڈھل نہ لاوے
 خواہش میری کارن جلدی اپنی جان جلاوے
 حکم میرے تھیں مکھ نہ موڑے توڑے سر دھڑ منگاں
 ہتھیں بدھیں رہے کھلوتا بھاویں سکھن ٹنگاں
 ہک دو جے تھیں جدا نہ ہوندے دو جسے ہک جندے
 اٹھے پہرور اگے مددے گل لگ بندے بندے
 پایا رب وچھوڑا سانوں جان جگر نوں چوڑا !
 نہ کجھ خبر نہ سکھ سنیہا دکھ نہیں ایہہ تھوڑا
 کی کجھ رنج مصیبت ہوی یار میرے سر آئی
 میری اس نوں اس دی مینوں ہرگز خبر نہ کافی
 خبر نہیں ہن وچہ حیاتی سانوں رب ملائی
 یا اس داغ وچھوڑے اندر سکدیاں جند جاسی
 کانگ طوفان سمندر اندر صاعدا یار روہڑیا
 رب ملاوے تاہیں ملیے لبھدا نہیں لوڑیا
 مگرچھ ہزار بلائیں سپ سنسار ندی دے
 کیونکر بچیا ہوی اندر مشکل بے حدی دے
 پھیر کہے اوہ رکھن والا مینوں جس بچایا
 جے اس نوں بھی رکھیا ہووس نہیں تعجب آیا
 نوح نبی دا وچہ طوفانے بیڑا ٹانگ لگایوس
 یونس پیٹ مچھی دے اندر راس امان بچایوس
 ابراہیم خلیل چناتے اگ کوہاں وچہ گھگھتی
 رکھن والا راکھا ہو یا سیک نہ لگا رتی

رب سچے نوں سبھ توفیقاں جس رکھے سو رہندا
 توڑے سے گزراں دے پانی رہے سرے توں وہندا
 یارب سائیاں بھائی میرا صاعد نام پیارا
 جے ہک وار لاویں خیریں تیرا فضل نیارا
 اوہ بھی کوئی دہاڑا ہوی جس دن صاعد مجلس
 مجلسی واء مراداں والی کلی امیدیں کھلسی
 ویکھاں گا دیدار پیارا صاعد اتے صنم دا
 یا اینویں مر جا ساں سکدا کی بھروسہ دم دا
 گھوڑے جوڑے دولت مایہ راج حکومت شاہی
 سنگ بناں کوئی رنگ نہ لادے تگ کرے گل پھابی
 پیدا ہویا قصبے جوگا میں دکھیاں جمدا
 کس دہاڑے نظری پوسی ساتھی ذی سلم دا
 ظالم عشق پری دا سینے تیز انبوہ بابے
 دوجا گھا وچھوڑے والے صاعد جانی ڈاکے
 جے اوہ یار پیارا بھائی کول میرے اج ہوندا
 دکھ قصبے ویکھ بجن دے بنجوں بھر بھر روندنا
 جاں ہن رب کشائش کیتی میں پہتا اس جانی
 عشرت عیش سکھاندی تاہیں جاں رل بہندے بھائی
 مولی پاک وچھوڑا پایا کون اساں ہن میلے
 پھیر اوے در کوک محمد کرم کرے اس ویلے
 میں اج موجاں عیشاں اندر عشقے باہجہ نہ جھورا
 پرایہ راج حکومت خوشیاں لذت دین نہ بھورا

خبر نہیں اوہ صاعد جانی یار پیارا بھائی
 کس مصیبت بھاری اندر ہوسی کیہڑی جانی
 ہے صاعد رب خیری مہری سانوں جھب ملائے
 جس جانی ہیں اوتھے تیرا سکھیں وقت لنگھائے
 برادر اک تیرے میں تایا مدت بہت دہائی
 درد فراق و ساری مینوں اپنی دکھ کہانی
 جیکھ سر میرے تے ورتے سفر قصبے بھارے
 پرہن غم فراق تیرے دے سکھو ہور وسارے
 دولت مایا سبھ کجھ لدھا کی نہ رہیا کائی
 پیران پیٹھ شہزادے پھر دے خدمت کرے لگائی
 پر مینوں کجھ بھامے ناہیں دن دن ہاں دکھیارا
 رو رو عرض کراں رب میلے صاعد یار پیارا
 ایسے طرح شہزادے اوتھے کوئی دن بیٹھ گزارے
 لوکاں بھانے موجاں مانے دل اس دے دکھ بھارے
 میر وزیر تمامی لشکر تاج ملوکے سدا
 سیف ملوک اگے ہر ہر سی ہتھیں بدھیں بندا
 سبھناں بہت پیارا لگے ہر کوئی عاشق اسدا
 جو تکے سو اٹھ نہ سکے ہر اک دا دل مرا

غل عتقا

واسطہ دے سبھ وں والے شہری لوک گرائیں
 بہت عزیز پیارا جانن سیف ملوکے تائیں
 گلوں کرین گلان محمد آن چڑھیں جد گھوڑے
 شاعر تے دریا دوہاں دے وہن نہیں رب توڑے
 القصہ جو قاصد آبا سراندیپ وگایا !
 راتیں دے اڈیکن اس نوں ایہ آیا کہ آیا
 قاصد جا اخبار پوچانی سراندیپ شہر وچہ
 ملکہ خاتوں وا پیو آیا شاہنشاہ نگر وچہ
 عجائب الملوک اوہدا سی بادشاہاں وچہ ناداں
 شوکت شان اوہیدی یارو کی کجھ گل سناواں
 رستم سام سکندر ثانی دولت سی بہرامی
 کیخسر و جمشید فریدیوں کم دے ویکھ غلامی
 عزت مال ملک وا سائیں قید کیتا تقدیراں
 بیٹی دے غم مار گویا بیٹھا وانگ زہیراں
 اک جانی دی پئی جدائی ایہ افسوس نہ جانی
 دوج انگ ناموس نہ رہیا دھی جوان کھڑائی
 سو پتر پردیس جاوں لے کے دیس نکالا
 ماؤ پیو لوں مہناں ناہیں ناں وٹا منہ کالا
 جے بک دھی چھپاوے کدھرے چور قضائی والا
 بھلیاں دی پت رہندی ناہیں کہندا لوک بدالا
 نموں جہان غماں وچہ بہندا ملکہ وا پیو وائے
 رات وہاں غمناک شرم تھیں کدے نہ ہوندا قائم

ملکہ خاتوں دا غم اونہاں کھا گیا دل بکے
 پایاں دے رنگ پیلے ہوئے تیلے وانگر سکے
 اٹھے پہر غماں وچ رہندے سکھ دا سما نہ لیندے
 دم دم نال چلاون آہیں ہنجوں نالے دہندے
 سکے کھیت خوشی دے اتے اچن چیت اسمانوں
 کھریوں رحمت دا بینہ ودھا فضل ہویا رحمانوں
 جوتنکر ڈبی جنج بدھی دی حضرت پیر ترانی
 تیویں ملکہ خاتوں والی خبر انہاں گھر آئی
 قاصد جا اخبار پہنچائی جو جو آھیں ڈھکی
 نالے کھول رکھی شاہ اگے ویر سکے دی چٹھی
 چھٹی واج ہویا شاہ راضی دفع کیتے رب جھورے
 محال حرام اندر سارے سکھ سینے ٹورے
 گھر گھر اندر شادی ہوئی سراندیپ شہر وچ
 ناپے بھین بھرا قبیلے آئے خوشی لہر وچ
 استقبال اوہدے نوں چلے ملکہ دا پیو مانی
 نالے میر وزیر اکابر سارے ساک اشنائی !
 واسطہ دل روانہ ہوئے قاصد گیا اگیرے
 تاج ملوک تائیں جا کہندا سن شہنشاہ میرے
 ایہ تک آیا بھائی ترا لشکر نال ہزاراں
 حرم قبیلے نال تمامی انت نہ ناطے داراں
 سیف ملوک شہزادے تائیں استقبال کریندے
 سراندیپ شہر دے سارے آون صدقے دیندے

تاج ملوک شہزادہ ٹریا اگوں ملن انہاں نوں
 سیف ملوک سخی تے ملکہ کھڑیا نال دوہاں نوں
 ہور وڈے امراء اکابر عزت والے سارے
 میلے کارن چلے اگیرے جاگے بھاگ نیارے
 دوہاں دلاں تھیں ٹر دے آہے آن ملے اک جانی
 خوشیں ملنے دی گل ساری جاندی نہیں سنائی
 ہک دوجے گل لا لا ملدے شاہ امیر تمامی
 سراندیپ شہر وا والی لئے مبارک کامی
 ملکہ نوں گل لاکے رنے مانی باپ ہمیرے
 مانی کہندی گھول گھمائی سر چمے ہتھ پھیرے
 خویش قبیلہ بھیناں بھائی قوم رلی سی ساری
 ملکہ اتے صدقے جاوَن مل مل وارو واری !
 شکر بجا لیاوَن رب وا کہندے حمد ثنائیں
 گئی گواتی جس ملائی واہ اساڈا سہائیں
 سیف ملوک شہزادے اگے ہوئے پھیر سلامی
 شاہ امیر کبیر تمامی کر کے رسم علامی
 وارو وار ملن سر کردے سر کردے قربانی
 لاکھ ہزاراں کرن ثناراں دنیاں زر کافی
 اک

ایسے وکے شہزادے اتے انت نہ کیتا جاوے
سرا ندیپ شہر دے سارے پھڑ پھڑ لین کلاوے
کر عزت تعظیم ہزاراں جاہ جلال گھنیرا !
تاج ملوے دے گھر آیا سبھ اکٹھا ڈیرا
عشرت عیش فراغت اندر ہو بیٹھے مشغولی
بھین بھرا امراء اکابر کٹھی قوم سمولی
تاج ملوگ کہانی ساری سیف ملو کے والی
افوں لے لگ یئی توڑیں زیروں زیر و سالی
جزم اوہدی کر نقطہ نقطہ پیش قضیے شدداں
پانی فتح غیماں اوپر صنم عاصم دیاں مداں
عشق بدیع جمال پری دا شاہ مہرے دی خوبی
اول آخر تیک سنایا غلبہ تے مغلوبی
ملکہ نال مروت اس دی پاکی غیر دیلاں
نالے دے گواہی ملکہ مرد شریف اسیلاں
علم حیا پرہیز صفائی قوت صدق دلیری
سے مرداں تھیں وڈا دایا سے شیراں تھیں شیریں
سے دیواں پر غالب ہوی ایس جنے تے باور
سے ماراں سنساراں اتے ہے تحقیق زور آور

آفت ہور سنسار وڈیرا ما ندی وچہ پایا
 لوہو جس دے نال تمامی دریا ٹھائیں آیا
 میں دو برس ہوئے سنگ اسدے وچہ اجڑاں نیراں
 رتی میل نہ ڈھکی اس وچہ وا نگر سکیاں ویراں
 ماں پو خویش قبیلے تائیں ملکہ نے گل دی
 سب شہابا احسنت پکارن واہ شہزادہ حبسی
 ایسا صدق محبت والا صاحب درد الم وا
 عالی ہمت مرد وفائی گھٹ زمیں پر جمدا
 عجب طریقہ محکم اس وا دنیا وچہ نیارا
 ایسی سیرت ایسی صورت واہ واہ سر جہارا
 آفرین پکارن سارے عشقے عشقے شہابا
 دونویں شاہ دلاسا کروئے حدوں بے حسایا
 دھن بابل توں بیٹا جس داو دنیا اندر ناور
 عاشق صادق عالم متقی سگہر دلیر بہادر
 ملکہ خاتوں وا پو اس نوں دم دم نال ودہاے
 کہندا بیٹا سیف ملوکا جو مدھ کرم کماے
 ساڈے تھیں ہک آوے کیکر ایہ تیری بھلیانی
 بندہ زادی اپنی ملکہ توں قیدوں چھڑکائی
 نیکی مہر مروت تیری جیکر چاہیا مولی
 میں بھی کجھ مکاساں بیٹا نال طریقہ اولی
 کیستی تیری کتے نہ جا سی اجر دیویگا سائیں
 جی کجھ وں اساڈا ہوئی لاساں اوتھے تائیں

ایہ گلاں کر ہوئے باندے کیتی پھیر تیاری
 سراندیپ شہر نوں چلی بنی تنی اسواری
 ملکہ خاتون تے شاہزادہ سیف ملوک بدیسی
 اوہ بھی نالے چاہڑ لیونے رب مراداں دیسی
 سراندیپ شہر دے نیڑے جاں منزل پر آے
 ملکہ خاتون دے پیو اگے قاصد ترت وگائے
 دتا حکم وزیراں تائیں جائیں خوب سہاؤ
 ہر کوچے بازار باغیچے بنت بناء بناؤ
 ہر صفے ہر محل چہارے جادر بار شہانے
 جھاڑو دے چھنکار کراؤ کریو زیب یگانے
 کنجراتے کلونت میراثی بھاٹ سمجھو ہور سازی
 سوہنے ہور شہر دے سارے بانک بناون تازی
 فوجاں لشکر بھاڈے سارے کرن تیار الیماں
 سیف ملوک شہزادے اگے ہل کرن تعظیماں !
 ہر بازی گر بھگتے سارے رنگ رنگ تماٹے
 ہور عجائب چیزاں نالے دانے بے تحاشے
 عالم فضل ملاں قاضی مفتی قاری سارے
 استقبال کرن آ اگے سیف ملوک پیارے
 جیوں کر حکم شہانہ آبا سبھ بجا لیاندا
 ہر نغمہ ہر ساز ہر سوہنا شہروں باہر آندا
 ہاتھی لا سندھور بنائے کتنے اٹھ سنگارے
 تازی زین مرصع کر کے کوتل آن کھلارے

گڈاں بہاں پنیں ہو وج پالکیاں تے خاصے
ہور چہندان اوچھاڑ بناتی چھتر سنہری خاصے
کھڑ کھڑیاں سے کھڑیاں اگے جا کر ہویا کھڑیاں
کھینچے لاء کرپچی جیونکر ساون ہاٹھاں چڑھیاں
میل کاٹھ تے بگھی رتھ سی تیج گڑے تے یکے
اشتر گاڈی تے بزگاڈی ہور کئی کم پکے
فوجاں لشکر رنگ برنگی سبھ سوار پیادے
میر وزیر شہزادے کیستے خوب سوداگر زاوے
سوچنے سندر بانکے سارے لا لباس سنگارے
مارن اکھ رکھن وچہ پڑے تک تک ڈھین ستارے
زیور حسن انہاندے کولوں جھلک لگی آسماناں
گاؤں ساز بجاوں سازی نغمہ ناچ تراناں
ہور زور آور کشتی والے لٹھے مل اکھاڑے
ڈنڈ سروتے کردے پکڑاں ہک دوئے تھیں چاڑے
کلا جنگ ہک کرے شتابی تھا تنگ ہک کردا
ہک چائے ہک اگے آنے روم پھرے ہک مردا
دھوبی پڑا کر ہک سٹے ہک بنگڑی کر بھنے
ہک گروں تے کرے سواری دو جانو ہندر بھنے
تیر انداز سوار بہارور نیزہ سیاہی
کرن قواعد آپو اپنی جمع ہوئی سبھ شاہی
سیف ملوک شہزادے کارن ہویا تیار الیماں
کی حساب سناواں یارو سے اسباب عظیمیاں !

سیف ملوک اگے ونج ہوئے حاضر سبھ تماٹ
 لے سلامی میر شہزادے افسر بے تماٹ
 ملکہ تے شہزادے اتے صدقے کرن نثاراں
 چھم چھم برسن چے موتی جیونکر مینہ بہاراں
 تحت اتے شاہزادہ بیٹھا خلقت چائیں چاندی
 نغے ناچ اگے سے بحرے چمکے سونا چاندی
 سراندیپ شہر دے سوہنے ہک تھیں ہک سویا
 صفاں بنا کھلوتے آہے جدوں شہزادہ آیا
 آب گئی بیتاب دسیندے ہوئے شتاب سلامی
 جیونکر مصر شہر وچہ یوسف کجے حسن تمامی
 جیوں کنعانی مصر شہر دے سوہنے خاک کیتے سن
 اس مصری نے سراندیپ قند چچاک کیتے سن !
 ملکہ خاتوں جس وچہ آہی اوں کجاوے اگے
 ناچ تماٹ تے سر صدقے وہل نہیں ہتھ لگے
 شوکت شان اجیہی کر دے آن شہر وچہ پہتے
 انت حساب شماروں باہر دے سر صدقے بتے
 سراندیپ شہر والی نال لئی شاہزادے
 عالی تحت اپنے تے آیا دل وچہ خوشی زیادے

یوز ہزار شکار آزمودے چیتے چیتے والے
 ہور ہزار شکاری کتے مارن مرگ سکھالے
 ثبو خیمے سرخ قناتاں مل جہاندے بھارے
 ستر ستر اشتر شتر لدے زر دے سارے
 ست صندوق زمرہ موتی لعل جواہر ہیرے
 چالی ہور صندوق پوشاکاں رخت قماش ذخیرے
 ایہ سبھ چیزاں شاہزادے نوں دتیاں کر نذرانہ
 جو جو چیز پسندی آئی سارا ڈھونڈ خزانہ
 سنج اسباب ہتھیار فولاوی جو لائق سلطاناں
 اڈھو اڈھو دتا وڈ سارا بادشاہی سمیاناں
 اڈھو اڈھو دنوں ہو راضی باہجوں عذر بہانے
 سیف ملوک نوں وڈ دتے ملک سپاہ خزانے
 سراندیپ شہر دا والی دے سکے دان زیادے
 بدھیں ہتھیں عذر منیندا کہندا سن شاہزادے
 جو تڈھ ملکہ پچھے جھلی رنج مصیبت دونی
 حق تیرا اوہ مکدا ناہیں گوہڑے وچوں پونی
 کر کے کرم سخاوت بیٹا بخشیش وادھا سارا
 اگوں بھی میں نوکر تیرا نہ کجھ عذر نہ چارا

جسے سارا تیرا لہو ملے امیر تیرا ٹھہرے

سیف ملوک تخت توں اٹھ کے کرن لگا تسلیمیاں
 دے جواب اس گل اوبھیدا وانگ اکیل حلیمیاں
 جیونکر رسم رسوم شہانی کر کے ادب آداباں
 سیف ملوکے راضی کیتا شاہ نوں نال جواباں
 تاں پھر ملکہ دا پیو ہتھوں شاہزادے تے وکیا
 بخشی جاء علیحدی جتھے رہے سکھلا نکلیا
 ماڑی خاص شہانی جو سی اپنے پیٹھن والی
 اوتھے فرش سنہری کیتے مانجے وانگن تھالی
 وچہ سونے دا تخت وچھایا لعل جواہر جڑیا
 مجلس کارن نرم غلچے انت نہ آوے اڑیا
 ماڑی دی تعریف نہ ہووے کی گل کراں زبانوں
 دھرتی اتے آبی یارو مثل بنی آسمانوں
 چھت پرت کیتی استادان ہر ہر تھان ہزاراں
 بولے تے پھل کھیل رنگاں دے باغ بہشت بہاراں
 شیشے لاون جھلک چو طرفے موتی لٹکن چھجے
 نقش نگار صفائی صفاں وہڑے رونق رے
 سیف ملوکے دا اس جانی خوب سہایا وڈیرا
 لدھا شاہی راج حکومت اگلیوں کجھ ودھیرا
 سراندیپ نگر دا والی کول اوبھے نت آوے
 بہت خوشامد خاطر کردا کھیڈیں چت بھلاوے
 چوہٹ گھنے تے شطرنجوں ہس ہس کر دے بازی
 بد رنگوں رب رنگ بنایا برسا بولی تازی

پہلے ہتھ اٹھاراں اٹھے چھپ گئے ترے کالے
 پنچے چھکے دوئے پوئے سبھ آون من بھانے
 ست ست واراں پن ستاراں دا رکھے جدا سدا
 شاہزادے نوں شہ نہ آوے نہ جگ بھلے کسدا
 ترہیرے داء رکھاوے پاسا چھ ترے پنچ دو بھائی
 نالے پنچیں چوہیں اوتھے بند نہ پوندی کافی !
 تجھے دوئے تجھے چار اٹھاوے پون ہاراں تے تیراں
 کچے بھی ہو جاوے کچے جگ میلن کھڈ چیراں
 پنجرے چھکے جے لا چاروں وار کھن ترے پنچے
 بدھے باہجھ لیاوے ساراں سچ دے کالے گنجے
 عاشق نرگوں پے پے نکلے کتنی کتنی واراں
 رنگوں چا بد رنگ بنائے جھڈ نکلے گھر ہاراں
 سنگ قبیلے رنگ اپنے تھیں ماری دا اٹھ کدوا
 ہر خانے ہر پاسے گردے دھکے کھانڈ پھروا
 کدھرے ہوندا قید نماں کدھرے وت مریدا
 جاں رب سچا کرے محمد پک کے واصل تھیندا
 کدے شہزادہ کرے مطالعہ دفتر علم کلاموں
 کدے کچھری لا عدالت کردا خاصوں عاموں
 کدے ہکلا بیٹھ سکھلا کردا عیش اندر دے
 گاندھی شیشے بھر بھر لاوے ہر ہر قسم عطر دے
 ساقی وانگ شراب پیالے مکھ رسن گل لالے
 ہتھ صراحی نور صبا کی کاسے پور پیالے

عیش شرابوں نقل کبابوں تار کھنکار ربابوں
 ساقی مطرب ہر اک ٹوٹا خورشیدوں ماہتابوں
 چھوکریاں وچہ خدمت حاضر لونڈے ہوئے ریشے
 سمجھو سن ان ودھے موتی صاف بدن جیوں شیشے
 کول رہے سلطان ملک دا ساعت مول نہ دے
 صبر آرام نہ آوےن جاں جاں سیف ملوک نہ دے
 جاں شہزادہ ہووے اداسی آپ غزل کوئی گاوے
 سننے والے رہن نہ ثابت ہوش تماں جاوے
 جدوں نشے دی مشتی اندر آپ سر دوا لاپے
 دانے لوک ہوون دیوانے رو رو کرن سیاپے
 جاں پھر یاد پوکے اس صاعد نام اوہدالے روندے
 آہیں ڈھا ہیں مار شہزادہ نیلا پیلا ہوندا
 ہو بیتاب پلنگ پر ڈھیندا طاقت رہے نہ جسے
 تیغ فراق بجن دی کولوں پل پل اندر کسے
 شاہ ملک داتے ہوئے سارے میر وزیر سیانے
 ہون تعجب ویکھ محبت صدق صفا یرانے
 شاباش آفرین ہزاراں ہر کوئی کہے شہزادے
 ایسے مرد انصاف والے ہوسن نہیں زیادے
 بک پری دی مورت تک کے گھر در شاہی چھڈی
 چوداں برس سرے پر جھلے رنج مصیبت وڈی
 اوس گلوں بھی مڑا نا ہیں چلا اگیرے جاندا
 پھر ملکہ نے ویر بلایا اس نوں بھی گھر آندا

پھر جو یار پیارا بھائی صاعد نام کوئی ہے
 اوس بن گھڑی آرام نہ اس نوں ہر دم یاد سوائی ہے
 ہر ہر پاسے صدقوں پکا اہل وفا یگانہ
 گھٹ گھٹ پیدا کرسی یارو ایسے پت زمانہ
 ملکہ خاتوں تے بھین اس دی بدرہ خاتوں رانی
 بدیع جمال سہیلی جس دی شاہ پری من بھانی
 دونوں بھیناں مڑ مڑ آون نالے مال انہادی
 سیف ملوکے کوں لیاون جوٹے اوس سکھادی
 کھانے دانے ہوو پوٹاں شربت رنگ برنگی
 اوس عزیز اگے آرکھن چیز دے جو چنگی
 عشرت عیش سبھو کجھ لدھایا نہ اکھیں ڈٹھا
 جاں جاں یار نہ ملے محمد کجھ نہ گدھا مٹھا
 عاشق نوں ایہ مال خزانے تحت حکومت شاہی
 دلبر باجوں ایویں سدے جیوں چوراں گل پچاہی
 اک دن ہو اواس شہزادہ کہندا ملکہ تائیں
 گدا قرار ہووے گا پورا جاندی عمر ازائیں
 جہاں دے دل جب بجن دی سو کیوں بہن نچلے
 چر فراق ہووے تقدیروں اچرک وں نہ چلے
 جاں پھر وں بجن دی پونے بدھے دہن نہ ٹھلے
 اس شاہی تھیں اس دے کوچے بھلے مینوں دھر کھلے
 جس دل حب پیار بجن دا ہر دم ملایا لوڑے
 کیٹے قول اساڈے ملکہ شاید تساں تروڑے

یا میں تھیں گستاخی ڈھکی یا تسیں کسے ہوڑے
 ضائع عمر ملے بن جاندی جگ جیون دن تھوڑے
 یا ہن یار ملاؤ مینوں قول موہیں دا پالو !
 یا کوئی طرف ولایت اس دی رستہ پندھ دسالو
 تحت ولایت دولت عزت گھر میرے بھی آہی
 سب کجھ چھوڑ پری نوں دیکھن ہويا سمندر راہی
 پھیر تساں اس بادشاہی وچہ کیتا قید دھگانے
 میں دلبر بن سولی اتے عیش تساڈے بھانے
 موجاں مانن نہ میں آیا تحت تساڈے بہہ کے
 پری ملے تاں بہتر نہیں تاں کی لیناں بہول رہ کے
 رخصت کرد اوتے دل مینوں جتول دس بجن دی
 پردیاں سر دیاں کدھرے وانگن کوہ شکن دی
 صدقہ کر جو سیس بجن دیاں قدماں وچہ نہ لایا
 بھارا بھار نکماں دھرتے ایویں رھیا چایا
 یا مرساں یا ترساں کدھرے کرساں سر قربانی
 یا میلو یا ٹور ملکہ جاندی مفت جوانی
 ملکہ خاتون آکھ ساندی منت کرے پھڑ پھراں
 کہندی کرو تحمل بھائی جیوں دھیراں تیوں خیراں
 کیتوئی صبر تحمل اگے چوداں برس لمیرے
 ہو رہن چودہ دن کر جگر آئے بھلے دن تیرے
 صبر پیالہ زہر نوالہ اول مشکل بھارا
 اوڑک نفع اجیہا کردا جیوں تاتیاں پیارا

کوڑا منہ ممبر کروا دہن ہبک ہر لڑاں
پر جاں سنگھوں پیشہ لنگھائیے دفع ہوون کئی پیڑاں
کوڑا کھاؤن سوگن پاؤن مٹھا کھاؤن والے
خون غلیظ ہووے تن روگی تھوڑے رہن سکھالے
چوداں روز صبر کر بھائی جھلیں درد جدائی
بیٹھا پی شراب صبر دا کف غماں دی جانی
تاول نہیں کری دی

دم دم خبر اسانوں آوے عجب جمال پری دی
نور ظہور پری دے کولوں ہو سی دور ہنیرا
سراندیپ ملک وچہ سارے چانن ہوگ ودھیرا
ہوی باغ اسٹاڈے اندر آپریاں دا ڈیرا
مشتاقاں دے بھاگ سوائے جدوں کرے گی پھیرا
گھر در ساڈے ہوگ بہشتوں رونق روپ سوایا
اوہ بھی نوروں نور ہوئے گا جس کس در ہن پایا
جس دیدار نہ دیکھن ہویا نال افسوس جلے گا
عشقیہ باہجر نہ ڈٹھا جا سی عاشق جہال جھلے گا
تو ہیں عاشق خاصہ اوس دا آیوں چھوڑ ولایت
اس کچھ مدھ سرتے جھلی سختی بے نہایت
میں بھی قسم خدا دی کر کے کیتی شرط پکیری
عجب جمال پری دے اگے عرض کراں گی تیری
ماں میری تے بدرہ خاتون اوہ بھی کھاؤن ہباں
جے خیری ہن کیتا مولی میلاں نال سبلاں

نال بدیع جمال پری دے سیف ملوکے تائیں
کٹھی اسیں ضیافت کرساں آکھن چاہیں چاہیں
باپ میرا بھی قسماں کردا جاں دس لگا میرا
سیف ملوک دھرم دا بیٹا کرساں فکر بتیرا
اسیں سمجھو اس گئے اتے آپو اپنی جانی
شامل ہو کھلوتے اپنے چنتا نہ کر بھائی
ویسی رب مراداں تینوں شک نہیں اک ذرہ
نال بدیع جمال پری دے ہوگ وصال مقررہ
سن گلاں شہزادے تائیں ہوئی کجھ تسلی
لے دعائیں اتے ثنائیں ملکہ گھرنوں چلی
آساقی بھر دیہہ پیالہ آیا وقت خوشی دا
نیڑے آ مقامی ہو یا چچھا یار پوشیدہ
مدھ پیواں مستانہ تھیواں رل کے سنگ سواراں
شہر جنگل تھیں باہر نکل کے ڈھونڈ لیاواں پاراں

داستان در بیان ملاقات شدن با صاعد و بدست آمدن و کیفیت

خود بیاں کردن بہ یک دیگر صاعد و شہزادہ

راوی ایس کہانی والا لعل دا و بخارا
چن چن موتی دیے مزدوری کہے محمد یارا
شہزادے نوں چھوڑا تھائیں سنگ لدھا اس بھارا
صاعد دی لے خبر اکلا دور رہیا بے چارا
اوکھا سوکھا ہوا کواری ڈھونڈ لیاویں اس نوں
تینوں بھی رب سنگ ملاوے سنگ ملاویں اس نوں
سر پر سفر مصیبت سپے اپنا حال و بخاریے
نجم النساء سہیلی وانگر یاراں یار ملائیے
حاتم طائی نے سن بھائی کیتی کیڈ کمانی
من سوال دوئے دے لئیے اپنی جان گوانی
بادشاہی سٹ سفر مصیبت ست واری اس چانی
ہن تک نام حیات اوے دا شناس دیس لکائی
توں بھی مرد جوان کہاویں کوڑا سچا جیسا
صاعد تے شاہزادے والا میل کراویں کیا
اس نوں باہوں پکڑ شہزادے راہ پر آن بہائیں
سیف ملوک شکار چلے تاں اوے راہ لگہائیں
ہک دوجے نوں ویکھ لئیں گے رہسی نہیں اکلا
دونویں راضی ہون اس کموں پاک تیرا تہ پلا
منہر ہن لک محمد بخشا راوی مرد ونگارے
ہک دن سیف ملوک شہزادہ چڑھیا طرف شکارے

سراندیپ شہر دا والی شاہنشاہ وڈیرا
 اوہ بھی نال شہزادے چڑھیا لشکر ہور بٹیرا
 سراندیپ نگر وچ پھیر دے کوچے گلی بازاراں
 ہر ہر قدمے نال شہزادے لوک دینے سرداراں
 مانک موتی ہیرے پنے مہراں ہور دیناراں
 صدقے سٹ سٹ تودے لگے پیران پشہر سواراں
 خلقت بھج بھج تگن آوے سیف ملوک پیارا
 مصر شہر دا والی کیا دیوتاں تے بھارا
 میر وزیر امراء شہزادے شاہ سوداگر زادے
 تیج پنجاہت اہل ولایت صدقے دین زیادے
 شاہزادے نوں دیکھن والے انت نہ رہیا کائی
 اک دوجے تے ڈھے ڈھے مردے عورت مرد لکائی
 ہک چبارے وچوں دیکھن جھاک کھول شتابی
 گلایاں چھت بازار بنیر خلقت بے حسابی
 سب کسے نوں مٹھا لگدا ہر اک دے دل پڑا
 خلقت تک تک رے ناہیں کوئی نہ کچھے مڑا
 ہک شاہزادے دوجا سوہنا نالے سخی بہادر
 نالے دور وطن تھیں آیا سفر ڈٹھے اس نادر
 عیشہ

ہر بندے نوں لگا پیارا جس جس نے اوہ ڈٹھا
 جیہڑے صفت زبانوں کر دے ہووے اونہاں منہ مٹھا
 سننے والے سن سن صفتاں عاشق ہون تیرے
 شاہزادہ وچہ شمع نورانی خلق پتنگ چوہیرے
 جے اوہ قدم اکھیں تے رکھے سبھ آکھن بسم اللہ
 ہر کوئی دے دعائیں دل تھیں کوئی نہ کروا گلہ
 خلقت آکھے جو کجھ خوبی دنیا اتے آئی
 جو جو صفت صلاحین والی خالق پاک بنائی
 جو بھلیاں وودھ شماروں وچہ کتاباں سنیاں
 ایسے کارن سرجی خالق دیتوس کرار زانی
 ویکھے حیران رہی سبھ خلقت تھاں بھٹھاں کھلوئی
 سیف ملو کے دی اسواری شہروں باہر ہوئی
 رکھ شکار بہانہ ٹیریا ہون جنگ دا واسی
 صاعد دے اس درد فراقوں ہویا جی اوہ واسی
 پری دلوں کجھ ہوئی تسلی وقت ملن دا آیا
 چوہداں روزاں دا کر عرصہ ملک ذمہ چایا
 صاعد دی ہن چھک سینے وچہ لین آرام نہ دیندی
 ترٹی سانگ کھیجے اندر ہر دم رڑک مریندی
 شاہزادہ دل خفگی اندر چپ چپاتا جاندا
 باہر شکاری دے وچوں آپ شکار غماں دا
 صاعد نوں ہر ساعت اندر یاد کرے تے رووے
 آکھے یارب سلیاں کتھوں ایڈ نصیبا ہووے

صاعد یار ملے ارج مینوں اچن چیت اس راہوں
 جاوے داغ جدائی والا ہووے فضل الہوں
 اوے سیر شاکرے اندر پھر دا سی شاہزادہ
 کی تکرہا ہک جانی بیٹھا مرد بڈھا ہک سادہ
 بیٹھا کول اوہدے ہور دو جا شخص جوان عمر دا
 تن رنجوری اوپر بھوری نہ تہ بند کمرہا
 لمیں دال مداری وانگر لٹا بن بن آئے
 ناں سر پگ نہ ٹوپی چولی منہ سر خاک رمائے
 پیریں پاڑ بیایاں کیتے میل کیتا رنگ کالا
 نقش سندھ محبوباں والے مجذوباں دا چالا
 لانگ ہويا سک تیلہ رنگ کیسر جیوں پیلہ
 اھیں پانی ڈل ڈل ٹکے برا غریبے حیلہ
 ہتھاں پیراں دے نونہ ودھ کے شت وانگر ہوئے
 بغل ہور حجامت والے لمیں وال کھلئے
 کہو بھوری تگلا اوپر اوہو لک دوالے
 چپ چپاتا بیٹھا ڈٹھا مجذوباں دے چالے
 نموں کر نظر ڈٹھا شاہزادے پیا بھلاوا عقلوں
 صاعد وانگ نمونہ دے ہتھوں پیروں شکلوں

لے کے حکم غلام شتابی پھرے جا چو فیرے
 دھرا گے مجذوبے تائیں آن بہائیوس ڈیرے
 شاہزادے تے تاول کیتی کیویں مڑ کے چلاں
 اوس غریب جے تھیں پچھاں حال اوہدے دیاں گلاں
 چال چایا چاء گھوڑے چابک لایا
 ہک اندر سی سک سخن دی چھک و راگ لایا
 ڈیرے آن اتھا پھر جلدی فارغ ہو شکاروں
 آون سات غلاماں تائیں حکم ہویا سرکاروں
 حاضر کرو شتابی اتھے اس مجذوب بنے نوں
 خفگی دی گل پیچھے ساری خفتی رنگ بنے نوں
 خدمت گار گئے اٹھ جلدی پکڑ غریب لیاندا
 شاہزادے دے تختے اگے جاں اوہ ہویا و اندا
 کرے سلاماں وانگ غلاماں چم زمین ادب دی
 کہے دعائیں صفت ثنائیں وانگ کلام عجب دی
 بہت فصاحت نال بلاغت کرے کلام زبانوں
 خوش آوازہ سمجھ اندازہ چھولے سخن بیانوں
 وانگ وزیراں کر تدبیراں خوب کرے تقدیراں
 سن تفسیراں با تاثیراں لگی چپ امیراں
 چال کمال وبال آلودی نال زوال ادیبی
 حال مثال کنگال سودائیاں قال مقامی اجیبی
 عام تمام کلام اوہدی سن کام سلام شہانے
 نام انعام حرام ہوئیونے ویکھ کلام یگانے

شاہزادے فرمایا اگوں سن توں مرد غربا
 کتھوں آئیوں کتھے جا سیں پھیرے کدھر نصیبا
 کی مطلب کی ناناواں تیرا جج دسالیں بھائی
 کہیوس نام میرا ہے صاعد رکھیا بابل مانی
 مصر شہر تھیں آئیوس شاہا اوہ میں وطن پیارا
 جاوَن دا کجھ پتہ نہ اگوں کتول رزق ہمارا
 نام مصر دا سن شاہزادے بھڑک لگی اک سینے
 آہ چلاوے تے فرماوے سکھ دس مصر زمینے
 پھر کچھے کی ناناواں تیرا جج دسالیں بھائی
 کہیوس نام میرا ہے صاعد رکھیا بابل مانی
 صاعد دا سن نام شاہزادہ تختوں اٹھ کھلویا
 ہو بیہوش ڈھٹھا کھا گردی سہی ہووے جیوں مویا
 جاں بیہوش ہويا شاہزادہ ڈٹھا نفر غلاماں
 بے عقلاں کجھ سمجھ نہ کیتی پایا شور ہنگاماں
 جو جو آہے دانش والے شاہزادے پر ڈٹھے
 صاعد نوں پھڑ مارن لگے ہو بے عقل اکٹھے
 کند فہماں نے معلم کیتا شاہزادے دا ویری !
 سیف ملوک کیتا اس دکھیا ایہ کیوں جاوے خیری
 اک دوئے تھیں سرس اوہ ظالم ترس نہ کروا کوئی
 اس عاجز ونڈے یارو کی دساں جو ہوئی
 لتاں کے مار طمانچے نال زارٹاں وٹاں
 سوئے سے سولاکاں پایاں بھنیاں پٹاں سٹاں

ماراں کھاڈا ہنڈا گڈوا کر ہمت اٹھ نہھا
 ہک اکی کوٹھی اندر چھپ کتے ونج ڈھنڈھا
 سیف ملوک اتے چھنکائے عطر گلاب امیراں
 پکھے جھلے تلیاں مایاں وانگن سکیاں ویراں
 جس ویلے شاہ ہوش سنبھالی پچھویس صاعد کتھے
 سبھ حقیقت نفر اں دی ایہ کجھ گزری اتھے
 ماری دا اٹھ نہھا صاعد اسیں رہے وچہ رولے
 خبر نہیں ونج چھپیا کتھے ہے بچیا کس ڈولے
 سیف ملوک کہیا کم بختو برا ہنیر کیتوئے
 اپنے دلوں بجن بن کے میرا لہو پتوئے
 احمق بجن دی بھلیائی ویر ہوندا ستراناں
 تن دے بجن دل دے دشمن جنہاں زہد نہ بھاناں
 شاہزادے فرمایا اس نوں پیدا کرو شتابی
 نفر اں جاتا ہے تقصیری کریے ڈھونڈ خرابی
 نفر غلام چوطرفی دوڑے آوے کتوں نظر وچہ
 ادا ہناں پیروں آپ شہزادہ بھجدا پھرے شہر وچہ
 کوچے گلی بازار محلے دیندا پھرے ڈھنڈورے
 اس صورت اس قد اس ویسے اس روٹے اس ٹورے
 ایس گھڑی وچہ اسماں کھڑا یاد سو جس نے ڈٹھا
 یا کوئی ڈھونڈ لیاوے کدھروں کھول دیاں اس چٹھا
 اک ہزار دینار دیاں گاجو اس نوں پھڑ آنے
 بہت عزیز اسانوں لکسی بجن دل دے بھانے

سرگردان شہزادہ پھر وا منہ کوڑا دل پھکا !
 دیکھ اوہنوں جگ لوڑن چڑھیا کیا وڈا کیا نکلا
 خاطر خوف شہا ندا نالے طمع پیویے زروا
 جا بجائی لوڑن خلقت پتہ کرن ہر دروا
 نہ کوئی کھوج نشانی لہے ناں کوئی پتہ نہ دماں
 صاعد چھپیا سے ڈھونڈوے آکھے کتول نساں
 جیوں جیوں لوڑ تلاش دیکھے بندہ ہو چو پیتا
 دل وچہ کرے دلیاں ربا برا کیا میں کیتا
 کی میں خون انہاں وا کیتا اہڈ گناہ کبیرا
 ڈھونڈ سزائیں دیوں لکے آندوس کس تقصیرا
 خبر نہیں جے قتل کرن گے یا پھر قید کریں
 یا کوئی سخت تنبیہاں دے کے غصے نال مرین
 صاعد خوف ایدیشے اندر جان سکی تن کنے
 سیف ملوک ڈھونڈیدا وڈا چایا درواں لے
 گھر گھر ہو کے دیندا پھردا بھجدا پیر نہ لے
 خفگی نال ہویا رنگ پیلا ہوٹھ سکے منہ لے
 لدھا یار کھڑایا مڑ کے پیا ہنیر خدایا
 جیون میرا ہے کس کاری جے اوہ ہتھ نہ آیا
 اوڈھر اوہ دعائیں منگے شالا کوئی نہ دیکھے
 ایدھر ایہہ کہے جب میل ہووے کت لیکھے
 دو بندے اس کوٹھی آئے اوڑک لوڑ کیرندے
 اندر وڑ کے دیکھو لیونے جھنڈوں پکڑ مرندے

صاعد عاجز دے دہائی نسدا یارون نا ہیں
 نہجے ہتھ سوال پکارے اتنا مارو نا ہیں
 والاں تھیں پھڑ دھر وہ لیونے ونج حصور پچایا
 جانڈے جنے وانگ فراقے اپنا آپ وکھایا
 جھکھر پت اوڈائے پیلے پھری بہار چمن دی
 نس پیار وہ چھنڈ وچھوڑا آئی وار ملن دی !
 ہو بیہوش ڈھٹھا ونج صاعد کجھ خوفوں کجھ ماروں
 شاہزادہ پھڑ تلیاں مددا آپ کریندا اداروں
 عطر گلاب لگے چھنکاون ہور ملن خوشبویاں
 ہوش پھری اٹھ بیٹھا کہندا دسین کیکر ہویاں
 حال حقیقت اپنی ساری کھول سنا جواناں
 کیونکر مصر شہر تھیں ٹرکے پتھوں انہاں مکاناں
 صاعد دے دعا شہزادے شالا سکھیا جیویں
 دولت تحت اقبالوں والا سدا زیادہ تھیویں
 سر پر ظل الہی ہووے قدماں وچہ ولایت
 دشمن چور ہون تے بجن مانن خوشی نہایت
 شوکت شان عدالت عزت راج حکومت پایا
 روز قیامت توڑی شاہا دن دن ہووے سوایا
 عاصم بن صفوان شہزادہ مصر شہر والی
 نوکر اس دے تتھاں والیہور شہزادے چالی
 صالح ابن خمید اوہد اسی اک وزیر پیارا
 میں ہاں بیٹا اس وا شاہا کرماں وا ہتیارا

میرا اک شاہزادہ آبا بیٹا عاصم شاہ وا
 سیف ملوک آبا اس ناداں بھائی سورج ماہ وا
 بھاناں رب وا اینویں ہویا اٹھیا وا نہ پانی
 کپڑے اتے لکھی ڈھیوس مورت پری زمانی
 ویکھن سات کتھا اس مورت جیو گیا ہو راہی
 اٹھ پری دی لوڑے چڑھیا چھڈ ولایت شاہی
 ستر ہزار امراء اسلامی دولت رخت جواہر
 مال خزانے تے سمیانے بے حسابوں باہر
 ہوا سوار جہازاں اتے وچہ سمندر ٹریا
 ہک دن واء مخالف جھلی مینہ غضب وا وہریا
 بجج جہاز ہوئے کئی ٹوٹے غرق ہویا سبھ ڈیرا
 ہک دوئے دی سار نہ کوئی آبا سخت ہنیرا
 میں اک تختے اتے رہیا دھڑیا وچہ جلائی
 قدرت پاک خدائے رکھیا شاہوں پئی جدائی
 شاہزادے دے درد فراقوں بہتر سی ڈب مرناں
 ڈاڈے نال نہ زور محمد جو بھاوے اس کرناں
 چوہداں برساں دے ہن نیڑے مدت ہوئی وچھنے
 سنھ گیا سبھ آنسو پانی دیدے اتنے رونے
 سرگردان رہیوں نت پھردا ہ ناپو ہر بندر
 نسا خاں دی قومے پہاں پانیوں قیدے اندر
 پنجرے اندر پاء انہاں نے کیتا مینوں قیدی
 نال درخت رکھن لکائی ناں گل سمجھ کسیدی

درواں نال ہویا پر سینا خوب بلند آوازے
 غزلاں گاواں من پرچاواں شعر پڑھاں تر تازے
 نہ میں گل انہادی سمجھاں نہ اوہ سمجھن میری
 مینوں جان پکھیر والاں اگے دانے ڈھیری
 کچے دانے پاؤں مینوں کھاؤں کارن چوگاں
 اوہ نہ کھاواں پیٹ سکاواں رب دی وتی بھوگاں
 پنجر امیرے والا ہووے نال رکھاں دیاں ڈالاں
 موری وچوں حیلہ کر کے باہر متہ نکالاں
 میوے کول ہوون جے کپے توڑ شتابی کھاواں
 تاں اونہاں پھر معلم کیتا ہے ایہ مرع سچاواں
 میوے کپے دیوں لگے دانے بھن چراون
 فخرے شام نکالن باہر جنگل بول کراون !
 پھر پنجرے وچہ پاؤں جلدی کرن وساہ نہ ماشہ
 مشکل قید مصیبت مینوں انہاں عجب تماشہ
 بے ترساں نوں ترس نہ آوے کر دے قید پرنداں
 سکھیے باغیں اڈن والے پنجریاں وچہ جنداں
 کرن جدا اڈاراں نالوں جوڑے چاٹر وڑن
 پر بھجن سر گنجے ہوون اجے بے ترس نہ چھوڑن
 جنس اپنی تھیں وچھڑ جیہڑے نا جنساں وچہ آئے
 کاہدا سکھ سواد انہاں نوں دم دم دکھ سوائے
 وچہ ہوائیں اڈن والے قید اندر درماندے
 ناں اوہ سنگ نہ چوگ خوشی دی زہر نوالے کھاندے

پنہریاں وچہ ٹرن نہ ہوندا کیکر ہووے او ڈاری
 آئی باہجوں جان نہ نکلے جھلن سخت قہاری
 خبر نہیں کس دیسوں آون مرغ غریب بیڑے
 دانہ پانی پکڑ بدتسیں ہر ہر بنے پھیرنے
 جالاں والے پکڑ لیاون چین پنہر وچہ جالاں
 چالاں یاد کرن نے روون کوئی نہ محرم حالاں
 جیوں جیوں روون کرن پکاراں بولن بول غمبندے
 اوہ روون تے رکھن والے ہس ہس دوہرے تھیندے
 نہ کوئی سمجھے گل انہاں دی نہ درواں دیاں کوکاں
 بھڑ بھڑ کے اوہ مویا لوڑن عجب تماشہ لوکاں
 ساری عمر پشیندیاں گزرے سرتے وال نہ رہندے
 پتا مارن شکر گزارن رب دا دتا سہندے
 بے رحماں نوں رحم نہ آوے ویجھ مصیبت بھاری
 جنان نالوں سجن وچھنے رسم کہی ہتھاری
 ہک لہندے دے چڑھدے جاندے دے مڑ لہندے
 کہناں سخت نصیب اول دے پنہریاں وچہ بہندے
 دور وطن ہمراہ نہ کوئی پیا قضیہ بھارا
 کھولیں قید امید تیری تے یا مرشد چھارا
 بری جدائی سہنی آئی لدگیوں دلدارا !
 رب رحیم غفور محمد میلے پیر پیارا
 مدت کچھ صاعد تائیں نظر پیا شہزادہ
 حال سنا محمد بخشا گلاں چھوڑ زیادہ

یار اڈیک قصے دی اندر لے لے کھان ادھارا
سدھی صاف مکا کہانی ناں کر بہت پسارا
صاعد حال سناندا شہا اینویں ساں میں قیدی
کدے خلاص کریگا ایہوں آہی آس رے دی
آیا رب کریمی اتے ایہہ سبب بنایا
جو سلطان ملک دا آہا چڑھ انہاں تے دھلایا
جس قومے وچہ قیدی پسوں میں پرویسی بندا
اس قومے دی سختی آئی مار چکائیوس دھندا
اوتھوں رب خلاصی کیتی نس ٹیروس کر جلدی
اگوں شتر سراں نے پھڑیا لکھی لی اول دی
شتر سراں دا راجہ جیہڑا گھر اس دے دی بیٹی
قوم اپنی وچہ صورت والی زیور نال لپیٹی
اوس بی بی نے میرے تائیں اپنے کول منگایا
قدرت نال اوہدا دل شہا دیکھن سات وکایا
مدت پاس اپنے اس رکھیا لوڑے مطلب پایا
اوتھوں بھی پھر نس کھلوتا مولی پاک بچایا
گھنی گھنیری ویکھ مشقت پہنوس ایس نگر وچہ
ہک مسجد وچہ ڈیرا کیتا بیٹھا ساں فکر وچہ
ہک نمازی بدھا آہا اوس مسجد دا بانگا
اج اس باہر آندا مینوں سیر کرن دی تانگا
اس جانی آ بیٹھا شہا جس جانیوں مدھ آندا
سیف ملو کے دے غم اندر بیٹھا سال درماندا

شاہزادے ایہ گلاں سن کے صاعد پک چچاتا
 ہنجوں رویا اٹھ کھلویا فضل رہاں جاتا
 صاعد تائیں سینے لائیوس نال پیار صفائی
 کہندا سیف ملوک شہزادہ میں ہاں تیرا بھائی
 سیف ملوک میرا ہے ناواں عاصم شاہ وا جایا
 تینوں مینوں وچ سمندر رب وچھوڑا پایا
 اپناں آپ شہزادہ دے صاعد مول نہ منے
 خبر نہیں اوہ کتھے رھریا کس نے لایا بنے
 بیکر کدھرے روہڑ کھڑ لگا ہوئی حال شکستے
 ایہ کوئی شاہ ولایت والا فوجاں ملن رستے
 دولت مند اقبالان والا راج حکم اس بہتا
 کیکر اوہ پردیسی شہزادہ ایس مراتب پہتا
 صورت جیسی صورت ہوندی وانگ آواز آوازے
 عاقل دانے سوہنے سندر بھلے بھلیرے تازے
 سیف ملوک نہیں توں بھائی صاعد کرے نہ باور
 ہر ہر جانثانی وسدا سیف ملوک اکابر
 صاعد نے فرمایا اوڑک ہک نشانی پکی
 مد یقین لیاواں شاہا جے اوہ جاوے تکی
 سیف ملوک دے وچ متھے آبا خال نورانی
 اوہو خال ہووے اس سہدے معلم ہووے نشانی
 شاہزادے دستار اٹھائی متھ کیتاواندا
 صاعد خال ڈٹھا جس ویلے ڈٹھا ہو درماندہ

ہوش عقل سدھ بدھ ریوس مرے دو انگ سپاہی
 سیف ملیندا اتلیاں تن تھیں تران گپاسی
 لے گلاب مریندا چھٹے سر منہ سینے تائیں
 عرض کریندا بار خدایا اس نوں پھر بچائیں
 صاعد نے وت ہوش سنبھالی آیا جیو لگانے
 شاہزادے دی پیریں ڈھٹھا چمے قدم دھگانے
 کہندا شکر ہزار ہزاراں ڈٹھیوس پھر سوکھلا
 کی کجھ شکر زبانوں آکھاں کرم کمایا اللہ
 صاعد تے شاہزادہ دونویں اٹھ ملے گل لگ کے
 ج گئی پوشاک اکیں تھیں بنجوں نالے وگ کے
 سراندیپ نگر دے شاہے نالے فوج رعیت
 اہلاں حرماں تابعداراں ہوئی خوشی جمعیت
 گیا گواتا یار شاہزادے مولی پاک ملایا
 سد حجام حجامت کیتی جا حمام نہایا
 قیمت دار پوشاک منگائی عطر اوپر چھنکایا
 صاعد دے پھر بدن لوائی چڑھیا روپ سویا
 نغے ناچ ہوئے ہر کوئی سوہلے گاؤں آیا
 چڑھیا روپ سویا لالہ کیسریاں رنگ لایا
 ہر ہر وال کڈھے چکارے جیوں سونے دیاں تاراں
 حسن بے انت بسنت پھلاں دی ویکھن لوک ہزاراں
 شاہزادے پھر کھانے منگے خدمتگاراں آندے
 مدت کچھ ملے پیارے رل مل دونویں کھاندے

کھانا کھا آرامی ہوئے پیندے لال پیالے
 کھیوی ہونے مڑ مڑ دھوندے داغ وچھوڑے والے
 صاعد نوں لے نال شاہزادے ٹریا طرف محال
 کی کجھ آکھ سناواں یارو ایس خوشی دیاں گلاں
 ہوئے سوار نراں تے دونویں اگے دوڑے ارول
 چالی شاطر بھجے جانے نال لباس مکمل
 ہر شاطر ہتھ ہندی تیغاں قبضے جڑت سنہری
 مکی ڈھالیں کھلے گردے پھل سورج دوپہری
 پوشو پوش کریندے جانے خلعت ڈھ ڈھ پوندی
 واہ شاہزادہ تے واہ صاعد چاروں طرفوں ہوندی
 شوکت شان گھنیرا کر کے کرو فسہ ہزاراں
 صاعد دا رنگ روپ سہایا جیوں گل وقت بہاراں
 محال دے دروازے آندا کر کے ایہ وڈیائی
 شاہ نگر دا اگوں ملیا نالے ہور لوکاں !
 استقبال اوہدے نوں آئے شاہزادے سر کر دے
 لکھ خاطر لکھ عزت کیتی والی اوس نگر دے
 سیف ملو کے دی پھرا نکل سجے پاسے ٹورے
 صاعد دا ہتھ کجھے پکڑے مڑدے ایسے ٹورے
 جا سلطان تخت تے بیٹھا اوہ بھی کول بہائے
 سجے پاس شاہزادہ بیٹھا کجھے صاعد نالے
 دتا حکم کالاں تائیں سرخ شراب لیاؤ
 کنجراتے کلونت میراثی خوب سرماں کر گاؤ

تان ترانے کرن شہانے نغے ناچ یگانے
 سات سراں تے تین گراماں گاؤں گینیں دانے
 پردے رود سرود خوشی دے گان بجاؤں سازی
 پین شراب رباب سیندے مجلس ہوئی تازی
 حوراں ہار بہار بنائے خدمت گار بریشاں
 گل رخسار سمن برسائے سنبل وال پریشاں
 چیرے کفی توڑی چمکن طلعے وار دوپٹے
 گھیرے وار نرم پوشوازاں گوہڑے رنگ اولے
 مارن پھیرے گرد چوہیرے روشن کرن ہنیرے
 سن آوازے تازے تازے ہوندے رقص گھنیرے
 زاہد صوفی ویکھ نہ سکدے اس مجلس ول دوروں
 جو تکے سو جا نہ سکے تاب حسن دے نوروں
 جاں عیشاں وچہ ہوئے سوکھلے دور ہوئی دلگیری
 شاہ نگر دا چچھن لگا کر کے چیمھ مٹھیری
 صاعد بیٹا دس اسانوں حال حقیقت ساری
 کس سبب بچایوں مولی کیکر عمر گزاری
 صاعد کہندا سن توں شاہا میری درد کہانی
 جاں شاہزادے نالوں کھڑیا دور رھڑیا پانی
 چانی روز ربی سی جھلدی وا مخالف ظالم
 تختے تے میں رھڑا رہیا نہ دسیا کوئی عالم
 سرگردان رہیا اوہ تختے اتنی مدت توڑی
 چاروں طرف دے جل مارو زمیں نہ لہدی لوڑی

آفت ٹھاٹھاں دیہن کلاوے گھسن گھیر قہر دے
 دانہ پانی اچے نہ کے لکھے لیکھ امر دے
 ہک دن جھکھڑا کھلوتی ہوئی دور غباری
 انہر دھرتی دن لگے کیتی رب غفاری
 ہک ٹاپو دے دندے مینوں جا صاحب نے لایا
 جان لبیاں پر آئی آئی بھکھ پیاس رولایا
 ٹاپو اندر نظری آئی نعمت ودھ شاموں
 مٹھے میوے ٹھنڈے پانی کوش ہوا بہاروں
 گھنیاں چھاواں سچیاں جائیں سبزی دھرتی کچی
 ہریاں شاخاں میوے بھریاں کوئی نہ کوئی بھیجی
 کوئی مدت اس بندر اندر کیتا وقت گذرا
 اوڑک تریوس نہج کے ٹالا لکڑیاں دا بھارا
 میوہ پانی ٹالے اتے پانی کچھ خرچی
 اوہر وقت بدیسی بھکھے آپ حکیم پورچی
 پھیر اوہ ٹالا پانی اتے ٹریا چار مہینے
 اس سختی دیاں گلاں دساں سڑبل اٹھن سینے
 ساری عمر رہاں جے گندا اوہ مصیبت بھاری
 سکیڑیاں تھیں اک نہ مکدی ایسی رنج گذاری
 مچھ کچھوے تے باہناں تندوے سپ سنسار جماعتاں
 لدھر کہیں تے جلیوڑے ہور ہزار آفاقاں
 مارو مار کریندے آون وڈے وانگ پھاڑاں
 ہر ہر دے منہ وچوں نکلیں دوزخ ہار ہواڑاں

انہاں بلائیں تھیں رب مینوں قدرت نال بچیا
 ہر عاجز دا حافظ ناصر واہ واہ بار خدایا
 ترے مہینے سنجہ بابجوں کھاہدی چیز نہ کائی
 سخت مصیبت اوس کنائی آہی جس بنائی
 ہک دن کرنا رب دا ہویا موج چڑھی دریاواں
 روئے زمیں تے پانی پھریا کی کجھ آکھ سناواں
 اچی نیویں تھان نہ چھڈی جل تھی ہویا پانی
 میں پر زور حشر دا آیا مشکل سخت دہائی !
 اس پانی دے زوروں میں بھی جیون تھیں ہتھ دھوئے
 ایہہ مویا کہ مویا میں بھی یار جویں سن موئے
 قبر تک تے جھلے دھکے غوطے کھاہدے بہتے
 لیکن لکھے دم عمر دے اوڑک مول نہ پیتے
 ندی اوچھل اجیہا لایا ٹاپو چڑھیا
 مولیٰ صحیح سلامت مینوں خشکی اندر کھڑیا
 ٹاپو ویکھ ہویا دل راضی وانگ جنت دے کوچے
 سرد چنار انار کھجوراں ہور سفید الوچے !
 فندق اتے عناب انجیراں دا کھا انگواراں گھچے
 جو من بھاوے سوبو کھائیے نہ کوئی ٹھاکے پچھے
 ہندی میوے ہور ہزاراں گنتر وچہ نہ آون
 پک پک سبھ ہوئے رنگ رتے رس چونڈے من بھاون
 ہور عجب اک میوہ ڈٹھا اس ٹاپو وچہ بھائی
 وانگ انگورے گچھا اس دا صورت شکل صفائی

شام پوے دن ڈبے جس دم جگ پر پھرے سیاہی
 پتر چا لپین گچھا قدرت نال الہی
 ساری رات رہے اوہ بدھا فجر ہووے پھر کھدا
 بیکا بیک آواز اس رکھوں نکلے بھارے مل دا
 ہور درخت اک میوہ اس دا ونگر شکل منو کھاں
 وسدا آدم جیوں لکایا زلف بدھی سنگ رکھاں
 ہر ڈالی پر ایہو جیسے میوے بہت رنگیلے
 بیٹھے کھائے من پر چائے بن ہارے بن حیلے
 میں بھی دل وچہ نیت کیتی اتھے رہن بھلیرا
 میوے کھاناں وقت لنگھا ساں سنگ نہ لبھدا میرا
 اک دن اچن چیتی آیا نساں وا ٹولا
 مینوں پکڑ لیا رل سبھناں پا گھیرا کر رولا
 چکڑی عود لکڑ دا اونہاں پنجرہ خوب بنایا
 اوس پنجرے وچہ گھت کے مینوں نال رکھے لکایا
 سارے میں دل بر بر تکرے انہاں شناس نہ کانی
 آدم شکل پہچان نا ہیں اور نساں نو کانی
 ایہ معلوم ہووے جے انہاں آدم کوئی نہ ڈٹھا
 ان کباب نہ دیندے کھاناں کوئی میوہ مٹھا
 نیلا گھاہ گھتن میں اگے یا پھر سکے دانے
 کھوڑ بدم چھوہارے مچھی کھاناں کوئی میوہ مٹھا
 دانے گھاہ نہ کھاہدے جاون بھکھ کیتی لا چاری
 پنجرے وچوں باہر آویں کر کے بہت ہوشیاری

خوش انہاں کھادے جاوَن بھکھ کیتی لاچاری
 پنجرے وچوں باہر آویں کر کے بہت ہوشیاری
 خمیوں عجب پکھیر وجانن کرن آپس وچہ گلاں
 ایسا پنکھی کدی نہ ڈٹھا وچہ اجڑاں جھلاں
 ساری خوش اساڈی کھاندا دانہ گھاہ نہ کھاوے
 خبر نہیں کی ذات لہہا ندی کبہڑے دیسوں آوے
 پھر بھئی تے میوے مینوں دسین خوراک روٹی
 کھاوَن پیوَن سب کجھ آہا سکھ نہ آہا کوئی
 تنگ پیا دل میرا اوتھے چارہ کوئی نہ چلدا
 ویکھ کلوتی شکل اونہا ندی جگر سینے وچہ گلدا
 سیف ملوک پچھیندا بھائی شکل انہاندی کیسی
 کجھ نمونہ دس اسانوں کبہڑی چیزے جیسی
 صاعد کہندا سن شہزادہ دساں کجھ نشانی
 سر اونہاندا خوکاں وانگر باندر وانگ پیشانی
 اھیں سبز ڈراون دوروں وفد مثال پلنگان
 گورخراں دی دیہی ساری دسدا بھی میں سنگاں
 صورت آدمیاں دی آہے دونویں ہتھ انہاندے
 اوٹھاں وانگر پیر بدن تے بےتے وال دکھاندے
 سیف ملوک پچھیندا اگوں نال محبت خاصی
 دس بھائی اس قیدے وچوں کیکر ہوئی خلاصی
 صاعد کہندا سن شاہزادہ جو گل اگوں آئی
 ہک دن مینوں مارن لگی اوہ نساں لوکانی

پر کوئی روز حیاتی باقی دنیا اتے آہی
 مارن تھیں اوہ ہوئے پشماں کیتا کرم الہی
 تحفہ کر کے بھجسن لگے دوجے ملک کسے نوں
 بک جناں پھر چاکند ہارے لے ٹریا سی مینوں
 جاندے جاندے نوں بک جانی پانی اگوں آیا
 وہندی ندی ڈونگہری اندر پیر جدوں اس پایا
 پانی کولوں ڈر کے ہٹیا ٹھل نہ سکيا مولے
 میں جاتا ہن ویلا ایہوںس پواں ات روئے
 پنجرے تھیں میں باہر آیا چھال ندی وچہ ماری
 دوتن باباں مار شتابی دور گیوس کرتاری
 اگے رھڑا جاندا آہا پانی تے اک تختہ
 ہوا سوار پیا اس اتے پھڑیا بچھا سختہ
 پنج دہارے تے پنج راتیں گیوس ندی وچہ رھڑا
 پھیر کنارے لگیوس اگوں وکھ سبب کسی جرڈا
 زنگی آدم کھاون والے اگے سان بترے
 مینوں پکڑ لیا پھر اونہاں کھان لگے کر بیرے
 پھر کوئی پئی دلیل انہاں نوں کرن آپس وچہ گلاں
 مینوں سمجھ نہ آوے کوئی نہ بولاں ناں ہلاں
 خوب شکار سمجھ کے اونہاں اپنے ملک بچایا
 تیلے والے مٹکے اندر گردن تیک ڈبایا
 گوشت وچہ جاں تیل سنجر سی تر ہو سی سبھ دیہی
 تدوں خوراک کراں گے اس دی غرض انہاں سی ایہی

ترے مہینے نت بے ناعدہ دوائے وقت رجاوندے
 شکر مغز بادام چھوہارے مچھی بھن کھلانڈے
 دل وچہ خواہش ایہ انہاندی جاں ہو سی تن فرہ
 میوے روغن تیری دیون گے گوشت ہو سی چربہ
 ہک دن مار کباب کراں گے ہو سی عید ولیدی
 ایس طمع تے پالن مینوں کر تاکید دے دی
 جاں پھر گوشت موٹا ہویا پھری دیہی تے لالی
 آیا رنگ عجب جسے صفت خداوند تعالی
 شیشے وانگ چمکدی دیہی چوہ چوہ رت کریدی
 مثل انار بھکھے تن سارا لاناں جوت مریدی
 زنگی کھاؤں اتے ہوئے مارن لگے مینوں
 پرے رکھن والا رکھے مارن طاقت کینوں
 دانے رل کے کرن صلا حال ایہ ہے تحفہ بھارا
 ہک دن کھلہاتاں کی ہوسی سال نہ ^{لٹاھسی} سارا
 اپنے بادشاہ ہے دل گھیلے تحفہ کر نذرانہ
 نالے حکم راضی ہو سی دیسی دان شہانہ
 کشتی اتے چاہڑ لیونے لے چلے دل شاہے
 پانی وچہ رہی اوہ بیڑی روز قدر ہک ماہے
 ہک دن واء پرے دی جھلی جھکھر سخت ہنیری
 کانگ چڑھی دریا دے اتے وانگ طوفان وڈیری
 چانی روز چلی پھر کشتی وا ہو واہ شتالی
 اوتھے میں بھی تکے بہتے رنج مصیبت آبی

ہک دن ظالم واء کھلوتی نرم ہوا سکھائی
خشکی بندے کول انہادی بیڑی نیڑے آئی
اگوں شہر آیا اک نیڑے آدمیاں دا واسہ
مسلمان دن سبھ بندے کفر نہ وسدا ماسہ
زنگی ویکھ نساون لگے کشتی پت پچھاہاں
شہری لوک اکٹھے ہو کے پکڑ لیونے اباں
زنگی ظالم لوک خونامی پکڑے مسلماناں
سارے مار ندی وچہ سٹے پئی وبا حیواناں
مینوں انہاں خلاص گویا مار گوائے ویری
نام عثمان اک شہر اگے سی اس وچہ پہتا خیری
قدرت ویکھ خداوند سندی آپے قدرت والا
بازاں دے ہتھ دے کہوتہ کردا پھیر سنبہالا
باز بے لے تتر پنچے جاں رب پاک بچائے
لو ہندی پئی مریدی بازے تتر پھر ڈرا جائے
ہاں کڈا کے بھڑا کر شکار تہہ

حکایت بطریق تمثیل می گوید

ہک دن کرن شکار شکاری باری اندر آیا
آ درخت گھنے دی چھاویں اس نے ڈیرا لایا
نالے باز ہواویں اڈا آ بیٹھا اس رکھتے
طعمہ لوڑے ماس نہ چھوڑے آیا ظالم بھکھتے
بیٹھ شکاری باز اتے سی وچہ بیٹھی اک گھوگی
دشمن ویکھ کہے اج میں بھی چوگ اجل دی چگی
بیٹھوں شصت شکاری جوڑے تیری گھوگی نوں لاواں
اتوں باز تگے جے اڈے پکڑ شتابی کھاواں
گھوگی جدوں اونہاں ول ڈٹھا کر دی فکر گھنیرا
کہندی رہا کیونکر کھسیں بچن نہیں ہن میرا
بیٹھ رہاں تاں شصت برابر مارے تیر شکاری
جے اڈاں تاں باز پکڑ سی ہر پاسوں میں ماری
تیر لگن وچہ دبیر نہ کوئی کجھ تدبیر نہ چلدی
آہی گھڑی اجل دی ایہو وچہ تقدیر ازل دی
جاں رب رکھن اتے ہویا کی سبب بنایا
گھوگی ول شکاری تگدا شصت دھیان پھرایا
پچھوں ناگ چلائے اس نوں وند آلود زہر دے
تیر چھٹا اوہ لگا بازے دونویں دشمن مردے
گھوگی بیٹھی رہی اتھائیں چنگی بھلی زرونی
مارن والے موئے محمد قدرت رب دی ہوئی
قدرت قادر والی والی گنتر وچہ نہ میوے

قصہ دس محمد بخشا یار کھلوتے سیوے
 صاعد کہندا سن توں شہا شہر عمان میں آیرا
 اس نگری وچہ میں غریبے پورا برس لنگھایا
 اورک ہوویس اوداسی اوجھوں آئی دلے نوں تنگی
 قافلہ اک ٹریا بھارا سنگ سی اوہ چنگی
 نال انہاندے میں بھی ٹریا ایس ولایت آیا
 رنج مصیبت بھلے سارے جدوں شہزادہ پایا
 ویکھ جمال کمال خصم دا دور ہوئی غمناکی
 الحمد و الامت اللہ اوے نوں سبھ پاکی
 تک دیدار بہار حسن دی یار پیارے والی
 دکھ گئے سکھ حاصل ہوئے کرم کمایا والی
 سیف ملوک نوں پھر کہندا صاعد یار پیارا
 توں بھی دس شہزادہ اپنا حق قضیہ سارا
 سیف ملوک حقیقت اپنی کھول سنائی ساری
 یار یاراں دے دکھ ونداندے کر کر گریہ زاری
 صاعد نوں سن درد کہانی شہزادے دی کلی
 رنج مصیبت محنت سختی اپنی ساری بھلی
 پھیر شہزادے کولوں پکھدا دس میرے دل جانی

www.islamiurdubook.blogspot.com

باراں روزاں تیک پری دی ہے اڈیک اس جانی
 آپے اتھے آ ملے گی جے چاہیا رب سچے
 ملکہ خاتون نے سنگ میرے قول نہ کیتے کچے
 صاعد شکر گزار ہزاراں حمد کہے پھر رب دی
 ضائع گئے نہ رنج اساڈے آس لگی مطلب دی
 صاعد شکر گزار ہزاراں حمد کہے پھر رب دی
 ضائع گئے نہ رنج اساڈے آس لگی مطلب دی
 القصہ اس روز شاہزادہ نالے صاعد تائیں !
 سراندیپ شہر دے والی رکھے کول بہائیں
 جاں برخاست کچھری ہوئی رہے امیر وڈیرے
 صاعد تے شاہزادہ شاہ تھیں وداع ہوئے ول ڈیرے
 شاہی گھوڑے دو منگائے جلدی وچہ کچھری
 زین لگام جہاندا آہا سب اسباب سنہری
 جوڑے تھان پوشاکاں سچیاں لائق بادشاہندے
 زیور زر جڑاؤ اوہ بھی دو دستے کمر آندے
 چالی ہور غلام پیارے سندر صورت والے
 خدمت گار ہوشیار سیانے خوب جہاں دے چالے
 ہور ہتھیار امیراں لائق جوہر دار فولادی
 چمک جہاندی مارے دوروں دشمن لوک فسادی
 ایہ سبھ چیزاں وانگ عزیزاں شاہنشاہ نگر دے
 صاعد نوں انعام دتا سی تئیں وزیر مصر دے
 صاعد وا کجھ انت نہ آہا حسن علم چترانی

طبع لطافت رساں آوازی قبضہ ہنر دانائی
 سوہنا خط صفائی والا مٹھی چھہ ریلی
 بادشاہے نوں دے دعائیں نال کلام رنگیلی
 جدوں کلام زبانوں کیتی اوس عزیز مصر دے
 مالک ملک ولایت والے ہو گئے سبھ بر دے
 شاہزادہ تے صاصد دونویں اوہ مجلس چھڈ چلے
 جس ماڑی وچہ ڈیرا آہا بیٹھے آن اگلے !
 بکدو جے سنگ گلاں کر دے پھولن بھیت دلاندے
 سخن پیار محبت والے دے مول نہ جانے
 دم دم نال الحمد گزارن کر دے شکر ہزاراں
 کرم کیتا رب پچھر ملایا سک سکیندیاں یاراں
 جو جو رنج مصیبت گزری یاد کریندے آہے
 بیٹھ پیارے لیکھا گندے عشق و نچ دے لاہے
 سیف ملوک دتی سکھ دولت دکھ متاع خریدی
 کھاؤں پیوں سون بھلایا گرم اڈیک پری دی
 کدے سر باندی کدے پواندی بستر پاس نہ لاوے
 شام فجر بن شام محمد نیند آرام نہ آوے
 شام ملے تاں کام سوارے ہون درست شکستے
 رین پلک بھر نہیں نہ سوندے پکن تنکدے رستے
 ظالم درد چھوڑے والا نام لیاں ول کنے
 بری اوڈیک جدائی نالوں لوں لوں بلن اپنے
 موتوں سخت اڈیک جھن دی تلخی جان کنڈن تھیں

نیندر بھکھہ قرار صبر نوں کڈھے مار وطن تھیں
 تلو پسلیے سی شاہزادہ آمد بجھ پری دی
 اگے چل فقیرا نا ہیں ملیں گل کری دی
 صاعد تے شاہزادہ اندر بیٹھے روپ سہائے
 سورج چن محمد بخشا اک برج وچہ آئے
 ملکہ خاتون بدرہ خاتون نالے ماں انہادی
 باہر اوہلے کھلیاں تگن صورت خوب دوہاں دی
 تک تک بہت تعجب ہوون جو بن لہراں چڑھیاں
 دوروں رہ نہ سکیاں اوڑک تریوے اند روٹیاں
 شاہزادے بن ڈٹھیاں ہویاں اوہ جو بن دیاں لایاں
 پر اس دل سی عشق پری دا مل بیٹھا سبھ واناں
 ہووے کسے دی صورت اس نوں کیکر سی دل پڑ دی
 مصری نال ہووے منہ بھر یار تیجھ جے کد گڑوی
 صاعد دا دل شہر بے رنجہ نا با عمل شکل دا
 ذوالقرنین حسن دا چڑھیا مارن کوٹ عقل دا
 شاہ زور آور فوجاں والے لگے ملک نہ چھڈوے
 کرن سنبھالا پر جا والا اوڑک ہالہ کڈھدے
 ایسے شہر پیدائش والے وانگ نگر کشمیرے
 کیکر خالی رہن محمد بابجوں حکم امیرے
 صاعد پرت ڈٹھا جس ویلے ملکہ بدرہ تائیں
 ڈٹھوس بدرا گاس حسن دا کی گل آکھ سنائیں
 بدرہ خاتون صورت ایسی لازم کرے بدر نوں

میں بیدار مینوں تک تینوں لگا داغ جگر نوں



دروصف جمال بدرہ خاتون وعاشق شدن صاعد بروے

بدر منیر زمیں پر روشن بی بی بدرہ خاتون
ملک آسمانی تک نہ سکدے ڈر دے عشق آفاقوں
صورت گر کوئی چین چگل وا ایسے نقش نہ سنگے
کندل وار دو نانگ دو زلفاں اکھ لڑیاں ڈنگے
جو تکیے سو سڑ سڑ پکے کھڑ وی عقل دانہواں
بیداغاں نوں داغ لگاوے صبر کھڑے فقرادوں
رنگ گلابی انگ حسابی چہرہ وانگ مہتابی
جسے تھیں خوشبوئی حلے اکھیں مست شرابی
اچی لمیں نمازک گوری نرم چنے وی ڈالی
ناز انداز تے آن کرشمہ صفت خداوند تعالی
تک بیشک فولادی کھناں ترکھی گھوڑی اتلی
عشق مجاز اکھا کر کے سرجی سی رب پتلی
قد سفیدے وانگر ناہنگر بازو شاخان بھویاں
سخت آہے پستان ولے تھیں مثل نارنجاں نویاں
نال شکر ہم تنگ مٹھی سی تنگ موہیں دی موری
گل کرے تاں خوب آوارہ چھنکے مثل کٹوری
پستہ مغز بادام گری دی لذت تری شکل سی
گرد پتاسہ مٹھا خاصہ رنگ دنداسہ مل سی
سخت کماناں سن بھروئے پیشہ زور کماناں
پلکاں تیر خدنگ ولے دا مارن ترت نشاناں
بھرویاں سر آن جھکائے آ لگے وچکارے

جیونکر ہووے مقامر اندر کعبتین قمارے
 اچا متھا بہت کشادہ جیونکر زیب زناں
 دو بھروئے چن عیدین دے یا غمدار کماناں
 اکھ پرت تکے جس پاسے ظالم نین سپاہی
 چھک کماران کر دے ماراں لٹن پاندھی راہی
 مست او داس بیمار دیوانے نین متے نیند دے
 چشماں نال کرشماں کر کے جادو منتر پائے
 پکاں تیرا ہانک پتا پنخجر سان چڑھائی
 مٹھے ہوٹھ صلح وچہ راضی غمزہ کرے لڑائی
 جھوڑا ہسے تے دل کھسے وے وچہ مناں دے
 بدرہ گوری ہسے چوری جیونکر شرم زناں دے
 تلخ سخن جس ویلے بولے مصری مٹھی والوں
 عاشق تائیں چار لائے شربت موت حیاتوں
 متھا گلہاں وانگ انگاراں اوپر بندی کالیل
 جیوں آتش پر لبرل دانہ بد نظراں نوں ٹالی
 نازک جسہ مخمل کولوں سر پیراں تک سارا
 چال لکدی شکل چمکدی جو بن بے شمارا
 نازک دیہی وچوں دس ناڑیں لہورتیاں
 در یتیم وچوں جیوں دس پٹ دھاگے دیاں تیاں
 سچا صاف لہو وچہ چمڑے خوب آہا چمکیندا
 جیونکر شیشے جلی اندر چھک شراب مریندا
 آن ادا حسن دیاں لہراں شان گمان وڈیرا

ساری صفت بیان کرن وا قدر نہیں کجھ میرا
 صورت بدرہ خاتون والی لاث شمع دی آبی
 صاعد وکھ ہويا دل بریاں وانگ پتنگ سپاہی
 پہلے جنگ خدنگ عشق وا لنگھ گیا دو پاسہ
 کاری سانگ پریم نے ماری صبر نہ رہیوس ماسہ
 جادوگر دو نین کوڑی دے پل وچہ کیتا مائل
 مائل دی کی گل محمد ہو گیا دل گھائل
 کنڈا سخت محبت والا آن جگر وچہ پرپایا
 بدرہ نوں بھی صاعد مٹھا جوڑ دوہاں وا جڑیا
 بھاری بدلو عشق دی لگی بدرہ خاتون تائیں
 کیتی قید زنجیر غماں دی ہوویس چت ازائیں
 صاعد وانگ اچا آہا وانگ انگشت شہادت
 بدرہ دا دل بدرے وانگن چریا مال اشارت
 بک دو جے دی صورت تک کے بیٹھے بھن ضرورت
 مورت تے شہزادے والی ہوئی دوہاں دی صورت
 کوس کسے دل وکھ نہ رجدے صورت دی متوالے
 سخت زنجیر محبت والی رب دوہاں ول ڈالے
 نین نیناں نوں بھجے بھجے ملدے دوروں کر کر دہائی
 نین نیناں دے دوست نالے نیناں نین قصابی
 میں رنگیلے آپ ویلے حیلے کرن بترے
 آپ وکیل دلیل پچھانن آپے چور لٹیرے
 رماں نال کریندے باتاں رکھن جیہہ چوہیتی

نین نیناں دے محرم یار وکھول وں جو ہتی
 صاعد شیر جوان سپاہی بدرہ خاتون رانی
 ہک درجے دے عاشق ہوئے اگوں دس کہانی
 رکھن شرم حیاء بتیرا تگن بھی شرماندے
 پہلے درجے شرم نہ جاندا بہت عاشق فرماندے
 جیون زلیخا پہلی خوابوں نابا شرم گویا
 جھلی ہو پئی جد یوسف دوجی خوابے آیا !
 ملکہ بدرہ اندر آئیاں نال انہاں دی مانی
 صاعد اٹھ سلامی ہویا کر کے سیس نوائی
 جو جو ادب شہاں دے ہوندے بھ بجا لیاندے
 خیراں سکھان پچھن نالے صدقے ہتھ گھماندے
 صاعد کولوں ملکہ پچھدی حال احوال سفر و
 نال آداب جواب سناوے صاحب علم ہنر و
 ہے بی بی جیو مہر تہاڑی بین احسان ہزاراں
 میں شوہدے تھیں پچھو کر کے شفقت بیماراں
 لاکھاں شکر الہی آکھاں کرم کیتا رب میرے
 ایس مقام پچائیوس اوڑک دس دس وخت بتیرے
 کالی رات ہجر دی اندر چن کڈھے چکارے
 سیف ملوک شہزادہ ملایا بھل گئے غم سارے
 رنج مصیبت سر گردانی جو کجھ سی میں دیکھی
 شاید رب سب بنایا تاں ہن کھلی چٹھی
 ہوئے جمال دیدار تمہارے کھلے نمک تہاڑے

شکر اللہ وا ایت سبوں جاگے بھاگ اساڈے
 ملکہ جیو دی ماؤ تائیں صاعد دی گل ساری
 خوب پسندے آئی لگی مٹھی بہت پیاری
 ہر ہر پاسوں گلاں کر کے صاعد نوں آزماوے
 علم عقل چترائی دلوں کدھروں خطا نہ کھاوے
 پر بدرہ دے عشق ادبوں سی گجھا روگ لگایا
 بہت تھل تے ہوشیاری دل نوں دے دلیری
 مڑ مڑ روح اڈن تے آوے نال دلاے گھیری
 دل نوں آس ملن دی لانا سمجھ داناں
 سیف ملوک ملا سی بدرہ ہے اوہ یار یگاناں
 بدرہ دے ماں باپ بدھے تے خاص اوہدیاں احساناں
 جو فرمائے سویو کرسن ناں کجھ عذر بہاناں !
 ایسا یار ہمزای ہوندیاں کرتوں چننا تھوڑی
 ہوگ وسیلہ کر کے حیلہ جوڑ دئی گا جوڑی
 صاعد نوں امید پکی سی میل ہوئی ولبردا
 نہیں تاں بدرہ دے غم کولوں اوتھے ہی سڑ مردا
 بدرہ دی بھی حالت ایہو جو صاعد دی دئی
 چڑھدیوں چاہڑے عشق دوہاں نوں حرص ہوئی بیوسی
 عاشق لوک اینویں فرماندے عشق شیشہ روحانی
 ایس وچوں تک لیندے عاشق جو ورتی سرجانی
 معشوقاں بھی معلم ہووے حال حقیقت ساری
 موہوں بولے بابجھ محمد لگے پریت پیاری

ملکہ ہوراں جاں اس جانیوں چت گھریول چایا
 شاہزادہ بھی رخصت کارن مال انہاندے آیا
 بدرہ ملکہ ماء انہاندی ترے گھر نوں آیاں
 سیف ملوک گیا مڑ ڈیرے خیر گزاریں سائیاں
 کی تکتا جے صاعد اگے مردے وانگ پیاسی
 جس دم بدرہ اوہلے ہوئی ہو بیہوش گیاسی
 ویکھن سات شاہزادے تائیں لگ گیا غم بھارا
 یارب سائیاں دوست میرے سنگ ایہ کی ہویا کارا
 مساں مساں رب دتا آبا مدت پچھوں بھائی
 ہتھاں وچوں جاندا دسدا پئی بجگ ایہ کافی !
 عطر مقوی دل وا آندا مغز اوہدے تے ملایا
 میت وانگ پیاسی صاعد ساعت پیچھے ہلایا
 جاں پھر اس نے ہوش سنبھالی سیف ملوک پچھیندا
 دس بھائی کیو ہویا تینوں زردی رنگ مریندا
 صاعد کہندا ہے شاہزادے کی پچھسیں گلی میری
 لگی آگ عشق دی ہو یوں سڑ جی دی ڈھیری
 بدرہ دی تک صورت لگا عشق چکوراں والا
 اوہ اسمانے میں دھرتی تے پوچھن نہیں سوکھلا
 باپ اوہدا سلطان ملک دائیں پردیسی بندہ
 کد بدرہ ہتھ لگسی مینوں اس بن جیون مندا
 جاں اکھیں تھیں اوہلے ہوئی بدرہ خاتون رانی
 میری جان لباب پر آئی جیوں مچھی بن پانی

ایہ گلاں کر روون لگا گریہ زاری کروا
آہیں ڈھاپیں چلن تو پاں ڈھٹھا کوٹ صبردا
سیف ملوک کہے سن بھائی کول اساڈے رہ کے
کچرک توڑی رہیں سوکھالا موجاں مانیں بہ کے
درد مندوں دی سنگت رل کے کون رہے خوشحالی
درد میرے دا پیا پچھاواں ریوں نہ دردوں خالی
وتا درد خداوند تینوں جانے قدر غماں دا
عشق مشک دی قیمت یاویں جس نے سانوں آندا
صاعد رو نوں چپ نہ کروا ناں کجھ صبر تسلی
درد فراق بچن دے والی جھال نہ گیوں جھلی
سیف ملوک مریندا طعنے سن توں بھائی میرا
درد تھوڑا تے روون بہتا ڈٹھا دیا تیرا
بدرہ خاتوں دی تک صورت توں سدھ بدھ بھلائی
یار جنہاں دے کول وسدے کالہی انہاں جدائی
صاعد کہندا قسم کراں میں سچے عشق تیرے دی
عاصم شاہ دے تاج تحت دی نالے باپ میرے دی
ایسے تیز نیناں دے لگے چیر گئے دل میرا
بدرہ دے غم کیتا اینوں جیوں سنجے پر بیرا !
گھریو گھری مینوں جو ورتی قبر قلور غماندی
چوہداں برساں وچہ نہ ہوئی ایسی باب تساندی
بدرہ نوں ہک واری ڈٹھیاں ہک میری بل اٹھی
اوہ بھی عشق محبت میرے بن تلواروں کٹھی

شاہزادہ فرماؤں لگا سن توں میرے بھائی
 عشق کماؤں نہیں سوکھا لے اوہ جانے جو لائی
 عاشق کل کوہ قاف زمیں دے دیتو واہگن گاہندے
 تہو لے وانگر ہول نہ کردے بھاراں رکھن گاہندے
 راہ عشق دے چلن والے سچے مرد سپاہی
 جانن نہ کوہ قاف سمندر جتول ہوون راہی
 اوہ بھی عشق ہوائے چائے اڈ ٹرن دل یاراں
 اڈن والے نوں کی جنگل کی پانی کی دھاراں
 فرہادے آزادے لگا عشق ستائی بیٹھی رستہ مل کے
 سسی ہوئی شہید محمد راہ تھلاں دے چل کے
 صاعد نال کیتی شاہزادے جاں ایہ بات پریم دی
 لگی بھڑک نیولاں تائیں آتش جرم کرم دی
 آئیں ڈھائیں گھت کھائیں رناں درد رنجاناں
 کون کوئی بس نالے لڑیا ظالم ناک لیاں
 ویکھدیاں کچھ صبر نہ رہیا جیو ہویا بے وسہ
 بدرہ نوں فرماندا میں ہاں مردا تیرا تہا
 دودھ بدیع جمال پری دی ماؤ دا تدھ پیتا
 اوس دودھے دی قسم ہے تینوں گل میری سن میتا
 بدرہ کہندی پائیوئی مینوں بھاری قسم جواناں
 کن دے دے دھر کے سنساں جو تدھ سخن سناناں
 صاعد کہندا کی کی دساں بے سخن شماروں
 فرصت چھوڑی گلاں وافر آکھاں اک ہزاروں

ماں تیری تے ملکہ خاتون نالے توں بتیاری
راتیں مینوں ویکھن آیاں جاں مدھ پہلی واری
روپ انوپ تیرا جد ڈٹھا صورت اپن اپاری
اکھ تیری نے رکھ کھجے ماری بری کٹاری
نک بے شک فولادی کھناں واہد صف مہینے
جھٹ نہ لایا ویکھدیاں ہی پھٹ گھیتوس وچہ سینے
پکاں تیر خدنگ نشانی ابر و سخت کماناں
ولول ول کند دو زلفاں بدھیوس کرسیاناں
چشمہ آب حیات سچے دا منہ مٹھا جد ڈٹھا
خضر مثال ہنرے اندر کھول و تارب چٹھا
روشن شمع متابی وانگر چہرہ تیرا تک کے
بج پتنگ ہویا جیو میرا مر مکا سڑپک کے
لا علاج آزادوں بدرہ جاں لباباں پر آئی
مردے جاندے نوں شاہزادے آس ملن دی لائی
جے شاہزادہ آس نہ لانداتاں میں ساں مرجاندا
پلک پلک اس درد تیرے تھیں برس دہاں دا جاندا
زرد کیتا رنگ درد تیرے نے رت سڑی وچہ دیہی
ایڈے سفر اندر نہیں ویکھی مشکل بری اجیہی
تاہنگ تیری دی نار بھلیری دوزخ دی اک نالوں
ایہ دل میرا گوشت بیرا بولیا سینے چڑھ کے
عشق تیریدی نار بھلیری دوزخ دی اک نالوں
کنب بلے ہر والوں بدرہ کوئی نہ محرم حالوں

اٹھی کیجے پیڑا ولی سڑ لیوس تن سارا
 مدھ بن کس نوں نبض دسالوں کون طیب ہمارا
 بدرہ خاتوں آکھ ساندی صاعد اگے روکے
 دماں باجھ تیری میں گولی صدقے صدقے ہو کے
 عشقے والی حال حقیقت جو مدھ آکھ سنائی
 سوئیو جان میرے سر ورتی ہتھوں ہو رسوائی
 جس دم تھیں توں نظری آیا صورت دا شہزادہ
 بھڑکی بھاہ پریم تیرے دی مدھ تھیں کجھ زیادہ
 پہرے کدی ہمدی و مدی چنگ پئی وچہ چولے
 جھڑی متھے تھیں دھڑی خوشی دی زلفاں بنے پرولے
 عشق قصائی چھری وگائی کوہندا دیدے کساں
 جگر کباب شراب لبو دا بول عذاب نہ دساں
 وچو وچہ جہراں سے پیڑاں کی کراں شرمندی
 باہر روواں ظاہر ہوواں کوئی پیش نہ جاندی
 چنگی بھلی تیرے بھانے میں تن وچہ سول سمانے
 من مویا تن ثابت دسا کون دلاں دیاں جانے
 جے ہک روز نہ ویکھاں تینوں سوز کنوں سڑ جاواں
 پل پل دے وچہ سے برساں دی مر مر گھڑی لنگھاواں
 ڈیرا تیرا تکی رہندی محل اچے تے چڑھ کے
 جاں غم بہتا کاہی پاوے روواں اندر وڑکے
 اٹھے پہر خیال تیرے دا دل وچہ نقش پکایا
 صورت تیری حاضر رکھاں تاں کوئی روز لنگھایا

ایہ دکھ سہندی ڈر وی رہندی گل نہ کہندی کسے
 مت معلوم ہووے گا گھر وچہ منہ تیرا نہیں دے
 میں کواری نیوں لگایا کپر قہر کمایا
 گرم کچھری باپ میرے دی رکھیں شرم خدایا
 موہوں بولاں تاں ٹرن وچاراں لج لگے کل شاہی
 چٹی چادر باپ میرے دی لگدا داغ سیاہی
 دوہاں ولوں رب پردہ رکھے عشقے بج نہ لگے
 نالے داغ نہ ہووے پیو دی چٹی دا ہڑی پگے
 مائی دانی سنگ سہیلی کائی بھین تے سکی
 تاں اس گل دی محرم کیتی بھیت رکھاں ہو پکی
 توں بھی الہ رکھ سنبھالا کریں نہیں گل دا ندی
 بھید نہ دس شاہزادے تائیں میں اس تھیں شرمندی
 ندھ نالوں دس حصے مینوں حصے ہوا زیادہ
 چیتا چیتا کریں نہ واقف اس گل دا شاہزادہ
 ایہ گلاں کر بدرہ پچھدی میں ہن گھرنوں جاواں
 مت باہروں شاہزادہ آوے بہت اس تھیں شرمواں
 صاعد کہندا بیٹھ ذرا ہک جاہ نہ آکھاں تینوں
 جو دم گذرے نال بجن دے سوئے حیاتی مینوں
 نت نت ہے ہتھ لگدا کس نوں ایہ کرماں دا ویدا
 رب جانے پھر نال سبب دے کدوں ہووے گا میلا
 باراں روز گزرے اگے دا نلگن باراں برسوں
 کیا جاناں ہن پھر ملن تک یا جیوساں یا مرساں

بدرہ کھندی پیر میرا بھی باہر دروں نہیں پوندا
 جان بدن وچہ تو ہیں سبناں چھڈ کے جان نہ ہوندا
 کی کراں کجھ وس نہ میرا وس جانیکی کرے
 ایس وچھوڑے کولوں کیوں بیٹھ اکٹھے مرے
 دنیا ڈا ہڈی دوتی دشمن دوکھی لوک فساد
 چچی وا چاکاں بناون ہتھوں کجھ زیادتی !
 سچوں کوڑ نکھیرن نا ہیں تہمت لان شتابی
 پاک پلید پریت نہ لوڑن جوڑن چا خرابی
 یار یاراں ول تکرے تگن ناں جر سکن سماعت
 فتنہ پاؤن شور مچاؤن گوٹے کرن جماعت
 پردہ پاڑن شرم ہکاڑن ساڑن طعنے دے کے
 عاشق کارن پکڑا اڈارن مارن سہور پیکے
 بن کے ویری چاہڑ کچھری اینویں کرن خواری
 یاراں نالوں یار وچھوڑن بدیاں لان کواری
 سنگ نکھیرن سنگ بگھیرن جنگ سہیڑن گھر وچہ
 کنگ اٹھاؤن ڈنگ لگاؤن بھنگ پاؤن ہر ہر وچہ
 جے لوکاں دی بات ہلائی ترت نہ مکسی بھائی
 نال رقیباں اساں غریباں توڑوں ہوندی آئی
 ویلا تھوڑا تے کم بہتا کاہنوں کراں پسارا !
 دن دی کی حاجت ایہ گل جانے عالم سارا
 مطلب دی لکھ گل محمد ناں کر جیج نکماں
 گرم بہار اوداس طبیعت رہندا قصہ لہماں

سید باقر علی پیارا دور گیا دل چاہندا
 جے اس کمون دہلا ہوندا طرف بجن دی جاندا
 وقت پچھاؤن نہ چھیڑ کہانی روویں پیارے والی
 مت ایہ قصہ رہے لبائے تے دیوے درد ابالی
 درد اپنے دی چھڑی کہانی رووین پیا محمد
 صاعد بدر کھلے اوڈیکن کتول گیا محمد
 عاشق تے معشوق وچھوڑن نہیں میرا دل بنے
 تائیں صاعد دلوں کنارے پیا پھراں ہر بنے
 پر جاں رب وچھوڑے میں تھیں ڈھل نہ لگدی بھائی
 خوب ملاپ ہویا ہن ساعت وچھڑن والی آنی
 بچناں کولوں رخصت ہویاں نال نصیباں جڑیے
 پردے وچہ گئی لنگھ چٹکی گھروں چل ہن کڑیے
 بدرہ صاعد وچھڑن لگے اوہیا ساہ لیونے
 باہروں سیف ملوکے والا کن آواز پیونے
 بدرہ جدوں حویلی وچوں باہر قدم اٹھایا
 اگوں رو برو شہزادہ بک ہکلا آیا
 بدرہ خاتون ہس کے کہندی سیف ملوکے تائیں
 کی انعام دیویں گا مینوں جے خوشخبر سنائیں
 سیف ملوک کہیا سن میری بدرہ خاتون بھینیں
 کول میرے جو چیز چنگیر سوئیو تھفے دینیں
 صاعد جیہا عزیز نہ کوئی باجھہ بدیع جمالوں
 اوہ کر نفر دیاں گا تینوں باجھہ دموں بن مالوں

بدرہ خاتون ایس جوابوں لازم ہو شرمانی
 کج لیوس منہ پلاوے کے گل کہے پھر رانی
 میں پری دے آون والی خبر تینوں ساں ہسدی
 توں ہن اگوں کریں مزا خاں آکھ سناوے ہسدی
 سیف ملوک کہے لکھ توبہ کراں مزاخ نہ کافی
 مسخریاں دیاں طاقت نا ہیں سچی گل سنائی
 خانے کجے دی سو مینوں ہے سو گند وڈیری
 کہیا سچ مزاخ نہ کیتی سن توں بھینوں میری
 اوڑک مائی باپ تیرینوں اک دن آکھ سناساں
 جے رب سچے چاہیا تینوں صاعد نال منگاساں
 یاد رکھیں ایہ سخن اساڈا جان مزاخ نہ بھینے
 برکت پاک عشق دی کولوں ساک اساں ایہ لینے
 ساک بدیع جمال پری دا منگاں پاک الہوں
 ناٹھ تیرا صاعد کارن منگ لیادر گاہوں
 مولی نہ اس کرے گا پوری سخنوں کرسی سچا
 درد جھاں تے نزد نہ ہاراں مرد نہیں میں کچا
 سیف موکے دی گل سن کے دلوں ہوئی خوشحالی
 چپ چپاتی چلی بدرہ ناں کجھ بولی چالی
 ملکہ خاتون تے ماں اس دی تاولیاں پھر آیاں
 شاہزادے نوں یار ملن دیاں خبراں نیک سنایاں
 فوج بدیع جمال پری دی موج جیویں دریائی
 ایہ تک آئی سیف ملوکا ہویا کرم خدائی

صدق ثبوت تے مشکل آساں آئیآ پری پیاری
لکھ لکھ خوشی مبارک تینوں پہنچے سو سوداری
ہے ساقی غم رہیا نہ باقی بہت ڈٹھی مشتاقی
ہسدا تے دل کھسدا آویں کھول دے دی تاکی
لال شراب پیال شتابی کر میری دلداری
ہوواں مست شکست نہ کھاواں یار ملن دی واری

آمدن بدیع جمال بہ شہر سراندیپ و ملاقی شدن با ملکہ خاتون

وشیندن حال شہزادہ ملاقات نمودن بہزار حیلہ

واہ واہ گھڑی مبارک والی ساعت نیک حسابوں
آوے واء بجن دے پاسوں ہووے کرم جنابوں
جھبھدے ملدا یار پیارا نکلے فال کتابوں
آیا یار محمد بخشا چھٹسی جان عذابوں
سن گلاں دی مستی پاوے پیتے باجھہ شرابوں
ناڑیں تاراں گاون باراں بدن مثال ربابوں
ڈبا پیرا باہر آئے بری جبر دی ڈھابوں
بادشہا نہ ملے خزانہ اپن چیت خرابوں !
رھڑ دے جاندے نوں کوئی لاوے کنارے پھڑکے
حاجی اوچھڑ بھلے تائیں حج رلاوے کھڑکے
دوزخ اک غماں دی اندر خاک ہوئے جھسٹرکے
بخشش دا آوازہ آوے بہو ہیشٹیں چڑکے
بھارا بھار پریت لگی دا سائیں توڑ پچاوے
واؤ فخر دی باغ ارم دی بو بہار لیاوے
کچھم دا کروان کسی دے تہن باغ سہاوے
سوہنا یار محمد بخشا گھٹ وچہ نظری آوے
کنعانوں سوداگر آوے مصر زلیخا والے
جولہ روپ الہی والا یوسف آن دسالے
لڈن ملاح ہیرے دی سچے رانجھا یار سوالے
ستا عزت بیگ محمد سوتنی جا اٹھالے

شتر سوار کچاوے پیکے حے دلوں کوئی آوے
 چڑھ کے نجد پہاڑی اتے واگ وراگ اٹھاوے
 سپاں شیراں دے سرگاہ کے وانگ دلیران جاوے
 نال پیار محمد لیلیٰ مجنوں نوں گل لاوے
 جاں معشوق پیارا بھائی عاشق دی گھٹ آیا
 ظاہر باطن غیر نہ رہیا اوے دس سبھ سہایا
 لی مع اللہ وقت یارو سچ بنی فرمایا
 چپ محمد جس کس پایا اوے بھید چھپایا
 وحدت دے دریا دے اندر چچی مار ہٹھاہاں
 مت ایتھوں سر باہر کڈھیں سٹی دھک پچاہاں
 ایہ اسرار نہ پھولیں اتھے مت کوئی مار گوائی
 شاہ شمس نے ہکے خونوں آہی کھل لہائی
 منہ نکاتے گل وڈیری نہ کر مت کوئی ہسے
 اعظم شامعی مالک جنبل ایہ مسئلے نہیں دے
 وحدت دے دریا وچہ پیناں کم نہیں ہر ہر وا
 لکھ جہاز ڈبے پھر مڑ کے تختہ باہر نہ تروا
 کاہنوں باطن اندر وڑیوں ظاہر دی چھڈ بازی
 رمز حقانی وسدا چلیں پردہ چاء مجازی
 آئی گل شاہزادے والی سن توں بھائی میرے
 سراندیپ اندر آلتھے شاہ پری دے ڈیرے
 شاہزادہ سن خبر پری دی ہک تھیں چار ہويا سی
 بھاہ بھاہ کروا رنگ گلابی وانگ انار ہويا سی

جہاں دی دس پوندی نا ہیں ناں کوئی گل سناںدا
 لطف کیتا رب پاک انہاں نوں کول اساڈے آندا
 نالے ایہ اندیشہ کردا گل نہیں ٹل جائے
 مشکل وقت ایہو رب میرا مہر پری دل پائے
 جہاں کارن گھر در سٹے راج حکومت شاہی
 چوداں برس مصیبت جھاگی جو کچھ لکھی آہی
 جاں جاں دس نہ پوندی آہی شوق آہا دس بجھ دا
 دس پئی تاں فکر ایہوی کیوں اتوں بچدا
 جاں پچا تاں کچھ نہ سحجانت نواں غم کھاوال
 ترت بدیع جمال پری دا کیوں درشن پاواں
 جاں ہن آئی پری پیاری فکر پیا دل بھارا
 خبر نہیں کس طرح ہووے گا نال میرے ایہ کارا
 آس امید میری دی کشتی بنے لکسی ترکے
 یا گرداب غماں دے ڈبسی رت سکی ڈر ڈر کے
 اوہ بدیع جمال پری ہے پریاں دی شہزادی
 حسن جمال کمال جہانوں ہوگ اس خودریزادی
 پریاں دیو آدم دے دشمن ہو سن کئی فساد
 میں عاجز پردیسی بندہ کہو آس خدا دی
 چوداں برس گزارے سکدیاں دکھ جھلے اس آسوں
 خیر نہیں ہن پل جھل اندر کی ہوندا ات پاسوں
 بابل نے شاہ مہرے دتے نال خوشی دے تکے
 تکتن سات گیاں بجھ خوشیاں عشق چلائے دھکے

دلبر غیبی دانیوں لایا سولی تے جند چاڑی
 آس صل دی کر کے دتا چھٹا لمیں باڑی
 وچہ ہوائے پھاپیاں لایاں اپنے نئے چڑھ کے
 بھکھاتے ترہا یا سو کوس غم دی کوٹھی وڑ کے
 شہر گراواں یار اشاواں ہوئیں چھوڑ ہکا
 مٹے ہما پکھیرو لہجے ہو جاوے سبھ بھلا
 سمیرنے نوں جال لگایا ہتھ لگن دی آسے
 کچیاں تنداں وچہ محمد کداوہ پنکھی پھاسے
 گھر در چھوڑ جنگل وچہ وڑیوں میر شکاری بن کے
 شاہبازے نوں پئی لائی کچے دھاگے تن کے
 ہن شاہباز آیا کرتاری توڑ جائے گا پئی
 جے آیا اٹھ گیا نہ لدھا چھوڑ ہوئی تہ ترئی !
 جے شاہباز میرے ہتھ آیا مولی کرم جگائے
 ہور ہزار شکار زمیں دے سبھ پھڑے گھر آئے
 مشکل وقت ایہو رب سچا کرم کرے اس ویلے
 دلبر دے دل پا محبت پھیر میرے سنگ میلے
 روح شاہزادہ منزل پہنچا کر کے بتے حیلے
 دلبر توڑ لیاندا اگوں کامل پیر ویلے
 وقت لقاء سخن دا آیا چننا پئی گھنیری
 بے پرواہ پیامت روے گھٹ محبت میری
 مومن تلخی ویکھ نزع دی تنگی ہور قبر دی
 مشکل پندھ صراط پلے دا گرمی سخت حشر دی

ہور حساب عذاب بتیرے جھل بہشتیں آیا
 مہر محبت نال شتابی دس لقاء خدایا
 سراندیپ بہشت شہزادہ روح تیرا سن بھائی
 اوتھے یار دیدار دیوے گا جس دی ترے کمائی
 ہر اک نوں دیدار ہووے گا کافر مومن تائیں
 کافر ویکھ لقا قبر دا لیسن سخت سزائیں
 مومن نوں دیدار ملے گا نال اخلاص پیاراں
 باغ ارم وچہ کول بجن دے کرسن بیٹھ بہاراں
 ہر بیتے وچہ رمز فقر دی جے مدھ سمجھ اندر دی
 گل سنا محمد بخشا عاشق تے ولہر دی
 بہت ہویا خوش وقت شہزادہ صاعد کول بلایا
 اس بن ہور آہا جو کوئی کولوں دور کرایا !
 صاعد تائیں دے مبارک کہیا شہزادے بھائی
 اج بدیع جمال پری ہے ایس نگر وچہ آئی
 آن شراب کباب تمامی چنگ رباب ستاراں
 عطر گلاب خوشی دے ساجے جو لائق سرداراں
 لے کے نال دوئے دل جانی صاعد تے شاہزادہ
 باغ اندر آ بیٹھے کر کے ڈیرہ خوب آمادہ

پہتی آن دماغ میرے وچہ خوشبوئی دہر دی
 میئی کلی گلاباں والی کھوئی واؤ فجر دی
 چوداں برساں دی سرور دی تروٹک سخت عمل دی
 آن نشے دا ویلا ہویا ڈھل رہی پھل جھل دی
 دہر دا مکھ لال پیالہ مدھ حسن دا بھریا
 ساقی قدرت والے مینوں آن تئی پر دھریا
 آیا مسال لبان دے نیڑے ہور سمجھو غم بھلے
 نقوں تھوں جند کرے محمد مت ہتھوں چھٹ ڈھلے
 پریاں نوری لوک کہاں جسے جامے پاکی
 دھکے دے کھڈے نا ہیں میں بیچارہ خاکی
 اوہ بیٹی شاہپال شاہی دی ایس ولایت منی
 میں اتھے پردیسی توڑے مصر اندر ساں سنی
 خبر نہیں کی ہوندا بھائی باب اسٹاڈے اتھے
 شان اوہدی دے لائق نا ہیں میں کتھے اوہ کتھے
 پر جے مہر پیا دل پاوے مالک آپ دلاں دا
 لا تقطوا من رحمۃ یار اقول سچا فرماندا
 ایہ گلاں فرما شاہزادہ غسل وضو کر پاکی
 بن تن بیج اتے چڑھ بیٹھا زیور پہن پوشاکی
 اعظم اسم مبارک پڑھدا سورے نبی خلیے
 شاہ مہرے سلیمانی کھولے سیف ملوک اسیلے
 مورت ویکھ پری دی اول قدم شکل دے چمیں
 پھیرا کھیں منہ متھے ملدا مڑ مڑ جاندا گھمیں

پھر لیٹ اندر تعویذے بازو بند کر بدھا
 کہندا برکت تیری کچھے میں ایہہ ویلا لدھا
 صاعد باجہ نہ رکھیا اوتھے خدمتگار نہ گوا
 پین شراب ہکے بیٹھے نہ کوئی شور نہ رولا
 بھر بھر پین شراب پیالے پی پی تھیون کھیوے
 چہرے روشن مثل متابی نین بن جیوں دیوے
 جاں کوئی ساعت اینویں گزری ہویا کرم خدائی
 ہور نویں خوشبو شہزادے دلیر ولوں آئی
 ملکہ خاتون تے ماں اس دی عنبر عود جلانے
 ماکاں وچہ گئی خوشبونی عطر محلیں لائے
 پریاں ایس مہمانی تائیں بہت پسند لیاون
 بے خوشبو ہون دل راضی ہسن کھیڈن گاؤن
 ایسے طرح دباڑ گزاری شام پئی دن لتھا
 شمس بدیع جمال پری دی کج لیا منہ متھا
 صفاں قطاراں نہ کھلوتے آدم وانگن تارے
 شاہ پری آسمانی چھپی پردے وچہ کنارے
 دن ڈبا تے پئی نماشاں شاہ پری پھر آئی
 پیاکو ہنکھار ولایت اندر رہیا شمار نہ کائی !
 باغ محل تلا کنارے سارے صحن چبارے
 ہر ڈالی ہر پتر اتے پریاں ڈیرے مارے
 چمکو چمک پوشاکاں سچیاں اک تھیں اک چڑھاوے
 ہر اک بدر منیر حسن دی نجم نساء کہاوے

کڑیاں پھرن ترنجن جڑیاں بنیاں پھن پچریاں
 ہسن گاون ماہنگے پاؤں اوپر باراں دریاں
 چمکن سالو لمکن وا گاں پھنکن چوڑے سچے
 جوڑ مروڑ کدھن لک پتلے لک ٹرن قد اچے
 معشوقاں دی صفیتیں آیوں تاں گل دور رہے گی
 تھاں کوتھاں پچان محمد خلقت کی کہے گی
 ہر ہر جانی کر تکلیفاں زور طبع وا وسدا
 درد فراق فقیر وسندے جو اندر وچہ وسدا
 جے ہر ویلے درد پکاراں سنیر دکھے ہوندے
 رنگ رنگ کلام بھلیری بہتر ہسدے روندے
 بدرہ دے گھر شاہ پری وا ہویا آن اتارا
 موتی لعل جڑاؤ تنبو سونے وا سی سارا
 ملکہ بدرہ ماں اونہاں دی ہوند تمامی سیاں
 چامل جاء محبت کولوں ملن پری لوں گیاں
 شاہ پری نے ملکہ خاتوں مل اول گل لانی
 بعد اس تھیں پھر بدرہ خاتوں پھیر اونہاندی مانی
 مانی اگے سیس نوایا متھے تے ہتھ دھرکے
 اس نے اگوں سر منہ چمیں بہت محبت کر کے
 وارو وار ملن سب سیاں آکھن صدقے گیاں
 جیوں دیوے تے ڈھین پٹنگے تیوں ڈھہ ڈھہ پیاں
 پریاں نال سیاں وا میلا خوب طرح وا ہویا
 سراندیپ بہشت برابر حوریں بھریا گویا

ساوریاں رنگ گورے سیاں کنک ونے رنگ کپے
 شرم حضور کوئی کوئی کر دی ہس ہس اکھ منکے
 بہناں دے گل سوہے کڑتے سرتے بھو چھن بگے
 دھڑی سندھور لگے وچہ شیشے چمک پری نوں لگے
 بہناں دے سر سبز دوپٹے سو سن رگی اگی
 گھیرے دار ستھن چن لائی سرمائی کر رگی
 بہناں سرخ پوشاک تمامی پیراں تھیں لگ چوٹی
 باغ ارم جیوں گماہ ہرے وچہ ساون جج بہوٹی
 بہناں چھاپے دار پوشاکاں جوڑے نال بناتی
 پب اٹھاون چال دکھاون کڈھ کڈھ چلن چھاتی
 بہناں دے سر سادی چادر گل وچہ کڑتے کالے
 ستھن جملی سر پر مٹکی ٹرن کبوتر چالے
 موہنڈے مارن باباں اولارن گردن لک مروڑن
 حسن مروڑاں کرن اجوڑاں تروڑاں دے تروڑن
 نین کٹاراں بھواں کماناں نک خنجر بید ستی
 نال سیاں دے کھوہ گیاں دے کوٹھی ملن رتی
 کندل دار دو زلفاں اٹکن بھنیاں نال فلیڈوں
 چلن بن کے جھانجر چھٹکے منکے ہار ہمیلوں
 کچلے پاؤں تے منکاون لاؤں دا داغ تلاں دے
 اوہلے بہ بہ گاؤں سوہلے ڈھولے گیت دااں دے
 کی نکلی گل محمد چل اگیرے چلاں
 پر جس ایہ فرمائش کیتی اس بھاون ایہ گلاں

جس دی خاطر رکھ ارادہ کی ایڈ تکاوا
 انہاں گلاں تھیں اوس جنے نوں ہوندی خوشی زیادہ
 دل میرا پرچا ہندا نا ہیں بن درواں دی باتوں
 نال ضرورت تھوڑی تھوڑی گل کراں اس ذاتوں
 بدرہ نوں گل لا پری نے بہت محبت کیتی
 سر منہ چمیں نال پیاراں میل دوہاں جند سیتی
 ملکہ دے دل ویکھ پری نوں بہت ہونی خوشحالی
 شکر کرے جے پھیر لیاندی بھین میری رب والی
 جیوندیاں منہ اس دا ڈٹھا لدھی گئی گواتی
 اس بن جیون ساڈے بھانے آہی بری حیاتی
 مولی سنگ ملانی مڑکے کرم جگائے ستے
 ہو دل شاد پری چڑھ بیٹھی تحت سنہری اتے
 مانی نے پھر کول پری دے آن چوگر دے ڈھوپاں
 عود اکبر تے عنبرا شہب مشک اذفر خوشبویاں
 مشکاں دی کجھ حاجت نا ہیں عجب جمال پری نوں
 تاری شاخ گلابی سادی پھلاں نال بھری نوں
 اس دے قدر موافق آہی ایہ ہر چیز کمینی
 ہر ہر وال اوہدے سنگ آہا لکھ لکھ نافہ چینی
 اس دے قدر موافق آہی ایہ ہر چیز کمینی
 ہر ہر وال اوہدے سنگ آہا لکھ لکھ نافہ چینی
 صفت اوہدی دی گل محمد کس منہ نال الاواں
 منہ نکا گل بہت وڈیری کیکر آکھ سناواں

دروصف جمال شاہ پری می گوید

کاغذ قلم زبان میری وچہ ایہ بیان نہ مٹدا
عقل فکر ہن عاری ہویا کھلا سرو سر پھدا
ہر ہر تھاں مریندی آہی چو کڑیاں ودھ ہر نوں
ملے سزا طبیعت تائیں اوں فضولی کرنوں
حسن بیان نہ ہوندا اس دا قصے دی فرمائش
لیک طبیعت اپنی والی کرساں کجھ آزمائش
وہل ہوندا کمتابی وچوں تاں افسوس نہ رہندا
تھوڑی بہتی صفت شکل دی اوڑک میں بھی کہندا
جیوں شاعر پنجابی کر دے اوہ کم تر ت کری دا
پرا وہ صفت نہ لائق اتھے اچا روپ پری دا
اجلا روپ پری دا بھائی پھیر طبیعت میری
پڑھنے والے کرو نہ طعنہ ہوگ کلام اچیری
جیوں محبوباں دی گل دسا نظمی مرد حسابی
کجھ کجھ ڈول ہوو گی اوہو کدھرے ہوگ پنجابی
جو جریاں دی لذت بہتی نرے ہکے ماسوں
لذت دا سلوتا بھائی لبو محمد پاسوں
پر جاں کٹ جگر دے بیرے میں کباب بناواں
رت دے دی پانی پاکے غم دی آگ پکاواں
پر جس ویلے کھاون والے اوہ کھاوے مکھ موڑن
حاضر رہے نہ جی اساڈا خوشی دے دی تروڑن
پر میں بن انصاف تساں تھیں دم انعام نہ منگدا

کرو قبول گدائی کلڑیا رو ایس ملنگ وا
 رستہ چھوڑ محمد بخشا پھریں چریندا جھلاں
 کر کجھ صفت پری دی اتھے دیا چے ایہہ گلاں
 اچا قد سفید پتلا سرو آزاد بہشتی
 یا اوہ نخل مراد خداوند رحمت کنوں سرشتی
 کندل وار دو زلفاں سرتے کالے ناگ ڈنگالے
 ہر مینڈھی سر کڈھے جیونکر بشیر چھہ نکالے
 وانشمند کمند زلف دے بند ہوون دل بستے
 پچا پیچ اوہد یوچہ پھاسن نہ ممکن دے رستے
 کنیں بندیاں واگاں گندیاں کنج کواری کاکی
 حوراں وانگ رنجوراں ہوون ویکھ لطافت پاکی
 نورانی دریا پیشانی نال صفائی چمکے
 واگاں وانگ زنجیری ہویاں واو حسن جدر کے
 سبھاں بھجیاں مشکیں رجیان سلیریاں کھوٹیاں
 پھایاں عاشق بنھن کارن وٹ گئے وچہ سٹیاں
 فرقوں فرق پیا کستوری ہویا دو کلڑے اک دل
 مشکل تھیں وچہ نانے بنیاں مشکے دا کم مشکل
 واگاں مشکوں لاگاں لگیاں جھولن سرا مکایا
 پایا شاخ گلابے تائیں سر پیراں تک سلایا
 ولول دل پئے والاں ول ول ول ول ولول
 آب حیات موہوں گھت ظلمت ذوالقرنین بھلاون
 پئی صاف آہی خم والی جیوں تلوار سرو ہی

پھٹے کٹے سٹے راہیں عاشق دیکھن دھڑوی
 درس جمال ابدے دی پڑھدے سورج انہر تارے
 متھا صاف رو پہری تختی رکھن پکڑ کنارے
 اوس تختی پر لکھے آہے نال سیاہی کالی
 خوشخط عربی نون دو پاسے کافی قدرت والی
 نوناں پیٹھ عجائب سوہنے دوئے صاد لکھے سن
 آفرین ہزاراں اس نون جس استاد لکھے سن
 اوس تختی دے دندے دندے دوندہ جیماں دے گھیرے
 جیم جمال اور خوش نقطے کالے خال بوہڑے
 نوناں دے سر نالوں لے کے میم مبارک توڑے
 الف ازل دی کافی لکھیا وچہ صداں دے جوڑے
 الف اگے پھر بندی دے کے حلقہ ذات بنایا
 شور عشق دا شان حسن دا اک تھیں وہ ودھایا
 لال لباب شکر فون لکھیاں خط فارس دیاں ریاں
 اوہناں وچوں سمین دیندا زور ہس دا پیاں !
 رے تے سمین رے سنگ میم رسم بنی محبوبی
 میم دی گندھ نال دنداں دے کھول دکھائی خوبی
 باغ ارم دے زوپوں آہی اس دی شکل نمونہ
 صورت اندر پیدا ہویا گل پھل گوہ گوہ
 انہاں پھاں تے بھوراں وانگن تکہ بندی والا
 جیوں گلزار اندر آ بیٹھا حبشی بچہ کالا
 ٹھوڈی سی مہند صاف روپے دی تکی باہجہ زکوتوں

وچہ ٹواپر سیوں بھریا چشمہ آب حیاتوں
 بغلوں موہندے طعنے مارن چنے دے پھل چنے
 مثل کلی دی گھنی دیہی سر تھیں لے لگ گئے
 سوہناں بدن پھلاں دا دستہ پلے وچہ چھپایا
 کہتے جتن ہزار ہزاراں کسے نہ درشن پایا
 دو پستان صفائی والے نویں شگونے اگے
 کالے بھور اوپر رکھلوالے نظروں زخم نہ کپے
 سینہ صاف صندل دی تختی جوڑا استاد بنائی
 واہ استاد کرگیر جس نے ایہہ پیوند لگائی
 پتلا چم سفید شکم دا جیوں کانڈ کشمیروں
 ریشم ریشم اچی دایا سی لچھا سوت عزیزوں
 لچ لچ کردا منکا وچپلا لک مہین بیانوں
 پیر اٹھاوے تاں ول کھاوے اٹھدی ڈرے زبانوں
 لکوں لے لگ پیراں تائیں کراں خیال نہ من دا
 بادشاہاں دے ستریں جائے کی مقدر و سخن دا
 چاندی پیر تکے جد چاندی جاندی جان نجاپدی
 قد میں ڈھندی عرضاں کہندی سجدیوں سیں نہ چاندی
 نازک پیر گلاب پری دے مہندی نال سنگارے
 تلے وار بناتی پنیاں چمکن وچہ ستارے
 کھنی مغزی نوک پنچے تے جڑت ہوئی فیروزے
 پتے تلے پتاوے پلے سبھ پچے زرد وزے
 پھوک چلائے ناں اڈجاون وانگن سوہیاں چڑیاں

کھڑیاں کلیاں ریتاں جہیاں پیریں سو بھن کڑیاں
 حسن بدیع جمال پری وا وانگ بہار چمن دی
 سنبل وال مہین زنجیری ہر مینڈھی ون ون دی
 نرگس مست بیمار پری دے چہرہ ویکھ گلاباں !
 گلے گلے عرق سداے رل گئے وچہ آباں
 ال گال گاہاں دل تک کے داغ لگا گل لالے
 جمیں رت کھجے اتے پیندا زہر پیالے
 جوش بخار عشق دے چڑھدے جاں نیناں ول تکدا
 نرگس نوں سرور دی لگے اکھ ہگاڑ نہ سکدا
 ٹھوڈی ویکھ خبانی تائیں لیک پئی وچکاروں
 پستاناں دی غیرت کولوں وکیا رنگ اناروں
 اچا قد رنگیلا تک کے سرد آزاد پیارا
 پیراں بہار حیران کھلوتا ہوتا قید بیچارا
 چوہدویں وا چن داعی ہویا متھا ویکھ نورانی
 اکھ بھڑا نہ تگن ہوندی سورج ہار پیشانی
 کالی لیل زلف وچہ آبا خوب سہیل یمن وا
 عاشق دی بلغارے تائیں رنگ دیے ون ون وا
 اچا متھا بہت کشادہ شیشے ہار چمکدا
 روپ انوپ خدائی دے اوں اندر جو تکدا
 لاڈ تکبروں بھر بھروٹے بھروٹے دو کالے
 لالی اندر نظری آون چن مبارک والے
 متھاسی آسمان حسن وا اوہ وچہ قوس قزح سن

شام زلف دی لالی اندر کالی گھاٹ طرح سن
 چہرہ صاف بہشتی صفہ ابرو طاق بنائے
 واہ نقاش محمد بخشا جس اوہ رنگ لگائے
 مکھ محبوباں دامت اللہ اوہ محراب لو چیرے
 کرن نماز نیازاں عاشق جدے دین چوہیرے
 زور کماناں کم ہمیشہ ابرو سخت کماناں
 رستم نین سپاہی ظالم گھائل کرن جونساں
 چمن کافی زہروں پانی ترکھے تیر خدنگدے
 بسے ناگ ایانے چوری مال داں نوں ڈنگدے
 اھیں نییر کٹاراں وانگر کرن چوٹرنی ماراں
 اکھ ملے چور اوچکے چھپ چھپ کر دے واراں
 بیٹھے چھوہ دھر وہ کر مارن برچھی نیزے سانگاں
 لٹن لٹن سنن راہیں سنن نہ کوکاں چانگاں
 سیف ملوک جیہاں نوں لاون کس بندوق کلجے
 دھوں آواز نہ نکلے کوئی سل جاوے نہ بھجے !
 بجلی دے چمکارے وانگر اکھ پرت قہر دا
 جو تکے سونس نہ سکے بھج اوتھائیوں مردا
 واہ واہ مست نگاہ پری دی گھاہ کرے وچہ سینے
 ڈوری بھوری نیند بھری سی تکی طرف زمینے
 خوب بد امی اھیں بھائی چیر میاں انب پھاڑی
 کجل کٹک مک سوہاوے جیونکر بک او جاڑی
 گوہڑے نین سمندر حسن دے کجلا لہراں مارے

اکھ منکے مارن دھکے ٹہل دیون بتیارے
 ہوندے غرق جہاز ولاں دے لگدا کون کنارے
 پر اس دین محمد بخشا جو ڈبے رب تارے
 جادو گرا دو اس ایانے بن پیتے متوارے
 اوپر خماری کرن اسواری پھرن شکاری بھارے
 کٹ کٹ سٹن کٹک داندے لین جہان آزادی
 کر دے دار ہتھیار جہاندے سرمے سار سنگاری
 بکواری دے دیکھن کارن سیکریاں سردارے
 پاک شہید محمد بخشا جو اس جھڑے مارے
 تگن سات کریدا گھائل نک خنجر فولادی
 اوہو قاتل اوسے اگے پھیر کھٹے فریادی
 پتا اچانک پری دھار جویں تلواروں
 لوگ باق سچی دی تابش جھلک لگے چمکاروں
 سدھا تیر صفائی والا زہر آلودی کافی
 اڑ دے پکھنوں مار گوائے کیا طاقت انسانی
 کاتب لوح قلم دے لکھیا حکمت دی تدبیروں
 وچہ بسم اللہ اکبر الف زنج تکبیروں
 متھا لوح ازل دے نوروں قلم آہانک بھائی
 مڈھوں اک اگوں منہ دولے نا ہی خط خطائی
 سرخی لکھن والی آہی وات دوات نورانی
 صوفاں سز الہی نکھن اکھر عشق حقانی
 لکھن کی روشنائی خونی سر خط عاشق فانی

بول تیرے توں گھول گھمائیے سے جسے لکھ جاتی
 سدا بہار گلاب گوہڑے دی وات کلی مکھ میٹی
 صاف آواز پریم رس والا جیوں رانجھے دی سیٹی
 سوہنا سرخ عقیقی تھیوا مہر مکی سلیمانی
 موری مثل سوئی دے نئے آہی ذرہ نشانی
 سچا موتی سل نکایا کاری گراں سیاناں
 یا اوہ گرد پتاسہ مصری لذت دار لکھاناں
 لعل لباب یا قوت پیچے سن شکر مصری ڈلیاں
 لالی تے باریکی ولوں گل عباسی کلیاں
 پستہ مغز بادام گری سن جس ویلے منہ میٹے
 گل کرے دند وکھے چھوہارے ہسے تاں پھل ویٹے
 لالی وکھے لباب دے والی والی مصر شہزاد
 مورت اگے نال ضرورت ہو گیا سی ہرودا
 دند سفید ہیرے دیاں کیناں گھنیاں گھنیاں لاراں
 استا کار برابر کر کے رکھیاں خوب قطاراں
 یا ان بدھے موتی بدھے گھت قدرت دیاں تاراں
 یا اوہ چھپے کلیاں جڑیاں پنچ چوکے بک یاراں
 خوب سنجاف چٹے تے سوہے کنگری چوٹی داراں
 گلگیاں ہار محمد بخشا سرخ دس دند لہراں
 طوطے وانگن جیہہ منھی سی مینا بولن والی
 آکھے میں ناں بولن والی ہر اک نال سکھالی
 ٹھوڈی سیو باغ ارم دا بھی سی رس والی

جھلے لکھ آ سب نہ پہنچے اس دے کول سوالی
 چوہا پاک آہا وچہ ٹو آجو بن پانی بھریا
 ٹھوڈی پیشہ سلاک جڑی سی مچھ حسن دا تریا
 گردن مثل صراحی کچ دی بوتل صاف بلوری
 سرخ شراب لہو بھر رتے شیشے گرد لاہوری
 یا مای دی مرلی آہی مائل کرے حیواناں
 یا کرنا آخر دی سن کے نکل پون جاناں
 شیریں شکر نرم آوازہ رسلے بول رنگیلے
 تلخ جواب مٹھے منہ وچوں سن کپندے نیلے
 مٹھا ہاسہ ماسہ دند نہ کر دی ننگے
 صاف لمبیں تے پتلی گوری گردن مثل کلنگے
 طوطے قمری نالوں سوہنی کول وانگن بولے
 چھنکے گل کٹوری جیسی موتی بھرا بھر تولے
 باباں لوہڑے رنگ رنگیلے چنن چیر بنائے
 استا کار ازل دے یار وجندر چاہڑ سوہائے
 یا اوہ باغ حسن دے وچوں چنے نویاں شاخاں
 لچاں جوڑ مروڑ کریندے چال مثل گستاخان
 انگلیاں دس پون سلایاں چاندی کھری سلاکاں
 نوہیں مہندی بن بن بہندی لہو ملے غمناکاں !
 یا اوہ کلکاں سوہیاں آہیاں شگرف بھریاں نوکاں
 یا شاطر یا تیرا جل دے رت پیون سبھ لوکاں
 چھاتی تختی صاف چنن دی خوب کریگر گھر کے

چاندی دے دو پھل لگائے میخ لوہے دی جڑ کے
 شان گمان محول تکبر لاڈتے بے پرواہی
 بے رحمی تے ستم بے ترسی خوبے مہری آہی
 نازک جسہ پھل چنے وا الا مکھن سیالا
 دھنی تہیں خوشبوئی حلہ مشک تتاری والا
 نکی نکی چال لڈکی ہنساں کھگاں جیہی
 رنگ گلابی شکل مہتابی پھلیں تلدی دیہی
 ٹور مٹکدی وانگ کبک دی گردا لک مروڑے
 پب اٹھاوے رب بچاوے کچی تند نہ تروڑے
 حوراں نالوں حسن زیادہ پرماں دی سرداری
 یوسف ثانی روئے زمین تے صورت رب اتاری
 روپ بدیع جمال پری وا چوہں چن نورانی
 دھاوس زہر کھجے تکے جے زہرا آسانی
 جے سورج ول ویکھے ساہنواں بھجے بدلی وچہ وڑا
 تارہ ویکھے بکو حکمارہ ہو بیچارہ جھڑ وا
 بابل شاہپالے گھر جمیں پانی پالن ہارے
 بابل دے کھوہ پین فرشتے مارو غم دے مارے
 ٹھم ٹھم کر دی دھرتی دھر دی نازک پیر گلابوں
 مہندی رنگے جیوں پٹ کچھے آون شہر خوشابوں
 جے عاشق دیاں نیناں اتے رکھے لاڈ عتابوں
 پر پر چھاپے پون محمد اتھرواں دے آبول
 تروڑاں جوڑاں تے نک توڑاں دم دم وچہ کجوریاں

تنہی تلخی بے وفائی مویاں نال مروڑاں
 نویں جوانی مدھ مستانی آلی بھولی سادی
 روپ الہی دی اک پتلی دم دم ہووے زیادہی
 آن ادا گمان پری دا باہر شمار اندازوں
 نور حضور بیٹھی مستورہ تنبوتان مجازوں
 یوسف دے پیراہن وچوں جلوہ جس دکھایا
 اہو یار اس باغ ارم وچہ سیر کرن سی آیا
 جاں بیٹھا سی وچہ کچاوے شمس لیلی والے
 قیس نمانے نوں کر مجنوں نجداتے تن گالے
 فرہادے شامزادے سنیاں جاں شیریں آوازہ
 پٹ پہاڑ لے اس کیتا خیر نوں دروازہ
 ہردا روپ مریدا بھائی ہر جائے چکارے
 پا جھاتی محبوباں والی گوہڑے نمین سنگارے
 لعل دا مل پان جواہری جو بن دے بنجارے
 ہک دوجے دل لین محمد آدم کون بیچارے
 بھید چھپاویں مطلب پاویں اس گے کس لائیوں
 کدھر رہیا پری دی کت پاسے اٹھ آئیوں
 انگ سہیلی تے الہیلی سوہنی راج گہیلی
 جیوں تارے چن نال سنگارے ہر ہک سنگ سہیلی
 پری گلاب سندر مکھ والی وچہ گلزار حسن دے
 سنگ سیاں رل کھیڈن بیان جیوں پھل ہو چمن دے
 شمع پتنگ جلاون والی گرم لقاء پری سی

بہتا جھکے نیواں تکے شرم حیا بھری سی
 اوڈے پنکھی ڈھیس ہوائیوں جے اک جھاتی پاؤں
 ویکھن تارے چمکن ہارے ڈگ زمیں پر آون
 شوخ آشوب جلت دا فتنہ شور انگیز جہانوں
 مٹھی چیرہ ملیح سلونی بہت پیاری جانوں
 عاشق سوز پتنگاں وانگن روشن لٹ چراغوں
 نونہال اتے گلبدناں بک ارم دے باغوں
 جے کجھ صفت پری دی بھائی ٹوراں ہو آگیرے
 ڈر لگدا مت عاشق تے سٹر سٹر مرن چوہیرے
 مشتاقاں نوں شوق بجن دا سن سن ہوگ سوایا
 اک وچھوڑے والی اتے تیل جدوں ایہہ پایا
 جوش خروش بھرے دل والے بے سدھ ہوسن ہوشوں
 جگر کباب شتاب کرن گے تاب حسن دے جوشوں
 مست نگاہ پری دی اندر خونی نین بہادر
 مویاں دلاں نوں زندہ کر دے آب حیات برابر
 جاں چڑھ بیٹھی تحت چے تے ملکہ کول بہائی
 نال پیار پکھیندی گلاں جیوں مادر دی جانی
 ملکہ خاتون نوں فرماندی ہے سندر مکھ بھینے
 لکھے دھر درگاہ چے دے مدھ آہے دکھ لینے
 کیکر گزری حال حقیقت کس قیدوں چھڑکائیں
 قلم دے شاہزادے کولوں کت بدھ نکل آئیں
 کی سب بنایا قادر کہو کی قدرت ہونی

ایسا کامل ملایا تینوں کون موکل آئیں
ملکہ سی حیران نہایت ویکھ عنایت ذاتی
تاب حسن بیتاب کیتی سی بیٹھی چپ چپاتی
تابش جوش حسن دی کولوں رہے نہ ہوش نکالے
بر بر تگے بول نہ سکے ایہ دلیاں آنے
واہ کاری گر سرجن ہارا سبھ قدرت وا والی
چونوں اتے چگونوں دائم پاک اوہدا در عالی
نہ اس جند نہ جسہ جامہ بے مانند الہی
لم یلد و لم یولد ہے سدا اوے دی شاہی
آپ حکیم سبھے بدھ جانے ہڑکوں رکھ بناندا
قطرے ہک منی دے وچوں خوب منکھ سہاندا
پانی دی ہک بوند بیتقدری ہو جھڑی آسمانوں
در یتیم بناوے اس تھیں لعل پتھر دی کانوں
شاخ ہری تھیں پھل نکالے پھلے وچوں واناں
ہک رنگوں سے رنگ بنائے آپ حکیم سیاناں
پتھر نوں دے نور خباہوں سورج کر چمکاندا
پانی دے ہک قطرے وچوں عرش مجید بناندا
ساوریاں تھیں گورے کردا گورے وچوں کالا
سپ سمندر وچوں موتی کوہ قافاں وچہ لالہ
کردا نبی کناروں وچوں سر پر تاج نکالے
ماکان تھیں شیطان بنائے طوق گئے وچہ پاکے
دنیا داراں دے گھر دیندا بیٹے ولی الہی

ولیاں دی گھر پیدا کروا میرے وانگ گناہی
 قدرت اس دی وا کجھ مینوں انت حساب نہ آوے
 سکی لکڑ سر حقانی بن رباب سناوے
 سونی صورت سر الہی عام نہ سمجھن سارے
 خالصاں بابجھ محمد بخشا کون کرے نثارے
 وقت نا وقت پچھان فقیر اگو جہی رمز نہ کہو کھاں
 قصہ ترور اوچیرا ہوویں بیٹھ نچلا رہو کھاں
 ملکہ خاتوں شکل پری دی دیکھ تعجب ہوئی
 دم مارن دی رہی نہ طاقت گل نہ کر دی کوئی
 ایسی صورت ایسی سیرت ایسا روپ نورانی
 دھن خالق جس ایہ بنائی مظہر حسن حقانی
 پری بولائے ملکہ تائیں ملکہ بول نہ سکدی
 پئی ہلایے گل کرائے اوہ مرے برابر تکی
 جاں کجھ ہوش نکانے آئی اوکھی ہو کے بولی
 شاہ پری نون کہندی بھینے میں تیرے توں گھولی
 حسن جمال کمال تیریدی جہال نہ جاندی جہلی
 گن ڈورے جھہ گوئی ہوئی ہوش گئی میں جہلی
 آب تیری تک تاب نہ رہیم ہو غرقاب رہی میں
 گل نہیں ہو سکدی ایہ بھی مندے حال کہی میں
 یاد مینوں اک سخن نہ رہیاں اندر وچہ پھردا
 گن نہ سندے منہ نہ بلدا حرف نہ جیہوں کروا
 شاہ پری پھر ہس کر یہیں سر ملکہ وا پھر کے

سینے اپنے لگا یا نال پیار پکڑ کے
 ہتھ موہیں تے پھیرن لگی نال محبت خاصی
 لذت گل دی تا ہیں جس دم سوہنے ہون اخلاسی
 رحمت دا ہتھ پھیرن سر تے دیہن پیار لبان تے
 پھان جیسے سخن اس ویلے پھرن ہزار لبان تے
 ایسے بھاگ لگن گے کس دن دائم شکن وچاراں
 سینے لا کچھے گا گلاں سوہناں نال پیاراں
 ملکہ والا سفر کٹیں تے مار دیوے نوں آویں
 مدت کچھے ملیں محمد تاں سوہناں گل لاویں
 نال پیار پری دے ملکہ بہت ہوئی خوشحالی
 مٹ گئی اوہ مست خماری ساری ہوش سنبھالی
 دل وچہ کہندی یارب سلایاں سیف ملوک پچارا
 ایسی آفت ڈٹھیاں ہویاں لیکر کرگ گذارا
 ایسی شوخ لڑکی صورت شان گمان بھری ہے
 ویکھن سات مریگا بھانویں خونی ایہ پری ہے
 اوہ پتنگ ایہ لاٹ اگی دی مری پھنچ اتھائیں
 سیف ملوکے دی رب سائیاں کیویں جاں بچائیں
 پھیر پری نوں آکھن لگی نال زبان ریلی
 ہیں بھینے توں پریاں وچوں ہیں شاہ پری رگیلی
 بدرہ تے تھہرک دوئے دی مادر دا دودھ پیتا
 ماں تیری نے نال اساڈے بھائی چارہ کیتا
 حق تیرا ہن ساڈے اتے ساڈے حق تیرے تے

ہوندے زور احسان مروت کیتوئی نہیں میرے تے
 میں پرائڈ مصیبت گزری باہر حد شماروں
 رہیوں قید دیواں دی اندر دور اپنے گھر باراں
 ساک اشنایاں بھائی چارے در تن بھاجی سارے
 اسے کارن کر دی خلقت اوسر آون کارے
 اوسر متر پرکھن ہوندا وچہ غریبی ناریں
 دوہدل گال ازماون ہوندی پھلگن ماہ بہاریں
 اوکھے ویلے کاری آوے بھلیاں دی اشنائی
 اڑیا آکھن دی لُج پالن جو انسان وفائی
 دنیا تے جو کم نہ آیا اوکھے سوکھے ویلے
 اس بے فیضی سنگی کولوں بہتر یار اکیلے
 سکھاں عیشاں موجاں اندر ہر کوئی یار کہاندا
 سنگی سو جو تنگی تک کے بنے پنجاہل دکھاندا
 کول ہووے تاخیراں اندر یار اشنا کہاوے
 دور مہم پیاں درکھیارے چیتا منوں بھلاوے
 اوڑک نفع ہو ویگا کتھوں ایسے سنگ دو رنگوں
 سڑدا یار تکے سڑ جاوے سنگ ننگ پتنگوں
 اک بیڑی پر موجاں مانے ویکھدیاں اک رھڑدا
 اس رھڑ دے نوں پھڑ یوں ناہیں دا جس دا سی پرڈا
 کاہدا سنگ محبت کیسی کی ایسی اشنائی
 مویاں گیاں تھہ نہ کیتا خوشیں عمر لنگھائی
 مان میری دی دھی کہاویں بھینوں نال سہیلی

اوکھے ویلے کم نہ آئیں ساڈا بھی رب بلی
 تیرے جیہی سہیلی ہووے پری اکیل شہزادی
 کی لائق اس بے وفائی حدوں بہت زیادہ
 میں عاجز بچاری ہوئی رہی اچروچہ قیدیاں
 نال کوئی بھائی چارا ڈٹھا واقفیاں امیدیاں
 قلمزم دے شہزادے مینوں رکھیا سی وچہ بندی
 بندی دے سر بنی قبر دی سخت مصیبت مندی
 ماں پیو بھین بھرا وچھنے سنگ سیاں تدم جہیاں
 پیا وچھوڑا دل دا جھورا سے پیڑاں سر سہیاں
 ہک ہکلی سو لیں سلی وچھڑی سنگ قطاروں
 کوکاں کوک قبر دی جیونکر ترئی کونج اڈاروں
 تلیاں پھاناں ہتھ مروڑاں ہوئی حیران نمائی
 تلیاں وچہ کڑاہ غماں دے جیوں مچھی بن پانی
 تنگ پیوس کوئی سنگ نہ ساتھی پچا تھی جاکو تھاویں
 باپ میرے دی پیش نجانہی سو دس لاوے بھاویں
 دس تیرے سی اوہ اپراہ جے توں آہر کریدی
 قلمزم دے شاہزادے تائیں فوجاں سنے مریدی
 باپ تیریدا لشکر بھارا ودھ اس تھیں سو حصہ
 تسیں اساڈی مدد کر دے جھب مک جاندا قصہ
 باپ تیرے دے اگے بھینے آبی گل سکھالی
 جے ہک وار تیاری کروا پریاں دیواں والی
 قلمزم دے دریا دے توڑی فوجاں دے گھٹ بھجے

دھونے شتری ڈھول نغارے طرم طنبورے وجدے
 پریاں دی گھنگھاری پیندی دیو مریلے گجڈے
 قلم دے سر کر دے تک کے یا ملدے یا بھجڈے
 جس شہزادے مینوں کھڑیا جاں ایہ بازی ہر دا
 بانہ میری پھڑ دیندا اونویں ماری واکی کردا
 تہاں اگے کچھ چیز نہ آہے دیو قلم دے سارے
 مار منداں انہاں نوں کر دے تہیں میرے چھٹکارے
 خیر کسے پر دوس نہ کوئی لکھی سی ورگاہوں
 کیتی بند خلاص میری بھی ہویا کرم الہوں
 ایہہ اپراں میرے والا کدی تہاں تھیں ڈھکدا
 ستر کرسی ساڈی توڑی ایڈ احسان نہ مکدا
 غمیوں ٹور موکل دتا مرد بھلا اخلاصی
 آپ احسان کیتا رب والی قیدیوں ہونی خلاصی
 ظالم نفس دیوے دی قیدیوں رب کیتا خصماناں
 غمیوں میل موکل دتا کامل پیر یگاناں
 اوے توں میں گھول گھمائی دھن اوہ دیر پیارا
 اوہو بابل اوہو مانی اوہو بھائی چارا
 اوے دا احسان مروت اوے دی وڈیائی
 جس نے قید اولی وچوں ہمت کر چھڑکائی
 بھلا ہووے اس مرد سچے دا شالا دوہیں جہانی
 بہت پیار محبت کر کے ملے پیارا جانی
 سن کے گئے الا ہمیں سچے شاہ پری کملائی

عذر بہانے کر کر کہندی سن توں ملکہ رانی
 باپ میرے نے بہتی واری کیتے سے سمیانے
 فوجاں سنے تیار کرائے سر کردے مردانے
 تیری لوڑ کرن دی خاطر لشکر بہت چڑھائے
 مرد زور آور چنگی خونی ہر ہر طرف دوڑائے
 ملک ولایت ہور اجاڑاں دسدے شہر لوڑائے
 کدھروں خبر نہ لہی تیری سبھ گھریں مڑ آئے
 خشکی دی سبھ تھاں لوڑائے کدھروں پتہ نہ لگا
 پر اترو کے ماں میری سی کر دی ایہہ اوسر گا
 باپ میرے نوں کہندی آہی آ ملک ڈھلاں چھوڑو
 وچہ سمندر ٹاپو بندر ملکہ تائیں لوڑو
 دیواں پریاں دے ونڈ لشکر ہر ٹاپو دل ٹورو
 ڈھونڈو ملکہ بیٹی میری نبی سلیمان سورو
 کوہ قافاں دریا واں اندر ڈھونڈھ کرو جگ ہمارے
 ملکہ لہیے تاں رہ آوے نہیں اسی بتیارے
 پٹ اولٹ پہاڑ جزیرے ہور لوڑاؤ سبھے
 پت ساڈی ہن تاہیں رہندی جی مڑ ملکہ لہیے
 بابل بھی اترو کے آہا ساعت روز تکیندا
 طلباں خرچ مہم گھلن دا لشکر تائیں دیندا
 راکش دیو عفریت ہزاراں کر دے سان تیاری
 ہن تینوں رب آپ لیاندا لطف ہویا سرکاری
 ناں احسان مروت ساڈے نہیں کسے دے بھارے

ہک احسان اوے دا ایہ بھی جس دے اگے سارے
 ملکہ کہندی آہو میں تے لطف کیتا رب آپے
 لیکن ہک سبب بنائیوس تاں چک گئے سیاپے
 شاہ پری پھر کہندی ملکہ چھوڑ نہوے بہو کھاں
 کی سبب بنایا مولیٰ سچ اسانوں کہو کھاں
 ملکہ خاتوں کہے پری نوں کی گل وساں تینوں
 مصر شہر دا ہک شاہزادہ اوس چھوڑایا مینوں
 پھیر بدیع جمال پری نوں چک لگی اس گلوں
 کون کوئی شاہزادہ ایسا آیا ہے کت ولوں
 غیرت غصہ کھا دے وچہ پچھدی ملکہ تائیں
 کون شاہزادہ کیسا جیہڑا گیا اجہیاں جائیں
 پریاں تے عفریت مریلے راکش دیو بہادر
 اوس قلعے وچہ جاون جو گا نہیں کسے دا باور
 آدمیاں تے جناں وچوں جو جو لوک قتل آور
 اوس گردے وچہ پہنچ نہ سکدے جے سو ہون زور آور
 باشک ناگ سنار وڈیرے مجھ سمندر والے
 اوس گردے وچہ پہنچ نہ سکدے نہ پنکھی پروالے
 کی مہم بنی شاہزادے ایسی بھاری اکائی
 کس آفت نے چا لیاندا جا وڑیا اس جانی
 دھن دلیری گھنی گھنیری سنی زبانی تیری
 ایسا مرد اپر اہدی کیہڑا دس سہیلی میری
 ملکہ خاتوں کہندی اگوں وساں گی تک ویلا

محرم گل دا محرم کریئے جس دم ملے اکیلا
عاماں بے اخلاصاں اندر خاصاں دی گل کرنی
مٹھی کھیر پکا محمد کیتاں اگے دھرنی
عاشق دی معشوقاں اگے چوری عرض بچائیے
باہجر پیا تھیں بھید تھن دا ہوراں نہیں سنائیے



حاصل کام

بھیر ، ہجوم ہوائیں والے دور کریں جس ویلے
ساجن دی گل کہے وسیلہ جد چاہے ند میلے
دوروں آیا یار ملے گا جاں ہو بہیں اکلا
رمز حقیقی کہے محمد پاء مجازی پلا
پھیر پری نے مجلس ساری کولوں ترت اٹھائی
بک پری بک ملکہ خاتوں ہور نہ رہیا کائی
سرداراں نوں رخصت دتی سراندیپ چوہیرے
باہر شہروں تھان بتھائیں کرو قلعہ وچہ وڈیرے
کجھ فوجاں جا لبو قلعے وچہ اوتھے رہو مقامی
کجھ جاؤ مڑ باغ ارم نوں پریاں ہو سلامی
جس دی پھیر تیاری میری گھدی طرفے ہوئی
اس دن حاضر ہونا سبھناں چیتا رہے نہ کوئی
سبھناں حکم بجا لیاندا وانگن خاص غلاماں
کہن ثنائیں دیہن دعائیں نیوں نیوں کرن سلاماں
چم زمیں سلامی ہو کے اڈیاں بھنھ قطاراں
کونجاں بار ہزاراں پریاں جاون نال بہاراں
کئی ہزاراں مڑ کے گیاں باغ ارم ول گھرنوں
سراندیپ اندر کجھ رہیاں سر پر من امر نوں
ست سے سی سرکردا رہیا لشکر نال تمامی
ست ہزار پری ہور خاصی پرت گئے سبھ عامی
جو کجھ گرد شہر دے آہے آپے تھان اجالے

برج جزیرے ، باغ بھیرے چشمنے پانی والے
 روئے گنبد محل چبارے کوہستان ، سرائیں
 مسجد اتے مناری قبریں ہور بلندیں جائیں
 سہناں پریاں ڈیرے لائے تک جائیں من پڑیاں
 نال بدیع جمال پری دے رہیاں دو تن کڑیاں !
 سراندیپ نگر دی رانی ملکہ جیو دی مائی
 ہر ہر قسم عجب کھانی شربت شہد لیائی
 عطر یا تاں تے خوشبوئی مغز کیتے تر تازے
 سڑ دے عود رباب کریدے مٹھے نرم آوازے
 ملکہ بدرہ شاہ پری نے نالے سہناں سیاں
 کھادے کھانے جو من بھانے پھر خوشبوئیں لیاں
 تھال سنہری بھر بھر رکھے کھلے زرد پلاؤں
 کچھ کھادے کچھ وہدے جیرے چان لگے اس جاؤں
 شاہ پری دے اگوں جیہرا ودھیا سی کچھ کھاناں
 ادھا سی یا گھٹ زیادہ رب معلم کی جاناں
 ملکہ خاتون آپوں اٹھ کے چائی اوہ تھالی
 شاہ پری تھیں پچھن لگی بن کے وانگ سوالی
 ہے سندر مکھ پرینے بھینے ایہ دل میرا کہندا
 اک بندہ بیمار چرو کا باغ اساڈے رہندا
 اوہ عاجز پرویسی شہدا بہت غریب نماں
 جے آکھیں تاں بھیجاں اس نوں جوٹھا تیرا کھاناں
 ایہ تبرک تیرا کھاسی خیر آزاروں پاسی

لوں لوں نال دعائیں دیسی دکھ اوبھدا جد جاسی
 شاہ پری نے ہس کے کہیا کم مناسب جیہڑا
 عقل تیری وچہ چنگا لگا ٹھاکن والا کیہڑا
 میرے ولوں دیہہ شتابی جس نوں تیری مرضی
 دکھ نہیں کجھ مینوں بھینے جے سکھ پاوے مرضی
 درد منداں دے درد ونجائے جے میرا پس خوردہ
 دیہہ طعام شراب شتابی گرم ہووے افسردہ
 واہ نصیب غریب بندے دے کئی دناں دے بھلکھے
 ولبر واپس خوردہ لبھے امن پوے وچہ کلکھے
 ڈٹھے باجھہ پیارا جانی دے اول مہمانی
 لگے آس نراس بندے نوں دور ہووے حیرانی
 شاہ شمس تبریزی جوٹھا اک گھٹ سرخ شرابوں
 ملاں رومی نوں جیوں دتا ہو یا کرم جنابوں
 شالا دو لو دمڑی والا جو ٹھا اپنا کھاناں
 دیوے میں بھلکھے نوں تاہیں رنج رنج موجاں ماناں
 جے اوہ مرشد مہریں آوے جو ٹھا گھٹ پیالے
 ملاں رومی والے مینوں سچے سخن سکھالے
 پڑھنے سننے والے تائیں تاہیں لذت آوے
 منگ ننگ محمد بخشا مت اوہ کرم کماوے
 اگے بھی سبھ کرم اوسیدے اگوں بھی لکھ آساں
 مدد خاص انہادی کولوں قصہ کھول سناساں
 شاہ پری دا جو ٹھا کھاناں مملکہ خاتوں چایا

باہر گھر تھیں آ کر اوہیں گولی فوں چکوا یا
 واہ واہ گولی نازک ہوئی پنجیس پھلیں توی
 سونی صورت سندر مورت ٹردی ٹور ممولی
 چار کاب سرے تے چلی گن گن پیر اٹھاندی
 ملکہ اگے نال گمناں مجرے کر دی جاندی
 سیف ملوکے داسی بھائی جس باغے وچہ ڈیرا
 خوشیں خوشیں اوس نچے آن کیتونے پھیرا
 سیف ملوک نے جد ڈھٹی ملکہ خاتوں رانی
 روکر دھرتی تے چھنکائیوس اتھرواں دا پانی
 ویکھدیاں کچھ دس نہ رہیوس جھس گئی اک غم دی
 ہنجریاں کرپیاں جھولی بوند جویں شبنم دی
 نترگس دے پھل وچوں ڈھٹھے قطرے اوس کھری دے
 لالے وانگن داغ کیجے لایا سونے پری دے
 ڈبیاں رائگیاں تھیں ڈہلے موتی ڈل ڈل کر دے
 یا ڈل اندر نیساں والے قطرے پئے ابرو دے
 ملکہ روندہ ویکھ شاہزادہ کھندی نال دلا سے
 سن توں ویرا ہو کھان وھیرا ویکھ ربانی پاسے
 اج ویلا خوشحالی والا روون دے دن گزرے
 کم تیریدے حیلے لگے آسیں بندے بے عذرے
 تیرے کارن دلبر دلوں اول دی مہمانی
 جوٹھا اس دا کھانا آندا ویکھ رکاب نشانی
 ایس رکابی وچوں اس بھی ہتھیں اپنی کھابدا

پھر میں تیرے کارن منگیا جو کچھ رہیا وا ہدا
 آپ بدیع جمال پری نے کیتا اذن زبانوں
 تاں ایہ کھانا چاہیں چاہیں دتا آن تسنوں
 سن گلاں شاہزادے تائیں بہت ہوئی خوشحالی
 کرن لگا تعظیماں اٹھ کے نال ادب دی چالی
 کر کے ادب سلام ہزاراں دل دی نال دلیے
 بیٹھا تاں پھر کھانا دھریا ملکہ کڑی وکیے
 کر بسم اللہ کھاہدا کھاناں سیف ملوک شہزادے
 شکر بجالیاندا رب دا حدوں بہت زیادے
 گل بدیع جمال پری دی پچھن لگا ساری
 دس ملکہ کی سخن تاں سنگ کیتے پری پیاری
 تاں سیاں کوئی ساعت ہو سی مجلس اسدی کیتی
 کیکر حال حقیقت ساری اس مجلس وچہ ہیتی
 ملکہ خاتوں نے سبھ گلاں خوب طرح طرح وساں
 سکے باغ مدت دے اتے رحمت باراں و سیاں
 جتھوں شاہ پری سی پچھیا کی بنی شاہزادے
 کوہ قافاں وچہ پھردا آیا کیہڑے نال ارادے
 ایتھوں لے لگ اوتھے توڑی جاں کھانا کھا چکی
 ملکہ خاتوں گل سنائی ساری نکی شکی
 سن کے بات شہزادے کیتا لاکھاں شکر الہی
 ولبر ذکر میرا فرمایا ایہ گل مشکل آہی
 حال احوال سفر دا پچھووس کی نبی اس بندے

آپ آکھ سناں ملکہ عشق میریدے دھندے
 سخت قصبے میرے سن کے مت اوہ مہریں آوے
 جاگن بھاگ وراگ کٹھی دے دلبر کول بلاوے
 پر محبوباں دا کم بھائی دائم بے پرواہی !
 بے ترساں نوں ترس نہ آوے تک سولی گل پھای
 توڑے عاشق مر مر جیوے کر کر جتن بتیرے
 لکھ کیتی نوں ہک نہ جان چاہل چڑھن ودھیرے
 دکھ تنگی سن عاشق والی پاؤں سکھ فراخاں
 روندے ویکھ کھلونڈے نا ہیں ہس ہس کرن مزا خان
 جاں جاں توڑی خبر نہ ہونے اس دل پریت ہماری
 تاں تاں توڑی کرن محبت صرفہ تے غمخواری
 جس ویلے پھر پتہ لگے نے اس دل عشق سماں
 چھڈ غمخواری حیلہ کر دے جیویں کیویں رنجاناں
 بجن نام عاشق دے ویری کوہندے ویدے کساں
 پی پی رت نہ رجدے بھائی دھن انہاندیاں تساں
 مت سن عشق میرے دیاں گلاں وت پری چت چائے
 اگے بھی کجھ ذکر کیتا سو پھیر نہ بات ہلائے
 ڈر دا خوشی نہیں میں کروا مت رب غیرت جاوے
 اگے سدھ نہیں ہو گذری ہور مصیبت پاوے
 جس دن جنج عزیز مصر دی بن تن مغرب آئی
 تنبو خیمے ویکھ زلیخاں لوں لوں خوشی سمانی
 کہندی سیو بھاگ بندی دے جاگ چے ہن سوئے

آیا ہتھ سہاگ عمر دا دکھ گئے سکھ ہوئے
 لبھا اج عزیز مصر دا چیز پیاری جانوں
 اوکھی گھڑی کھڑی ہن طالعاں سوکھی میں جہانوں
 ہوئی خوشی کمال زلیخاں نال وائی دے کہندی
 تنبو پاڑ وکھا پیارا ایڈ فراق نہ سہندی
 کیتی خوشی زیادہ حدوں کدی نہ پچدی بھائی
 ویکھ عزیز زلیخاں ہتھوں آتش پا جلائی
 اگے اک قصبے جھروی ہور پے لکھ اتوں
 اجن چیت خزاں مڑائی باغ بستی رتوں
 مہتر یوسف خوشی کمائی ویکھ زور آور بھائی
 ایسے شیر جوان سپاہی غالب وچہ لوکائی
 پشت پناہ مجیری ہر ویلے واہ نہ لگدی دیری
 جو بد نظر میرے دل تلکی کیونکر جا سی خیری
 اوہو بھائی دشمن ہوئے ہتھیں ظلم کمایا
 پیغمبر نون خوشی کرن دا بدلہ دینا آیا
 مجنوں نون جد بانے اندر سد گھلیا سی لیااں
 خوشیاں کروا کہندا چڑھیوس اج جنت وچہ سیلاں
 اس لیلی توں گھول گھمیاں اگلیاں سے لیااں
 گھڑیوں چوتھے بھاء کلاوے لیااں نون میں لیااں
 ترئی آس نراس بندے دی پاس نہ آیا جانی
 یار سنگار دیدار نہ دتا مار کیتا غم فانی
 شعر میریدی قیمت پاندا سہناں نالوں بھائی

تینوں بھی اوہ خوشی محمد دونی دینی آئی
 لعل نالوں در دھائے واہ پیا واہ بھارا
 خوشی کرن وا مزا شتابی لے محمد یارا
 حفظ مراتب ویکھ محمد کردا ونج نہ پاڑے
 مے پہالیں بیل قلم دا دے دے مفت سرائے
 شاہ پری دے یاد کرن دی گل سنی شہزادے
 لے امید دی کنجی خوشیوں کیتے درکشا دے
 غفلت غم دی مرض ونجگی لوں لوں رچی شادی
 جس دم کر سی یاد محمد حضرت شاہ بغدادی
 واہ واہ شاہنشاہ جیلانی مظہر ذات ربانی
 سر چھتر محبوبی والا ولیاں دی سلطانی
 غوثاں قصباں تے ابدالان قدم جہاندے چائے
 سے برساں دے موئے جوائے ایسے کرم کمائے
 مدد دے محتاج جہاندے مرسل نبی پیارے
 ایسے سید مرد سچے توں صفت کریندے وارے
 ددم صفت شاہاندی کہیے اس تھیں کجہ نہ چنگا
 سخن تیرے کی لائق اوتھے اوگنہار ملنگا
 نام شریف اونہاں دا آیا رہ نہ سکيا جگرا

روڑے تھیں رب ساون لائے بہت ہوئے خوشحالی
 ذکر سخن دا چھوڑ نہ سکاں وس نہیں کجھ میرے
 شاہزادے دی گل محمد رہ گئی دور پریرے
 سیف ملوک رہیا وچہ باغے ملکہ خاتوں چلی
 مجلس خاص پری دی اندر جا شتابی رلی
 پری پچھندی دس توں ملکہ کتھے تیک گئی سیں
 ایس ترنجن ساڈے وچوں اٹھی کس ایی سیں
 ملکہ خاتوں نے فرمایا بھید نہ دس ہارا
 باغے وچہ گئی ساں بھینے کم آہا اک بھارا
 دیکھ ہجوم نہ چچی اگوں شاہ پری گل کوئی
 کی کم سی تھک باغے اندر پھیرا آپ کیتوئی
 مجلس نہیں پھر اٹھ کھلوتی شاہ پری من بھانی
 ملکہ بدرہ دی پھڑا انگل بھوہرے وچہ سدھانی
 بھوہرے دے دروازے دوہرے سنگل قفل چڑھائے
 سیاں پرت گیاں پھر اندر بیٹھ رہیاں اوہ ترائے
 بھوہرے دی تعریف محمد ساری اکھ نہ سکدا
 جنت دا اک خانہ آہا جھل مل نور چمکدا
 نوری برج شمس دا خانہ نالے دو سعدیناں
 شمس پری سعدین پچھانوں ملکہ بدرہ بھنیاں
 ملکہ اوہ جس ملک فلک دے بابل دے کھوہ پائے
 بدرہ بدر آکاش حسن دا صفت نہ کیستی جائے
 اگے بھی اس بھوہرے اندر شاہ پری سی بہندی

ملکہ بدرہ باجیہ سہیلی پاس نہ کوئی رہندی
 عامان دا اوہ تھاں نہ آہا خاصاں باجیہ رفیتاں
 اس جانی کوئی معدا ناہیوں بن محرم صدیقاں
 بیٹھ رہیاں جد ترائے بھیناں شاہ پری پھر ہولی
 ملکہ خاتون نوں فرماندی کر گل ہولی ہولی
 توں اسماں وچہ وڈی بھینیں نالے گھڑ سیانی
 دیس بدیس ڈٹھے مدھ بھتے خیر خشکی پانی
 سردی گرمی سختی نرمی خوشیاں وقت قصبے
 تیرے جیڈ نہ ڈٹھے کسے ماں میری دیے دھنپے
 بھورے اندر تریوے جنداں ہور نہیں کوئی نیڑے
 چپے اندر جی ہسٹر دا کون دھاڑ نیڑے
 کر کوئی گل کہانی ایسی جیہڑی سنی نہ اگے
 سن سن اثر اندر وچہ دھائے چٹکی دل نوں لگے
 ملکہ پچھدی کہی کہانی کول تساڈے پھولاں
 سنی کہنیں یا اکھیں ڈٹھی یا سرورقی کھولاں
 کہیا بدیع جمال پری نے ملکہ بی بی خاتون
 اکھیں ڈٹھی تے سرورقی سچی بات سنا توں
 کنیں سنیاں گلاں اندر کوڑ طوفان بتیرے
 پاؤں سیر نباندی خلقت ابھر گھنے گھنیرے
 جھوٹے نغمے چا اٹھاؤں جس وچہ سچ نہ ماسہ
 بیوقوف منن سچ اس نوں کرن سیانے ہاسہ
 جیون ہن کہندے دہلی اندر کنکے دا مینہ وٹھا

اوتھوں آئے کہن نہ ڈٹھا سنیر ترن اپوٹھا
 چنگے چنگے سگہر کہاؤں جھڑے کرن اس گل دے
 عقل قیاس نہ لوڑن ہولے بیعتلاں وچہ رلدے
 سنیاں گلاں تے کی باور باہجوں علم کتابوں
 جو عالم دے موہوں نیچے سوئی کھری حسابوں
 یا جو سائیں والے آکھن اوہ جج من تمامی
 پکی جان کلام انہاندی ذرہ نہیں وچہ خامی
 توڑے الٹ پٹ فرماون وچہ قیاس نہ آوے
 گوجھی رمز ہوسی سب پے کون انہاں بن پاوے
 سائیں والے سدا سکھالے رب دے بالے دیوے
 مست است شراب وصل دے ہر دم رہندے کھیوے
 جیوں جیوں لکھیا ویکھن بھائی اکھر لوح قلم وا
 والے جتنا فرق نہ پاؤن دین پتہ ہر کم وا
 باور کرو یقین لیاؤ گل انہاندی اتے
 آیت وانگر جج کر منوں توڑے بھھن ستے
 بائے بائے گل پری دی بھائی پھر برطرف رہی ہے
 شاہ پری نے ملکہ تائیں ایہو بات کہی ہے !
 ڈٹھیاں سنیاں گلاں اندر ہوندا فرق بتیرا !
 اکھیں ڈٹھی کہیں کہانی ایہو مطلب میرا
 ملکہ خاتوں بی بی بول نال زبانی مٹھی
 اوہ فصاحت اتے بلاغت پری نہ اگے ڈٹھی
 بول ریلے رنگ رنگیلے علم عقل چترالی

مرلی بنسریوں کچھ اتے وچہ آواز صفائی
عاشق سچے دی پھر سچلی دروں ورد کہانی
سن کے پتھر وچوں نکلے اتھر واں وا پانی
خوب بناتا کہانی ملکہ جدوں سنانی
تیر جیہی تاثیر کلیجہ چیر دو سو جاندی
شاہ پری نوں آکھن لگی کن دھر بھینے پرینے
عجب کہانی درد رنجانی تیرے اگے کرینے
ملک مصر دے سی اک وسدا تاج تحت وا والی
عاصم بن صفوان شہزادہ شان بیانوں عالی
بہتھیں بدھیں گولے اس دے دچالی ہور شہزادے
انت حساب شماروں حدوں لشکر اوس زیادے
اک روایت والا کہندا ستر تختاں والے
عاصم شاہ اگے دن راتیں خدمت گار سکھالے
ہور روایت ایہ بھی تریگی چار بک سے شہزادہ
بدھے لک کریندے خدمت وافر گنج آمادہ
حکم اوہدیدا طوق گئے وچہ شوق سندا کن بالا
طلب حضور اوہدے دی خاطر کرن ضرور کشالا
موجاں عیشاں خوشیاں طلباں جو جو سن وچہ دنیاں
رب گھریوچہ دتیاں اس نوں سب مراداں پनियाں
بک جھورا اولادے والا گھر وچہ بال نہ کھیلے
دولت مال بھرے کد سو بھن مائی باپ اکیے
دوہری وار کراں گل کاہنوں قصہ کو تاہ ایہا

اول آخر توڑی ملکہ سبھ قضیہ کہیا
 شاہزادے دے جمن والا نالے علم پڑھن دا
 نالے صورت دی تک مورت غم دی اک سٹرن دا
 مورت اتے عاشق ہوتا شاہزادے دا سارا
 یک بیک سنایا ملکہ سفر قضیہ بھارا
 کلمے لفظ بہوں خوش نقطے نال تلازمیاں دے
 ملکہ در پروتے وانگن بھلیاں آدمیاں دے
 نال ادا کلام ریلی خوش خوش خن الائے
 لعل زمرہ سل محمد کن پری دے پائے
 مڈھوں قضیہ ٹور لیاندا ذرہ ذرہ کر سارا
 باغ میرے وچہ اوہ شاہزادہ ہے غریب بیچارا
 شاہ پری فرماندی ملکہ پیچھے شاہزادے تائیں
 دنیا اتے صورت کبھڑی اس مورت دی سائیں
 کبھڑی شہر ولایت رہندی صورت اس دلبر دی
 پٹیا جس نے ایہ شاہزادے ڈٹھی سونہی مورت جس دی
 اوتر تھیں سن سوتر ہوئے بابل مائی اس دے
 سوتر تھیں مڑا وتر کیتے بری جدائی اس دے
 ایسی ظالم قہر کنندی ہے کوئی جانی کس دی

کسے عشق مہاروں پھیڑیا کدھ اکلا جاسی
صورت دا کجھ پتہ لگا سویا کوئی سکھ سنیہا
یا امیدیں بجن دی اتے ایویں رھڑا رہیا
ایسا دلبر کون کوئی ہے از غیبوں دل کھسے
اکھیں نظر نہ پوے محمد کول گھرے وچہ دے
ملکہ کہندی بھینے تینوں تتی وا نہ لگے !
سیف ملوک تھیں ایہ گلاں پچھ لیاں میں اگے
جس صورت دا عشق شہزادے میں اوہ ڈٹھی ہوئی
اج اس مجلس ساڈی اندر حاضر وسدی سوئی
جس جانی اوہ مورت لکھی ہر ہر عیبوں خالی
نام اوہدا بھی لکھیا اوتھے قلم کریگر والی
سوئی صورت جو من کھسدی وسدی وچہ دلاں دے
کول ہے تاں بول نہ دے بھید نہ کردی واندے
خوب شکل محبوب بجن دی کرے غریب نوازی
خونی نعمت عاشق تائیں دیئے دتاں دن تازی
جادوگر دو نمین لیرے دل نوں مارن والے
لعل لباب پھر آب حیاتوں بھر بھر دین پیالے
بادشاہاں نوں تختوں سٹن کرن غریب نماں
تاج غریباں دے سر رکھن واہ محبوب سیانے
آپے لٹن آپے مارن آپے ذبح کریندے
آپ لوازن محرم کر کے سر پر تاج دھریندے
آپے پاڑن آپے سیون آپے لاء بچاؤن

آپ اجاڑن شہر دلائے آپے پھر وساؤں
 آپ دکھاؤں دکھیے تائیں آپ کرن غم خواری
 آپ حبیب طیب دلاں دے دار و دین ازاری
 صورت دلبر تے جند پرورن توں بی بی رانی
 تیرے ہاتھ نہیں ہوو دو جی توں گھٹ وچہ سانی
 حال حقیقت عاشق والی عرض کراں میں ساری
 جیویں شاہنشاہ فرما دے حکم ہووے سرکاری
 سد نبوی حال حقیقت اوس پھٹے دل مروں
 اج دن پچھ لیں مت بھلکے مرونجیں اس درووں
 مدھ چچی گل دنی آئی نہیں تیرے تھیں ڈریے
 اس مورت دی صورت توہیں ہیں بھینے شاہ پرے
 سیف ملو کے دی ٹھگ توہیں لٹ لیا جس راہی
 دوروں بیٹھی نے چھک آندا گھت عشقوں گل پھابی
 ڈیرے تیرے دے دراتے ڈھٹھا آن بدلیسی
 جان جہان گھمما بجن توں سر قربان کریسی
 مورت تیری کما کیتا وانشمند سیاماں
 شاہنشاہ مصر دا والی در در پھرے نماں
 اوڑک آن تیرے در ڈھٹھا کر کر بہتا ہیا
 بھلا کرے رب تیرا بی بی سار شوہدے دی لیا
 شاہ پری پھر ہس کے کہندی سن ملکہ غمخوارے
 اپنے ہوہوں بناویں گلاں جوڑ مسودے سارے
 اوہ کتھے میں کتھے آہی سے کوہاں دیاں وتھال

جوڑ مزاح اولی بھینے کریں نکمیاں چتھاں
 ناری نار پری میں بندی اوہ ہے آدم خاگوں
 میری اس دی نسبت کیکرناں کر گل اس سماگوں
 آدمیاں دا کم ہمیشہ بے وفائی کر دے
 اول لا پریت پیاری اکثر بازی ہر دے
 محبوباں دانیوں لگاؤں کر کر مکر بھلاؤں
 جاں دلداد ملے گل لاوے جھبڈے ہی رج جاؤں
 ٹھگی دغے فریب ہیرے کروے نال سیاں دے
 جاں دل وس کرن تاں پاؤں بھس سروں پیاں دے
 پریاں نالوں ہور طرح دا آدمیاں دا چالا
 ایہ دو جنساں وکھو وکھی رلا نہ نسبت والا
 پریاں دائم لوک وفائی پالن قول زبانی
 جانی نالوں اتم جانن جس نالوں آکھن جانی
 ساڈے بھانے آدمیاں دی یاری بہت نکاری
 عاشق بن بدنام کریندے وچہ ولایت ساری
 جاں معشوق پیارا لبھے رج رج لین کلاوے
 اس نعمت دا قدر نہ جانن کوئی ورا مل پاوے
 ملکہ خاتوں بدرہ خاتوں بدھے ہتھ شتابی
 منت کر کے شاہ پری ول ہویاں پھیر جوابی
 تیری ساڈی مہر محبت گوہڑا بھائی چارا
 بہت پیارا مٹھا کڑیے حدوں بے شمارا
 اساں شہزادے نال پکائے کپے قول اگیرے

اللہ بھاوے میل دیاں گے شاہ پری سنگ تیرے
 ہتھ تیرے ہن لاج اساڈی بول کریں اوہ سچے
 نہیں تاں اسیں قیامت توڑی اس ولوں ہاں کچے
 اسیں بھی اتھے شاہ ملک دے اوہ شاہ مصر شہر دا
 دوجا اس وڈیائی کیتی جیسی کوئی نہ کردا
 اوس شریک بھرا بجن تھیں کریں نہیں شرمندے
 رکھ لیں پت ساڈی ایٹھوں شاہ پرے دل جندے
 صاف جواب پری نے دتا سن توں ملکہ خاتوں
 نامحرم نوں منہ نہ دساں اس گلوں باز آتوں
 میں کوئی انڈا چکی نا ہیں مان پو میرے کہیے
 راہیاں نال کرا دیں یاری چھوڑ خیال ایسے
 شان میری دی لائق جا توئی اوہ مسافر کوئی
 گلیں رلدیاں نو منہ دساں لاہ شرم دی لوئی
 کی دیدار میرا تک سکسی اوہ غریب بچارہ
 ناں لائق نوں کیوں دسالاں جو بن اپر اپارا
 ایہو قدر میرا تھہ پایا واہ ملکہ واہ ملکہ
 ایسے ویسے نوں کد ملسی روپ میرے دا جھلکہ
 چور ہووے کوہ طور نہ جھلے نور حضوروں جھاتی
 لن ترانی آکھ اس تائیں ہور ہو چپ چپاتی
 ارلی ارلی بولے ناہیں کھیرا ساڈا چھڈے
 نا محرم دیدار نہ پاسی لکھ چلیے کڈھے !
 ماں ملکہ دی سندی آہی شاہ پری دیاں گلاں

دل وچہ فکر کیتوس ہن میں بھی کرن حمایت چلاں
 ہمدی ہمدی اندر آئی کہیوس شاہ پری نوں
 ہے بیٹی من لیس نہ موڑیں ساڈی عرض دھری نوں
 کی ہویا جے ملکہ کچھے اک واری منہ دس سیں
 سر سکے مجھ مردے اتے ساون بدلی دس سیں
 چریں وچھنی ملکہ خاتوں پھر تینوں رب میلی
 اوس شاہزادے کڈھی قیدوں پھاتھی جان اکیلی
 ملکہ نے اس قیدے اندر قول اقرار پکائے
 تیرے نال ملاں کیتوس تاں دوئے رل آئے
 ملکہ نے سنگ اس دے کیتیاں شرطاں قسم سوگنداں
 تاں اس نے گڈھ آندا اوچھوں توڑ جیہاں بنداں
 تاہیں مڑ مڑ تیرے اگے کرے سوال تیرے
 کیویں ایس گلوں رہ آوے شرم اوہدا ہتھ تیرے
 بدرہ تائیں کہیں سہیلی مینوں بھی ماں ماتاں
 اساں دوہاں دی بھی ایہ خوانش من دھیے سن باتاں
 کدے سوال نہ کیتائیں تھیں اساں دوہاں بھی اگے
 کی ہویا اک گل منیں گی بری تینوں کیوں لگے
 کہیں مسافر راہی اس نوں نالائق بے چارا
 مصر شہر دا نہیں شہزادہ لعلیاں دا بخارا
 بادشاہی چھڈ آیا نا میں تیرے کان بد یسیں
 ایڈی انت نہ چنگی دھیے اوس تھیں بہت زیادہ
 گھر در ماپے بھیناں بھائی تحت ولایت سٹ کے

باہو نیر سمندر ٹھالیں عشق دے لٹکے
 بے انداز جہاز روہڑائیوں باز نہ آیا عشقوں
 جرم گوانیوں قدر گھٹائیوں کی پھل پایا عشقوں
 عیساں سٹیاں قیداں کتیاں کیتیاں چوڑ ترٹیاں
 مدھ کچھے ایہ پرہت کچھے واہ دتیاں مدھ کھٹیاں
 باپ تیرے تھیں باپ اوہدا بھی گھٹ نہیں شہزادہ
 کیوں اپنا مل پاویں دھینے اوس تھیں بہت زیادہ
 لائق قدر تیریدے کبھرا اوس تھیں ہور اوچیرا
 اوہ شاہاں دا شاہ ہے دھینے ہر کوئی اسدا چیرا
 کی ہویا اج عشق تیرے نے ہولا کیتا لکھوں
 باپ اوہدے تھیں منگیا لوڑیں وال نہ دیوے لکھوں
 بک واری دیدار دن تھیں شان کریں شرمندی
 رب ڈہڈا تک آئیں دھینے لکھی کمر ماں دی
 دیہہ دیدار بھوار شہزادے پال اقرار اسھاڈے
 بولن جوگے تاہیں ہوئے لہن ادبار اسھاڈے
 جو اس نال اسھاڈے کیتی کسے طرح نہیں مکدی
 توں بھواری مکھ دکھاویں تاں ایہ چننا چکدی
 شاہ پری فرماندی مائیے کی تساڈی مرضی
 پریاں خبر ہوئی تاں لکھسن باپ میرے ول عرضی
 بیٹی تیری ہئی کوپچھن آدمیاں منہ لاندی
 مرد بیگانے نال یرانے عشق کماون جاندی
 جاں شاہپال سنے گل ایسی بھڑک لگوس سینے

جلدی مینوں مار گوائے نالے اوس مسکینے
 یا مجھ قید رکھے وچہ گھر دے بند کرے اس پاسوں
 نال تساڈے ملن نہ دیوے ظن برے وسواسوں
 موتے نالوں سخت وچھوڑا بن بدرہ کد جالاں
 ایڈ قصبے سجدے مائے کیکر مکھ دسالاں
 پریاں نال میرے جو آیاں بھنک پئی جے انہاں
 پل وچہ سانوں کرن ازائیں غضب قہر دا جناں
 لہو میرے نہاؤ نائیں ملکہ بدرہ مائی
 بابل باب براکر مارے جے ایہ سنے خطائی
 مائی کہندی سن فی دھئیے باپ تیرے شاہپالے
 علم کلام کتاباں پڑھیاں غیبی خبر دسالاں
 لکھے اپنے وچہ انہاں نے ایہ گل ڈھٹی ہوئی
 آدمیں سنگ دھی میریدی قسمت اگہڑ کھلوسی
 لیکھ اول دے داچ دھگانے پھر کیوں غصہ کھاسی
 کی دھر دوس تیرے سر بیٹی مندا حال کراسی
 پھیر بدع جمال پری نے کیتی چپ جوابوں
 ماؤ دھیاں چپ ہوياں سبھو گل پھٹی اس بابوں
 جاں کوئی ساعت گزری ایویں شاہ پری پھر اٹھی
 جاگے طالع نیت پیادے عاشق دے ول ترٹھی
 آیا رب کریمی اتے پئی قبول یتیمی !
 بے مہراں ول مہراں پایاں واہ واہ صفت رحیمی
 جس ویلے رب مہریں آوے ڈھل نہ لگدی ماسہ

و تعز من تشاء واه واه اس واسہ
 کھوہ پیا ہویا لونڈا وکیا پیغمبر کنعانی
 باراں برساں دی کڈھ قیدوں ترت وتی سلطانی
 ناروں چا گلزار بنایا ابراہیم نبی تے
 گنتر کی محمد بخشا کردا لطف سبھی تے
 شاہ پری اٹھ آکھن لگی ملکہ خاتون تائیں
 آ اس باغ تیرے دے اندر لیے سیر ہوائیں
 ملکہ دے دل خوشیاں ہوياں مولیٰ آساں لایاں
 بک دوجی دی انگل پھڑ کے بانے اندر آیاں
 رُڑ سیر کرن وچہ بانے پھر پھر لین ہوائیں
 چوک عراق پھوہارے ویکھن چشمے حوض سرائیں
 رنگ محل چہارے دھولر بھوہرے باراں وریاں
 اوس حضوری بانے اندر پر نہ مارن پریاں
 ہ وانگ پوشاک خضر دی پاک ہویا جل نہیا کے
 پھل گلاب سکندر وانگر بیٹھے تحت سہاک کے
 ناز آزاد صحیح سلامت جھون سر د کھلوتے
 کلیاں نہج قطاراں کھلیاں در یتیم پروتے
 نرگس مست محبت کیتا شاہ پری دیاں نیناں
 عرض کرے سر کڈھ شگوفہ میں بھی درشن لیناں
 ہتھ کھٹار چنار کھلوتے زاہد ہار کنارے
 کرن دعائیں مولیٰ سائیں پری وکھا کر مارے
 سوہا مکھ کشادہ کر کے بن تن روپ اجالا

وچلا داغ وچھوڑے والا کھول دے گل لالہ
 کیلے کھلی اکیلے جھولن شاہ پری ول پکھے
 آکھن ٹھنڈے ہو کے کھاؤ چرخ پھلی دی رکھے
 اٹھ اٹھ نمدی شاخ چنے دی جویں گورو رل پیلا
 گل عباسی مار اداسی کہے نشے دا ویلا !
 شاہ پری مکھ دس لگی بھکھ چکسی سکھ پاساں
 تروٹک جاسی نشہ چڑھے گا جاں انگ اس سنگ لاساں
 رنگ رنگ بہار پھلاں دی جیوں کڑیاں وچہ میلاں
 بھر بھر چھبہ پھلاں دے کڈھن ویلاں دین رویاں
 سنبھل سرت پری ول تکتا سنبھل کھلیں والیں
 ساوا پیلا ہو ستبر گہ کہندا مکھ وکھالیں
 اچا ہو سفیدہ نازک تکتا راہ پری دا
 ہار سنگار نہ گنتر جوگا ڈالی ہری بھری دا
 سیو سیو اداس کھلوتے ناکھاں مصری جہیاں
 تارن نذراں رکھ چمن دے سجریاں تے بہیاں
 چاہیں انب کھلوتے ڈالے انب گئے سن بھاروں
 شاہ پری رس چوپے ساڈی یا خوش ہوئے اچاروں
 خوب خبانی سی رنگ رتی داغ نہ رتی لگا
 شاخاں لٹک زمیں پر آیاں مل پری دا اگا
 تریوزے خربوزے مٹھے سروے ہرے بھرے سن
 گاکل چولے کھٹے مٹھے تبو سنگترے سن
 کھٹے ہنگ بیٹنک کنارے پک ہوئے رس والے

شاہ پری ول ڈگ ڈگ پیندے مت سانوں مکھ ڈالے
 سچے موتی ڈل ڈل کردے گچھے بھرے انگوراں
 واکھاں مل مل باکھاں جھو جن آلے دین کھجوراں
 لال گلال ہوئے رنگ رتے دانے پک اناروں
 آکھن شاہ پری منہ پاوے مہر پوے سرکاروں
 نرم انجیر سی کھیر بہشتی لذت وار الوچے
 نغزک کھوڑ ہدام چھوہارے لتک رہے ہر کوچے
 توت شتوت بھروہیاں سوہیاں گوٹے ہبگو پیلے
 سیو بیر چوفیر چمن دے میوے رنگ رنگیلے
 جانوراں دے لنگر لائے کوہاں وچہ سکواہاں
 ہر ہر پنکھی چاہے شالا پری کہے میں کوہاں
 روبل گچھے چھیدے گچھے پری نہ گچھے سانوں
 مت مچھر تک غصے ہووے باہر کڈھے بستانوں
 باغ بہار بزاروں رونق ہر ہر وچہ چوراہے
 ابلتا سے پھلیاں لبکھن چور لگے جیوں پھاہے
 رت بسنت بہار پھلاں دی نویاں شاخاں سرداں
 اہلیاں پر بستر کیتے با آرام تدریاں !
 ارہ ذکر کبوتر کر دے نیویں اچے ہو کے
 کوئل نفل قرانت پرمدی قاضی ہار کھلو کے
 بن بن کے بن کلڑ دیون بانگے وانگن بانگاں
 بھجہ بھجہ رلدے صفیں مولے سن سن کوکاں چانگاں
 عید پڑھن جیوں ملاں آون نیلا بانا طوطے

پڑھ تکبیراں ہو متوجہ کرن قیام کھلو کے
 میناں حمد ثنا پکارے شکر گزاراں گھگیاں
 شاہ پری وچہ بانے آئی اج مراداں پگیاں
 کالے بھور پھلاں پر پھر دے گان خوشی دیان ماراں
 دامن رہے بہار چمن دی کرن دعاء ہزاراں
 عجب سنواں لگا وچہ بانے چکیں کھوہ چوہلاراں
 بوڑے کے گل لگ ملدے جویں بھرا بھراواں
 ٹنڈاں بھر بھر پانی ڈوبلن وانگن دکھیاں نیناں
 مڑ جاو جیوں نور بھراواں گھروں جاو بھنیاں
 بنیاں ہوں چلے سرگرواں پانی آڈی والا
 جیوں شہروں شہزادہ ٹردالے کے دیس نکالا
 کھوہ وچہ پانی بولے رووے جیوں پت وچھڑے بابل
 پانی ہرکیارے پھر دا جیوں ہر بوجے را ول
 اوس کھوہوں سی پانی پیندا عاشق مرد پچارا
 سیف ملو کے دے غم کولوں کھوہ گھنیاں دکھیارا
 شاہ پری تے ملکہ خاتون باغ اندر سیانی
 حوراں نالوں سرس جوانی چلن چال گمانی
 سیف ملوک شہزادے والا جس پاسے سی ڈیرا
 اوہلے اوہلے اوس بچے آن کیتو نے پھیرا
 نظر پیا شاہزادہ دوروں عجب جمال پری نوں
 سوا کرسی جاں تک لیسے اول دست کھرنیوں
 شاہزادہ مدھ پی کے بیٹھ بہت شہراں مستی

دلبر ول خیال دے دا دور کیتی ہور ہستی
 نشہ کمال شہزادے چڑھیا لال دے رنگ رتا
 لے قانون وجاؤن لگا جاں ہويا مدھ متا
 کلیاں مندیریاں بند میلے راس بنائے گھوڑے
 ہر ہر تار مقام اپنے تے خوب سراں کر جوڑے
 آپ شاہزادہ گاؤن لگا نال زبانے مصری
 مکسر سازو جانیوس جس دم جانوراں سدھ مصری
 جس ویلے مضحک وجاؤے بول آواز داؤ دی
 دکھیاں دے دکھ جاؤن سارے ہسن کر خوشنودی
 جدوں منوم ساز و جاندا وانگن مست خماراں
 گوہری نیندر دینیں آوے زاہد شب بیداراں
 اڈ دے پنکھی ڈھین زیں تے کٹھیاں ہار نہ بلدے
 سر دھر اودیاں قدماں اتے سوندے مرگ جنگل دے
 جستہ ساز جدوں پھر چھیڑے پاوے جان مویاں نوں
 دیدے ہوش گھراں ول ٹورے سخت بیہوش ہویاں نوں
 باقانون کیتا سر قانون ہر ہر تار سنواری
 ستاں نازاں دی اسواری خوب وجائے ساری
 بھیر وراگ الاپن لگا نال زبان کرا دی
 رام کلی پھاس الاپے نالے دیو قندھاری
 گاؤے پھیر اسواری اگوں پھیر میاں بھراڑے
 ٹو ڈی رشنا دار الاپے چڑدی کلاں دہاڑے
 خوب سراں کو گاؤن لگے کدے ہند ولی راگے

درود راگ بجن دی آتش جاگے نال بہاگے
 سوئی کونیسے قماچی جاچے نال الپے
 جوگ برج دے دوہڑے سن کے دکھیے کرن سیاپے
 مال کونس دی دھرپت گاوے پھیر خیال ہمیرے
 رتخیاں دی لذت کردا پے نال کنیرے !
 سورٹھ مٹھی راگنیاں دی گاوے پھر ججوتی
 ویسی تے ناریز الپے رسناں نال بے انتی
 کاہنڈیاں وار رنگ بناوے سوہنا سنگھ نہایت
 شام بناں دن شام دکھاوے گاوے پھیر ولایت
 درباری بھاپی گاوے نت کلیاں لاہوری
 لکھ دیگر وقت الے لوہڈے پیشی گوری
 سارنگ گاوے سن فرزنداں جو سارنگ دے خویشی
 پوریاں شاپور سنائے وقت وڈیری پیشی
 جنگلاتے ہڈ نہس الپے برواہور ملہاراں
 کالے گھاٹ نیناں تھیں وسن ہنجوں مینہ بہاراں
 گل رخ شاہ پری دے شوقوں لیندا تاں ہزاراں
 غم دے نغمے سچ محمد دیہن گواہی تاراں
 غزل رباعی رتخیاں نوں گاوے وچہ سرد دے
 ویلاں دیندے نمین شتابی در سنن وچہ گودے
 اچاتاں اٹھا لگاوے دوہڑے وچہ جگر دے
 زہر آلودی کافی وانگر گھاہ کھجے کر دے
 جھلی واء بجن دی پاروں چاوے چت او داسی

بیناں ہو کریندا عرضاں داؤ دل ار داسی
 من سوال میرا بک بھارا خوش داؤ فجر دی
 جے اوہ آپ نہیں منہ دسدا بوء پچاء دلبر دی
 میں عاشق بے صبر بندے توں چت نہیں جے لاندہ
 آپ کھٹے دے سرتے نا ہیں قدم مبارک پاندہ
 پھیر گئیں تاں چاء لیاویں دھوڑ انہاندے دردی
 سرمہ پاواں نین سہاواں لائق ہو واں بھر دی
 جاں ہو جاویں میرے دنوں پھیر سپا دے جائیں
 خدمت کریں سلام پچائیں آکھیں دے دعائیں
 اسیں نہیں بچ سکدے اوتھے جس سنگ پرتیاں لائیاں
 یار پیارے گور لیاویں کول اساڈے سائیاں
 درد فراق بجن دے کیتا میں ہولا اک لکھوں
 لکھاں ککھ اڈاریں داؤ ایہ بھی جان اک لکھوں
 لیس اڈار مینوں بھی ایٹھوں اندر دھوڑاں گرواں
 لکھ کوہاں دے کھڑیں مریندا کر کے سرگرداں
 تختوں چاء پیادی نگری جا گلیاں وچہ سئیں
 بھلا کریں ایہ نال غریباں اجر الہوں وٹیں
 نیوں لگایا تے دکھ پایا اپنا جرم گویا
 ایہ دل میرا گوشت بہرا سیخاں دے منہ لایا
 زہر پیالا عشقے والا پیتا کس پچایا
 نک وچہ اے ساس محمد آس بجن دی تیا
 عشق قصائی چھری وگائی کوہندادے دے لتاں

چوہیں گھٹیں حکم اوے وا کس پاسے نس وتاں
عافل تھیں بے عقل سدایا بھل گیاں سبھ گتاں
نگ ناموس سنبھال محمد ویہن سیانے متاں



درغزلیات و دوہرہ کہ غزل مے سرا سیدے

تختی دل دی اتے لکھے صورت نقش بجن دے
دھوتے وورنہ ہوندے ہرگز ڈونگھے اکھر من دے
یاد میری تھیں بھلدی نا ہیں ہرگز زلف پری دی
سخت کمند گھتے جس دا نگر رستم تے بہن دے
حسن جمال اوہدیدا دل توں مول خیال نہ جاندا
توڑے ظلم عذاب میرے تے آون زیں زن دے
روز ازل دے زلف پیاری نبھ لیا دل میرا
آخر تیک نہ چھٹن دین سخت زنجیر بجن دے
توڑے لکھ پھاڑ غماں دے سر میرے پر ترن
سرجا سی پر بھار نہ سٹساں وانگن کوہ شکن دے
روگی جیوڑ ادا روٹورے شربت اک دیداروں
دین طیبیاں دے ہتھ باباں روگ جنھاں نوں تن دے
خرص بجن دی جان میری وچہ ایسا ڈیرا لایا
جند جاسی پر حرص نہ جاسی کپے قول بجن دے
کھڑے گلاب شگوفے اگے ہوئے سبز بچے
آئی واؤ فجر دی لے کے خط پیغام وطن دے
باس لئی تاں پھاس گئی سی پر پر کنڈیں سلے
بہل نوں کی حاصل ہويا کر کے سر چمن دے
اڈ اڈ تھکے پئے نہچکے بات نہ بچھی یاراں !
وکیہ چکوراں کی پھل پایا بن کے عاشق چن دے
اس سورج دی آتش کولوں پانی وچہ کماناں

نیلو فردا عشق اے بھی بے پرواہ نہ من دے
 جے کوئی چاہے وانگ محمد سرگردان نہ ہووے
 سونیاں دی اشناؤں چھپ کے بیٹھے نال امن دے
 بہتی عمر گزاری اینویں یار نہ نظری پیندے
 تھوڑے روز جوانی جو بن دامن ساتھی کیندے
 ٹھنڈی واء صفائی والی خوشبو دار وفائیوں
 اے نہ آنی دلبر دلوں جس پر اسیں وکیندے
 اوہ دلبر جو اک ککھ اتوں گولہ لیے نہ تینوں !
 دوائے جہان دیوے کوئی سانوں اساد وال نہ دیندے
 گال موال لیں چنگا مندا جو چاہے سو بولے
 ترش جواب مٹھے منہ وچوں لذت اسیں چکھیندے
 اپنا آپ سنبھالاں نا ہیں منوں و سار سخن نوں
 اپنا حال نہ تکرے مڑ کے جو اس طرف تکلیندے
 جے ککھ گالیں طعنے دیوے نالے منہ پھنکارے
 اس تھیں چنگا کی اسانوں اس سنگ بات کریندے
 کیتی قسم بتری واری دل دے روگ نہ دس ساں
 جان لبیاں پر رہی نہ طاقت تاں ہن ظاہر پیندے
 مکھ پیا دا آپ حیاتی اسیں موئے ترہائے
 جل بن مچھلی وانگ محمد رہیے کچر تپیندے
 جے محبوب پیارا اک دن دے نال اساڈے
 جاناں اج ہما پکھیرو پھاتھا جاں اساڈے
 مثل حباب سروں سٹ ٹوپی جل خوشیاندے ڈوباں

پئے پچھاواں اس دا جے وچہ جام زلال اساڈے
 چڑھ چنناں تے کر روشنائی کالی رات ہجر دی
 شمع جمال کمال بجن دی آگھرا بال اساڈے
 دلبر دے درجاء نہ سکدے حوراں ملک اسمانی
 کد مجال سلام کرن دی مثل کنگال اساڈے
 سوئی صورت ویکھ لبناں توں واری جان پیاری
 مت اک گھٹ لبھے اس جاموں ایہ خیال اساڈے
 کہندا پھیر خیال زلف دا جان نہ جان پیارے
 ایسے کئی شکار پھساندے پھاہیاں وال اساڈے
 ناامید بجن دے در تھیں ناں ہوساں نہ مڑساں
 کدے تے رحم پوے گا اس نوں ویکھ وبال اساڈے
 خاک اوہدے در والی جس دم میں دم ماراں
 مٹھی واؤ جنت دی پھر دی معزز وال اساڈے
 ہے واؤ اس عشق میریدی رمز پیاکن پائیں
 اھیں ہتھیں مار تاں نوں خون حلال اساڈے
 جے اوہ ایہ گل منے نا ہیں صاف جواب سناوے
 آکھے شالا ہون نہ ایسے نفر بے حال اساڈے
 کہہ اگوں مے شاہ حسن دے بادشاہاں در منگتے
 مڈھ قدیموں کہندے آئے بھائیوال اساڈے
 کرن گدا بجن دے کوچے بادشاہاں تھیں چنگاں
 جے اوہ پاوے آپ محمد خیر رومال اساڈے
 موتے نالوں بری جدائی مینوں یار سہانی

لطفِ خدائی لیسے بدلہ ہو نہ میرا کائی
 ڈیرا یار میرے وا اچا عالی شان جہانوں
 کر فریادِ اچیری ساری ہے جندِ دردِ دکھائی
 باہجوں اکھر عشقے والے ہو نہ سبقِ پڑھایوں
 رب استاد میرے نوں دیوے نیکی تے وڈیائی
 سوئی صورت ویکھن کولوں منع کریو بھائی
 جمدڑیاں ایہ عادت مینوں پاؤں والے پائی
 ہے خوش واؤ بجن دی جاویں اندر باغِ بجن دے
 سرد آزاد میرے نوں آکھیں کر کے سیس نوئی
 باجہ دیدار تیرے تھیں بجاں خوشی نہ دے خوابے
 مکھ دکھایں ناں چہ لاویں آویں برائے خدائی
 ہے واؤ جا آکھ بجن نوں ہے بک باغِ ارم دے
 کیوں مدھ سرگردانی مینوں وچہ اجاڑاں پائی
 آپ سیاں وچہ رل کے کھیڑیں ماریں موجِ نصیبیاں
 کدے تے پچھ غریباں تائیں جو ہوئے صحرانی
 شکر وچکن والا نبیاں شالا جگ جگ جیوئے
 کیوں نہیں پچھدا صلح کدا ہیں طوطی بھکھ سکائی
 مان حسن دا ٹھا کے مینوں ہے پھل شاخِ گلابی
 پچھ نہیں گل بنبیل کولوں جو مدھ کان سودائی
 نال سیاں دے رل کے جس دم مدھ خوشی دا پیویں
 کر کھاں یاد مینوں بھی جس نے سکدیاں عمر لنگھائی
 خبر نہیں کی رنگ لہنہاں وا کس سبوں نسدے

گوہرے نین سیاہ جنہاں دے کر دے ناں آشنائی
 حسن جمال کمال تیرے وچہ ہور تمامی صفتاں
 اکو عیب وفاء محبت نہیں اندر زیبائی
 ہے واؤ جد باغ ارم وچہ جا سیس پاس پیارے
 ہتھ نہ عرض گذاریں اوتھے ہو کے میری جانی
 میں نت درد تیرے دی آتش سینے اندر جالاں
 تلیاں وچہ کڑاہ غماں دے جیوں مچھی جل جانی
 جے جگ دشمن مارن والا توں اک بجن ہونویں
 موتوں ذرہ نہ ڈرساں کرساں دم دم شکر ادائی
 جاں جاں عاشق پہنچے نا ہیں محبوباں دے درتے
 کد خلاصی کرواں اس دی ظالم درد جدائی
 جلوہ روپ تیرے دا لکھا متقی شاہ گداواں
 ایسی صورت سونی تاکیں نت کوئی نظر نہ لائی
 توڑے دور پیا پردیسی یاد نہیں مدھ کیتا
 میں مدھ پیواں سور تسانوں اکدم نہیں خطائی
 ہے خوش واؤ فجر دی آنی خاک اہدے درباروں
 اس سرے تھیں لے محمد اکھیں دی روشنائی
 ہے سلطان جس دی نگری راج سلامت تیرا
 میں پردیسی ہاں فریادی عدل کریں کجھ میرا
 مدھ بن جان لباں پر آنی جھلیا درد بتیرا
 دیہ دیدار راج وقت محمد جگ پر اکو پھیرا
 عشق فراق بے ترس سپاہی مگر پے ہر ویلے

پٹن بند سٹن وچہ پیراں وانگر ہاتھی پیلے
 صبر تحمل کرن نہ دیندے ظالم برے مریلے
 مدھ بن ایویں جان محمد جیوں دیوا بن تیلے
 بستر نا مرادی اتے میں پیار پئے نوں
 وار و درد تساڈا بچناں لے آزاد پئے نوں
 ذکر خیال تیرا ہر ویلے درواں مار لئے نوں
 ہے غم خوار ہکلی جانی بے نمخوار پئے نوں
 چنتا فکر اندیشے آون نہ نہ صفاں قطاراں
 وس نہیں کجھ چلدا میرا قسمت ہتھ مہاراں
 پاسے پاسے چلی جوانی پاس نہ سدا یاراں
 ساتھی کون محمد بخشا درد وندے نمخواراں
 مان نہ کچے روپ گھنے وا وارث کون حسن وا
 سدا نہ رہسن شاخاں ہریاں سدا نہ پھول چمن وا
 سدا نہ بھور ہزاراں پھر سن سدا نہ وقت امن وا
 مانی حکم نہ دے محمد کیوں اج سیر کرن وا
 سدا نہ رست بازاریں وکسی سدا نہ رونق شہراں
 سدا نہ موج جوانی والی سدا نہ ندیں لہراں
 سدا نہ تابش سورج والی جیونکر وقت دوپہراں
 بے وفائی رسم محمد سدا ایہو وچہ دہراں
 سدا نہ لٹ چراغاں والی سدا نہ سوز پتنگاں
 سدا اڈاراں تال قطاراں رہسن کد کلنگاں
 سدا نہیں ہتھ مہدی رتے سدا نہ چھنکن ونگاں

سدا نہ چھوپے پاء محمد رمل بہناں سنگاں
 حسن مہمان نہیں گھر باری کی اس دا فرماناں
 راتیں اتھا آن ستھوئی فجری کوچ بولا ناں
 سنگ دے ساتھی لدی جاندے اساں بھی ساتھ لداناں
 ہتھ نہ آوے پھیر محمد جاں ایہ وقت وہاناں
 سدا نہیں مرغایاں بہناں سدا نہیں سر پانی
 سدا نہ سیاں سیس گنداں سدا نہ سرخی لانی
 لکھ ہزار بہار حسن دی خاکو وچہ سمانی
 لا پریت محمد جس تھیں جگ وچہ رہے کہانی
 مگر شکاری کرے تیاری بار چہیندیاں ہرناں
 جو چڑھیا اس ڈھیناں اوڑک جو جھیاں اس مرناں
 کجھ وساہ نہ وساہ آئے دا مان کیہا پھر کرناں
 جس جسے نوں چھنڈ چھنڈ رکھیں خاک اندرونج دھرناں
 لوئی لوئی بھرے کڑیے جے تھہ بھانڈا بھرناں
 شام پئی بن شام محمد گھر جاندی نے ڈرناں
 سیف ملوک شہزادہ ایویں راگ ور اگوں گاندا
 اڈ دے پنکھی ڈھیں آسمانوں سن کے کوئی نہ جاندا
 ہر ہر بول اوہدا دکھیارا زہر آلو دی کافی !
 دو جاصد قے ہو ہو جاوَن حوراں ویکھ جوانی
 درووں آہیں مار شہزادے پر کرسا نکاں لایاں
 آہ عاشق دی کوئی نہ جھلدا جندو جھہاں جلایاں
 ماری آہ زلیخاں بی بی درووں بال مواتا

بھڑک لگی اک چابک سٹریا تاں یوسف بچ جاتا
 کسی نوں اک روز پنوں نے طعنہ بولی لائی
 سچے عشق تیرے دا بی بی مینوں پتہ نہ کائی
 کسی چمک لگی اس گلوں اک دی چر بھروائی
 نال افسوس او ساس چلایا آتش سرد کرائی
 مای درووں ونجلی دا ہے ہوندا شوق مہیں نوں
 مجنوں دا سن بول درندے آون چل زمینوں
 راہ کھاندے آہ چلانوئیں جاں روڈ اوکھیرا
 جلدی آہرن کارن کردا ٹھنڈا ویکھ لوہارا
 ابراہیم پنجلم پر کڈھیاں آہیں درد ہزاراں
 باغ بیمار ہوئیاں گلزاراں آتش شوخ انگاروں
 پری بدیع جمال کھلوتی وانگر سرد آزادے
 مرتے چھتر چھاں بانی رکھ گھنے شمشادے
 شاہزادے ول آھیں لایاں تکی دی مول نہ جھمکے
 سن سن راگ خیال غماں دے واؤ پریم دی رکے
 آن ہوئی تاثیر عشق دی لگا تیر کمانوں
 دھر نکل گیا بھن خودیاں جانوں والوں ایمانوں
 مڑ مڑ حرص کریندی ہلے کوٹ شرم دے ڈھالیاں
 ڈھانکیں مار ڈھہاں سر پر نے کوکاں سر دھربا ہاں
 پھیر شرم نوں لسا تک کے عقل حمایت کردا
 رکھ تھل یار ملے گا لاہ نہیں اج پروا
 بے شماری بے قراری دی نوں نکلن نہ دیندی

ہو لاچار پری کوئی ساعت آہی صبر کریندی
 موہوں بول نہ ظاہر کیتا بھید دے وا ذرہ
 پر دل بے قراری چایا جیوں گڈی وا پھرہ
 سکی لکڑتے آدھر یا شوق اندر وچہ ارہ
 پہلے درجے عشق محمد رکھدا شرم مقررہ
 جاں اوہ منزل پوری ہوندی موہوں لہندی لوئی
 دت نہ کاری آوے توڑے سو مت دیوے کوئی
 شاہزادے دے عشق پری نوں دتیاں آن دعائیں
 بندگی تے تعظیم بی بی جی خالی پرت نہ جائیں
 برخورداری دیہہ اسانوں ہن آئی گھر تیرے
 مسماں مسماں آج لہجیں واندی کر کرہتے پھیرے
 نکی اتے لڈکی بن کے بہتی عمر لنگھایا
 مہیناں بھا پیا ہن کڑیئے بادشاہاں وا پایا
 مگر تیرے ہن اسپں پیا دے مشکل ستریں وڑنا
 والی شہر مصر دے اگے نبھ کے تینوں کھڑنا
 شاہ پری فرماندی آگوں برخورداری دے کے
 پردے نال اکوار بندی نوں جاون دیویں پیکے
 میں بیٹی شاہپال شاہے دی پریاں دی شہزادی
 نبھ کھڑن وا آکھیں مینوں نال کرگل زیادہ
 عشق کہیا میں نبھ نبھ کھڑیاں تھ تھیں بھلیاں بھلیاں
 مانی بابل پٹ پٹ تھکے داہاں مول نہ چلیاں
 مغرب دے شاہزادے اگے بی بی نام زلیخا

نہ کھڑی تاں کس چھڈائی مدھ بھی اوہو لیکھا
 سکی تاں ہن جا سیں ایتھوں آدھ جھولی پالے
 پالے رب پریتاں اگوں نیوں بجن دا لالے
 دیناں ہے محصول عمر دا جنسوں روک وٹالے
 ترسی کول صراف محمد کھوٹا کھراؤ کھالے
 کھوٹے کھڑ سیں تروٹے کھا سیں سوٹے پیسن نالے
 سوناں ترا مان کرن جس دن پاکٹھیالی گالے
 گھت زنجیر کرن گے قیدی شاہ عدالت والے
 ڈا ہڈے کول محمد بخشا کون کرے اپالے
 مڑ دی مڑ دی گل محمد چھوڑ چلی اوہ رستہ
 تنگ پیا دل دی کہانی مکدا ہووے فستہ
 جے سبھ گلاں لکھن لکھیں جو جو ہادی گھلدا
 ہوروں ہور پون وچہ رمزاں قصہ صاف نہ چلدا
 عشق بدیع جمال پری نوں آپایا ہتھ پکا !
 جس نوں پھروا ہے نہ کھڑدا نہیں کسے دا سکا
 مان گمان گئے بھجھ سارے دل ارمان نہ رتی
 سڑ دی گل نہ کر دی موہوں وانگ دیے دی بقی
 وک گیا جی چچک بجن دی بک اندر ہتھ پایا
 کندھی لگی مچھلی والا حال پری پر آیا
 صبر قرار آرام نہ رہیا شام وٹھا جس ویلے
 شام تک دل جردا نا ہیں آکھے ہن کوئی میلے
 ہاتھی عشق مہاوت سوہناں مڑ مڑ کے پھر پیلے

اپن چیت محمد لگے سے برچھے سے سِلے
 عالم عشق شہزادے والی بن تلواروں کٹھی !
 آن پئی از غیبوں گولی مار نمائی مٹھی !
 دکھ دی وائی پکڑ منائی پھر دی سی جو رُھی
 بیدن جانے کون محمد لگی مرض اپھی
 اوڑک جاں دل رہ نہ سکیوں کہیوں ملکہ مائیں
 آ اگیرے چلے بھیتے تک لیے ایہ جائیں
 ملکہ نے فرمایا اگوں بسم اللہ بسم اللہ
 لگی آس ہویاں دل خوشیاں شکر الحمد للہ
 اوہلے اوہلے ٹریاں دے آکھیاں پھر نیڑے
 شاہزادے نوں خبر نہ کوئی تار غماں دی چھیڑے
 پھر اوہ مورت شاہ پری دی کدھ کے باہر حجابوں
 چم آکھیں منہ متھے لاوے رووے ود حسابوں
 مورت دے دو پیر چمیندا پھر آکھیں تے ملدا
 آہیں درد الہی نکلن ہنجوں پانی چلدا
 دھواں دھاری دکھ غباری سوز فراق تہاری
 بھڑکن بھائیں واہو وا ہی نالے دیہن نہ واری
 وانگ کباب بھجے تن سارا تیخ لگایا پیرا
 پانی چوندا ہنجوں روند آتش وچہ وسیرا
 سیف ملوک شہزادہ درواں گھیر کیتا دکھیارا
 گن گن موتی دے عشق نوں سولاں دا بنجارا
 شاہ پری تے ملکہ خاتون چھپ نیڑے ونجہ کھلیاں

پری درست ڈٹھا شاہزادہ رکھ نگاہاں بھلیاں
سوہنی صورت نظری آئی جاں ڈٹھا دل نقشاں
ویکھ بے آب ہوں شرمندے مانک لعل بدخشاں
جیوں کاغذ کشمیری اتے خوشخط حرف قرآنی
تیویں سی مس بروی کالی یا سبزہ بستانی
نویں جوانی حسن ارزانی ہر ہر نقش گمانی
سندر روپ دیئے چمکارے جیونکر چن آسانی
بدن شریف اوبد یوچہ وسدی جو تعریف انسانی
سرد آزاد بہشتی مانغوں نازک قد نورانی

دروصف جمال با کمال شاہزادہ سیف الملوک و عاشق شدن بدلیج

الجہاں بروے

چہرے اتے تاب حسن دا وودھ آہا مہتابوں
جسے تھیں خوشبوئی طے وافر عطہ گلابوں
کنڈاں والی سوہے سرتے جھنڈ مغیر کالی
ہر ہر وال دلاں دی پھابی وودھ دی گھت پالی
لاہ لاہ کرے شعاع متھے دا جو بن جوت متابی
مرگ جنگل دے ہار سنگارے گوہڑے نین شرابی
متھا صاف سمند حسن دا جو بن چڑھیاں لہراں
تاب بیتاب کرے جیوں سورج روشن وقت دوپہراں
طاق بہشتی دو بھروٹے یا محراب مستیوں
خونی نین دس متوارے گوہڑے رنگ پریتوں
ابو مثل ، لال درخشاں یا اوہ سخت کماناں
ہکاں تیر خدنگ نشانی سل جاوَن دل جاناں
تیز کنار سوار بہادر ظالم نین سپاہی
نک کھناں فولادی ترکھا دھار سنواری آبی
کھنتے تیر کمان کناروں چمک کدھی ہتھیاراں
پریاں حوراں دیکھ شہزادہ جان کرن سرداراں
یوسف ثانی چن اسمانی لعل مثل رحسارے
روپ اوہدے تھیں بانے اندر نور بھرے رکھ سارے
چہرے تے چکار حسن داتا بش وودھ انکاروں
سندر یدن پھلاں دا دستہ دانہ سرخ اناروں

صورت سیف ملو کے والی اجلی باغ بہاروں
 ویکھن سات کھڑے دل کھس کے شاہ جمال ہزاروں
 سوہنا ویکھ جوان فرشتے ہو حیران کھلونڈے
 تھکے رہن اسمانی تارے ساری رت نہ سوندے
 ہر ہر نقش شکل دے وچوں گلبدن سی سادہ
 بدر منیر چمکدا چہرہ بے نظیر شاہزادہ
 نونہال حسن دے باغوں گلبدن سی سادہ
 بدر منیر چمکدا چہرہ بے نظیر شاہزادہ
 سر اتے کستوری بھنی جھنڈ لوی خشخاشی
 نین متے پیار عشق دے زگس مست اداسی
 روپ انوپ بھرے رخسارے جیوں گل وقت بہاراں
 نوری ناری خاکی بادی تک تک ڈھین ہزاراں
 دند سفید ہیرے دیاں کیناں در قیمیوں لڑیاں !
 سرخ عقیق اندر روند لہراں خوب کریگر جوڑیاں
 سوہے ہوٹھ مٹھی گل والے مثل اچے یا قوتوں
 عاشق بھکھے لاغر رکھے قوت پان اس قوتوں
 بازو لوہڑے چاندی خاصول گرد کریگر ڈولے
 پینڈے تے زور آور سوہنے شیراں وانگر ڈولے
 جیوں چاندی وی آہرن ہونڈی ہوہنڈے گورے بھارے
 چترے وانگن گردن دسڈی لنگ زور آور سارے
 لک مہین عجائب گردا چیرٹی چھات جے دی
 دلوچہ پری کہے جس جایا دھن اوہ ماء جنیندی

کو لے پٹ دو پٹ سہائے جندر قدرت چڑھ کے
 موگریاں استاد بنایاں چن رکھوں گھر کے
 گوڈے شیشے گرد لاہوری کارن گر چمکائے
 پنیاں سن روں دار عجب گل نہ کیتی جائے
 نازک پیرا بریشم لچھے بہت مہین انگشتاں
 سوہنے ویکھ کرن دل چاکر دھو دھو پن انگشتاں
 نازک سوہناں بدن گلابوں رنگ رس بھریانباں
 حسن جمال کمال اوہدے دا ناں کوئی حد نہ بناں
 جاں منہ طرف زیں دی کردا ہوندی دھرت نورانی
 جاں مر اچاکر کے دیکھے لاناں چڑھن آسانی
 صورت ویکھ ہووے چن داغی غیرت کھا حسن دی
 لگے تیر عطار وتائیں چھٹے قلم مکھن دی
 زہرہ نوں تک زہر پریم دا وچھہ کیجے دھاوے
 باروتے ماروتے وانگن لہ آسمانوں آوے
 گناری مکھ تک کے سورج آن چھپاوے رسماں
 یاری لاوے پگ وٹاوے دوست بنے کھا قسماں
 دھاڑ پوے مرتخے تائیں کالے کجل کٹک دی
 ہو حیران ہے وچہ خانے چوکی چھوڑ فلک دی
 مشتری اکھر ویکھ حسن دے شاہزادے دے درقوں
 چھوڑ قضا دیوان عشق دا کرے مطالعہ سبقتوں
 روپ سچے دا عشق کماوے عین سعادت پاوے
 سداں نال کرے اشنائی اکبر سعد کہاوے

کالا چور زحل آسانی گورا ویکھ شہزادہ
 بنے غلام حلالی حبشی ثابت رکھ ارادہ
 سونی بہنی سونی صورت سوہناں قد رنگیلا
 سوہناں خط اتے جھنڈ سونی خوش آواز رسیلا
 بن بن چے پوشاکی ساری روپ چڑھے ہر دیسوں
 خوشبوئی کستوری حلے آون کالے کیسوں !
 بہن ہتھیار سوار ہووے جس چڑھدا طرف شکارے
 گولی کھا بندی دی ڈھینڈے مرگ جنگل دے سارے
 صورت ویکھ شہزادے والی وگدا وہن کھلووے
 ڈر سنسار لگے تھر کنباں جاں ہتھیار دیہووے
 شاہ پری دی نظری آئے نین ایانے روندے
 ہر پمن دے والوں موتی بنجوں ہار پروندے
 چہرے تے پرسیوں قطرے جوش بخار الم دے
 جیونکر پھل گلاباں اتے سے موتی شبنم دے
 سیو نی جی ٹھوڈی ہوئی گرد آلودی !
 دردوں درد رسیلا نکلے آوازہ داؤ دی
 چکڑی سرد جیہا قد بانکا سوہناں ہریا بھریا
 چہکھ غماں دی مار اڑایا سر دھرتی پر دھریا
 جس ویلے کوئی غزل رباعی دوہڑا بیت الاوے
 اڈوے پنکھی ڈھین آسانوں ہوش وجودوں جاوے
 سیف ملوک پری دی مورت رکھی آہی اگے
 جیوں جیوں تے اگ بھڑکے نیر اکھیں تھیں وگے

اپنا آپ نہ یاد شہزادے مورت وچہ سماں
 سرور تے تاں ایہ گل جا پے ہے کی سمجھ ایامان
 ہویا فغانی اشیخ ایہ طالب مرشد وچہ سما
 لا الہ دی پھیر بہاری الا اللہ گھر آیا !
 توں کی جانیں رمز فقر دی بے علماں نادانان
 قصہ دس شہزادے والا بھیت چھپا حیوانان
 شاہ پری دی مورت اندر شاہزادہ سی رچیا
 حال اوہدا تک ولبر تائیں اندر بھانبر چچیا
 صورت ویکھ ہوئی دل گھائل شاہ پری مستانی
 دل وچہ داغ موہیں پر لالی جیوں لالہ بستانی
 دوزخ بھاہ پریم دی سینے بھڑک لگی بھڑکارے
 دھواں دھاری انت غباری پانی عشق نتھیارے
 سڑ گئے ہتھم تھل والے ڈٹھے صبر چبارے
 سوہنیاں کول محمد بخشا کس نہیں پہنارے
 شاہزادے ول ویکھ نہ سکی مڑ ڈیرے نوں چلی
 تابش کھا حسن دی ننھی جھال نہ گندیوس جھلی
 جا اگیرے ملکہ تائیں کہیا بدیع جمالے
 مینوں بھی اوہ مورت کیوں سیف ملوک دسالے
 جاہ ملکہ ونج آکھ شہزادے جے اوہ مورت دے
 پل جھل تک کے موڑ دیاں گی قدر نہیں کوئی کھسے
 دیکھ اسیں بھی معلم کریئے ہے ایہ مورت کس دی
 ایسی جو بن متی کوئی پئی جگ جس دی

ملکہ کہندی سن نی بھینے محبوباں وچہ اوچی
 شاہزادے دے جسے اندر جاں اوہ مورت سچی
 جند اوہدی نوں ملایا لوڑیں کیوں نکھیریں تن نوں
 جند وتے سمیت ہالے عاشق بے وطن نوں
 شاہ پری نے کہیا ملکہ میں منساں گل تیری
 پرتوں اے نہیں کر کھیرا ہووے حرص گھنیری
 ویکھ رہے دیاں کہاں ولوں کرسی کھیرے کم کھاں
 اس نوں بھی مت سداں گی ہور کوئی دن جسکھاں
 ملکہ سن کے گل خوشی دی جھبڈے جھبڈے آئی
 جو گزری شاہزادے اگے ساری کھول سنائی
 شاہ پری دا آون جاون جو کجھ بوی ہسی !
 نالے مورت منگن والی خواہش بھاری دسی
 شاہزادے فرمایا ملکہ مورت تیرے بھانے
 اک اک وال اہدے مل جانی میں بن قدر نہ جانے
 جے اکھیں تھیں اوہلے ہووے نیر نہ ٹھلن دیدے
 وانگ انک دیے انک نہ رہندے پنجوں درد رسیدے
 اوہ ڈا ہڈی میں لسا جیکر مورت موڑ نہ دیوے
 گھڑی نہ جرساں تے سڑ مرسان جیوں تیلے بن دیوے
 صورت تے ہتھ لگے نا ہیں مورت کیوں کھڑاواں
 جے اک وال اوہدا کوئی تروڑے ویکھدیاں مرجاواں
 ہور کے نوں ہے کی صرفہ دکھے جیو میرے دا
 جے نقصان ہووے اک ذرہ کی پھل کھڑے تیریدا

ملکہ خاتون کہندی ویرا خطرہ رکھ نہ بھورا
 کون کسے ایہ مورت تیں تھیں نہیں کھسے وازورا
 مطلب تیرے کارن میں بھی مڑ مڑ عرضاں کر دی
 مت مورت تک شاہ پری نوں جاگے حرص اندر دی
 وال اوہدا کوئی ڈنگا چاہے تاں میں کرساں ڈنگا
 نال ادب دے مورت تائیں مدھ تھیں رکھساں چنگا
 ان شاء اللہ مورت تائیں کجھ ارگاہ نہ لگسی
 شاہ مہرے دی جوڑی تک کے کرد پری دل وگسی
 دوئے شکلاں ویکھ برابر حب اوہدے تن بس سی
 میں بھی قولوں سچی ہوساں مت تینوں منہ دس سی
 القصہ شاہزادے تائیں ملکہ گل منائی
 حرص امید ملن دی اتے مورت تینوں منہ دس سی
 کر لاچاری گریہ زاری کہیا ملکہ تائیں
 کیوں جلدی اس جانی نوں میرے کول پچائیں
 ملکہ خاتون نے لے مورت جا پری نوں دی
 ویکھ ہوئی حیران پری بھی تاب شکل دی جھسی
 کر کر نظر پچھاتی مورت ہر ہر جا سنبھالی
 اپنی صورت نظری آئی ہور شاہزادے والی
 حسن جمال کمال دوہاں تے انت حساب نہ آوے
 اونویں اکھیں ٹڈیاں رہیاں ناں کجھ آوے جاوے
 کنب گیا جی جسہ جامہ مغز سرے دا پھریا
 ہوش طبیعت تھاں نہ رہیوس آن کلیجہ کریا

عطر گلاب لگے چھنکاون تاں پھر ہوش سنبھالی
 ملکہ نوں فرماندی بھینے دیہہ گل مورت والی
 کس ایہ نقش نگار سہائے صورت رنگ صفائی
 کیونکر لعلیں دی ایہ جوڑی شہزادے ہتھ آئی !
 ملکہ خاتون کہندی بھینے مورت دی گل ساری
 سیف ملوک شہزادے مینوں دی سی اک واری
 جیونکر سنی زبانی اس دی تیویں آکھ سناواں
 اک دن نبی سلیمان ہوراں پچھیا سبھ امراواں
 پریاں دیواں آدمیاں دے حاضر سن سر کردے
 جے کجھ حکم پیغمبر کردا سر آھیں پر دھر دے
 کہیوس یار دو سو مینوں چو سچ زبانوں
 مہتر یوسف بھائی میرا جو ہے سی کنعانوں
 اوس جیہا کوئی صورت والا دنیا اتے ہوسی
 آھیں ڈٹھیاں کنیں سنیاں دو پنڈت جو سی
 سبھناں عرض گزاری حضرت کوئی نہ ڈٹھا اگے
 پر جے ہن کوئی مہلت بخشو ہر کوئی ٹورن لگے
 کی جا پے مت ہووے کوئی اس صورت دا ثانی
 بھلی بھلیری ہے خلق اللہ کہندے لوگ زبانی
 چانی روز ہونی تہ مہلت ڈھونڈو زیں زمن نوں
 پریاں دیو تکلیندے پھر دے ہر جنے ہر زن نوں
 محبوباں مقبولاں والے ڈٹھے حسن بترے
 گزر گیاں دے روپ جمالوں قصے سنے گھنیرے

ساری دھرتی پھر کے تھکے آبادی ویرانی
 مہتر یوسف جیہا نہ لدھا سوہنا مرد زنانی
 جا سلیمان اگے سبھناں چمیں زمیں ادب دی
 دسین دعائیں شاہ پر ہودے دائم رحمت رب دی
 امیں تساڈے حکمے اتے پھر آئے سبھ عالم
 اس صورت دا ثانی کدھرے نہ کوئی جن نہ آدم
 ہور عجائب سندر سوہنے ڈٹھے سنے گھنیرے
 یوسف ثانی مرد زنانی ناں کوئی جگ جو فیرے
 پر کوئی لکھی ڈبھی آیت وچہ کلام الہی
 و علمناہ من لدنا علما ایہ سیتدی آنی
 وچہ زبور داؤدی دے جو ہے نور لپیٹی
 لکھیا ڈٹھا نسل تیری تھیں پیدا ہو سی بیٹی
 جو بن حسن ادا صفائی نقش نگار شکل دے
 شوخی تے مرغوبی خوبی بشیر زلف کندل دے
 مہتر یوسف نال برابر یا اس تھیں کبجہ کسی
 وچہ کلام الہی ایہو پتے اسانوں دی
 نبی سلیمان پچھیا اگوں دسو کھاں گل ساری
 بیٹی کس دی کس نگر وچہ کی ناداں اس ماری
 دانشمند پری پھر بولی پکا پتہ دسالے
 نام بدیع جمال پری دا بیٹی شاہ شاہپالے
 اوہ اگوں شاہ رخ دا جایا اوہ اولاد تساڈی
 اگوں آپ سیانے صاحب حاجت کی اساڈی

دتا حکم نبی نے اگوں صورت نقش بناؤ
 تاں میرے دل ہووے تسلی کر تصویر دکھاؤ
 پری عجاز مورت کارن کیتا فکر اندر وا
 ترے سے ہووے حکیم سیانا ہر اک اہل ہنر وا
 ہووے کئی تاریخاں والے دیہن جو غیبوں خبراں
 کرن لگے تدبیر شکل دی تک تک زیریں زیریں
 کر تدبیر عجاز ہوراں اک تصویر بنائی
 اطلس لے بہتر رنگا اس پر خوب سہائی
 زینت زیب ہزاراں کیتے وانگن باغ بہاراں
 لے گئی پھر پاس نبی دے مورت نقش نگاراں
 ویکھ رہیا حیران پیغمبر ست دن تے ست راتاں
 واہ خالق جس بندے کیتے صاحب ایڈ صفاتاں
 اٹھویں روز مصور تائیں نالے ہووے حکیمان
 خلعت تے زر دولت بخشی وافر مال نے عیماں
 سرفرازی بہتی دتی رتبے شان ودھائے
 گھوڑے گھوڑے منصب دے کے خاص امراء بنائے
 حکم کیتا جو عاشق اس وا ہوئی مرد زور آور
 ناداں شکل اوبدی بھی لکھواس دے کول برابر

اس صورت تے عاشق ہو کے سرگردانی چاسی
 اوڑک نال بدیع جمالے اوہ نکاح پڑھا سی
 نبی سلیمان لے کے رکھے ایہ شاہ مہرے دوئے
 نالے اطلس تھان حریروں رنگ رنگے ہوئے
 توٹے خانے پیغمبر دے مدت رہے بہتری
 نکلیں دا ڈھو ہویا اوچھوں مولی ساعت پھیری
 اک دن شاہ صفتوان بہادر نبی سلیمان جی نوں
 تحفے ہدیے جتے دتے ہوئی خوشی نبی نوں
 خوش ہویا صفوانے اتے کہندا اوہ کجھ دیواں
 گھرا سدھے جو ہووے نہ اگے میں شاہ آدم دیواں
 اوس ویلے پھر ایہ شاہ مہرے صورت سندر والے
 نالے اطلس اتے حریروں اوہ سچے پرکالے
 اک انگوٹھی ہتھ اپنے دی نالے ایہ دو نقشے
 شاہزادے دے دا دے تائیں نبی سلیمان بخشے
 اس تھیں بعد لئے شاہ عاصم پھیر اس نوں ہتھ لگے
 ویکھن سات ہویا ایہ عاشق آ پہتا مدھ اگے
 جدوں بدیع جمال پری نے سنی حقیقت ساری
 شیشہ لے لگی منہ ویکھن سنگ مورت کرداری
 اپنا آپ تکے وچہ شیشے نالے مورت ویکھے
 تل بھر فرق نہ کدھرے آوے ہر جانی ہر لیکھے
 شاہ پری نے معلم کیتا ہے ایہ مورت میری
 پر شاہزادے دی تک مورت لگی چمک گھنیری

نال محبت مڑ مڑ دیکھے تکی دی مول نہ رے
 چڑھیا لشکر عشق نثارے آن اندر وچہ وے
 گھجیاں آہیں توپاں دھریاں صبروں وڑ اوڈائے
 مارے کوٹ تھل والے فوج پر ہیر نساے
 سکھاں دے لٹ لے ذخیرے دکھ دی کوٹھی پانی
 عشقے دے سلطان محمد پھیری شہر ودھائی
 درواں زرد کیتے رخسارے دیہی ہویا رنگ پیلا
 باہروں چت مرتا کوڑا برا اندر وا حیلہ !
 وچہ وچہ کلیجہ کئے ڈائن درد پریم دی
 لاوے تیخ پکاوے بیرے بال انگیٹھی غم دی
 ترورے طاقت تران وجودوں دہشت تیغ الم دی
 سم بکم ہوئی محمد صورت دیکھ صنم دی
 گجی ساگ اندر وچہ رڑ کے تاجنگ پے دلبر دی
 بھل گئے سبھ باغ ارم دے لگی چھک مہر دی
 مایو بھیناں بھایاں نالوں حرص چڑھی آوردی
 ترے زور محمد بخشا ناں جیوے نہ مردی
 منہ بولے تاں ٹرن وچاراں شرم نہ رہندا رتی
 عالم سارا کھاوے بھاوے کت ول جاوے تتی
 سڑ دی رہندی گل نہ کہندی وانگ دیوے دی ہتی
 درواں ماری چند محمد اگہری نیندر متی
 بال ایانی درد رنجانی پگڑی قبر نزد لاں
 دل نوں طلب سخن دی ساڑے جیونکر اک بیولاں

پھر نے گھوٹ تے ہول دے سی پائے سول ڈنڈو لاس
 کھلے وال بجال محمد دے وانگ رنجو لاس
 موہوں ہس ہس گلاں کر دی اندر گریہ زاری
 بابرؤں نابر نال سیال دے دلوں لگائے یاری
 اکھ بجن دی رکھ کیجے ماری چھڑی کٹاری
 کٹھی مٹھی فوج اپھی جیوں کر مرگ شکاری
 مٹھی کس اندر ہڈ بنھے تن من اپویں پالا
 کھاؤں پیوں نیندر تائیں مایا دیس نکالا
 بھیت نہ دس دی تے جند جھس دی کردی اے سنبھالا
 پر ظالم عشق محمد بخشا پردے پاڑن والا
 آلی بھولی نوں انہ غیوں چنک پئی وچہ جھولی
 گڈیں کھیڈ ڈری سکھ سوئی آکھاں ہن رولی
 کیکر نال بجن دے ملساں کر کے چتا ڈولی
 درد ابال نہ مٹے محمد ایہ مارے جے بولی
 آپے پھیر تھل کر دی دل دے دلیری !
 کدی تے رب ملائی سانوں رکھ اوے دی ڈھیری
 صورت ویکھ شہزادے والی کر دی صفت ودھیری
 ویکھو بھیناں کیسی صورت روشن کرے بھیری
 اول جس دم باغے اندر شہزادہ سی ڈٹھا
 وکیا جیو کینا دل سودا کھول دتا غم چٹھا
 مغز اندر سودا عشق دا وڑیا سی اس ویلے
 مورت ویکھ دوبارے پائیو بلدی اوپر تیلے

باز عشق دے نیچے مارے عاجز کیتی پھڑ کے
 پکڑن سات نہ طاقت چھڈی بولے یا مڑ پھڑ کے
 شاہزادے دے تل دانے تے مرغ دلے دا آیا
 کندلاں والی جھنڈ شتابی پھاہیاں لا پھہایا
 سنبل وال پریشان آہے سیف ملوک جوانے
 ویکھ پری چت ہويا پریشاں جیوں قیدی بند خانے
 درواں مار نمائی کیتی بھجہ گئے سبھ چارے
 چارے طرفاں کھاؤن ڈہکیاں اک لگی جاگ سارے
 اندرو اندر جردی آہی گھٹ لہو دے بھر دی
 دروی سیاں بیدن چکھن بھید نہ دے ڈردی
 وچو وچہ افسوس کہندی ہائے ہائے میں کی کیتا
 محبوبے دا حسن ڈٹھا ہی جیو عشقے کھس لیتا
 اوہو اس دا رام پیارا لگن جس دی آہی
 رام ڈٹھا آرام گویا روہڑی کلام الہی
 آخر تیک نہ چھٹن جوگا جو پھاتھا اس پھابی
 دھاڑو عشق محمد بخشا لئے پاہندی راہی
 واہ واہ بھاگ نصیب تنہاں دے یار جنہاں تے وکیا
 سچے عشق عاشق دے ول نوں پا مہاراں چھکیا
 عاشق اتے عاشق ہووے جو محبوب ہتھیارا
 اوڑک بدلہ لئے محمد پرچے کرے سہارا
 عاشق کہندے عشق محبت شیشہ ہے روحانی
 حال عاشق دیوں دلبر تائیں دسدا کھول نشانی

عاشق نوں از غیبوں دسدا سندر روپ گمانی
 کون مجاز محمد بخشا ہر اک سر حقانی
 جاں جاں توڑی دھرتی انہر کرسی عرش منارے
 لوح قلم تے جنت دوزخ حور فرشتے سارے
 تاں تاں تیک نکاح عشق دے نہیں ترشن ہارے
 عاشق تے معشوق محمد دائم نویں پیارے
 بدرہ خاتون ملکہ خاتون کی ویکھن مڑ سیاں
 کیسرور گارنگ پری وار لقاں گل وچہ پیماں
 منہ کماناں حال پریشاں شوخیاں بھجہ گیاں
 محرم بید محمد مرضاں ویکھدیاں لبھ لیاں
 شاید عشق شاہزادے والا چڑھیا کہیاں بنا کے
 لٹ لیوس دل شاہ پری دا بدھوس سنگل پا کے
 ہو لیں ہو لیں ملکہ خاتون پچھن لگی جا کے
 بھینے روگ طبیاں کولوں رکھے نہیں چھپا کے
 جے مرضوں چھکارا چاہیں دیہ بیداں ہتھ باباں
 بیدن دس اندر دی ساری دروں منگ پناہاں
 وار و تلخ سیاناں دیوے نہ کر ذات پچھاہاں
 شالا پھرے علاج محمد خیر تیری میں چاہاں
 پیر طبیب اسمیں سبھ روگی غفلت مرض لٹائے
 اوے ہتھ دیئے باباں ویکھ نبض دکھ پائے
 نشتر مار محبت والی ہفت اندام چھڈائے
 کڈھے لبو غلیظ بدن تھیں شربت صاف پلائے

کام کرو ہدوں لہب ہنکاروں مٹھیوں رکھ کرائے
 فلک دال غذا الوئی اوہ بھی گھٹ کھائے
 نامر اوی دی پھک پھکی کرناں جو فرمائے
 مایاں کامل بید محمد خیر ہوئی دکھ جائے
 ملکہ خاتوں ایس طرح دے جتن کئی کر تھکی
 شاہ پری نے بھید نہ دسایا مار چھڑی جب پکی
 عذر بہانے بھیکھ زنانے کر کے گل بھلائی
 اتنے وچہ نماشاں ہویاں رات پون تے آئی
 ہر کوئی آپو اپنی جانی جا آرامی ہويا
 صاعد چین کھلوتا پیرو شاہ سورج گف سویا
 کر کتیاں دے ترنجن نکلے جیوں رل گاؤں کڑیاں
 کھڑ کھڑ ہسن تے دل کھسن چلن جڑیاں جڑیاں
 ڈولی ٹری چنے دی بن کے گاوندیاں سنگ چلیاں
 ترنگر نہج قطار کھلوتے دف بجاون ٹیاں
 قطب مہراج کھلوتا قائم دام درم ورتاؤں
 دو قطبین دوارے اتے گن گن خیر دو اون
 ترے تارا دے چکارا خوب کرے پشکارا
 شایب دیون ہور محمد واہ واہ چست سوارا
 واج کھلار دتا آسمانے پیڑھا پانگ کونہدا
 ایہو جیسے دان لہنہاں دے کروا گھاتا وا ہدا
 آب حیات خضر وا چشمہ چڑھیا چن نورانی
 گرد بگر دے سبزہ سوہناں نیلا رنگ آسمانی

www.IqbalCyberLibrary.net

All rights reserved.

2002-2006

اقبال لائبریری

تر تر تھکے ہمدے روندے آسمان دے تارے
 شبنم دے لا موتیں جیونکر سادے کھیت سنوارے
 نرم ہوا معطر جھلدی ہر اک کان سکھائی
 چوکیداراں شب بیداراں نیندر مٹھی آئی
 با آرام ستا ہر کوئی آپو اپنے ڈیرے
 مست پیالہ لے ہر مجلس نیندر پھری چوہیرے
 لگن بناں کد جاگے کوئی مستی چڑھی دماغاں
 آئی موت پتنگاں والی کدھی لٹ چراغاں
 گھگھیاں تے کلچیاں بولن سنواں لگاوچہ باغاں
 رکھدی چھامیں شیشے لائے چانیناں دے داغاں
 لٹ لٹ کر دی لٹ شمع دی نور بھری کا فوری
 ڈوبلے عطر گلاب کھارے خوش نانے کستوری
 شاہ پری دے پیٹھ وچھائی نازک تیج پھلاں دی
 سیاں دایاں بستر لائے مل پوندا مہراندی
 سردانی دی جھولی دھر کے شاہ پری ہنگامی !
 ستی ویکھ تہامی ستیاں نالے ستی دانی !
 سیاں سنگ تہامی ستا مرگ جنگل دے ستے
 آہنیاں وچہ پنکھی ستے گلایاں اندر کتے
 جوڑے نال ستارل جوڑا انسانی حیوانی
 ہر اک سنگ سہاگ سکھایا مانی عیش جوانی
 بے آرامی تے غمناکی ہوئی دور جہانوں
 جمل جہان ہویا خوش وقتی بن عاشق دی جانوں

رات برات خوشی دی آہی بہتر سی شب قدروں
 رونق تے روشنائی د فر چوہدیں دے چن بدروں
 نیندر مست پئی ہر زندے خوشبو دار ہواہوں
 جیوں جھلجھلپ ہووے مستانہ نرم پرے دی واؤں
 سنگ سہیلی کوئی نہ جاگے بے سدھ ہویاں خوابوں
 شاہ پری دی اکھ نہ لگدی برہوں برے عذابوں
 گجھا سول کھیجے وڑیا ڈنگی ناگ ایانی
 لوں لوں بس پریم دی رچی کون اندر دی جانی
 خارہ خار ہویاں وہب سواں ریشم بیج پھلاں دی
 کدے سرہانڈی کدے پوانڈی لے سدھ ہو جھٹانڈی
 نیند حرام آرام نہ رتی شام پئی بن شاموں
 منکا منکا ہویا شکستہ کدے جوڑے بن شاموں
 عشق زور آور تے منہ تاناں کھوڑا باجیہ لگاموں
 راہ کو راہ نہ دیکھ محمد بھجدا جا مقاموں
 شاہ پری دل چاہ بجن دی کیتا گاہ بھلیرا
 پرتے پاس اوساس مریندے چت اوداس ودھیرا
 چھک پیا دی سون نہ دیندی پئی کھیجے کنڈی
 شاہزادے ول جایا لوڑے لاہ دے دی کنڈی
 جیونکر سسی کچنگرول سکدی تھل وچہ دھانی
 یار ملے بن صبر نہ آوے مشکل سہن جدانی
 نرم سراندو بیج پھلاں دی روڑاں وانگر پڑ دی
 سول نزول اندر وچہ چھکان ہرگز اکھ نہ جڑ دی

ینگ ینگ تے سیروں شیروں وں کھاؤں والے
 پاوے راکش کھلے چوکھے باہیاں ناگ ڈنگالے
 دانوں تھیں غم دھاؤں بتے اٹھے ہو اکٹھے
 کر دے کم آٹھوپیاں والا دکھ آئے سکھ نٹھے
 سینے اتے زلف پریشاں ماگنیاں جیوں ڈنگدی
 بار سنگار نہ بھاوے کوئی خوشی نہ رہیوں انگدی
 ظالم چھک اندر وچہ لگی پلک آرام نہ دیندی
 شرم حیا بتیر اٹھا کے پر حب زور کریندی
 کاری ساگ تجن نے ماری گجھی رڑک مریندی
 ڈل ڈل کر دے نمین محمد سردا دساں بھیریندی
 اوڑک سیجوں چھک اٹھائی عشقے پکڑ بلاکوں
 مے مہار چمن ول ٹریا نکل کیا جیو باکوں
 ظالم عشق بے ترس قصائی رحم نہیں اس آوے
 نازک بدناں مار رولاندا سہم نہیں اس آوے
 نازک پیر رکابوں دکھدے بادشاہاں دے بیٹے
 جنگل باریں پھرن اداہنے مارے عشق لپیٹے
 یوسف نال کہی اس کیتی جانے سبھ لوکانی
 پھیر زلیخا نام شہزادی تختوں سٹ رانی
 باراں کوہ گھراں تھیں باہر یوسف دا بندخانہ
 پیر پیادی راتو راتیں کھڑا عشق دیوانہ
 کیچ نگر دا راج بھلایا لے کے دیس نکالے
 کپڑ پنڈپنوں سر چاندا دھوندے پیندے چھالے

کسی نازک بدن شہزادی تھل مارو وچہ وڑدی
 اس ظالم توں ترس نہ آیا دیکھ پیاسی سٹری
 کام کنورنوں تخت چھڈا ایوس ہویا جنگل دا واسی
 سر پیراں تک حال شکستہ ابے بھی چت اداسی
 بے نظیر وطن تھیں کھڑیا قید دیواں دی پایا
 نجم النساء بنا کے جوگی جنگل قاف کہایا
 نونہال حسن دے باغوں خوب جوان پیوئی
 منگدا خیر بخن دے مگروں لاہ شرم دی لوئی
 پورں بھگت ملک دا راجہ بھوہرے اندر پلایا
 لنگ کپائے کن پرانے بیکھ منگیندا چلیا
 گوپی چند گیا چھڈ دولت مایا مال خزانے
 پکڑ رومال گدا کریندا ہر بوہے ہر خانے
 خوب شکل فرہاد شہزادہ والی چین شہر دا
 تیشہ پکڑ پیار کپیندا دھن اوئے عشقا مردا
 عزت بیگ سوداگر لاکھی دانشمند وزیروں
 مال چکاندا بالن چاندا کرے کباب سریروں
 اک اگلی نار بچاری سوئی تری چہناواں
 رہڑ دی ویکھ اس رحم نہ آیا پھڑکے بنے لاواں
 رانجھا تخت ہزارے والا مانی باپ لڈکا
 بھائیاں دا سردار پیارا چوہدریاں دا ٹکا
 جا سیا لیں چاک سدایا چالیا دکھ کھارا
 دھپاں پالے کپر جالے کروا سخت سہارا

ہیر سیانی لاڈیں پانی چوچک باپ امیرے
 راتیں کالی ماہی بھالے بن جنگل جھل چیرے
 ریشم پیر سلن وہب سواں جیوں سوئی پٹ لیرے
 رانجھے پاڑے کن محمد ناگ لڑیا ہیرے
 اوراں دی کی گنتر کرنی سیف ملو کے ہوندے
 کی کچھ عشق سہایا اس نوں پتھر بھی سن روندے
 اوہو عشق پری دل آیا لے ہتھیار تمامی
 کیکر تیج اتے انگ لائے جانی بے آرامی
 چوری اٹھ ٹری ول باغے کیڑ نہ کیتی کسے
 عشقے صبر چلایا کہندی کیوں دلبر دے
 پیر پیا دی چپ چپاتی باغے اندر آئی
 چھپ نظارہ کرے حسن دا چوری دی اشنائی
 کی تکی شہزادہ اگے بیٹھا اک اکلا
 بلدی شمع پتنگ جلیندے عشق کہڑی کھلا
 پیندا بیٹھ شراب شہزادہ پھڑیا ہتھ پیالا
 لوہو دل دے وانگر سوہا صاف شراب اجالا
 کاسہ مست تلی پر رکھے کر بھرپور شرابوں
 گاؤے گاؤں درد فراقوں تار ہلا ربابوں
 لمیں رات وچھوڑے والی پل جھل سکھیاں بھانے
 جے کوئی قید عشق دے اندر قدر اوہو کچھ جانے
 کدے کدے ایہ دوہرے آکھے درد وچھوڑے چایا
 شہزادے دے موہوں ہو کے چاہئے سخن سنایا

میں پردیسی نوں اج آئی شالا رات کرم دی
 یار بجن دے کوچے اندر جال ہوئی ہر دم دی
 دل وچہ چاہ نگاہ کر دیکھاں صورت اصل صنم دی
 دلبر نوں جا کہے محمد کون خبر اس غم دی
 زلفاں منہ اوہدے دی حرصوں ایہ جیوڑا بیچارا
 کفروں فارغ تے اسلاموں بیٹھا پکڑ کنارا
 دل آرام آرام دے وا کھڑیائے لٹ سارا
 شالا کدے آرام دیوے گا مل کے یار پیارا
 باغ بہاراں تے گلزاراں بن یاراں کس کاری
 یار ملے دکھ جان ہزاراں شکر کہاں لکھ واری
 اچی جائی نیوں لگایا بنی مصیبت بھاری
 یاراں باجھ محمد بخشا کون کرے غمخواری
 غم بہتے غمخوار نہ کوئی گن گن دھماں کینوں !
 جس دے پچھے جرم گویا مکھ نہ دسیوں مینوں
 جے کجھ باب میرے دکھ کر دے ہے کی خبر کسے نوں
 سوئیو جا نے قدر محمد تن من لگدی جینوں
 ڈٹھے باجھہ پریت لگائی ہو گیا جس ہوناں
 ہسن کھیڈن یاد نہ مینوں پیا عمر وا روناں
 دلبر مکھ وکھاندا نا ہیں داغ میرا کس دھوناں
 ساجن دا ور چھوڑ محمد کیس ورجا کھلوناں
 اپنے آپ لگائی یاری یار کہاں دلبر نوں
 بے پرواہ ترا ماں گن دے ایس اساڈی زر نوں

سورج دی اشنائیوں کی کچھ لدھا نیلو فر نوں
اڈا اڈ موئے چکور محمد سار نہ یار قمر نوں
شاہ پری دی چاہ میرے دل راہ نکال ہر ویلے
مت رب سچا مہریں آوے یار میرے سنگ میلے
پا شطرنج محبت والا سر سر بازی کھیلے
دیکھ دیدار محمد سر دھڑ وار دیکھے اس ویلے
ایسے طرح شہزادہ کردا درد منداں دے جھیرے
کاسہ لے شرابوں بھریا جاں کھڑدا منہ نیڑے
کہندا شاہ پری اج ہوندی ایہ کاسہ اوہ پیندی
میرے نال کریندی گلاں جاں مستانی تھیندی
ایہ پیالہ دار والہ پی دکھیارا تھیاں
کر کر یاد بدیع جمالے پییاں جاں جاں جیساں
ایسے طرح پیالے پیتے مغز چڑھی آگرمی
تپ تندور ہویا اندر رو نہ جاگی آتش جرمی
پھڑ قانون الاپن لگا خوب سرود عراقی
عجمی تازی اتے حجازی ہندی ربی نہ باقی
غزلاں دوہڑے رتختیاں دی لذت خوب بنائی
راگاں راگنیاں دے بچے گاوے نال صفائی
سن آواز ملائک نوری لہر آون آسمانوں
حوراں چیت اوہ واسی ہون شاہزادے دی تانوں
نیک انیک سراں کر گاوے پیندا حال اماں
سرود ولاں نوں گرمی آوے جاں وچہ پئے گراماں

تیز روی چھڈ نیرندی واسن کے اٹک کھلونا
 جگر کباب چھاں واسن کے دریاواں وچہ ہوندا
 ہو حیران پشیمان بیٹھے سبھ پنکھی چپ کر کے
 راگ وراگ بجر دے سن کے روندے آہیں بھر کے
 ہر پتر ہر ڈال چمن دی حالت مستان والی
 سر منہ پرنے ہو ہو ڈھینڈے گلبن چنے ڈالی
 بدھیں ہتھیں سرد کھلوئے غیروں پکڑ آزادی
 سرتے ہتھ کھجوراں شوکن رب اگے فریادی
 سبزہ زار و زاری روندنا شبنم ہنجوں بھر کے
 بیدے نون تھر کنبا لگا خوف خدا دیوں ڈر کے
 حرص ہوا چنار ڈو لائی پٹن جاں گل جاتی
 منہ پٹاں پر مارن پنچے کدی لگاؤن چھاتی
 کیلے دوہرے ہو ہو جھولن حال پوے جیوں چشتی
 دنیا تھیں دل کھٹا ہویا تبو گاکل کشتی
 نرگس مست دیوانہ ہویا نین گئے وچہ خواباں
 پاڑے پیراہن گل دے جاگے شوق گلاباں
 ست برگے مکھ زردی آئی داغ لگا گل لالے
 کی کجھ آکھاں واکھاں شاخاں سر دھرتی پر ڈالے
 سیف ملوک شرابی ہویا آیا وچہ خیالاں
 دوہڑے غزلاں بیت محمد آ کجھ لکھ وسالاں
 آ بھناں منہ دس کدائین جان تیرے توں واری
 قول ہیں جان ایمان ولے داندھ بن میں کس کاری

حوراں تے غلمان بہشتی چاہے خلقت ساری
 تیرے بابجہ محمد مینوں ناں کوئی چیز پیاری
 سرو برابر قد تیرے دے مول کھلونہ سکدا
 پھل گلاب تے باغ ارم دا صورت تک تک جھکدا
 یاسمین ہووے شرمندہ بدن صفائی تکدا
 ارغوان ڈبا وچہ لوہو چہرہ ویکھ چمکدا
 کستوری نے زلف تیری تھیں بو عجب پانی
 منہ تیرے تھیں پھل گلاباں لدھا رنگ صفائی
 مہر تیری دی گرمی کولوں سورج تریلی آئی !
 لسا ہوئی چن محمد حسن محبت لانی
 دم دم جان لباباں پر آوے چھوڑ حویلی تن دی
 کھلی اڈیکے مت ہن آوے کدھروں واء سخن دی
 آویں آویں ناں چرلاویں دسین ججات حسن دی
 آئے بھور محمد بخشا کر کے آس چن دی
 طلب تیری تھیں مڑساں ناہیں جب تک مطلب ہوندا
 یا تن نال تہاڑے ملسی یا روح ٹڑی روندنا
 قبر میری پٹ ویکھیں جناں جاں مرچکوں بھوندا
 کولے ہوسی کفن محمد عشق ہوسی اک دھوندا
 لمیں رات وچھوڑے والی عاشق دیکھے بھانے
 قیمت جانن نین اساڑے سکھیا قدر نہ جانے
 جے ہن دلبر نظری آوے وہمیں صبح دھگانے
 وچھڑے یار محمد بخشا رب کوں اج آنے

ہے محبوب میرے مطلوب باتوں سردار کہلایا
 میں فریادی تیں تے آیا درد فراق ستایا
 ایک دیدار تیرے نوں سکدا روح لبوں پر آیا
 آمل یار محمد تائیں جاندا وقت وہلایا
 اک تگاوا عشق تیرے وا دوجی بری جدائی
 دور سنیدیاں بجاں مینوں سخت مصیبت پائی
 دس نہیں ہن دہیا جیوڑا درداں ہوش بھلائی
 ہتھوں چھٹی ڈور محمد گڈی واؤ اوڈائی
 درد فراق تیرے وا مینوں تاپ رہے نت چڑھیا
 اوہو دردو وا اساڈا ہور نہیں کوئی اڑیا
 منجی نامرادی والی جس دن وا میں چڑھیا
 شربت تیرا نام محمد پیتا جاں جی سٹریا
 گل میری ہتھ تیرے بجاں اچا سہام نہ بھرناں
 جو کجھ چاہیں سو یو چنگا جو آکھیں سو کرناں
 ناں مصالحت اپنی کوئی ناں کوئی تکیہ پرناں
 دین عشق دے کفر محمد آپے نوں چت دھرناں
 سدا نہ روپ گلاباں اتے سدا نہ باغ بہاراں
 سدا نہ بھجہ بھجہ پھیرے کرسن طوطے بھوراں

جس دے نال محبت لائی چایا غم کھارا
سومنہ وسدا نہیں محمد کی میرا ہن چارا



غزل

دلبر دے وچھوڑے اندر ابے رہیا میں زندہ
ایس گناہوں آخر توڑی سدا رہاں شرمندہ
اک واری دیدار نہ ڈٹھا لئے پیار نہ مونہوں
توڑے طلب او سے دی اندر ہو چکا بے جندہ
گھر تیرے کئی نوکر چاکر در تیرے سے کتے
نفران دا میں گولہ بجاں کیتاں دا پھر بندہ
درد فراق تیرے دی لذت جس دن میں چکھی
خوشیاں کر دی ویکھ لوکائی من وچہ آوے خندہ
زیور زیب پوشاکی توڑے ناہیں بادشاہانے
گودڑیاں سروپا اسمانوں ایہو لباس پسندہ
چاہ میری پئی چاہ محمد گل میری گل کیتا
من لیے میں بول سخن دے جے اکھ آکھے مندہ

کر کر یاد بجن نوں روواں مول آرام نہ ہوئی
 ڈھونڈ تھکا جگ دیس تمامی رہیا مقام نہ کوئی
 رٹھا یار مناوے میرا کون وسیلہ ڈھونڈی
 لاء صبور محبت والا داغ غماں دے ڈھونڈی
 جگ پر جیون باجیہ پیارے ہویا محال اسانوں
 بھل گئی سدھ بدھ لگا جاں عشق کمال اسانوں
 باغ تماشے ہسن کھیڈن خوب خیال اسانوں
 جاون دکھ محمد جس دن ہوئے جمال اسانوں
 کی گل آکھ سناواں بچناں درد فراق ستم دی
 آیا حرف لباباں پر جس دم پھٹ گئی چپھ قلم دی
 چٹا کاغذ داغی ہویا پھری سیاہی غم دی
 دکھاں کیتا زور محمد لیس خبر اس دم دی
 پرئے خوف خدا دیوں ڈریئے کریئے مان نہ ماسہ
 جو بن حسن نہ توڑ نبھا ہوکی اس دا بھروسہ
 اینہاں موہاں تے مٹی پوسی خاک نمائی واسہ
 میں مر چکا تیرے بھانے اے محمد باسہ

غزلیات

کی کچھ گل سخن دل بیٹھی چپت میرے تھیں چایا
کی گستاخی نظری آئی تختوں سٹ رولایا
حدوں بہت جدائی گزری یار نہ مکھ دکھایا
رہا میرا وطن دا وقت نہیں کیوں آیا
اگے اس دے مرن شہادی جے دے اک واریں
نہیں تاں گلیاں وچہ مراں گچا ایہو دل چایا
کی ہوندا جے دلبر میرا ہس کے مکھ دکھاندا
وردی بن کے پچھدا اک دن کی کچھ حال وبایا
راہ تکلیندیاں اکھیں پکیاں کن پیغام سنندے
توں فارغ تے میں افسوس ہر دن رین لنگھایا
رات وہاں تدمہ پچھیا نا ہیں درد مندوں دا خیلہ
کیکر رات دھاڑ گزارن عشق جھان دکھ لایا
جے کوئی سوہنی ہور زمیں تے نا ہیں حب کے دی
قبلہ جان میری دا توہیں تدمہ دل سیس نوایا
نہ میں لائق وصل تیریدے نہیں فراق جھلیندا
ناں اس راہوں مڑاں پچھاہاں نہ تدمہ پاس بلایا
دکھ قصبے میرے سن کے ہر اک دا دل سڑا
تدمہ نہ لگا سیک محمد میں تن عشق جلایا
عشق محبت تیری اندر میں مشہور جہانی
راتیں جاگاں تے سرسڑاں وانگ چراغ نورانی
نیندر پلک نہ لاون دیندے نمین جدو کے لائے

آتش بھریاں ہنجوں برسن روشن شمع نشانی
 بن روشن دیدار تیرے تھیں جگ ہنیرا مینوں
 نال کمال محبت تیری ہو چکیوں نقصانی
 کالی رات جبر دی اندر ناں کوئی سکھ سنیہا
 ناں قاصد نہ کاغذ رقعہ ناں کوئی گل زبانی
 بے قراری تے غمخواری سول فراق تیرے وا
 رحم کریں منہ دس پیارے ضائع چلی جوانی
 دل پر بھار پہاڑ غماں دے سینے داغ جبر وا
 بے وفائی تیری تریجی کر دی مینوں فانی
 جاندی چلی بہار خوشی دی برم رہے گا بھوراں
 سدا نہ رہی رنگ گلابی سدا نہ چال دیوانی
 حرص ہوا تیری دی آتش تن من پھوک جلایا
 بھر مشکاں دو نمین بہشتی ڈو ہل چسے نت پانی
 کالی رات جوانی والی لو ہوں پر آئی
 مکھ دسیں تاں مثل چراغاں جان کراں قربانی
 ہوئے موم پہاڑ صبر دے ہتھ غماں جد پایا
 اک پانی وچہ گلدہا جیوڑا شمع جیویں مستانی
 جے ہن کریں غریب نوازی عیب نہیں کجھ تینوں
 میں ول آویں مکھ وکھاویں بیج سہاویں جانیں
 صادق صبح مند میرا بھی رہ گیا دم باقی
 دیہہ دیدار محمد تاں پھر دیئے جان آسانی
 ہے معشوقہ میں مرچکا اگوں دیر نہ لاویں

آیا سخت نزع وا ویلا مہر دے وچہ پاویں
 بہت جرے دکھ رہی نہ طاقت آگوں ہور جرن دی
 آسے آسے عمر گزاری آس میری در لیاویں
 آپ رہیں خوشحال ہمیشہ ناں تدمہ دکھ نہ جھورا
 سانوں بھی بے درد پچھانی اس تھیں چت نہ چاویں
 قدم تیرے پھڑ سو جندواراں پھر بھی عذر مینساں
 خدمت تیری میں تھیں بجاں ہوئی نہ مامے ساویں
 من وچہ دسیں تو دل کھسیں کیوں منہ دسیں نا ہیں
 درد رنجاناں میں نماں ناں ہن ہور ستاویں
 بھلی میرے سنگ کیتی بجاں جھڑیاں دکھ لائے
 ہویا انت فراق محمد کدے تے پچھن آویں
 برے پنچھتر جرم لیاہی میں دکھیارا جمدا
 درد وچھوڑاتے سکھ جھوڑا جوڑا میرا دم وا
 ناں دل وں نہ دلبر ملدا ہائے ربا کی کمرساں
 کس سنگ پھولاں بیدن دل دے کون پنچمال اس غم وا
 پہلے دن دی سجدی آبی جدوں پریت لگائی
 شیریں جان مثل فرہادے صدقہ ہوگ پریم وا
 شاہ پری دانیوں لگایا خاکی بندہ ہوکے
 کد میرے سنگ الفت کرسی کی میں اسدے کم وا
 وطنوں چھوڑ ہوئیوں پردیسی پاڑن پاڑا لولے
 دکھ سبے سکھ پانا نا ہیں سڑیا میں کرم وا
 جس دی یاری تے جند واری نہ کر دی ولداری

کس اگے فریادی جائے کرے نیاں ستم و
 نگری میری حکم سخن و حاکم آپ انیاں
 بے دوسے نوں سولی دے کے ہمدیا ویکھ پالم و
 ہائے افسوس نہ دوس کسے تے کہے کرم کر آیا
 آکھ محمد کون مناوی لکھیا لوح قلم و
 اسیں تسنوں سکدے سجاں تہ نہ نہیں دل سکدا
 آن کھلے در تیرے اتے کیوں خالی مڑ چکدا
 جے تلوار میرے سر ماریں ڈھال نہ رکھماں اگے
 مت تیرے اعمالنامے وچہ نام میرا بھی لگے
 جس دے عشق لتاڑ گویا خاکو مال رالیا
 قدم چماں گا عذر کراں گا جے اوہ نظری آیا
 میں اوہ عاشق کچانا ہیں ظلم تیاں بھجے جاواں
 جان منگیں تاں حاضر کرساں تاں کچھ عذر لیاواں
 خوش بخوش رہاں جے رکھیں کدی بیزار نہ تھیندا
 در تیرے دی خاک نماں پیراں پٹھ ملیندا
 اسدا بھی نت فکر اندیشہ مت کوئی برا ولوہناں
 چا ایتھوں کھڑے کدھرے پھیر اس واکے کھوہناں
 عشق نہیں ہوچکا تھوڑا سہیا وچھوڑا لماں
 دیہ دیدار تے پال بندے نوں چاکر ہاں بن درماں
 ہر کوئی عیش عمر دی کردا آپو اپنی جانی
 میں دکھیارا دکھاں جو گا دائم بہاء خدائی
 جاں ایہ بول غماندے بولے سیف ملوک بتیرے

شاہ پری نوں رہی نہ طاقت پرت ٹری ول ڈیرے
 پھرناں کریا تے سر پھر یا جوش طبیعت چایا
 پرت ٹری گھر پہنچاں کیوں رکھیں شرم خدایا
 کھا گئے اوہ بول کلیجہ ڈولے مول نہ بولے
 شاہزادے دی صورت مٹھی آدکھاں جند روکے
 طاقت تراں نہ رہیا جسے مٹھی مٹھی نٹھی !
 اوڑک گردی کھا آگیرے باغ اوے وچہ ڈھٹھی
 ساس اداس اڈن پر آئے ہوش گئی اڈ ساری
 اکیں تاڑے لگیاں رہیاں نظر بجن دل دھاری
 دھوڑو دھوڑو ہوئے رخسارے نین بھرے سنگ مٹی
 ساوی پہلی ہو گیا ویہی چنے کلیوں چٹی !
 کالی زلف رلی وچہ کھٹے ناگ جویں ادھ مویا
 لوہو پانی رلیا ملایا نیر اکھیں تھیں چویا !
 کھٹے وانگ کبوتر پیا سرت سنبھال نہ کوئی
 نازک ویہی ترّف ترّف کے زخمی زخمی ہوئی
 بھل گئے اوہ شان تکبر جان چلی ہورابی
 وانگ شہید رہے وچہ پڑے تیغ عشق تن واہی
 بھل گئے اوہ شان تکبر جان چلی ہورابی
 وانگ شہید رہے وچہ پڑے تیغ عشق تن واہی
 آب گئی کجھ تاب نہ ریوس زرد ہویا رنگ پیلا
 شاہزادے نوں خبر پچاون آیا عشق وسیلہ
 عاشق کامل مرد اللہ دے خاصے لوک حضوری

ظاہر آکھ ساندے بھائی ایہ گل کی پوری !
 دل مومن دا شیشہ بیٹا اک دوئے دے کارن
 پر جے سان عشق دی دھر کے خوب زنگار اتارن
 نور نقیبوں روشن ہووے چمکے نال صفائی
 سقل ہوئے تاں سبھ کجھ دے نظر کرے ہر جانی
 گنگن پتال نہ چھپن دیندا چیز تکے ہر دل دی
 دور بین انگریزی لاکھاں اس اک نال نہ رلدی
 ولبر نوں کوئی تنگی پہنچے عاشق دا دل کھسدا
 توڑے سے کوہاں پر ہووے پتہ نہ آوے اس دا
 حضرت مہتر یوسف تائیں جاں کھوہ سٹیا بھائیاں
 مصرے وچہ زیلخا بی بی پیراں عشق ہلائیاں
 چیر سریر کباب بنایا مہینوال چنگیرا !
 سوہنی نے بن دسیاں جاتا ایہ عاشق دا بیرا
 کسی موئی تھلاں وچہ تسی بھاہ غماں دی سڑکے
 پنوں موڑ لیاندا عشقے کچم کولوں پھڑکے
 رانجھے نے جد کن پڑائے جھلی دکھ قہاری
 رنگ پورے وچہ ہیر سیالے لگ گئی بیماری
 لیاں لہو چھڈایا گھر وچہ یار نہ ڈٹھا وگدا
 وچہ پہاڑاں مجنوں تائیں لہو چھٹا اس رگ دا
 سیف ملوک پری دے عشقے کیتا سی مستانہ
 اوتوں پیتا مدھ پیالہ ہویا مثل دیوانہ
 گاؤندیاں چت ہویا اداسی لگی چمک بجن دی

کاہلاپے کے اٹھ کھلوتا لین ہوا چمن دی
 اھیں بن چراغاں وانگر پھر دا مست دیوانہ
 جھلی واء جن دے پاروں آن وتوس پروانہ
 ہر ہر چوک اراک تلمیندا پھر دا سی شاہزادہ
 مغز چڑھی خوشبو پری دی لگی چھک زیادہ
 زلف پری دی مشک نختن دی دھم گئی ہر پاسے
 گل پھل باغ بچے مل لئے اس باسے
 وقت بہار چمن وچہ رونق ہر بوٹے ہر گل دی
 نرم نسیم محبت والی خوب معطر جھل دی
 سبزہ تیز زبان تریلوں کروا در فشانی
 نعمت کولوں ہریا بھریا کہندا حمد ربانی
 رکھ توں نال شمر دے چھتر جڑے فیروزے
 حمد شاء الہی آکھن آبدیناں وچہ بوزے
 ہونا ویل تمامی ہریا پھلاں رنگ ہزاراں
 گاؤں بھور سنوان لگاؤں مثل طنبور ستاراں
 چنوں چوہدیں رات نورانی چن سرے پر آیا
 روشن عید دھاڑے نالوں جمل جہان سہایا
 ہرجائی کستوری چلے ہر گوٹ پھل کھیلی
 چانیوں تے چھائیوں چنے دھرتی وانگ چنبیلی
 حسن الہی چن سہایا سگل جہان نورانی
 پاک لقا جنے نوں ہویا واہ رحمت سبحانی
 خوشیاں دے دروازے کھلے طاق غماندے مارے

آدم جن جناور وحشی کریدے سارے
 شیراں ہرناں صبح بنائی بھیڑاں تے بگھیاڑاں
 تتر باز بٹیرے ہاشے رل بیٹھے وچہ جاڑاں
 دند سپاں دے کھنڈے ہوئے نکلی وس زبانون
 دھرتی نگھڑ گئے اٹھوئیں پوے کھا جہانوں
 دور ہويا کل عالم اتوں غم اندوہ حیرانی
 شمعناں نال ملے پروانے ہر جانی نوں جانی
 بھیناں دے گھر آندے مولی ویر گئے پروسیس
 نوشہ کنت ملے سن ناریں عطر ملائے کیسیں
 بھائیاں نال ملے سن بھائی عمراں پاو چھنے
 شکر گزار ہوئے پچھر اول گل باباں گھت رتے
 یاراں یار ملے اس راتیں بھواں نوں گلزاراں
 کامل مرشد ملے مریداں کر محرم اسراراں
 علم یقیوں حاصل ہويا رتبہ عین یقیوں
 غفلت ہوئی دور محمد عالم زمن زمینوں
 جیوں کر مہتر موسیٰ ڈٹھا طور اتے چمکارا
 تیویں سیف ملوکے لگا اک پاسوں لشکارا
 آتش چمک لگی از غیوں ہويا اتے دل راہی
 کی تکدا اک نار پئی ہے صورت صفت الہی
 سورج وانگ چمکدا چہرہ چنوں جوت نورانی
 گل لعاں دے ہار لھکدے جیوں تارے اسمانی
 در یتیم کناں وچہ لڑیاں سونے تار پروتے

واؤ نال پریشاں ہوئے والی معمور دھوتے
 زلف سیاہ کستوری بھنی گل وچہ پئی لکدی
 زیور زیب پوشاکی ساری جھلمل کرے چمکدی
 روپ انوپ حسابوں باہر صفت نہ کیتی جاوے
 اس دریا حسن دے وچوں قطرہ چن وکھاوے
 آب حیات لباً وچہ چشمہ گجھا سر حقانی
 خضر الیاس ہوون دل گھائل ویکھ حسن نورانی
 ہیرے موتی لعل جواہر ہور سچے فیروزی
 گلباں دامن کنیں پے جڑت ہوئی زرد وزی
 صورت تلاب وڈا مہتابوں جھلک لگی آسمان
 انت حساب نہ آوے کوئی زیور زیب شہاناں
 لہ لہ کرے شعاع حسن دا ہر پاسے ہر جانی
 ہر پتر ہر ڈالی اتے اوے دی روشنائی
 ہر مینڈھی سنگ لٹکن سچیاں مرواریدوں لڑیاں
 ہتھیں چھاپاں باہیں کڑیاں سبھ زمرہ جڑیاں
 شاہزادے نوں نظری آئی جاں اوہ صورت والی
 مورت وانگوں پئی ہکلی ہوش سنبھالوں خالی
 ویکھدیا شاہزادے تائیں ہوئی خوشی نہایت
 روح بدن وچہ میوے نا ہیں وافر ویکھ عنایت
 موجیں آئی ندی خوشی دی روح لہر وچہ تروا
 بھل گیا جیو جسہ اپنا روپ ڈٹھا دلبر دا !
 دھرت آسمان نہ دسدا کدھرے جان جہان نہ سچے

کی کچھ ظاہر کہاں محمد سر عشق دے گئے
دورخ جنت یاد نہ رہیوں دنیا دین پیارے
بھلے علم کلام کتاباں ورد وظیفے سارے
وہم خیال گمان نہ رہیا اوس جمال کمالوں
جیونکر اگے کہیا سیانے چھٹی ہیر جنجالوں
لوں لوں وچوں حمد الہی نکلے شکر ہزاراں
گنی خزانے وچھوڑے والی آیاں وصل بہاراں
ببل ونج گلاں تے بیٹھی بھور لدھے گل لالے
شمع پتنگ اکٹھے ہوئے چن چکور اتالے
عاشق نواں محبوب پیارا آیا نظر اکلا
ہر ذرے نوں سورج کردا اس دا نور نچلا
باغ اندر جو پانی آچے نہراں کھوہ پھوہارے
ہر ہر بوند محمد بخشا ندیاں وا دم مارے
سکے ککھ پیچھے جیہڑے پیراں پشیمندے
چنے تے گل لالے وانگر روشن سبھ دسیندے
روشن رات دے ہر پاسے کی گل کراں زبانی
موسی دے کوہ طورے والی ہویا باغ نشانی
جل تھل مشرق مغرب توڑی ہور نہیں کچھ وسدا
جہول ویکھے اوہو صورت جلوہ سارا تس وا
شاہزادہ شکرانہ پڑھ کے گیا پری دے کولے
ترے واری چوگردے پھر کے طواف کرے جند گھولے
جلوے روپ گھنے دے کولوں طاقت تراں نہ رہیا

صورت نقش صحیح پہچاتی چور میری ہے ایسا
 کر سلام طواف چوپھیرے دو پیر پکڑ کے
 تلیاں چم ملے سر اکھیں قدماں اندر جھڑ کے
 خوشیاں کردا میوے نا ہیں دونا ہو ہو بہندا
 تاں اس ویلے اس مضمونوں بیت زبانوں کہندا
 واہ وا وقت ستا جس ویلے یار شرابی ہو کے
 عاشق چوری پیر چمیندے بنجوں پانی دھو کے
 ہس ہسن بلبل ویکھے گل نوں لدھا سو رو رو کے
 سون شرابی یار محمد عاشق کے گھٹ سو کے
 شاہزادے نے بیٹھ سر ہاندی سر جھولی وچہ دھریا
 لئے پیار پری دے ہوہوں پونٹے جوسا بھریا
 مڑ مڑ لئے پیار موہیں نوں بنجوں بھر بھر رووے
 خوشی کمالوں بنجوں دگن بہت ایہی گل ہووے
 جیوں کر خولجہ حافظ صاحب کہیا وچہ دیوانے
 اک بلبل میں روندی دھئی پھریا پھل دہانے
 میں پچھیا کیوں روویں بی بی یار تیرا رل ملایا
 درد فراق رہیا پھر کیکر جس جن گل ملایا
 بلبل بولی حافظ صاحب کی گل پچھیں مینوں
 اس روون دی حال حقیقت ہے کجھ معلم تینوں
 محبوباں دے جلوے اگے اساں غلامی چانی
 روون پٹن کار ہمیشہ اس سانوں فرمائی
 جہاں دے دل عشق ساناں روون کم اتاہاں

وچھڑے روندے ملدے روندے روندے ٹر دے راہاں
 وصل فراق نہیں چیت آنن کامل عشق سنگارے
 محبوباں دا راضی نامہ لوڑن سدا بچارے
 سک سکیندیاں عمر گزاری مولی یار ملایا
 تکتا تکتا جدا نا ہیں صورت دا بھرمایا
 بوسے لیندا بل بل پیندا سر پیراں تک تکتا
 شامیری دے چہرے ولوں آکھیں جھمک نہ سکدا
 گل پھل جیسے جسے جامے دوہاں نازک یاراں
 کر کر پن پوشاکے اتے ہنجوں مینہ بہاراں
 روندے روندے دا اک قطرہ اتھرواں دا پانی
 شاہ پری دے مکھ پر ڈٹھا کی تکتی بیٹھا یار سرہانے
 نالے بو شہزادے والی اس دے مغز گئی سی
 موئی گئی نوں نوں سرے تھیں آ پھر جند پئی سی
 روح نکھنے قوت پانی ہوش کالے
 اکھ اکھاڑ ڈٹھا کی تکتی بیٹھا یار سرہانے
 سوئی صورت مثل فرشتہ چنوں روپ زیادہ
 سر جھولی وچہ دھر کے بیٹھا سیف ملوک شہزادہ
 لے پیاری دے موہوں سبھ جسے ہتھ پھیرے
 منہ اوہدے دل تک تک روندنا ہنجوں بھر بھر کیرے
 شاہزادے ول ویکھدیاں ای شاہ پری شرمانی
 منہ پر پالے شتابی صورت پاک چھپائی
 سر پیراں تک چادر تانی انگل ری نہ باندی

شرم کنوں پس پردے ہو کے عاشق نوں فرماندی
 کون کوئی توں کتھوں آئیوں صورت مند جواناں
 شیر دلیر بہادر سوہناں دسیں روپ یگاناں
 کی اشنائی تیری میری بیٹھوں آن سر ہاندی
 ناں محرم توں ہتھ لگاویں انت کئی مدھ آندی
 لئیں پیار پری دے موہوں ہو کے آدم زادہ
 کتھوں شوخی تے گستاخی سکھیا ایڈ زیادہ
 سر میرا مدھ جھولی دھریا لئیں کلاوے دیہی
 انگ ملاندا سنگیں نا ہیں ایڈ بے شرمی کیسی
 نہ مدھ خوف خدا دا آوے ناں کجھ سہم شہاں دا
 باپ میرا سلطان دیواں دا شاہنشاہ کہاندا
 جے اک ذرہ خبر اس گل دی دیو پری کوئی پاوے
 بوٹی بوٹی کر کے تینوں وانگ کباباں کھاوے
 جھڑک پری دی سن شاہزادہ عرض کریدا رو کے
 بہت نماں در در نجاناں پیناں جیہا ہو کے
 ہے محبوب میرے دل جانی اکھیں دی روشنائی
 دل جانی دا جان دے دی مدھ بن ہو نہ کائی
 امن قرار دے واتو ہیں عمر حیاتی میری
 تو ہیں موج جوانی والی عیش خوشی سبھ تیری
 توہیں دین ایمان بندے واتو ہیں لطف الہی
 تو ہیں طاقت نین پراناں تو ہیں دنیا شاہی
 ہوش سنبھالا عقل دانائی فہم طبیعت میری

صورت پاک تیری ہے بی بی سخن جمعیت میری
 گھنٹا تاریں درشن دسیں مکھ توں پلا لاپیں
 ناں میں نال تیرے دو باتاں کرساں جے اوہ چاہیں
 شاہ پری نے کہیا اگوں نال کر ایڈ دلیری
 میں پری توں آدم زادہ کی گل میری تیری
 نا محرم نوں منہ دساں ہوش سنبھالے ہوندے
 نال میرے کی مطلب تیرا نین دسا لیں روندے
 جنس رلی رل گلاں کر دی نا جنساں کی گلاں
 میں ناری توں خاکی بندہ نال تیرے کیوں رلاں
 سیف ملوک کہیا نہیں کیتی میں کوئی مفت دلیری
 جس دم جان لبیاں پر آئی نال محبت تیری
 شرم حیا پرہیز نہ رحیم ناں کوئی حرف کہیندا
 سر ورتی تاں جانے بی بی کیونکہ دکھ سہیندا
 آدم پریاں کس بنائے کہو سر چہارا
 حسن عشق دو نام لکھانیوس نورا کو منڈھ سارا
 محبوباں دی صورت اے اوسے دا چمکارا
 عاشق دے دل عشق محمد اوہو سر نیارا
 جو باطن اس نام محبت ظاہر حسن کہاوے
 حسن محبت محرم توڑوں کیوں محرم شرماوے
 محرم نال ملے جد محرم انگ ننگ لگاوے
 حسن عشق اک ذات محمد توڑے کوئی دساوے
 کون کہے نا جنس انہاں نوں اکسے مایو جائے

اکو ذات انہاں دی توڑوں اگوں رنگ وٹائے
 اک کالے اک سبز کبوتر اک چٹے بن آئے
 چٹے کالے ملن محمد ناں بن بہن پرانے
 حسن محبت سبھ ذاتاں تھیں اچی ذات نیاری
 ناں ایہ آبی ناں ایہ بادی ناں خاکی نہ ناری !
 حسن محبت ذات الہی کیا چہ کیا چمپاری
 عشق بے شرم محمد بخشا پچھ نہ لندا یاری
 جنس کو جنس محبت میلے نہیں سینپ کر دی
 سورج نال لگائی یاری کت گن نیلوفر دی
 چن چکوراں دی کی یاری تک تک ہوندے دلخوش
 شمع پتنگاں دی کی نسبت اوہ کیڑے اوہ آتش
 بابل نال گئے اشنائی خاروں مول نہ ڈر دی
 جنس کو جنس محمد کتھے عاشق تے دہر دی
 حسن عشق دا قول پکیرا ہویا روز اول دے
 آدم پریاں کی تفادت اکو جیسے شکل دے
 گھنڈا وتار دیدار دکھائیں عشق نہ پچھدا ذاتاں
 رو برو سخن دے ہو کے کر لیے دو باتاں
 اوہ فرماندی کیوں منہ دساں توں راہی راہ جاندا
 میں شاہزادی ستریاں والی تقدیرے پھڑ آندا
 سیف ملوک کہیا میں راہی اس وچہ کوڑ نہ ذرہ
 پروچہ راہ عشق دے ٹریا عاشق ملے مقررہ
 ستر ہووے نا محرم کولوں محرم تھیں کی پروا

میں محرم اس دن دا جس دن ناہا لہندا چڑھدا
 پری کہیے میں ڈٹھوں ناہیں محرم نبیوں کتھے
 خبر نہیں کس وقت فحشے آن پہنچائیوں اتھے
 سیف ملوک کہے مدھ آپے اول نیوں لگایا
 زمیں نہیں اگلی میرا نقشہ نال لکھایا
 آپے باغ ارم دا چھڈ کے مصر شہر وچہ گئیں
 تاں میں گھر تیرے ول ٹریا اس جانی لہ لیں
 پری کہے میں کنج کواری دامن پاک گناہوں
 کیکر منہ مردا نویں لگاں شرم تروڑاں راہوں
 شاہ کہے منہ لگن والا ایہو ویلا تیرا
 دامن پاک بجن سنگ ملیے لگے نیوں پکیرا
 پری کہے نیوں لاون اوکھا پریاں نال تسانوں
 اڈ جائے پھر ہتھ نہ آئے کون ملے مڑ سانوں
 شاہ کہے نیوں اچی جانی لاندے ناں شرمایے
 جے ملایا تاں واہ بھلیرا نہیں سکدے مر جائے
 پری کہے چھڈ کھیڑا میرا اٹھ جاہ جدھروں آئیوں
 پردہ ستر اٹھایا لوڑیں کس شامت نے چائیوں
 شامت عشق تیرے دی چایا تاں اس جانی آیا
 کت ول جاواں تیرے کچھے پچھلا جرم گویا
 جو ملکہ دی مانی تینوں مٹھا دودھ پلایا
 قسم تینوں اس دودھ دی بی بی سن میرا فرمایا
 گل میری سن ساری پوری کن دے دے دھر کے

نہیں رہیا ہن زور جرن وا بول پیادہ مر کے
 کہیا بدیع جمال پری نے قسم کیتی مدھ بھاری
 دس اسانوں کی گل تیری چا سناں اک واری
 شاہزادے پھر حال حقیقت مڈھوں پکڑ کہانی
 آخر توڑی سبھ سناں جو اس نال دہانی
 سن کیفیت شاہ پری نے صاف جواب سنایا
 تیرا میرا مانا مشکل کس ساک نہ ہويا کوئی
 جیہڑے ساک نہ ہوئے اگ اج کوئی کد کروا
 قوموں باہر نہ ناطہ دیندا حواہے ہووے کوئی مردا
 لنگ لو کیہ سبھی کوئی رکھدا چوہڑا موچی باطل
 رہے گئے نوں ہر کوئی جانے سبھ لوڑے حق باطل
 کہیں اتے کنگال کینے ایہ گل کہیں نہ بھاوے
 دھی چوہڑے دی سید منگے پھر دیندا شراموے
 نیچاں دے گھرا وچ وڈیرے ناطے کیتے لوڑن
 دس لگدے کد دیندے میاں توڑے گھر در چھوڑن
 آدمیاں تھیں اوچ کہاوں پریاں ٹہرناری
 ناری دی اشنائی جا کر چھوڑ پری دی یاری
 پریاں تھیں کی حاصل تینوں جو ہتھ آون نایاں
 بے وفا کمینہ آدم چت لیاون نا ہیں
 بے وفائی کم تساڈا پریاں لوک وفائی
 بے قدراں دی الفت مندی نیچاں دی اشنائی
 نیچاں دی اشنائی وچوں کسے نہیں پھل پایا

کھرتے انگور چڑھایا ہر گچھا زخمیا
 واؤ جھلے تاں پتر پائے نالے سلے دانے
 چوئے رس زیں پر ڈھٹھی کت گن کٹھے لانے
 کالے بھورا اشنائی کر دے ملن پھلاں دے تائیں
 اک ڈٹھا پھر دوجے ترتے لیندے پھرن ہوائیں
 یاری سچ پتنگاں والی شمع بلی آ چکے
 پھیر نہ کدھرے جاون جوگے لاٹ اندر سٹر کے
 آدم بے وفا ہمیشہ اول نیوں لگاؤن
 زور کماون دلبر پاؤن جھبڈے ہی رج جاون
 اک چکھن دل نال نہ رکھن پھر اس نوں سٹ پاندے
 دوجا ہور پسندے کر کے گمرا دہدے اٹھ دھاندے
 جاں اوہ ملے محبت کر کے ننگھے کوئی دیہارا
 بیہا کر کے منوں اتارن پان ہودی نوں پہارا
 سے سختی سے رنج مصیبت جھاگ ملن دلبر نوں
 دس پوے تاں رجن جلدی جانن نہیں قدرون
 آدمیاں دی یاری ایسی میں ایتھوں کی لیناں
 کاہنوں لا پریت دھنگانے جال مچھی ونج پیتاں
 دوجا مانی بابل میرا کد ایہہ گل منیندے
 آدم زاد بیدیسی تائیں بیٹی اپنی دیندے
 جے اک ذرہ خبر اس گل دی پہنچے کن انہاندے
 پل وچہ مار گواون مینوں ڈاڈے ظن انہاندے
 دوجی جو گل مدھ فرمائی عشق محبت والی

رنج مصیبت دسین جیہڑی مشکل سخت محالی
 اوہ بھی مینوں خبر نہ کوئی جھوٹھ کہیں یا سچی
 کجھ اعتبار یقین نہ اوے پکی یا گل کچی !
 ترجیا ایہ بھی معلم نا ہیں بے وفائی کر سیں
 یا میں نال ہوویں گا چنگا عشق کماندا مر سیں
 آدمیاں دا عشق محبت قول اقرار زبانی
 اچرک توڑی نال بنا ہو جاں جاں نوین جوانی
 جاں کوئی روز گزارن کٹھے کرن پریت پرانی
 جوش وڈ اتے گھانا ولہا جیوں کرہڑ دا پانی
 شاہ پری ایہ گلاں کر کے عاشق نوں تمچائے
 چلدے گھوڑے نوں جڑ چابک تا اوہدا آزمائے
 اندر عشق شہزادے والا پیا وگاوے چھیریاں
 عشق اوہدا آزمایا لوڑے کر کرہڑاں بریاں
 دل وچہ صبر قرار نہ آپوں شاہزادے پر مردی
 عشق چھپائے یار نہ آزمائے دھن ناری دی مردی
 کئی طرح دے بولی طعنے شاہزادے نوں مارے
 شربت نیوں پکایا لوڑے ماری عشق آزارے
 چاٹ سلونی عشق چٹائے دلوں شہزادہ مٹھا
 تلخ جواب ترش رو کر دی پھکا جاوے ڈٹھا
 شاہ پری ایہ گلاں کر دی سیف ملوک حیرانی
 نموں جہان زیں ول ویکھے فکر پیا دل جانی
 دھرت پھرو لے موہوں نہ بولے ہنجوں بھر بھر رووے

اکھ چرا پری ول تکه جاں کوئی ویلا ہووے
ویدے گریاں تے دل بریاں منہ پلچھی جھہ سکی
شاید جیہڑی جیہڑی آبی آن آہو گل ڈھکی
دلبر مینوں نہ لاندہ عشق پسند نہ کردا
کھوہ پئی سبھ کیتی کتری سکھ بنیاں زردا
آپ دلوں میں پورے کیتے حق محبت والے
ککھ میری اک ککھ نہ لتھی لعل بنے وٹ کالے
آسے آسے عمر گذاری جھلے خار ہزاراں
مالی باغ نہ دیکھن دیندا آیاں جدوں بہاراں
روڑا قہر قہر سرے تے سڑ دے سج رالایا
گڑے گویا کھیت محمد جس دن ساون آیا
ایہ دلیاں کر شاہزادے اوڑک آ سر چایا
نا امید جہانوں ہو کے مرن اتے دل لایا
شاہ پری نوں آکھن لگا رتو بھر بھر روکے
ہو بے آس اوساس چلا کے جیون توں ستھ دھڑکے
ہے محبوب میرے دل جانی نہ کر ایڈ بے ترسی
اے محبت میری ننڈیں رب عدالت کرسی
میں عاجز نا طاقت بندہ وانگن حال خراباں
ڈاڈے نال سلوتر کیی لائق نہیں جواباں
مورت ویکھ اندر وچہ پتیا عشق تیریدا آرن
چوداں برس ہوئے گھر چھڈے صورت ویکھن کارن
دولت مال خزانے چھڈے تاج تحت سلطانی

ماپے لشکر بھیناں بھائی دوست یار جہانی
 عشق تیرے دے رستے اتے ثابت قدم رکھایا
 دنیا تے ما فیھا کولوں چت چروکا چایا
 بن دیدار تیرے تھیں مینوں حرص نہیں کوئی آہی
 شمع جمال تیری پر پہتا مثل پتنگ سپاہی
 شکر الحمد شاموں باہر پاک خداوند تائیں
 صورت تیری دے باہجوں جان نہ کدھی سائیں
 رھڑے جہاز سمندر اندر ڈبا میرا ڈیرا
 اوتھوں بھی رب رکھیا مینوں تگناں سی منہ تیرا
 پھر زنجیاں دی قیدوں کدھیا آپ خداوند سچے
 گساراں دی شامت کولوں صحیح سلامت بچے
 پانی وچوں کتنی واری رھڑا بنے لائیوس
 بھکھا تساتے ترہایا رحمت نال بچائیوس
 یاراں سنے ٹلے پر بیٹھا جاں آفت چا کھڑیا
 اجن چیت ہوائیوں اڈوا پھیرندی وچہ جھڑیا
 پھیر جننے سن مجھ نگدے راتیں باہر نکل کے
 اس جانی کجھ سنگی مارے آپوں بچیوس چل کے
 مارے گئے تمامی اوتھے ہور میرے ہمراہی
 اوس مصیبت بھاری وچوں رکھیا آپ الہی
 پھر جو باشک ناگ پہاڑوں پانی اتے آیا !
 دنب اسدا پھڑ چڑھیا اتے پھر بھی رب بچایا
 پھر جو اوتھوں کیڑے نکلے وڈے کھاؤں ہارے

میں بچیا اک ہور جناور اوہ کیرے چن مارے
 جاں اوہ پنکھی اڈن لگا پیر اوہدے میں پکڑے
 سے کوہاں دے پینڈے توڑی ہتھ رکھے کر تکرے
 اس تھیں بچیوں تاں اک آفت ہور وڈیری آئی
 باشک ناگ اجیہا جس نے جنگل جوہ جلائی
 اس تھیں بھی رب ثابت رکھیا سیک نہ لگا ماسہ
 پھیر بلائیں شیراں اندر رہیا جنگل دا واسہ
 ہر درندے تھیں رب رکھیا ہر سپوں ہر شیروں
 کتنی جائیں مارن والے کتنے ملے پکھيروں
 پھیر اک جو ہے واسہ آیا گرم مثل کربل دے
 پانی چھاں نہ لہجے لوڑی وانگ سی دے تھل دے
 ظالم بھاکھ پیاس ستایا جان لبیاں پر آئی
 ناں مراں نہ جیواں پیاسا تنگ جیوں اس جانی
 ناں کوئی دس نہ بھجھ تساڑی ناں سمجھے کوئی پاسہ
 کھا کٹاری مرن لگا ساں جاں ہويا بے آسہ
 اوہجوں بھی رب رکھ لیا سی آس ملن دی لاکے
 ہاتھ آن پلایا پانی اعظم اسم پڑھا کے
 پھر ملکہ دی قیدے والے کوٹ اندر ونج وڑیوں
 قادر پاک دتی سی قوت نال دیوے دے لڑیوں
 ظالم دیوی مریلے کولوں آپ بچایا سائیں
 ملکہ سنے ندی وچہ ٹھلیوں کانگ پئی دریائیں
 ناں رھڑیوں نہ ڈبیوں اوٹھے رہیوں وچہ ایانے

پھیر سنسار لگا جد کھاؤں جڑیا تیر کمانے
 ہر ہر جا مرن دی آہی کوئی نہ جیون والی
 ہور بغیر انہاں تھیں کتنے وقت کٹائے والی
 جان بندے دی لہیوس نا ہیں بن دیدار وسالے
 مہن دیدار بجن وا ڈٹھا سخن کیستے کجھ نالے
 جے بچناں توں ہس ہس ملدوں ہو جانوں اتفاق
 تاں مینوں بھی چنگا لگدا جگ پر جیوں باقی !
 توں منہ کج اساں تھیں ستوں تسیں پرے پر پتوں
 مینوں مرن بھلا اس عمروں شمالہ جگ جگ جیوتوں
 ناقص عشق بندے وا مینوں ذرا پسند نہ آیا
 بے اعتبار نام نہاں دھرایا بے وفا کہایا
 اساں جیہاں دے منہ لگن تھیں تینوں شہرت آوے
 ایہو جیہاں رب بنایا چنگا کون بناوے
 مورت ویکھ وفا یرانہ ایہہ کجھ میں تھیں ہویا
 صورت ویکھ نہ کرساں اگوں کی تدھ ہٹر ڈھویا
 دنیا اتے جیون میرا ہرگز کسے نہ کاری
 توں مطلوب دلے وا بیسیں تدھ نہ کیستی یاری
 یاری عمر سنواری میری آپ پریت نہ ہاری
 جس نیٹے سنگ نیتی آہی او ہو نماز گزاری
 لے لیا جو لیناں آہا لکھیا وچہ نصیباں !
 بے پرواہاں نال محمد زور نہ اساں غریباں
 دنیا اتے آون میرا یری کارن تیری

جس کم آویس ہوندا نا ہیں اس تھیں قبر بھلیری
یاری اندر عمر گزاری ویکھ لیس اک واری
اتہیں اکھیں تینوں ڈٹھا ہور نہ ویکھن کاری
درشن لے کے جان وچھنی پنی آس ہماری
تیرے کول محمد بخشا مرساں کھا کناری
آخر تیک نہ ٹھسی تاں بھی عشق میریدا رشتہ
دفتر تیرے وچہ لکھے گا گردن خون فرشتہ
جاں رب سچا قاضی ہوسی آپ عدالت کر سی
اس دن اٹھ تیرا لڑ پھڑساں عشق میرا تدرسی
جل جہان نے گا قصہ عشق ہووے گا ثابت
شاہنشاہ عدالت والا کر سی آپ عدالت
اس دنیا پر چار دہارے کوئی ہس سی کوئی رو سی
اوس جہان اساڈی یاری اللہ بھامے ہو سی
ایہہ گلاں کر کھچہ کناری مارن اتے ہویا
شاہ پری نے معلم کیتا ایہہ مویا کے مویا
وال اوہدا نقصانی ہویا جان میری ٹٹ جا سی
میرے کارن جھاگ قضیے آیا ہو اودا سی
ظالم عشق میرے تک آندا متے کناری کھاسی
عاشق بابجہ محمد بخشا کیکر حسن سہاسی
ایہ مویا تاں میرے بھانے پٹی جگ ہنیرا
اس تھیں بابجہ اک پک جگت تے مشکل رہنا میرا
شاہ پری نے معلم کیتا ہے ایہ یار موافق

روئے زمیں تے اسدے جیہا نہ کوئی دوجا عاشق
 عشق محبت میری اندر صادق مرد بھلرا
 ایسا سوہنا یار مویا تاں پسی جگ ہنیرا
 شاہ پری نے نال شتابی ہتھوں خنجر پھڑیا
 کہن لگی شاہزادے تائیں گل سنیں اک اڑیا
 جس جھڑے دا شاہد نہ ہووے قسموں سچا کردا
 کرتوں قسم یقین لیاواں خون کریں کیوں سردا
 سچا کوڑا معلم ہووے قسموں دانشمنداں
 مسلمان یقین لیاون کرن جدوں سوگنداں
 جے کوئی کوڑی قسم اٹھاوے سو ایمان کھڑاندا
 قسم کرا جو مئے نا ہیں دین اوہدا بھی جاندا
 آدمیاں تے جتاں سبھ توں دین ایمان خزانہاں
 جو ہارے سو خوار ہمیشہ اندر دواں جہاناں
 جے مدھ سچ دلے وچہ ایہو جیکجھ کہیں زبانوں
 کر کے قسم منا من میرا مرناں ہیں کیوں جانوں
 جے توں سچا عاشق نکلیں تاں مینوں بھی بھانویں
 مویا ہویا مڑ جیویں نا ہیں داغ میرے دل لاویں
 ایہ کوئی شرط عشق دی نا ہیں مرناں کھا کنارے
 کر کے ضد کرن کم ایسے بھدریاں چھری ماراں
 سیف ملو کے کہیا بی بی توں ہیں بہت پیاری
 تیری قسم اساڈے بھانے سبھ قسماں تھیں بھاری
 پر جے ہور کراویں قسماں تاں اوہ بھی میں کرساں

سچ کہیاں تے قدم تیرے پر ہتھ درے چادر سہاں
 دھوڑ مبارک قدم تیرے دی جو ہے سرمہ میرا
 پہاں قسم اسے دی بی بی عشق کماساں تیرا
 نیاں ولیاں دی جو بیعت قسم اوہدی پھر چاواں
 پھیر پو دا متھا بی بی عاصم شاہ جس مانواں
 پھیر کہاں میں قسم رے دی جس سبھ عالم پایا
 واحد لا شریک ہمیشہ نال جمیاں ناں جایا
 دینھ چن جس نے روشن کیتے آ پنوں خود نوروں
 حسن محبت تینوں مینوں کیتی بخش حضوروں
 بے پرواہی لاڈ تکبر محبوباں سنگ لایا
 منت داری گریہ زاری عاشق دے بھا پایا
 جو میں حال حقیقت اپنی تینوں آکھ سنائی
 سچو ایویں ہی گریہ زاری عاشق دے بھا پایا
 سفر قصبے جتنے جھاگے سبھ جھاگے مدھ کارن
 درد فراق تیرے دا سینے ہر دم تپدا آہرن
 تیرے ملنے بابجوں دوئی غرض مراد نہ آہی
 چایا غم دا بھار سرے تے سٹ دنیا دی شاہی
 اس گئے وچہ جیکر ہووے شک شبہ اک ذرہ
 حیف مینوں ایہ پک مرداں دی سر پر دھرن مقررہ
 پکاں مرداں دا جو قبضہ ہتھ میرے وچہ پھڑپھا
 ناں مردی وچہ گنیں بی بی جس دن کوئی لڑیا !
 گاتر گل دا کمر لکے دی جو بدھے دل جانوں

مرداں اندر لکھن ہووے ہاے تے نادانوں
 جب لگ جان جسے وچہ میری ایہ امیدیاں آساں
 قدم تیرے پر صدقے کرساں پکا عشق کماساں
 نالے جو دودھ ماؤ مینوں کو چھڑ وچہ پلایا
 اس دی بھی سوگند اٹھاواں چاہساں عشق کمایا
 جد تک ہوگ حیاقی باقی مدھ ول کنڈ نہ پھیراں
 چاہ محبت گھٹ نہ کرساں نویاں نت ہو سیراں
 مفت نعمت جس نوں لہے اوہ نہ قدر پچھانے
 مر مر کے ہتھ آوے جس نوں دائم قیمت جانے
 دوزخ تھیں جو جنت جاوے تارک نہیں شکردا
 دوزخ بھاد وچھوڑے والی یاد کری نت ڈروا
 سیف ملو کے قسماں چایاں شاہ پری دل لایاں
 پکی ہوئی پریت پیاری اس بھی قسماں چایاں
 آکھن لگی اے محبوبا توں مقصود جہانی
 دلبر تے آرام روے دا خاصہ دل دا جانی
 یار اتے غم خوار غماں دا ہیں ولدار پیارا
 دارو درد دے دا تو ہیں دکھ ونڈاون ہارا
 میں بھی آکھاں قسم اٹھا کے قادر جل جلا لوں
 ظاہر باطن دا جو سائیں واقف ہر ہر حالوں
 سبھ خلقت دے معلم اس نوں گلاں کم دلیاں
 سکھیاں تائیں دکھ سہاوے پاوے دخت اصیلاں
 باغ بہار کتابوں پڑھ کھان بادشہاندے جائے

لا کے داغِ محبت والا چادر ویش بنائے
 جس دا کم غریب نوازی نالے بے پرواہی
 معشوقاں تھیں عاشقِ کردا بہر ڈھونڈیندی ماہی
 تن حویلی توں وچہ بلی جان مکان تمہارا
 میں مر چکیاں سچ کر منیں سیف ملوکا یارا
 سختی رنجِ مصیبت جانی دکھ قہیے بھارے
 سفرِ عشق دے اندر جھلے جتے مدھ بچارے
 اگے کسے نہ جھلے ہو سن اتنے ظلم پر مردے
 توڑے ہو ہو گئے بتیرے صاحبِ دردِ الم دے
 شاہِ پری پھڑ رہ نہ سکی عشقے صبر تروڑے
 سیفِ ملوکے دے گل لگے منہ میلے انگ جوڑے
 شاہزادے دے موہیں اتوں لے پیار نہ رجدی
 مل مل یارے شکر گزارے گھڑی غنیمت اج دی
 پھیر پری فرماون لگی قسم مینوں اس ذاتوں
 جس وچہ غلط نہیں اک ذرہ قدرت اسمِ صفاتوں
 جتنی مدھ ظہیری کئی نال محبت میری
 اس نالوں بھی بہت اسانوں طلبِ محبت تیری
 لوں لوں اندر تو ہیں تو ہیں دل بھی تیرا خانہ
 جس دم دا توں ملایا بلی کیتا لکھ شکرانہ
 جو دن باجہ تیرے تھیں گزرے یادِ جدوں اوہ آون
 سے افسوس انہاندا مینوں مدھ بن کیوں دہاؤن
 اگلے روز حیاتی والے مشکل دسدے مینوں

شمالا یار بنا ہو ہوویں میں در پاواں تینوں
 ایسے طرح کریندی باتاں وردوں لاڈ پیاروں
 اکدو جے دا سر منہ چمن کرن غماں دا داروں
 غم اندوہ جو گزرے آپے کڈ ہن باہر ضمیروں
 کوس کسے نوں دیہن واسے دکھ وٹن دلگیریوں
 حرص محبت بہت دوہانی ہتھ مارے دل کچھوں
 بعضے ہور محابے بھائی دور ہوئے سن وچوں
 سیف ملوک کریندا رمزں کیسے بول عجائب
 جاں اوہ موہون کدھن لگنے دل وچہ ہوندے غائب
 شاہ پری بھی کرے مزا خاں عاشق دا دل لیندی
 کہندی ناریں وچوں حرص گھنی تھ گھنیری
 شہر زناں دی بی بی بیہوی اوہ بھی بیگم تیری
 ہور زنگن شاہزادی نالے رکھدی حرص گھنیری
 ہور جنہاں توں ڈٹھواں اکھیں نام تیرا لے جیون
 سبھو مدھ محبت والا یاد تینوں کر پیون
 اک تھیں اک چڑھندیاں سبھو صورتمند جواناں ! !
 حرص انہاں دی ترور کریں گامی اک نال یراناں
 سیف ملوک ہس کے کہیا سن بی بی شاہپرے
 حسن تیرے دا کوئی نہ ثانی جے جگ کنھا کرے
 جے ہر جون ہزار اٹھاراں خوب شکل بن آون
 سبھ ہوون محبوباں ناریں حوراں وانگ وکھاون
 بار سنگار پوشاکاں سچیاں بنت بنا بنا کے

سبھو مینوں بخشے سائیں حاضر ہوون آ کے
 قسم رے دی وال میری توں سبھو گھول گھلاواں
 تیرے باجہ نہ ہووے کسے ول پلک اک اکھ لگاواں
 سچ پچھیں تاں دساں تینوں اصلی گل اندر دی
 حال میرے دی جیہہ ہمیشہ ایہ دعائیں کر دی
 ربا وعد نال اساڈے تددھ دیدار دس دن دا
 یار میرے دی صورت بن کے دسیں تاں من مندا
 اینھاں گلاں نال شہزادے ٹھگیا جیو پری دا
 حب محبت ہوئی زیادہ کد ہن عشق جری دا
 اس ویلے فرماون لگی اے دلبر شہزادہ
 میں اک گل کراں جے بچھیں دل دا رکھ ارادہ
 شاہزادے فرمایا بی بی کھول دسو گل کر کے
 کون ہوواں جے سنساں نا ہیں کن ولے دے دھر کے
 میرے نال کریں توں گلاں ہوراں تھیں کی لوڑاں
 ایسی مراد لئی میں مردا جھال دکھ کروڑاں
 انہاں گلاں دا بھکھا تا رھڑیا اندر نیراں
 بادشاہی دی دولت سٹ کے رلیا وچہ فقیراں
 آب حیات برابر مینوں بات تساڈی مٹھی
 تنھکن ڈھونڈ سکندر جیہے کد ملے بن چٹھی
 کیتا رب نعیا مرا وانگ الیاس خضر دے
 اپن چیت لدھا اید چشمہ بھلے رنج سفر دے
 بات کہو اج رات خوشی دی جھات تساں جد پانی

داد دتی فریاد میری دی رب مراد پچانی
 شاہیری فرماندی لالہ توں جانی دا جانی
 آہیں دی روشنائی نالے جو بن دی زندگانی
 جو تھ چوہداں برساں اندر رنج مصیبت پائے
 مینوں اک دیدار تیرے وچہ سارے دینے آئے
 صورت سخن آواز تیرے نے نال میرے جو کیتی
 چوہداں برساں وچہ نہ تساں اتنی ہو سی جیتی
 بسم اللہ والحمد للہ کہیا سیف ملو کے
 آتش شوق میری دی تھ دل بھکھ پئی سنگ پھو کے
 عشق میرے دا آہرن بھکھیا چنک اٹھی وچکاروں
 اپن چیت تیرے گھر اندر جا پئی وچہ داروں
 یاری تے لگ گئی آسٹھی پکی کھری پیاری
 پرہن کر کجھ حیلہ سازی ملے سہاگ کواری
 میں تیرا توں میری ہوویں جان چھٹے اس غموں
 میں عاجز پردیسی اتھے عاری ایسے کموں
 دیواں پریاں نال نہ چلدا میں آدم دا چارا
 جتول جائے چھپن نہ دیندے ڈھونڈ لیس جگ سارا
 شاہیری نے کہیا میاں کی چارا میں کرساں
 جے کجھ پتہ دیواں نوں لگا بدی تیری لے مرساں
 ترے لکھ پری میرے سنگ آئی ناں میں اک اگلی
 جے کجھ معلم ہووے انہاں نوں ایہ آدم سنگ رلی
 تیرا میرا ایہ رل بہناں جے اک ذرہ جانن

دوہاں تائیں مار گواون رتی رحم نہ آئن
 یا ماں باپ میرے نوں دس تاں اوہ غصہ کھاؤن
 بی بی لیاں وانگر مینوں گھروچہ قید کراون
 آون دین نہ اتھے مینوں دت نہ ہووے میلا
 مجنوں ہارا جاڑاں اندر مرسیں اک اکیلا
 مینوں داغ فراق تیریدا دھوتا ہول نہ جا سی
 میرا تیرا محرم ہو کے کون پیغام پوچھا سی
 سیف ملوک کہیا سن بی بی آھیں دی روشنائی
 پھر بھی ہتھ تیرے تدبیراں میرے وس نہ کائی
 آدمیاں دے کم نہ چھپدے ہوندے باندے باہر
 پریاں بن کرن کم جیڑے کوئی نہ تکتا ظاہر
 سیف ملوکے دا منہ چم کے شاہ پری فرماوے
 اک تدبیر میرے دل آئی جے اوہ تینوں بھاوے
 شہر ستانی کسمیں اندر رہندی پھوپھی میری
 سرو بانوں اس نام میرے تے کر دی حرص گھنیری
 دو راوی فرماندے پھوپھی اک کہندا سی وادی
 شہر ستان کہن اس جائے بعت بازادہ وادی
 مہر افروز اوہدے ہے ناداں ایہ راوی فرماندا
 کس دی گل تے پیرا دیئے دل فکراں وچہ جاندا
 اوہ دو راوی ایہہ اکلا کس دی کراں حمایت
 بھلا اکلے دا اپالہ اس دی لان رویت
 کہیا پری نے پتے پھڑاواں سیف ملوکا مروا

شہرستان ملک نوں کہندے ناؤں دم غول شہرہا
 رہندے ہین ہمیشہ اوتھے غول وڈے دو بھارے
 پانی وانگن پیون اگے آدم مارن ہارے !
 راکھش آدم کھاون والے ہور عفریت بلائیں
 رستہ مارو دوزخ وانگر آتش گرم ہوائیں
 پینڈا دور داز مصیبت مشکل راہ اجاڑاں
 آتشین پہاڑ راہے وچہ کروا ساڑاں ساڑاں
 دریا جوشاں نالے اگے شہر گلیم گوشاں وا
 ایسا پندھ نہ چلیا جاوے مارے تخم ہوشاں وا
 جے ایہ رستم پندھ چلیں تے پہنچیں اوس مکانے
 جا کر دادی میری اگے عرض اپنی گذرانے
 رستم ، سام ، سکندر والی جے توں کریں دلیری
 زال مثال بحال نہ ہووین ویلجہ زوال ہیری
 دیو سفید سیاہ تک رتے خوف نہ لگی رتی
 آتشین پہاڑوں انگھیں دیہی غموں کر تتی
 سیف ملوک کہیا ایہ رستہ مشکل پندھ سنیندا
 بن ساتھی ہمراہ بندے تھیں کیونکر آساں تھیندا
 کہیا پھیر بدیع جمالے ناں کو خطرہ جھورا
 نال تیرے عفریت دیاں گی چا گھر سی کر زورا
 اللہ بھاوے ونج پوچا سی صحیح سلامت تینوں
 دادی میری خاطر کر سی ہے توقع مینوں
 اگے دانشمندا کابر عاقل سگہڑ سیانی

آدم بچیاں نال محبت بہت کرے اوہ رانی
 آپوں بھی اوہ آدم زادی بھاؤں آدم زادہ
 تیری نال ہتھوں کچھ کرسی حب احسان زیادہ
 مدھ جے ایڈ قصبے جھاگے سفر مصیبت تکے
 عشق میریدے مارے ہوئے درد رکھادے دھکے
 صورت سیرت تیری تلکی سنسی ذات صفاتاں
 بچھ کشالے مہریں آوے جاں مدھ کہیاں باتاں
 ایہ مشکل رب اس دے پیروں متے آسان کریسی
 ماں پو میرا منسن اس دی جو فرمان کریسی
 شاہ شاہپال اوہدی گل مندا نالے میری مانی
 مت تیرے پر راضی ہو کے چاکرے کڑمانی
 پھیر بدیع جمالے کہیاں سن توں پیارے مینا
 کتنے تھاں ڈٹھے مدھ اگے یہ عجائب کیتا
 پر جے سارے عالم لوڑیں تک مڑیں سبھ جائیں
 شارستان جیہیاں کد لبھن تھاں مکان ہوائیں
 لیکن رستہ خطرے والا سخوں سخت مہیاں
 کی کچھ حد سناواں موہوں مشکل پندھ عظیمیاں
 دریا جو شاں ٹھاٹھاں مارے حال اوہدا کی آکھاں
 کالے پرہت روئے زمیں دے اس وچہ پین بے لاکھاں
 موج طوفان اوہد یوچہ ڈبن کدھرے نظر نہ آون
 سارے گل کے مٹی ہوون ریت مثل رہڑ جاون
 آتشین پہاڑ جو اگے اس دی حسد نہ کانی

جے سی مرغ اڈے ہو اچاناں اسماناں جانی
 تابش سخت اوہدی تھیں سر کے ہوندا مثل کباباں
 اچے ہو لنگھن اس راہوں نہیں مجال عقاباں
 کی گل کراں گلیم گوشاں دی اوہ ولایت بھاری
 ذوالقرنین سکندر نے بھی کر کر زور نہ ماری
 جو کوئی اوس ولایت وسدے سبھ ڈراون والے
 وڈے قد حسابوں باہر بہت زور آور نالے
 سو قلاج اچے قد بعضے دو دو سے قلاچاں
 بہتا چھوٹا قد انہاں دا چالی گز میں جاچاں
 ناں کوئی کپڑا لیرا اتے ناں کوئی پلنگ چٹائی
 اک کن پٹھ گھٹن اک اتے سوندے نیندر آئی
 اوہ انہاں دا شہر ولایت چالی دن دا رستہ
 کون کوئی لنگھ سکدا اچھوں مارن کرن شکستہ
 آتشیں پہاڑ اگیرے پینڈا اک مہیناں
 جتول تیکے اوہو وسدا نظر نہ پون زمیناں
 تر یہیں مہاں دا پینڈا اگے جو دریا جوشندہ
 جو حیوان اوہدے وچے آوے کوئی نہ رہندا زندہ
 غول اجاڑی دیو مریلے راکش بشیر کالے
 ویکھن سات نہ رہندی باقی دہشت جند نکالے
 جے سومرو زور آور ہووے بہت دلیر بہادر
 بیت کھا رہے مڑ ثابت نہیں کسے دا باد
 سیف ملوک ہویا سن حیران بہت اندیشہ کروا

سپ دا ڈنڈیا آکھ محمد سیلے کولوں ڈروا
 اگے بھی میں ڈھیر بلائیں گاہ اتھے تک آیا
 پر اگوں دس پانیو جیہڑی اس نے بہت ڈرایا
 کی علاج ہووے اس کم دا بری مہم ایہ آئی
 آخر منزل سخت محمد بچ کے نکلے کانی
 ساہن کام پہاڑ اگے دا غصہ دریا جو شاں
 حرص ہوا ہمیشہ ننگے وانگ گلیمے گوشاں
 بھاکھ نیندر دو غول وڈیرے آتش پیون ہارے
 ہور بلائیں شر نفسانی سمجھ رمز پیارے
 جے سبھناں دے سرتوں لنگھے چڑھ دیوے دے کاہندے
 دیو مطیع ہووے جس ویلے کھل ونبج سبھ باہندے
 دستاریز بجن دی لے کے پنچے کول ویلے
 واصل کرے محمد بخشا تاں اوہ کر کر حیلے
 پھیر پری نے کہیا اگوں چتا نہ کہدا شاہا
 جو عفریت تیرے سنگ لاساں اس اگے کی راہا
 اوہ بھی اکس پری پر عاشق دیساں اسد الارا
 چاہیں چاہیں کھڑی تینوں پندھ سکھا لا سارا
 وادی بھی نہیں ایسی اگے کوڑی پھکی کھٹی
 مٹھی اتے سلونی ہو سی جاں دس سیس رنج کئی
 میں بھی چھٹی اپنی تینوں لکھ بہا ساں پلے
 کول اوے دے جاہ پیارے مت واہ کوئی چلے
 سیف ملوک کہیا سن بی بی جی جگ دشمن ہووے

توں بجن تاں خوف نہ کوئی عاشق اٹھ کھلووے
آکھے باجھ سمندر گاہے جنگل پر بت کالے
ہن مدھ آپ زبانوں کہیا ٹرسن یار سکھالے
اک اک قدم اتے جے ہووے سو سو بشیر کالا
جہول یار کہے میں ٹرساں مول نہ کرساں نالا
عاشق موتوں ڈر دے نا ہیں پتہ انہاں نوں لگا
موت نہیں اکوار مویاں نوں چہل آفت دا اگا !
کہیا پھیر پری نے شاہا کراں ضروراں تینوں
چیتا چیتا بھیت اساڈا دیس نہیں کسے نوں
ملکہ بدرہ ماؤ انہاں دی اگے کتنی ویری
میرے اگے کر کہ تھکیاں بہت سفارش تیری
خوبی صفت ثنا تیری تے مالے عشق تیرے دی
درد کہانی دس دس رہیاں کامل صدق تیرے دی
پان سوال آرزوئی ایہو کر کر منت زاری
سیف ملوک نوں شاہ پرئے دیہ دیدار اک واری
گل انہاں دی اجے نہ منی موہوں نہ کیتی آرے
نہ نہ کر دی ہاں اج توڑی بھار گھتاں نت بھارے
توں بھی پھیر انہاں نوں اکھیں کیوں پری دسالو
جانی نال ملاؤ جانی قول زبانی پالو
جیوں جیوں توں کر سیس تنگی تیوں تیوں منتاں کر سن
چاہڑ احسان انہاں تے دس ساں ظاہر ہو کے درشن
مت کوئی بھیت انہاں نوں دیس میرا بھار نہ رہندا

میں شرمندی ہو ساں توں بھی پچھوں تا سیں کہندا
 ہلا ہلا شہزادے کہیا بھیت نہ کڈھاں ذرہ
 جو تہاں فرمایا اس تے کرساں عمل مقدرہ
 قول قرار کیتے پھڑ پنچے قسماں عہد پکائے
 شاہ پری تے سیف ملو کے پکے نیوں لگائے
 ڈیرے نالوں وکھرا تنبو شاہزادے سی لایا
 ہو الگ اوتھے سی بہندا درد فراق ستایا
 اس تنبو وچہ دوہاں جیاں کٹھیاں رات گزاری
 غم دی تھاں ملی سکھ صواواں رحم وہیا سرکاری
 قول قرار پرانے والے کیتی خاص تسلی
 صادق صبح دھن پر آئی شاہ پری اٹھ چلی
 گل باباں گھت ملے پیارے مڑ مڑ وداع کریندے
 منہ متھے ہتھ چمن دوویں دل ولے کر دیندے
 جھبڈے جھبڈے پھیر ملن دی آس دوہاں دل آہی
 تاں کجھ رہیا لفافہ اوتھے صبر نہ ہویا راہی !
 شاہ پری مڑ چوری چوری تیج اتے آسوئی
 دل وچہ یار موہیں پر پلا نیند کی جانے کوئی
 وچو وچہ کلجیا کھائے اچا ساہ نہ بھر دی
 اکھیں میٹ دراز ہوئی سی ایہ مردی کہ مردی
 پلاتاں بنجوں بھر روئے نظر کریندی سارے
 جاں اوہ دلبر نظر نہ آوے بھڑکے بھاہ دوبارے
 لوکان بھانے نیندر مٹھی ہوئی بیہوش اوہ تتی

غیراں تھیں منہ کجیا ہویا دلوں آرام نہ رتی !
 طاقت تران نہ رہیوں ماسہ جے چک پر تے پاسا
 جان لباں پر بھجہ بھجہ آوے موڑ کھڑے مڑ آسا
 بکل اندر کرے نگاہاں تکے گرد چوہیرے
 یار تو کا نظر نہ آوے موڑ کھڑے مڑ آسا
 اکھیں میٹ سویں مت میرا میت دے وچہ خوابے
 نینیں نیند نہ آوے مولے پکڑی جند عذابے
 ناں اوہ دے نہ دل دے خبر نہیں ہور کسے
 ہنجوں مینھ ون پر دل دا بھانبر مول نہ ہسے
 قہر قلندر نزول اندر وچہ سول ڈندول وچھوڑا
 نویں محبت ہڑوا پانی زور نہ کردا تھوڑا
 ثابت نیت پریت لگائی موج گھری دی مانی
 چھپیا مکھ لگے دکھ بھارے نازک بال ایانی
 منہ پر پلا محرم اللہ اندر دروہ اولہ
 ایہ تن نال بجن دے آہا ہن کیوں پیار اکلا
 ساری رین پیا منگ گزری کر دی چین نہ سوئی
 میٹے نین ہن دین کریدی ایہ کی غرق ہونی
 ربا یار ملائیونی مینوں صورت چن آسانی

جند نمائی درو وچھوڑے سولی اتے چاہڑی
 روشن روز جگت دے بھانے مینوں مول نہ بھاوے
 کیویں رات پوے اس روزوں شوہ دل تتی جاوے
 کدی حیا کھلن پر آوے کدی کرے ستاری
 سیف ملوک ملے جند چھٹے جاوے درو قہاری
 موہوں چپ اکھیں پر پردہ بے طاقت تن سارا
 لوں لوں اگ پریم دی بھڑکی دل وچہ یاد پیارا
 کھلے وال بیکال پٹی سی سخت غماں دی ماری
 بیدل دا کس دیدن پایا بریوں بری بیماری
 سیاں بھانے تیج خوشی دی ستی سکھ کواری
 باہروں با آرام محمد اندر چڑھی غباری
 عاشق نیند بھری کد سوندے نیون جہاندے کپے
 میٹے نین موہیں پر پلا کی ہويا جگ تنکے !
 فخرے نین غبار آلودے دوڑے بھورے ہوئے
 کھول ڈھٹے تاں یار نہ ڈٹھا اندر و اندر رولے
 بنجوں ڈھلکے اکھیں مل کے بیٹھی کر ہشیاری
 موہوں ہاسہ خوشی نہ ماسہ دل دی دل وچہ ساری
 موہوں ہے بھیت نہ دے پون کیجے چھیریاں
 نال سیاں دے کرے زبانوں جو کجھ گلاں ٹریاں
 اوہدر سیف ملوک شہزادہ رو رو آہیں بھروا
 اکثر آس رے دی اتے پھیر نخل کردا
 کیتا وضو شہزادے اٹھ کے لگا پرہن دوگانہ

آکھے بانگ نماز گزارے پھر پڑھے شکرانہ
طاعت رب دی زور سرے دے خوب بجا لیاندی
جتنے ورد و نلیفے کردا دھرتی پئی سہاندی
درداں تھیں جاں فارغ ہویا دھپ لگی نورانی
شاہ خورشید خاور دا چڑھ کے تخت بیٹھا سلطانی
سیف ملوک تخت تے بیٹھا صاعد کول بہایا
جسے تاب تران زیادہ چہرے روپ سویا
اچراں توڑی باہر باغوں لتھن آن سواری
دھموں دھام پئی نرگے چمکی فیل عماری
ہر دروازے کرن آوازے کوتل ترکی تازے
پوشو پوش نقیب کھیندے ساز و جاون سازے
سراندیپ شہر دا والی ملکہ دا بیو راجا
شاہزادے دے ڈیرے آیا نال وجے ہر بابا
چھتر نشان سرے پر جھلدے نال اکابر خاصے
شاطر ٹوپ جڑاؤ سر پر ہتھ سنہری عاصے
میر وزیر کبیر شہزادے راء امراء تمامی
آئے نال شاہزادہ ویکھن کیا خاصی کیا عامی
سیف ملوک شہزادے اگے سارے حاضر ہوئے
ہر دروازے کھولے کھولے کھولے کھولے

جو جو طلب کسے نوں آہی کھا لیا من بھاناں
 شاہزادے تے شاہ نگر دا تخت اکی پر آہے
 رل کے کھانا کھلدا دوہاں نال دے دی چاہے
 کھانا کھا ہوئے جد وہلے حکم ہويا درگاہوں
 بھر بھر دیون ساقی سوہنے پین پیالے چاہوں
 ساعت گھڑی گزار خوشی دی اٹھیا شاہ نگر دا
 سیف ملوک اگیرے آیا رخصت کروا کروا
 رخصت کر کے پھیر شاہزادہ ڈیرے اپنے آیا !
 ملکہ بدرہ ماں اونہاں دی آمر پھیرا پایا
 شاہزادہ تعظیماں کر کے نیوں نیوں ہويا سلامی
 منہ بکل وچہ لے کے بیٹھا جویں غمناک تمامی
 ملکہ نے فرمایا شاہا جاء نہیں ایہ غم دی
 گئی ہجر دی رات ہن ایہ تک صبح وصل دی دھمدی
 ایہہ جاگہ خوشحالی والی چھڈ اندیشہ بھارا
 تھوڑا جیسا صبر کریں تاں ملسی یار پیارا
 چوہداں برساں اندر جو مدھ پیتے زہر پیالے
 صبر کریں تاں وٹن ہوسن شربت شہدے والے
 آہو راہ عشق دے اندر نا ہیں نا امیدي
 کالی راتے وچوں نکلے اوڑک روز سفیدی
 شاہزادے نے بیدل ہو کے منہ کر ماناں
 ملکہ نوں فرمایا بی بی قول تیرے کی جاناں
 کی تکرار میرے سنگ کر کے دیو تیاں مروایا

دن دن صبر دسالو آگوں جاں اوہ ویلا آیا !
 کچرک توڑی جھوٹھ مدارا کچرک ٹرٹی ٹھکی
 اوڑک تسیں جواب دیہو گے پری نہ آکھے لگی
 اج کل پری تساڈے گھر وچہ پھر بھی قول نہ پالو
 جاں اڈ باغ ارم وچہ چاسی کیکر منوں دسالو
 پھیر تسیں ہو یسو چیاں صبر کرا سو مینوں
 مڑ آون دیہہ شاہ پری نوں درشن دیسی مینوں
 بس میرا کجھ وس نہ چلدا کی تساڈا کھوہناں
 ملے وا کی زور محمد نس جاناں یارو ناں
 اٹھ کھلیاں اوہ سبھو جنیاں کر کے گرم تیاری
 جا بدیع جمال پری نوں آکھن وارو واری
 ملکہ بدرہ منت زاری ترے بے شمارے
 کر کر تھکیاں شاہ پری نے مول نہ کیتی آرے
 ماں انہاندی سڑ کے بولی ہے دھئے شاہ پرئے
 ایڈا مان گمان نہ گریئے ڈاڈے کولوں ڈریئے
 رب تکبر بھاوے نا ہیں چور کرے مغروراں
 جادوگر آسمان چرو کالاہ چکا کئی اوہراں !
 جس ول نال حقارت تیکے کر کے کبر اندر وا
 چاہے تاں وس پاوے اسدے لاڈکی زور آور وا
 اوڑک دودھ میرا تھہ پیتا حدود دھاندی بھاری
 میری بھی اک گل نہ منیں لوک تسیں ہتھیاری
 سانوں ایہ جوان شہزادہ بہتا ہے دل پڑیا !

شاما تیرا اس وا ہووے لیکھ دھراؤں جڑیا
 پری کہیا کی ہویا مائی جے چت تیرے لگا
 پر میرے ایہ لائق تائیں ناں کوئی پچھاگا
 راہیاں راہ چلیندیاں تائیں مفت دیدار نہ دیساں
 ہووے کوئی فرمائش کر سو سر پر چشم منیساں
 سمجھناں کہیا ساڈے پچھے دیہ دیدار اک واری
 رکھ امید اتے پت ساڈی کریں مروت بھاری
 ملکہ خاتوں منت کر دی مڑ ٹھوڈی ہتھ لائے
 من سوال اساڈا بھینے فکر دے وا جائے
 قسم تینوں اس دودھ دی جیہڑا پتیو ماں میری وا
 دیہ دیدار اوہنوں اوہ پکا عاشق شکل تیری وا
 سختی سفر مصیبت بھاری محض جھلی تدھ کرن
 نا امید ہویا مر جا سی بھلا نہ عاجز مارن
 شاہ پری منہ پکا کر کے متھے نوں وٹ پایا
 نا محرم نوں منہ نہ دساں کیوں تدھ جی اکایا !
 ملکہ خاتوں روون لگی میں ہن جھوٹی ہوئی
 اتھے اتھے ہاں شرمندی کسے جہان نہ ڈھونی
 اس گھر آون نالوں مینوں قید آہی اوہ چنگی
 یا دریا اندر ڈب مردی موت بھے اج منگی
 گل اساڈی تدھ نہ منیں قیمت قدر نہ پایا
 مڑ مڑ کرو تسیں ہم سنتے او ہو لیکھا آیا
 شان تیرے واکی گھٹ جاندا صورت وا کی گھسدا

جو بن حسن تیرے نوں بی بی کوئی نہ آہا کھسدا !
 کی ہویا اک واری توں بھی ساڈی گل منیندی
 مائی بھی تھہ راضی ہوندی جے اک ورشن دیندی
 غصے ہو پری بھی کہندی لوک تسیں ہتھیارے
 مرد بیگانے دیہو کواری ایہو بھائی چارے
 ایسے کارن مائی مینوں بن کے ماں دھرم دی
 گھر اپنے سدو اندی رہندی خبر نہ ایس بھرم دی
 مائی بھلی اساڈی مائی بدرہ بھلی سہیلی
 گھر وچہ سد کرو ایہ ول چھل خوب تاں گل میلی
 جے کرماں پیو میرے جانن ایہ منصوبہ بازی
 پھیر ضرور تاں ول ٹورن نال محبت تازی
 جے اکواری پردے کجے باغ ارم وچہ جاواں
 ایس تساڈی نیتی کچھے کاہنوں مٹھ کے آواں
 لاجواب ہوياں اس سخنوں ماواں دھیاں ترائے
 مدت دی گل رکھی جاگی ترور نہ رب کرائے
 ملکہ روندی ویکھ مائی نوں بہت لگا دل مندا
 غصہ گچ اندر وچہ آیا ہو چکا ہن دھندا
 اکھیں لال تو بھر آیاں مارے نیر اوچھلے
 غضب الہے تن من کنبے رس گھرے ول چلے
 دل وچہ کہیا بدایج جمالے انت نہیں ایہ چنگی
 ماں کہیا دودھ پیتا اس داس چلی کر تنگی
 راتیں اوہ ونے ایہ کارن ویکھو مکر زماں دے

مایاں دایاں سنگ سیاں نوں دیہن نہ بھیت مناں دے
 خوب کہیا داتا کسے نے سچ اکھان پرا ناں !
 دوجے بحر وچوں الٹا کے آیا بیت سناں
 رناں چنچل ہار ہمیشہ چنچل کم کریہن
 دیہنیں ڈرن پچھاویں کولوں راتیں ندی تریہن
 وچہ قرآن کہے رب سچا مکر زناں دے بھارے
 گن گن کے لکھ دے ناہیں میں بھی ڈر دے مارے
 مت کوئی مار سنے کھا غصہ کرے چلتر کاٹی
 گھسن گھیر کسے وچہ پاوے ڈوب دیئے دانائی
 ہور نہیں کوئی زور انہاں سنگ ہادی دے پناہاں
 چھڈ سکاں دی گل محمد جھبڈے چل اگاہاں
 ویکھے بدیع جمال انہاں ول آکھن لگی ہس کے
 مایے بھنیوں خفا نہ ہوو چا جاساں منہ دس کے
 کر کراں میں کتول جاواں تساں واڑ چھکائی
 جو گل تساں نکالی موہوں سر پو منی آئی !
 ائی سدھی تساں منائی میں راضی ہو منیں
 پرے میں بھی پکڑی کوئی ہون نہ دیساں کنیں
 خاطر بہت تساڈی آہی وڈی زمیں آسمانوں
 خواہ مخواہ منیں گل تاہیں جانوں دلوں زبانوں
 مائی نے فرمایا دھیسے جویں توں راضی رہسیں
 کون تیرے تھیں چنگا سانوں کرساں جیکجھ کہسیں
 ایہ گل شاہ پری دی سن کے سبھناں ہوئی شادی

جھبڈے جا شاہزادے تائیں دیہن مبارکبادی
 خوشیں خوشیں چاہیں چائیں ملکہ آئی بھی
 سیف ملوکا ہووی مبارک شاہ پری گل منیں
 درشن تینوں دینا کیتوس کر احسان اساتے
 دکھ گئے سکھ بخشے مولیٰ کیتے کرم اتاں تے
 اس گئے وچہ بل بل پون پچھلی خبر نہ کائی
 ساری راتیں رہے اکٹھے یاری پریت پکائی
 اس ویلے پھر ملکہ خاتون بہت دلوں خوش ہوکے
 شاہزادے نوں جوڑا آندا لایا سر منہ دھوکے
 خوب لباس نفیس پوشاکی مشک معطر رنگی
 جے لکھ کراں بیان صفت دا پھر بھی اس تھیں چنگی
 لال جڑاؤ تاج سرے دے گوہر قیمت داراں
 دل دے دیدے بھی تک ساہنواں جھلن نہ چکاراں
 موتی مروارید زمرہ لعاں نال اپنی !
 شاہزادے دے لک نبھائی خوب جڑائیو بیٹی
 کیتا زیور زیب شہانہ جے کجھ ہوندا سارا
 زینت حسن اونہوں بس آبی نہ کر بہت ککارا
 عقل علم ادراک صفائی صفات سبھ کمالات
 خوب پوشاک نورانی صورت ہويا شاہ جمالان
 بیٹھی پری اگلی جانی کر کے تھاں آمادہ
 ملکہ بدرہ ماں انہاں دی لیا شاہزادہ
 جیہڑے رنگ محل اندر سی دلبر پلنگ وچھایا

سیف ملو کے نوں اس جانی وچ حضور پہنچایا
 کر تسلیمیں تے تعظیماں جو کجھ ادب دی
 عاشق جاء سلامی ہويا آس لگی مطلب دی
 جھلیا اٹھ سلام پری نے کر عزت تے پایا
 بسم اللہ بسم اللہ کہندی جیو آیا جیو آیا
 میں صدقے میں صدقے کیتی نال تواضع بولی
 جس رستے توں ٹر کے آئیوں اس راہے توں گھولی
 ناں ملیے تاں ملیے نا ہیں جے ملیے تاں ہس کے
 مٹھا بول اندر وڑ لیے عاشق دا دل کھس کے
 پچھوں جی کجھ کرناں ہووے کریے اپنا کر کے
 اول نال محبت رچے اگے اس دے مر کے
 نال تواضع کر اشنائی جیو جدوں دس کریے
 لاڈ مخول تکبر جھلے جو اس دے سر دھریے
 جاں اس روز شاہزادے ڈبھی سندر شکل پری دی
 چوہدویں دا چن پھل گلابی اصلوں نقل پری دی
 خوبی حسن شماروں باہر گل نہ کیتی جاوے
 جو بن روپ ادا یوں بھریا ہر ہر نقش سہاوے
 کڑی کواری نظری آئی نازک پھل گلابوں
 عمر اداں شکل شامل دا فرانت حسابوں
 چہرہ سورج ہار نورانی ابرو مثل ہلالاں
 دور خسارے رب سنوارے پنجمکن وانگر لعاں
 آب حیات موہیں دا چشمہ ظلمت زلفوں سلایا

خال مثال خضر دی سو بھے سبز پیرا ہن لایا
 وند سفید چنے دیاں کلیاں سچے موتی لڑیاں
 ندی سمند حقانی وچوں جو بن کانگاں چڑھیاں
 ظالم نین کناراں والے مار گواون جانوں
 تک کہناں سی سان چڑھایا دھریا باہر میانوں
 پلکاں تیر کماناں ابرو غمزہ وانگ بندوقے
 گولی وانگر خال محمد لگدا سیف ملوکے
 شاہزادے جد نین پری دے ڈٹھے نین لگا کے
 بیدل کیتا جوش حسن دے ڈھین لگا غش کھا کے
 پھیر دلیری ہمت کر کے ہوش رکھی وچہ جانی
 نال عشق دی برکت بچیا ہور مجال نہ کائی
 جان اوہ شکل شہزادے ڈٹھی حسن بھری متوالی
 بہت پسندی آئی کہندا بخشے آپ دوالی
 جو بن دی اک پتلی سونی وانگر پھل پہاری
 کالے وال معنیر سو بنے جیونکر مشک تتاری
 سرو آزاد سفیدا نازک نال لگے انب کپے
 صورت گر کوئی چین چگل دا نقش نہیں کر سکے
 صورت تک کے دوناں تریناں مائل ہويا شہزادہ
 دس حصے اس راتی نالوں آبا حسن زیادہ
 ملکہ بدرہ ماں انہاندی بہت ہوئی دلشادی
 قولوں پاک کیتا رب سچے مشکل ہوئی کشادی
 اس ویلے پھر مجلس تازی کیتی خاص شرابوں

پین پیالے تھیں سکھالے چھیڑن تار رباؤں
 پر شاہزادے نوں حیرانی ویکھ جمال بجن دا
 صورت حسن اندر گم ہویا نہ چت چیتا تن دا
 ہنجوں رووے کرے دلیاں اوہو میں نماں
 نال پری دے ہاں رل بیٹھا عیش وصل دی ماں
 مت ایہ خواب خیالوں ہووے یا مر جنت آیا
 میں دکھیارے نے سکھ ایسا جیوندیاں کد پایا
 دس حصے شاہزادے نالوں ووصیا عشق پری نوں
 چوری چوری تکی دی آبی اس دی شکل کھری نوں
 مشکل مشکل گلاں کچھ عقل اوہدا ازمائے
 شاہزادہ سی مستی اندر پھر بھی وسدا جائے
 دس دس طرح جواب سناوے اکس سوال اوہدیدا
 کیتا انت حساب نہ جاوے عقل کمال اوہدیدا
 شاہ پری نے کہیا بھنیوں سیف ملوک شہزادہ
 اج مہمان میرا میں کرساں خدمت حب زیادہ
 خدمت اس دی لازم مینوں ہتھیں دیاں پیالے
 رُ آئے دی کرن تواضع ایہ بھلیاں دے چالے
 جے سو نوکر چاکر ہووے خدمت والا اگے
 ہتھیں خدمت کریئے آپوں جاں ساجن ہتھ لگے
 اپنی خدمت بیشک کہیے خدمت گاراں تائیں
 خدمت گار بن آپوں پاس پیارے سائیں
 جائز ہووے دوائے دی ہتھیں جے خدمت دلبر دی

بادشاہاں دے بدلے سبھو خلق نمازاں کر دی
 توڑے سینکڑیاں دے سرتے حاکم صاحب ہوئے
 آپ جن دی خدمت اندر بدھے لگ لگھوئے
 دلبر دے گھر بے پرواہی کرے غریب نوازی
 جس پر پاوے نظر محمد جت جاوے اوہ بازی
 پر کر کاسہ ہتھ وچ پھڑیا تختوں اٹھ کھلونی
 اول آپ اوہدا گھٹ بھریا پھر عاشق ول ہوئی
 شاہزادہ بھی اٹھ کھلوتا کیتی شرط ادب دی
 نیڑے آوے زانوں بیٹھا خاطر حرص طلب دی
 بسم اللہ کر پھڑیا ہتھوں صاف بلوری کاسہ
 جاں پیتا جند پی نوں سر سستی رہی نہ پاسہ
 خالی کر کے ترے پیالہ خدمتیاں ہتھہ پایا
 دلبر نے پھر ہور شتابی اینویں دت پدایا
 دوجا تیجا کاسہ دتا ہتھیں آپ پیارے
 عاشق تے معشوق محمد پی ہوئے متوارے
 پچھوں اس تھیں صاعد تائیں پر کر دتے کاسے
 نالے مجلسیاں نوں دتے جو جو آہے خاصے
 سیف ملوکے پری رل بیٹھے نال محبت دل دی
 جس چیزے نوں طوڑن چڑھے اوڑک اکدن ملدی
 لوڑن والا رہیا نہ خالی لوڑ کیتی جس سچی
 لوڑ کریندا جو مر آیا لوڑ اوہدی گن کچی !!
 سیف ملوک جیہا بن لوڑے لوڑ اوہدی تہ پکی

اللہ چاہے مڑے نہ خالی مطلب وا منہ تکی
 شاہ پری نے شارت کیتی بدرہ خاتوں تائیں
 بدرہ اٹھی نال گمان کی گل آکھ سنائیں
 جیونکر مور کریندا پائل سوہنے پر ہلے !
 گردن کھنی راس بنا کے گن گن پپ اٹھائے
 جلوہ حسن گھنے وا وسدا ہر وچہ ہر وا پھیرا
 اینویں نہیں محمد بخشا دل وا حسن لیرا
 جے کر صورت وچہ نہ ہوندا مالک آپ ولاں وا
 غیبوں چمک مہار ولاں دی کیہرا جیوندا
 ہر ہر وچہ نہ ہون بیکر ہر دی روپ سامنے
 دانشمنداں وا دل ٹھگن کد معشوق ایانے
 کر تعظیماں بدرہ خاتوں لک لکدی آئی
 کاسہ ہور پری دے ہتھوں شاہزادے دل لیائی
 اوہ بھی سیف ملو کے پیتا منہ تھیں آکھ سنایا
 شکر الحمد خداوند تائیں جس ایہ کرم کمایا
 مدت دیہہ برس میں گزری مدھ عشق وا پیوں
 آئی اج نشے دی مستی شکر کراں جد جیواں
 سکے سر ہوئے مڑتا رو مینہ کرم وا و وٹھا

سیف ملوک وجاوے گاوے سنیے عیش مرادوں
قانون دھریا آن غلاماں چکڑی دا سی بنیاں
شاہزادے نے حکم تجن دا سر اکھیں پر بنیاں
لے قانون کیتا سر تاروں جھولی اندر دھریا
گنگن نال وجاون لگا تار سراں دا پھریا
کر تحریر حزین وجایا لحن کیتا خرگا ہے
اس مضمونوں غزل محمد عاشق گاوے آہے

غزل

اول شکر خدا دا کرے دلبر مکھ دکھایا
مٹھے منہ تیرے تھیں جہاں قوت میری جند پایا
کر کے پندھ سفر دا آئیوں دھوڑ پئی مت ہوئی
چا کر ہووہیں دا چشمہ چاہیے منہ دھویا
پچ بہ پچ کمند زلف دے جے گل ڈالیں ایویں
ہر اک گردن کش ملک دا ہو سی قید کرایا
ڈیرے تیرے دے چوہیرے کی کم چوکیداراں
آہ میری دے بلن الہے رکھن چائن لایا
توڑے سورج وانگر مینوں اندر جاء نہ لبھے
در دیوار تیرے دی پیریں ڈھیراں جیونکر سایا
شکر ہزار خداوند تائیں پھری بہار چمن دی
حاصل ہوئی مراد محمد دلبر کول بہایا
خیر القصہ اوس دہاڑے شام تلک مدھ پیتا
گاؤں گائے ساز وجائے جشن خوشی دا کیتا
سورج ہار کیتی زر بخشی جاں پیاں ترکالاں
بل اٹھیاں کا فوری شمعان نالے ہور مشالاں
سیف ملو کے خوشیں خوشیں سارا دن مدھ پیتا

نال تراوت مدھ دے ہوئی اگلیوں ہور سوائی
 ہور کوئی مدھ پیوے جیون جیون کھڑا ہوش مانگوں
 عاشق وا بھئی ہووے زیادہ روشن عقل چراگوں
 دلبر کول تے مہریں آیا نالے نشہ شرابوں
 ساقی سخن دے پیالے ہتھیں نقل کبابوں
 مجلس خالی نا محرم تھیں نغمے چنگ ربابوں
 سچی تیج محمد بخشا رنگی عطر گلابوں
 صاعد بدرہ بھی سن اوتھے عشق کماندے چوری
 نیویں نظر تکن اک دو جے ساوڑا تے گوری
 صاعد بدرہ دے دل تک کے جھکھڑ آہیں بھروا
 پتر رکھ صبر دے والے زیر زیر سی کردا
 کہندا سی شاہزادہ اس نوں نہ کر بے قراری
 رکھ تخیل صاعد بھائی پکن دیہہ کھاں یاری
 اک سلگی نوں مار نہ پھوکاں مت دیوے بھڑکارے
 لگی اگے مینہ نہ برہدے پیش نہ جاوَن چارے
 عشق پیار سکھانا میں ہن سکھیوں بخارا
 اس سودے وچہ عمر وجاندا جس نے سود پیارا
 سودا کر کے سودا کریئے سودا ہے کی لیکھا
 لیکھ سودا لئیے دے ہوشاں سردی بھی کر ریکھا
 سخن کول نہ دور کوہاں تے کی ایسی بے صبری
 حرص تیری دا اثر اوہنوں بھی نہ بدرہ بے خبری
 صاعد کہندا سن شاہزادہ توں ایہ کم ازمائے

ترہائے نوں پانی تک کے صبر نہ کیٹا جائے
 پھیر جواب شہزادے دتا مالِ حلیمی نرمی
 ستا جاگے تر دا آوے جسے ہووس گرمی
 جلدی جان ندی تک جل دی جلدی پیوے نہاوے
 مغزِ کام اندامی سستی تندرستی جاوے
 بھارا مغز اتے سرد روی نک آھیں جل وگدا
 چروا سنگھ آواز نہ پھردا اچھی پالا لگ دا
 نچھاں کھنگ ہلاوے چھاتی چیرے جیونکر آری
 بورے دانگ کھنکار نکلدے رنگ کیتے نسواری
 سینڈھ کھنکار چو پھیرے کردے ہر جانی ترکیرا
 منہ کھراتے سنگاری وانگر رلیوں مارے ویرا
 منہ پر ہتھ مریدے متھلن لکھیاں دے بھنکاروں
 گوشت پوست دا ایہ دشمن ایہو اس دا داروں
 شربت مٹھے دیہن نہ لذت نہیں صواو طعاموں
 عطران دی خوشبو نہ آوے رکھے رب زکاموں
 رحمت تھیں نامید نہ ہوئے تے تاء نہ کریئے
 عشق خزانہ دوہاں جہاناں جے لہجے تاں جریئے
 شاہزادے دی مالِ دلا سے صاعد ہویا آرامی
 مجلس خاص ربی کجھ تھوڑی اٹھ گیاں سبھ عامی
 سیف ملو کے دے دل آیا ویکھاں حب پری دی
 ہے اس سہل جدائی میری یا کر نہیں جری دی
 ملکہ ول اشارت کیتی رخصت لے دیہ مینوں

گستاخی دی طاقت نا ہیں قدر اس گل وا تینوں
 ملکہ ماں اپنی نوں کہیا عرض پری ول کر کھاں
 ماں انہادی کہیا پرینے دھینے توں کن دھر کھاں
 سیف ملوک منگیندا رخصت جا کر تخت سہاوے
 کی کچھ حکم اونوں فرماناں کول رہے کی جاوے
 پری پیاری کڑی کواری عشق کناری کٹھی
 سمجھ گئی اس رمز گچی نوں کہندی ہائے میں مٹھی
 اج مہمان میرا شاہزادہ کولوں بلن نہ دیساں
 خبر نہیں پھر کدوں محمد نال نصیب ملیساں
 شاہزادہ اس گلوں ہویا ایسا خوش نہایت
 گویا لہے گئی سبھ اس نوں شاہی ست ولایت
 مسند ملی فریدوں والی جھنڈا چھتر تمامی
 حکم لدھا جمشیدے والا عیش لدھی بہرامی
 مہر اگوٹھی حاصل ہوئی تحت لدھا سلیمانی
 ذوالقرنین سکندر والی لہے گئی سلطانی
 جام لبھا کینخرو والا سر عالم دا پایا
 رستم بہمن سام جیہاں داز ور تمام ہتھ آیا
 پھر اک ہو رہے رل بیٹھے سچی بیج سکھائی
 شاہ پری نوں نال لذت دے نیندر مٹھی آئی
 سیاں سنگ سمجھو جاستے آپو اپنے ڈیرے
 صاعد تے شاہزادہ نالے بدرہ رہے پچھیرے
 شاہزادے نے بدرہ تائیں سد نیڑے فرمایا

صاعد نوں اج رات تسیں بھی رکھو کول سویا
 بدرہ کھندی سر تے مٹیاں جو تیرا فرماناں
 خواہ مخواہ کراں گی اوہو ذرہ عذر نہ آناں
 بدرہ خاتون صاعد تائیں ڈیرے اپنے کھڑیا
 اوہ بھی جا اک بھوہرے اندر پیچ بجن دی چڑھیا
 عاشق تے معشوق اکلے بیٹھے نال پیاراں
 پین شراب کریندے موجاں یار ملے گل یاراں
 صاعد بدرہ وا منہ تکے بدرہ اس ول ویکھے
 لین پیار کرن جو باتاں کد آون وچہ لیکھے
 سونی صورت حسن نرالا جو دے متوارے
 دوناں روپ دینے دی لوئے کجلا لہراں مارے
 چوہدیں وا چن رہیا کھلوتا بدرہ وا منہ تک کے
 دھرتی پیٹھ گیا چھپ سورج صاعد توں شریک کے
 راتیں لودینے دی اندر روپ زیادہ وسدا
 دیہیں نالوں ودھ صفائی ویکھو سوہنے جس وا
 ناگے ڈنگالے زلفاں والے بہت دس کٹ کالے
 بن پیتے متوارے دیدے اوچھیں سرخی نالے
 ناں گورانہ کالا چہرہ وسدا رنگ گلابی
 راتیں وا رل بہناں یاراں نعمت بے حسابی
 وانگ کبوتر چوگ وناون پھر پھر صدقے ہوندے
 مٹھیاں گلاں سنہن ناہیں کر دے خوشی نہ سوندے
 لاڈ پیار محبت کر کے پاون ٹھنڈ جگر نوں

کرن دعائیں جے اج سائیں رکھے رفع فجر نوں
 سیف ملوک اکلا رہیا مجلس اٹھ کھلونی
 سر عاشق دی جھولی دھر کے شاہ پری بھی سوئی
 عاشق دہلا کرے نظارہ تکدا حسن پری دا
 نال ادب دے لئے نہ بوسہ نال جو لاڈ کری دا
 باغ بہار حسن دی اندر ہرن غیناں دے چہ دے
 رجن کد محمد بخشا بھکھے سان عمر دے
 اپن چیت بدیع جمالے نمین متے نیند رائے
 نیند مٹھی تھیں باہر آندے عاشق نال بھڑائے
 ڈٹھا یار سر باندی بیٹھا کردا روپ نظارہ
 حسن اندر حیران پشیمان روندنا زار پچارا
 ناز نیاز رلے اس ولے رنگ عجائب بنیاں
 جیونکر وقت بہار چمن تے بدل نکا کنیاں
 مثل گلاب پری دا چہرہ بھنے وال پھلیوں
 آنسو نال شاہزادے جیونکر پھل تریوں
 جدوں بدیع جمال پری نے حال ڈٹھا دکھیارا
 عاشق تائیں دے دلا سے ہے جانی ولدارا
 سینے ٹھنڈ مینوں مدھ ڈٹھیاں سکدی جیوں ملیدا
 توں میرا تعویذ گئے دا منکا ہوں دلی دا
 قسم کراں میں روح نبی دی نام سلیمان جس دا
 پھر سوگند پیو دی چاواں جے توں گھڑی نہ وسدا
 جان کندن دی تلخی وانگر روح رہے وچہ تنگی

دو جگ اندر چیز تیرے تھیں کوئی نہ دسوی چنگی
 دل اندر وسواس نہ رکھیں ناں کچھ خفگی تنگی
 جے میں پریاں دے دس آئی کار ہو یسی کد چنگی
 نہ کر غم اندیشہ کوئی جے چاہیا رب والی
 ہوگ مہم آسان ملاں گے کر عشرت خوشحالی
 خواہش طلب مراد ولے دی مقصد ہو سی حاصل
 جا سی فکر وچھوڑے والا جاں رب کر سی واصل
 کر وسواس ہر اس نہ کائی آس سائیں ور لیا سی
 لنگھی عمر وچھوڑے والی جھب ہن رب ملا سی
 پر کر پھیر شراب پیالہ کچھ پری نے پیتا
 کچھ شاہزادے دے منہ لایا کہندی پی لے پیتا
 عاشق تے معشوق دوہاں نے نال پیارا اتفاقے
 ساری رات لنگھائی خوشیں چڑھیاں روہ فراقے
 عاشق ہو کے خوشیاں کر دے مانوں موج وصل دی
 سخت سزا تسانوں دیساں کڑک مینوں اس گل دی
 دھمیں صبح ہویا خوش ویلا جھلی واؤ صبا دی
 نیندر مست جواناں لذت پیراں ذکر دعا دی
 باغیں پنکھی محلّیں ککڑ کر دے کوکاں چانگاں
 گچی نوبت بادشہانی مسجد ملیاں بانگاں
 کمران کس پد ہاں نوں اٹھے راہ پنہ کرواناں
 کالی رات گئی لو لگی سوہیا جگت زماناں
 زاہد صوفی پاک نمازی خوش ہوڈا ہن مصلے

شکر عبادت پوری کر کے اسی گھراں ول چلے
 عاشق دا دل کھدا جاندارو رو کرن نیازاں
 پل چھل گزری رات وصل دی اگے سان درازاں
 کیویں رات گھری کوئی ودھے دن ہو جائے تھوڑا
 لوکاں لو گی تے انہاں پیا ہنیر وچھوڑا
 خبر نہیں پھر کد ملے گی رات اجو کی بیتی !
 ہائے ہائے ربا صبح نکاری کاہنوں پیدا کیتی
 اس صادق تھیں کاذب ہوندی ہور ہنودا رل بہنا
 جس سچوں ول جانی وچھرن بھٹھ پیا اوہ کہنا
 سک سکیندیاں یاراں تائیں دے وچھوڑ ملا کے
 صبح نہیں ایہ ظالم آیا لاء سفید پوشا کے
 چھوٹی رات نہ پھولن دتے لمیں بھیت دلاں دے
 عاشق و ودع ہوئے محمد صبح ہوئی جد باندے
 شاہ پری نے ودع کیتا سیف ملوک شہزادہ
 گل لگے تے سر منہ چمیں لایا برم زیادہ !
 لین پیار بجن دے موہوں اس ویلے کی لاہا
 ملدا ہی چا رخصت کیتا برم نہ لتھا آیا
 ڈیرے آڈٹھا شاہزادے صاعد بیٹھا اگے
 آہ چلاوے تے دکھ گاوے ہنچوں بھر بھرو گے
 طاقت تاب تے آب نہ دیہی ہويا بے تراناں
 سیف ملوکے پچھیا بھائی کی مدھ حال وہاناں
 دس مینوں کی ہويا تینوں کس تھیں گریہ زاری

راتیں خیریں مہریں گھلیوں ہن دسین آزادی
 صاعد نے فرمایا اگوں اے صاحب شاہزادہ
 ساری رات پیاسنگ گزری الفت نال زیادہ
 یار سنگوں ایہ ہن ساں کریا وچھڑن دی حیرانی
 صبح نہیں کوئی ظالم آیا کیتوس شہر ویرانی
 صاعد ور در نجانے تائیں شاہ دتیاں دلیریاں
 رکھ دھیان میرے ول بھائی جس سودا سنگ پریاں
 اوہ جے ناری لوک نیارے آدم نال نہ ملدے
 آس رے دی سفر سدھاواں رکھ تھل دل دے
 یاری تیری نال ناسانے جنس جنس نوں چاہے
 نالے گھر بچن دے بیٹھوں مل رہی ہر راہے
 میں جس بھاری مشکل سر تے اوہ بھی جھٹ گزاراں
 اج بھلکے اڈجا سن پریاں جا لہسن گھر باراں
 کیونکر میرا پہنچن اوتھے کیکر پھیر پاپساں
 باجھ دلیری سا دھن اوکھا دیو پریاں دے دیہاں
 صاعد نوں پکرا دلیری کر کے خوب تسلی
 کیتا وضو شاہزادے سوہنے جاء نماز اٹھ ملی
 آکھی بانگ نماز گزاری دوہاں یاراں دل کے
 ورد و نغینے پورے کیتے مسند تسبیح مل کے
 ملکہ خاتون بدرہ خاتون نالے ماں انہاندی
 اوہ بھی بہت حدوں خوش ہویاں لج پت رہی اساندی
 سر خود کیتا رب سانوں سیف ملو کے ولوں

قول قرار ہن پورا ہویا سچیاں اپنی گلوں
 شاہزادے دی شروں چھٹیاں تاں دنیا پر آیاں
 واصل ہویا روح محمد دل نے خوشیاں پایاں
 جانوں دلوں بہوں حوش ہویا شاہ پری دے مانوں
 دم دم حمد ثنا گزارے دے دلاہیاں دل نوں
 ست دن گذر رہے جد پورے کیتی پری تیاری
 باغ ارم ول ٹرناں آیا بنی مصیبت بھاری
 ہوئے تغیر خوشی دے تھانے کوٹ دے واسٹ کے
 مارے دھونے ڈھول وچھوڑے چڑھ آیاں کئے
 پری شاہزادہ کول بلایا خبر نہ ہووے پریاں
 غور دلاسا کرے مدارا دین لگی دلیریاں
 ملکہ بدرہ ماں انہاندی اوہ بھی سد بہایاں
 نا محرم کوئی رہیا نہ اوتھے سنگ سیاں تے دایاں
 چارے رل مصالحت بیٹھے پری کچھے ہے ماناں
 اے ملکہ اے بدرہ خاتون تساں سنا کے باتاں
 سیف ملوک شاہزادے تائیں میرے نال ملایا
 صورت سیرت ذات صفاتوں بہت پسندے آیا
 عقلوں علموں ہر ہر ہنروں خوب طرح ازمایا
 عشق وفا شرافت تک کے نیہوں ایہدا میں لایا
 رات دہاڑا کٹھیاں گزری جی ایسا ہن رلیا
 موتوں برا وچھوڑا سچیدا کیکر جا سی جھلیا
 میرے آن ہوئے دن پورے کوچ کریاں ایہتھوں

چھاتی داغ بجن دا لکسی پوسن لمیاں وٹھوں
 عشقے جوڑ دوائے دل سیتے لے قدرت دی سونی
 اکو جند اکو دل بنیاں دور ہوئی سب دوائی
 اک پل سیف ملو کے باجھوں جیون مشکل ہويا
 ایدھروں دھونسے مار وچھوڑا سر پر آن کھلویا
 میرے نال نہ جاون اسدا نہیں چھپایا پچدا
 کیوں میل اساڈے ہوندے جیو عذابوں پچدا
 سکھاں نال لگانی یاری کر کے پریت پیاری
 فوج دکھاں دی بن تن آئی ماری جان بیچاری
 ست دہاڑے اتھے گزرے اوہ بھی موج نہ مانی
 درواں آن وکھائی دتی وچھڑن لگا ہانی
 اتنے دن اک گھر وچہ بیٹھی سینے لاء نہ تھی !
 یار نکھیر پیاہن جاناں کاہنوں آئی بگتی
 لاون سوکھی پان اوکھی آ فکراں جند گھیری
 ملنے ساتھ وچھڑناں آیا ہوئی تیاری میری
 عقل فکر دے لشکر ننھے مارے ڈھول وچھوڑے
 پورا ہويا قرار رہن دا کون چھڈے دن تھوڑے
 سیف ملو کے باجھوں مینوں دوزخ باغ ارم دا
 اتھے بھی کوئی رہن نہ دیندا مشکل نبی محمد
 کیونکر پیرا گیرے رکھان چھوڑ وچھوڑ پیارا
 مڑ آون وچہ وتھ مہینہ ایڈا نہیں سہارا
 توں مانی ایہہ بھیناں دوائے بجن کون اجیہا

بنو طیب کرو کوئی کاری روگ اپنا میں کہیا
 سیف ملو کے ہابجھ نہ لنگھدی ساعت اک سکھلی
 پیا وچھوڑا دل وا چوڑا میں ہن گھر نوں چلی
 کرو کوئی تدبیر اجیہی ملے اساڈا جوڑا !
 ساری عمر اکٹھے رہیے مول نہ پوے وچھوڑا
 سمجھناں ہتھ کناں پر رکھے کی مقدور اساڈا
 اس تدبیروں عقل پچارا ہیگا دور اساڈا
 تیری کجھ صلاح ٹرے گی توں واقف اسراروں
 دیو پریاں دی مرضی اتے مدھ معلم کوئی داروں
 خو مزاج طریقہ چالا بھاکھا مدھ انہاں وا
 عقل ہنر کجھ آدمیاں وا اتھے پیش نہ جاندا
 جو کجھ عقل تیری وچہ آوے کھول دساں اسانوں
 جو کم ساڈے دسا ہو سی کرساں دین ایمانوں
 توڑے کم تساڈے لگن جانی سر گھر ساڈے
 والے جتنا عذر نہ کر دے مطلب ہون تساڈے
 ایہ صلاح میرے دل آئی شاہ پری فرماندی
 کرساں عمل اسے پر جیکر تساں پسند لیاندی
 سیمیں شار ستانی اندر رہندی وادی میری
 شفقت اتے محبت میں پر کر دی بہت ودھیری
 پاس اوہدے شاہزادہ جائے کر ہمت ہوشیاری
 میں وادی ول عرضی لکھسان کر کر منت زاری
 عرضی پڑھ کے معلم کر سی خواہش میری ساری

نالے صورت سیرت اس دی لکسی ویکھ پیاری
 ہے امید مینوں رب سچا مہر اوہدے دل پائے
 باپ میرا گل مندا اس دی جو مونہوں فرمائے
 دادی ول فریادی گھلاں داد مراد پہنچائے
 عاشق تے معشوق دوہاں دی جوڑی راس بنائے
 ہے توقع بہتی ساری آکھ نہیں کجھ سکدی
 اللہ بھاوے آہر کرے گی عرضی میری تگدی
 ایت سب ہوویگا مطلب ہور صلاح نہ پھیدی
 سیف ملوکے روانہ کرینے آس پکی کر رب دی
 اک عفریت اعتباری اپنائیت جس دی بھلی
 حکم اوہدے دی تابع کر ساں لے کے قسم تسلی
 ایتھوں چا اوتھے کھڑ لکھی امن امان سوکھا لا
 اگوں بھی اوہ مولیٰ حافظ پچھوں آسن والا
 رکھ توکل آس ربے دی بھیجیئے شاہزادہ
 اگوں قسمت دیہہ ملے گی جی کجھ رب ارادہ
 ایہ صلاح پسندی آئی سبھناں جیاں تائیں
 اسے اتے ختم کیتونے کہہ کے خیر دعائیں
 پھیر پری فرماون لگی سیف ملوک صنم نوں
 لے جہاں میں ودیع منگدی چلی باغ ارم نوں
 تینوں رب سوکھا لا رکھے روگ میرے تن لایو
 اپن چیت پریم دا بھانبر سینے بال جلائیو
 گھڑی آرام نہ تیرے ہاتھوں روندی دھوندی رہساں

وانگ زلیخا طلب یوسف دی ہو سو دائن بہناں
 پل پل دیوچہ سے برساں دے لنگھسن آہیں ڈھاپیں
 توں بھی یاد اسانوں رکھیں منوں وساریں ناہیں
 دم دم نام تیرا میں لیساں صورت حاضر کے کے
 کر کے ساگ ، ہجر دی سینے تیری نمائی مر کے
 اوچی چڑھ کر وایع مینوں راہیں میدان کھلویا
 پچھوں مڑ مڑ تکی جا ساں جے دم باقی ہویا
 اے جانی روحانی میرے اکھیں دی روشنائی
 نال ضرورت اسان تاں وچہ لگی پون جدائی
 تیرا میرا اللہ بلی سوپ قوتوں اس تائیں
 صحیح سلامت مینوں تینوں پھیر ملاوے سائیں !
 رکھ دلیری کریں نہ جھورا مت قوت گھٹ جائے
 مرداں دے سر بنن قصبے اورک پہنچن جائے
 جھورا فکر گھٹاندا قوت نالے نور عقل دا
 ندھ پر کم اے کئی بھارے ہار نہ جاویں چل دا
 باز ہوائے اڈن والا جدوں پئی وچہ اڑوا
 سے کو ہاندی تاری کردا آن منجی تے چڑھدا
 باباں جھنگاں بھنن نالے شاہپر سارے سیڑن
 سیڑ اکھیں گل پان جگولی بھکھاں ناں نہیڑن
 دے جگر اتے نو دس ساتے پلک نہ لاون دیندے
 کدھن تراہ نگاہ نہ آون ہکاں سخت مریندے
 رہے دلیر نہ ہمت ہارے نابہ نہیں شکاروں

بادشاہاں دے ہتھ پر بھندا لعد رنجوں بسیاروں
 پیریں گھنگرو گل حائل سر پر تاج شہاناں
 گوشت کھاوے پٹ ہنڈ اوے پیٹھ کرے شکراناں
 مرداں وا کر جگر ادایا ہمز مول نہ جائیں
 عشقوں لکھ بلائیں پیارے ہرگز خوف نہ کھائیں
 شاہزادے فرمایا روکے اول ٹورو مینوں
 پچھوں آپ ٹرو نہیں ویکھاں میں ٹرجاندی تینوں
 ہور بلائیں سر پر سہیاں خطرہ نہیں کسے وا
 اک وچھوڑا جھلن اوکھا دائم خوف اسے وا
 جس وا خوف میرے دل آہا اوہو دشمن آیا
 کرم کریں تے پھیر ملاویں رکھیں شرم خدایا
 ملکہ بدرہ ماں انہاں دی بابل شاہ نگر وا
 شاہزادے نوں ٹورن لگے کر حاکمان سفر وا
 صاعد دی پھر بانہہ شہزادے ہتھ انہاندے پانی
 کیتی بہت سپرد تسانوں ہے ایہہ میری جانی
 اکھیں دی روشنائی وانگر رکھناں بہت پیارا
 بخشش جتنی خار نہ پہنچے تاں احسان تمہارا
 ایہ وزیر میرا دل جانی دوست بھائی چارا
 کسے گلوں دلیگر نہ ہووے کرنا بہت مدارا
 بہت اکیل شریف سیانا صاحب علم دانائی
 اول رب کراوس نا ہیں اس تھیں عیب خطائی
 پر ویکھو بے عیب خدا ہے بندہ اوگہارا

جے کوئی عیب تلوں تاں پھر بھی کرنا لطف سہارا
 میرے تھیں کچھ گھٹ نہ جانو ہے ایہ میرا بھائی
 خاطر دار خدمت اس دی کرنی میری جانی
 مال اسباب ملازم سارے نقد جنس جو آہی
 صاعد دے حوالے کیٹی آپ ہو یا اٹھ راہی
 اک دو جے گل لا وچھنے صاعد تے شاہزادہ
 آہیں ڈھانیں روون نالے ہو یا شور زیادہ
 روندنا وویج ہو یا جانی لے کے دیس نکالے
 گریہ زاری بے شماری چھٹے آہیں نالے
 سیتے مول نہ سیتے جان گھاہ وچھوڑے والے
 بنان باجھوں پینے آہے بھر بھر زہر پیالے
 اک وچھوڑا ماں پیو والہ ہور افسوس وطن
 پندھ برا اوس دیس پرانے خطرہ راہ چلن دی
 دوجا پری وچھنی مل کے ملنوں بعد جانی
 جس سرور تے سوئیو جانے سب درواں دی مانی
 وچہ کھینچے رڑ کے سنا جڑی وچھوڑے کانی
 پھیر وچھناں توڑوں ساتھی صاعد دل دا جانی
 ملکہ بدرہ سبھ وچھنیاں ٹریا اک اکلا
 ستھ بیگانی کوئی نہ محرم ناں کچھ خرچے پلا
 لنگھنے پئے پہاڑ اگی دے چایاں سخت مہیاں
 عاجز بندہ وس پیاسی راکش دیو غنیمیاں
 سبھ وکھاں دی سر پر جانی عاشق نے بھر کھاری

یار ملے بن بہن نچلے کی اوہناں دی یاری
 اتنے روگ مٹائے جتنے ناں معدے وچہ طبلاں
 لوں لوں چہلن تیر محمد دھن سریر مہباں
 اس ملاپ بجن دی اتے ذرہ ہر اس نہ کر دے
 سپاں شیراں دے منہ اندر پیر دھگانے دھر دے
 صاعد بھائی نوں فرماندا پھیر شاہزادہ روکے
 حق میرے وچہ کریں دعائیں پنچے وقت کھلو کے
 پریاں دیواں دے وس پیوس خبر نہیں کی کرسن
 جیوندیاں مڑ آون دیون یا کدھرے کھڑ دھرسن
 آدمیاں دے دشمن دائم پریاں دیو مریلے
 یا ہن جان گئی اس منزل یا جانی رب میلے
 اک دو بے نوں روجھٹ بیٹھے آکھ درود دعائیں
 جیوندڑے سماں آن ملائے پھیر میلے اوہ سائیں
 صاعد نالوں رخصت ہویا جاں سردار مہم دا
 اوہ دن دوہاں دلاں دے سرتے آیا روز حشر دا
 صاعد ڈھائیں دے دے رتاں لاہ شرم دا پلا
 ہائے ہائے کیہ کیو شہا ٹریوں چھوڑ اکلا !
 اس پردیس وطن وچہ میرا مدھ بن کی کم آہا
 اوکھی گھائی منزل اندر پیوں اکلا شہا
 میں ہاں تیری خدمت والا نال نہیں کیوں کھڑ دا
 اک فراق تیری دے اندر کچرک جالاں سڑ دا
 جمیں پلے اکٹھے آہے مصروں ٹرے اکٹھے

کیوں موت اکھٹیاں ہوندى چھوڑ تسی کیوں نٹھے
 میں ہن مجلس کس دی یہساں سنگ کس دے مدھ پسیاں
 مدھ بن سیف ملوک پیارے کسنوں تک تک جیساں
 کون میری ولداری کرسی کون لئے گا خبراں
 کس نوں دکھڑے پھول سناں پڑھ پڑھ زیریاں زیریاں
 کسی دی انگل پھڑ کے ٹرساں کون سناں باتاں
 روز قیامت نالوں مینوں آیاں ملیاں راتاں
 کس اگے احوال کہاں گا کون کرے غم خواری
 کون کریسی صرفے میرے شفقت خدمتگاری
 جوڑی ساڈی رب تروڑی دوس دیاں سرکس دے
 ٹریا گھت فراق عمر دا جس بن گھڑی نہ دسدے
 آھیں وچہ بنول ہجر دے سویاں وانگر پرسن
 چت اوداس تیرے ول رہی پکاں پلک نہ جڑن
 کی احوال بندے دا ہو سی باجہ تیرے ولدارا
 رکھیں یاد محمد بخشا چلیوں چھوڑ پچارا
 سنگ بناں دل تنگ ہووے گا وانگ کلنگ اکلے
 سیف ملوک نہ کوک سنے گا پھاتھی جان کو لے
 کس پیغام اساڈے کھڑنے کون لیا سی تیرے
 سیف ملوک پیارا ٹریا بھاگ ڈبے اج میرے
 صاعد دے سن ہاڑے ترے شاہزادے ول ہویا
 دوہاں داں تھیں مشکل ڈھکی جیو غضب نوں پھڑیا
 ٹرناں خواہ مخواہ سفر نوں ہرگز رہن نہ ہوندا !

لوں لوں لب غماں دی لگی ویکھ پیارا روند
 صاعد نوں فرماندا بھائی جلیاں نوں کیوں جا لیں
 چھرنیں چھلین گھاہ اندر دے لون پھٹاں پر ڈالیں
 اک مینوں بھا پیا وچھوڑا دو جا سفر اول
 ترجیا رو رو تسیں ستاؤ کرن لگے کیوں جھلا
 مشکل سخت میرے سر آئی سفر پیا جس بھارا
 ناں محرم ہمراہ نہ اگے ٹریا اک اکارا !
 ہر کوئی جان میری دا ویری کوئی نہ چاہن ہارا
 دکھنے لکھ محمد بخشا ساجن اک پیارا
 اک سجنوت اسیدی اتے ٹریوں رکھ دلیری
 نہیں تاں اوس مکان بجن دی کی ہے قدرت میری
 ملکہ بدرہ رو رو دیون رونق چلی اساڈی
 شاہزادے بن نخچیں دس سی کوچہ گلی اساڈی
 کون رہول اساڈی ہو سی کس سنگ جیو بھلاساں
 کس آسے تے بانے اندر خوشیں خوشیں جا ساں
 خار خار تاں بن ہوئی اج گلزار اساڈی
 دل وچہ لکھ افسوس ہزاراں چلی بہار اساڈی
 نال تہاڈے وہیں عیداں راتیں سن شب قدراں
 لاء افسوس چلے لد سوہنے مول نہ لتھیاں سدھراں
 شاہ پری شاہزادے چلے سانوں چھوڑ اکلیاں
 ہائے ہائے عیش خوی دیاں جائیں آن غماں ہن نایاں
 ملکہ بدرہ ماؤ انہال دی نالے شاہ نگر دا

رکھ رومال اکھیں پر روون بھانڈا بھن صبر دا
 جاں توں آئیوں سیف ملوکا خوشی کیتوئی اکے
 اج اساں تھیں کوئی نہ مچھدا ٹریوں برم لگا کے
 سراندیپ ہویا تڈھ آیاں سارا گہماں گہماں
 تیرے باجھ اوجاڑ دے گا سٹ چلیوں بیر حماں
 عاصم شاہ مصر دے تائیں تحت چھڈا کے
 سانوں بھی ہن اوہو جیہا ٹریوں داغ لگا کے
 اوہے بیٹھ بدیع جمالے رو رو نمین سجائے
 کانگ لہو دی اندر ڈبے اوہ معصوم سجائے
 ٹریا شاہ بجن دے آکھے سنگ دسار تمامی
 خاص بجن دے خانے اندر نال نہ جانڈے عامی
 سنگ وسیلے رہن اوریرے جاں نزدیک بلانڈا
 صاعد جیسا محرم جانی سو بھی نال نہ جانڈا
 سیف ملوک بدیع جمالے بار دوئی گل لایا
 لئے پیار موہوں اک دوجے الوداع بولایا !
 شاہ پری نے سر اپنے دے وال پئے کجھ کالے
 نالے جیسیوں منکے کڈھے دوہان رنگا والے
 اونہاں والاں وچہ پروتے پونجی وانگر کر کے
 شاہزادے دے ڈولے بدھے اپنی ہتھیں دھر کے
 تاں عفریت تے غول کسے دے شرمر نوں ٹالے
 اے شاہا ایہ پونجی میری رکھیں نال سنبھالے
 پھر ایک قسم دیواں دی وچوں سد عفریت وڈیرا

دے انعام اس نوں فرمایا کم کریں اک میرا
 بہتی دولت دنیا دتی خلعت نے وڈیانی
 نالے آگوں ہور دیون دی آس اوہدے دل لائی
 عفریتے ہتھ بدھے کردا بندگیاں تعظیماں
 عرض کرے فرماؤ خدمت کرساں سر مہیماں
 جے کر حکم خدا دا ہویا نبیاں مدد پہنچائی
 مشرق مغرب توڑی جہساں آکھو جیہڑی جانی
 شاہ پری نے کہیا اس نوں سن فرمان اساڈا
 بہت مٹھا ایہ آدم زادہ ہے مہمان اساڈا
 ہر ہر وال اوہدے وچہ میری ہے جند جان پرونی
 درشن اس دے جیہی میرے دل ہور مراد نہ کوئی
 خیر خواہی دا ظن تیرے تے توں جاتوں اعتباری
 تاں ایہ کم تیرے پر سٹیا چھوڑ لوکاری ساری
 بنی سلیمان جی دی تنبوں قسم گھتاں سواری
 دغا قریب نہ کرناں کوئی کرنی خدمت واری
 والے جتنا فرق نہ کرناں میں جے کجھ فرماواں
 شاہزادے نوں پیارا جانی سکیاں وانگ بھراواں
 اٹھے پھر حکم وچہ رہناں وانگ غلام حلالی
 آپوں آوکھا ہو کے رکھیں اس دی جانی سکھالی
 کسمیں شارستانے اندر چا اس نوں یسجاماں
 وادی میری کول شتابی امن امان پہنچاناں
 جاں جاں پھیر میرے تک مہجدا ایہ آدم دا جلیا

خدمت اس دی حاضر رہیا بن کے گولا دیا
 بدصالح حکم وچہ رہنا درد اس دا بہوں کرناں
 دیو پریاں دے شراں کولوں راکھی کرنی ڈرناں
 جاں ایہ پھیر میرے سنگ ملایا صحیح سلامت خیری
 اس خدمت دا بدلہ تیرے دور کریہاں ویری
 جس پری پر توں میں عاشق نہیں تینوں ہتھ لگدی
 اوہ حوالے تیرے کرساں جلدی وہندی وگدی
 ایہو شرط اساڈی تیری ، ایہو عہد مسلم
 آنی کھڑیں سکھلا رکھیں ایہ اساڈا آدم
 عفریتے ایہ گلاں سن کے لگی آس مرادوں
 دھرتی اتے بل بل پوندا خوشیوں تے دلشادوں
 شاہ پری ول سیس نولے آکھے حکم قبولے
 شاہزادے دی خدمت اندر فرق نہ کرساں مولے
 سام وساد نہ بھناں بی بی کیتے قول نہ ہاراں
 اک اک وال اوہدے دی جانی توڑے سر دھڑ واراں
 جاں جاں ساس بدن وچہ ہوسن خاص غلام رہاں گا
 جے ایہ کھلا سکائے سکساں حکمے نال بہاں گا
 دیوے قسم تسلی دے کے کیتی دل جمائی
 اس ویلے شاہ پری نے کانڈ قلم منگائی
 عامان وچوں بیٹھ کنارے خط داری ول
 سیف ملو کے دے ہتھ دتا دیویں جاء چو پیتا
 آہو خاٹف نام دیوے دا نال کیتا

عفرتیاں پر کرے سواری عشق دلیر سپاہی
 دیوے شاہ کند ہارے چایا کہیوس میٹ ود آھیں
 سر میریدے وال ہتھاں وچہ محکم کر پھڑ رکھیں
 پک توکل رب دی رکھیں سوریں نام الہی
 شاہزادے نے اوہو کیتی جو اس دی آہی
 اڈپیا دیو آہو خاٹف شاہزادے نوں چاکے
 نظروں اولے ہویا شتابی زور پراں والا کے
 جاں جاں پہنچ نظر وا آہا نمین رہے سن لٹکے
 شاہ پری دے اتول اٹکے مول نہ رہندے ہنکے
 کوکن کونجاں وانگ کھلوتے کچھے بھ پیارے
 گردن اچی کر کہیں ویکھن درد وچھوڑے مارے
 ہائے ہائے باز قضا قدر دے اوجلی کونج اڈاروں
 اجن چیت محمد بخشا پکڑ کھڑی وچکاروں
 جدوں شاہزادہ اولے ہویا پری گئی مڑ ڈیرے
 جتول ویکھے یار نہ دے پیا غبار چوہیرے
 محل چوبارے دوزخ دس گئے ڈنگن والے
 سپ اٹھوئیں ہار ہمیلاں کن کوران جیوں والے
 باغ ہوئے بھ داغ برابر چشم چراغ نہ وسدا
 جس باغوں دلدار سد ہاون چیت لگے پھر کس وا
 داروں اوپر پین مہولے تک تک تھاں نکالے
 سیجاں سیخاں ہون محمد درد منداندے بھانے
 ببل بھورا او وا سی ہوئے پھل گئے جد باغوں

کد پتنگ رہے پھر جھتوں بجھی لٹ چرائوں
 کوئی دن موجاں وچہ گزارے کر خوشیاں جس جانی
 اوہ جائیں ہن دلبر باجھوں کھاؤن آون بھائی
 جہاں گھراں وچہ عیش کیتے سن رل کے نال پیارے
 اوہ گھر خالی کیونکر بھاؤن کھاؤن طرفاں چارے
 جھتوں کوچ کریندے سوہنے لگیاں چھوڑ سرائیں
 عاشق تائیں نظری آون بھریاں نال بلائیں
 شامیری شاہ پیا وچھوڑا زیر کیتی رل دکھاں
 اپنے آپ پیارے تائیں سوہنے دتے پندھ مکھاں
 جنھیں جائیں دسدا آہا پھردا سیر کریندا
 جاں اوہ جائیں جہاں دن غم اوبال مریندا
 تحت تکے غم سخت مریندا لئی رخصت صبر دی
 ڈیرا ویکھ ہیرا اکھیں تاب نہ رہیں نظر دی
 جت ول ویکھے نظر نہ آوے محرم یار یگانہ
 سراندیپ پری دے بھانے ہویا بندی خانہ
 سنگ سیاں دی گل نہ بھاوے تنگ پئی گھبرائے
 خفا ہووے جس ویلے کوئی لوڑے گل کرائے
 چت دھیان آرام خوشی نوں گھلایا مگر جھن دے
 لے کے داغ محمد بخشا آئی وچہ وطن دے
 باغ ارم وچہ آ کے لتھی بہ کے بیج سوہائی
 باہروں مل مل گلاں کر دی اندر دے دوہائی
 اکھیں مٹ شراباں والے جگر اشل کباباں

دل عاجز پر دیسی کچھے بیٹھی وانگ نواہاں
 مائی دیکھ لگی فرماون ہائے لوکا میں پٹی
 رنگ پتنگ ہویا دس دھبیے کی کر آئیں کھٹی
 لاٹ جس دی ماٹ ہوئی ہے چاٹ لگی کی تینوں
 ڈل ڈل نین کرن دل ڈوبے دل دی کہو کھاں مینوں
 پھل گلاب گھلی سیں ایتھوں آ پیس کیسر ہو کے
 ریشم بدن کیتا جیوں پونی کس دھوبی نے دھو کے
 کھلے وال سنبھال نہ رکھیں چال تیری کوئی وئی
 چڑھیا چرخ دماغ گند گھلیا ملکہ بدرہ بھیناں
 ناں جتھ تیرے مہندی رنگے نہ سرمہ وچہ نیناں
 سبھا سیں نہیں گند گھلیا ملکہ بدرہ بھیناں
 مائی ناں کر کھیرا میرا کہیا بدیع جمالے
 میں تاں آپ پیاں سر بھارے یاد رہے کس چالے
 مہندی لاون سرمہ پاون بھرے سیں گنداون
 سکھاں اندر ہوندے مائے وکھاں وچہ نہ بھاون
 حال میرا اج پچھ نہ مائے ہون دیہو گل نبھی !!
 پاج اساڈے کجیں نا میں تاں توں ماں کو یہی
 جو ہونا سو ہویا مائے جو ہو سی سو دس سی
 توں ہیں درد میریدی ضامن تددھ بن صرفہ کس سی
 بیٹی دی سن گل نمائی چپ ربی کرمانی
 جا گھراں وچہ داخل ہویاں بھید نہ لبھا کائی
 چیت اوداس پری وار ہندا نین حیران ڈو لانے

اٹھے پہر دھیان بجن ول ہو سی کس نگانے
 سنگ سیاندے ہسن کھیڈن چین گئے بھل سارے
 گھڑیاں گندی دا دن گزرے رات گیندیاں تارے
 کھاؤں تھیں ہتھ چاؤں لگی چھت گیا سکھ سونا
 سونا چاندی چاہندی نا ہیں چاہندی چھپ کے رونا
 نیلی پیلی تیلی ہوئی دن دن سکدی جاندی
 پایا عشق پچھاواں ڈا ہڈا رہن لگی نت ماندی
 چپ چپاتی وانگر باقی راتی سڑ دی رہندی
 دیہیں گھت بھلا وہ کوڑا وچہ سیاں رل بہندی
 نیند حرام آھیں نوں ہوئی چت آرام نہ اکا
 وچوں وچہ سڑن ہڈ بھجے جیوں کر بالن سکا
 دھوکھن دھوں نہ دن باندے اندر بھانبر سکے
 خوشیاں سکھ سواد وچھوڑے سارے پہلے جھلکے
 زیور گہناں کجھ نہ بھاوے رہندی ساد مرادی !
 بیٹھ اگلی فالان پاوے دن دن چھک زیادہ
 جاں دل غم دے غوطے جاوے غش اوچھلی مارے
 کسے بہانے رخصت لے کے ڈھیندی جا کنارے
 اینویں گھت موہیں پر پلا تیج اتے چڑھ سوندی
 ستی دیکھ ورنجن سبھ سیاں تاں رتو بھر روندی
 ناں اوہ رنگ نہ روپ رہیا سی ناں اوہ سوہا باناں
 جھلی خزاں وچھوڑے والی باغ حسن کلماناں
 والیں تیل پھلیل نہ لایا وٹناں انگ نہ ملیا

سکی رت محمد بخشا زور وجودوں چلیا
 دہرے بہانہ ماندگیاں دا اندر مرض پریم دی
 لیکن بھیت چھپائی رکھدی گل نہ دے غم دی
 توڑے ہے غمناک پری بھی نال دکھائے ماندی
 ماندی نوں چھڈ جان نہ چنگا بہتر رہن سر باندی
 نالے سیف ملوک پچارہ ادھر ادھر گیا اکلا
 خبر ضرور اوہدی بھی لینی پیٹھن کدوں سوکھلا
 اٹھ شتاب محمد بخشا شاہزادے ول چلیے
 توڑوں نالو نال لیاندا ہن کیوں پچھا ملے
 اوکھی منزل ایہو بھاری نہیں بھلاہٹ رہنا
 ہو سی گرم اوڈیک شاہزادے لازم کجھ نہ بہنا
 نالے ایسے وار دکنوں مرض پری دی جاندی
 پھیر لیا شاہزادے تائیں ول ہوئے ایہ ماندی
 سیف ملوک وچھناں سنگوں چا لیا عفریت
 دیوے کار بیگانہ نہ جاتی ٹریا نال پریت
 ہویا بہت زمینوں اچا پھتا کول آسماناں
 شاہزادے نوں دستوں رہیا ایہ سنسار زماناں
 گرمی سورج دی سر ساڑے جیوں تیرے پر ہوندا
 آہو خائف دے پر سڑ دے جے اک پلک کھلوند
 اوپر گرمی سورج والی پیٹھ پہاڑ اگی دا
 دوئے جھلدے جان محمد صدقہ چنک لگی دا
 آہو خائف اوس دہاڑی زور تمامی لایا

یار ملن دی آسے اتے کیتا قصہ سویا
 آتشین پہاڑوں اچا دور گیا سی بہتا
 نازک بدن شہزادہ مری سیک ذرہ جے پہتا
 ناں کوہ قاف سمندر دسدے نہ کوئی دھرت نشانی
 کن آواز پے جیوں پڑھدی خلق اللہ آسانی
 نیسیجاں تہلیداں سندے جو کجھ کہن فرشتے
 کھتوں چا پچائے کتھے عشقے جب سرشتے
 ماں کول پچایا کھڑ کے خاکی آدم زادہ
 عاشق اچے نہ سرچے لوڑے رتبہ ہور زیادہ
 ملک عبادت خاصی اندر دامن رہن کھلوتے
 پر عشقے دی لہرے اندر مار نہ سکدے غوطے
 بھار عشق دا کے نہ چلایا ہر ہر عذر بہانے
 آکھ بلی بلا سہیری انسانے نادانے
 شان انسان جوان بھلے دا ماں نالوں اگے
 کھول نہیں ایہ گل محمد مت کوئی جھڑا لگے
 جدوں پیارا مہریں آوے آپ آپے ول چھکے
 ویری بھی گد گولے بندے ہر اک دا دل وکے
 نفس عفریت کند ہاڑے چائے بن بے عذرا گھوڑا
 فرماں دار چلے ہو در دی پندھ نہ کردا تھوڑا !
 آتشین پہاڑ غصے دا شہوت دریا جوشاں
 حرص ہوا کلیم گوشاں تھیں لنگھے کر کے ہوشاں
 مارو غول شہر دے در تے استریاں تے مایاں

بازو بند پناہ تجن دی ہوں نہ دیندے زایاں
 سمجھن والے سمجھ لیں گے سر گہما وچہ پتلی
 پھول نہ رمز محمد بخشا دس حقیقت اتلی
 آتشین پہاڑوں لنگھے شہر گلیم گوشاں توں
 برکت مال عشق دے گزرے بھی دریا جو شاں توں
 کہیں شار ستانے اندر جاو ہتا جس ویلے
 مہر افروزے شہر باغیچے اتھا دیو سویلے
 شاہزادے نوں کہیوس شاہا اہیں کھول شتابی
 بعت باز جگہ وچہ پہنے ویکھ زمین جو شابی
 اہیں کھول ڈٹھا شاہزادے شہر زمین دیواراں
 چاندی خالص واسجھ بنیاں باغ تلاء کناراں
 مرجان تے یا قوت زمر و گھر کوٹھے ہٹ سارے
 چکڑی چنن عود صندل سن سجھو رکھ سنگارے
 ہریاں شاخاں رنگ برنگی میوے مشک معطر
 ہر ڈالی تے پٹکھی سوہنے بہت عجائب شاہپر
 بولن خوش آواز تمامی اک تھیں اک نیارا
 دیکھ ہويا حیران شاہزادہ واہ واہ سر جہارا
 ٹھنڈیاں چھاواں پیٹھ درختاں پانی وگن نالوں
 دودھوں چٹے شہدوں مٹھے دس صاف زالوں
 اس گردے دی ساری جو ہے نہراں باغ کنارے
 خوشبو دار چنگے تھیں چنگے گماہ عجائب سارے
 کیسر تے گلبرگ بنفشہ ریحان نسرين سمنبل

ایہ سبھ گماہ محمد بخشا ہور ہزاراں گل پھل
 تنبو وچہ قماش نفیسوں ریشم سچا رے
 چوہاں ککے سبھ سنہری تھاں عجب رب دے
 تنبو نالے خوب قناتاں تھاں بنے سلطانی
 ایڈ تجل ویکھ شاہزادے لگی بہت حیرانی
 دل وچہ فکر دلیاں کردا ایہ بہشت پسارا
 موئے ہاتھ نہ حاصل ہوندا سرگ مکان نیارا
 مت دنیا توں مویا ہوداں تاں اس جانی آیا
 خبر نہیں کس سرا لئی جنت وچہ پہنچایا
 پھیر دلیل کرے اج راتیں سراندیپ اند رساں
 میں تے پری اکٹھے آہے خبر ہوئی جد مرساں
 حکم پری دے نال عفریتے اس جانیوں چا آندا
 ناں ایہ خواب خیال نہ مویوں سرگ نام اس تھاندا
 پرت ڈٹھا عفریتے دلوں پر اس کجھ بھجے
 سے کوہاں دے پینڈے اتے آن اتھا اے
 کجھ ثابت کجھ پھٹیا ہویا تھکاتے کملایا
 شاہزادے نوں آکھن لگا ہے آدم دا جلیا
 شاہ پری دے حکمے اتے کیتی تیز اوڈاری
 شہر کئی کوہ قاف سمندر لنگھ آئیوں اکواری
 شاہپر بہت میرے سڑ ترے کھا سورج دی گرمی
 بتے زخم ہوئے وچہ جسے آگئی ہن نرمی
 مطلب اپنے چچے جھلی جو گزری سو چنگی

پرہن مڑ کے پہنچن اوکھا بہت ایہو دل تنگی
 لیکن آء اگیرے چلیے ملے جس ول آئے
 مطلب اپنے دی گل کرے جے اس رب کرائے
 جاں باغے وچہ گئے اگیرے بنگہ نظری آیا
 بنگے اندر بنگہ سوہنا انت نہ جاندار پایا
 لا جو روں تے یا قوتوں اٹ وٹے سبھ لگے
 رنگ رنگ جزاؤ ایسا نظر نہ آیا اگے
 اندر راس دے ویکھ لیونے سندر تحت شہانہ
 آتشیوں لعلوں گھڑیا گوہر سی یک دانہ
 ہور جواہر نال لعلدے شب چراغ نورانی
 تحت اتے اک پری پر اتم شان رکھے سلطانی
 سیف ملوک کھلوتا باہر دیو اندر ونج وڑیا
 جا پری دل ہویا سلامی سجدے اندر جھڑیا
 شاپہری جو دتے آہے سکھ سنیے سہارے
 مہر افرو تہ اگے عفریتے سبھ ونج گزارے
 شاہزادے دی لائق داری قوت سپہ سالاری
 اشرفائی تے وڈیائی دانش بے شماری
 حسن جوانی عقل نورانی خوئیں نیک انسانی

مہر افروز اگے اس دی کر کے صفت بہتری
 ایڈ سپورن مرد جگت تے لوڑن گیاں نہ لبھدا
 ایسا کتے نہ ڈٹھا جیسا کرم اوہدے پر رب دا
 سیف ملوک تے شاہ پری دی کھری محبت یاری
 آہو خاٹف نے سبھ دی دین بی بی گل ساری
 اینویں حکم پری نے کیتا نہیں خطا اساں تھیں !
 آدم زادہ ہے اک آیا لین مراد تہاں تھیں
 نال بدیع جمال پری دے اس نے نیوں لگایا
 گھلایا اس دا تھہ ول آیا چاہے مطلب پایا
 مینوں بھی فرمایا اس نے تاں میں چاء لیاندا
 اپچی کون مریدا بی بی کان رسوئی پاندا
 بی بی غصے ہو کے بولی اے بدمعاش پلپیتا
 ایسے سخن اولے کر نوں ڈروا نہیں عفریتا
 آدمیاں دی قدرت نا ہیں چیر اس پاسے پاؤن
 دم پیواں تے مارگواواں جس دم نظری آون
 مہر افروز گئی تہ مہروں غضب النہ بلیا
 پٹاں تے ہتھ مارن لگی ہائے نصیبا جلیا
 نا جنساں دی پریت لگائی ہائے بدیع جمالے
 ایہ کی کیتوت تپتے نام اساڈے گالے
 بے باکی بے شرمی شوخی ایسی بے حیائی
 ماں بابل دا شرم نہ آئیوس نہیں لو کیک لوکائی
 ناجنساں سنک آپ مہارے لاندی پھرے یرانے

کنج کواری کیوں اوہ ڈاری ویکھ مرد بیگانے
 جے اس ایڈ قیامت چائی باجھ دروں نہیں رہندی
 جنس اپنی وچہ لوئیے جلدی چا اسانوں کہندی
 آدمیاں دے کرے یرانے ویکھ جوان توانے
 تنگ ناموس نہ تکدی نج جمیں اس خانے
 باپ اوہدا شاہپال بہادر افسر بادشاہاں دا
 اج سلیمان نبی دی جائے شاہنشاہ کہاندا
 ناں ڈٹھیوس جگ وارھی اس دی ایسی نہ تھی چائی
 پریاں چھوڑ کریندی پھردی آدم دی آشنائی
 ہرگز کوئی نہ سمجدا اس نوں آپ پھرے خود طوری
 خیر نہ منگدی مول نہ سنگدی نہیوں لگاندی چوری
 دور گئی جے نیڑے ہوندی اوہ لنڈا ایہ لئی
 ایسی کراں جیہی جگ جانے کھان عشق دی کھٹی
 عشقے دا کوئی ناوں نہ گھنے ناں کوئی نہیوں لگائے
 دور گئی ہن وس نہ چلدا کی سر دوس پرانے
 پت بیگانہ کاہنوں ماراں بیٹی اپنی بگڑی
 چور کسے نوں کہیے ناہیں سانجھی رکھے تھگڑی
 کر کے ادب سلام تمامی دیوے عرض گزاری
 ہووے معاف بے ادبی میری سچ کہاں اس داری
 ڈٹھے باجھ کریں چترائی سن توں بی بی رانی
 اچھل اچھل بوہ نہ اتنی بن کے بیٹھ سیانی
 ناں اوہ آدم ایسا ویسا جھبڈے مار گواہیں

جس ویلے مدھ آکھیں ڈٹھا صدقے صدقے جا سیں
 خاطر خدمت لکھ لکھ واری اپنے آپ کر یسیں
 پھر بدیع جمالے تائیں طعنہ مول نہ دسیں
 گلوں بند زبان ہوئے گی ٹری نال چترانی
 ویکھن ساتھ مٹے گا غصہ بھلسی عیب خطائی
 لاڈ گمان جھلیں گی اس دے کر سیں آپ لڈکا
 ترت تباڈے اندر وڑی جیوں کر بیٹا اکا
 جیلگر بیٹھ لتاڑے آکھیں مول نہ لکسی مندا
 جیو جیو کر دی رحسیں نا ہیں فرزند فرزند
 مہر افروزے نوں سن گلاں حب محبت اٹھی
 کیویں نظر پوئے اوہ بندہ شاہ پری جس کٹھی
 بی بی کہا ہے اوہ کیسا ایڈ کرامت والا
 حاضر کر کھاں ویکھ لوں گی ایہ دلیری حالا
 آہو خاٹف نے آء کہا سیف ملوئے تائیں
 حاضر ہو بولائیوں بی بی تکرڑا ہو کے حائیں
 سیف ملوک دلیری کر کے کول بی بی دے آیا
 کیتے ادب سلام تمامی ویکھ قدر تے پایا
 باجھ بولائے بولن نا ہیں مجلس وچہ سیانے
 تا ہیں قرب انہاں نوں جیہڑے سخن کرن ان بھانے
 کر تعظیماں چو پیتا بیٹھا ناں کوئی گل زبانی
 مہر افروز شہزادہ ڈٹھا صورت چن آسانی
 سر پیراں تک تکی جاندی ویکھ تعجب ہونی

سوئی بھنی نقش شکل دے جو بن انت نہ کوئی
 چہرے اتے اقبالان دا نور دیوے چکارے
 مجلس اتے سایہ پھریا کوئی نہیں دم مارے
 نیویں نظر سہس دی ہوئی کوئی نہ ساہواں دیکھے
 عجب سر شے مثل فرشتے سچا سی ہر لیکھے
 ویکھدیاں ہی مہر افروزے مہر پئی وچہ سینے
 ایسا آدم زادہ ہو سی گھٹ گھٹ وچہ زمینے
 جہل سلام لگی فرماون نال زبان ریلی
 کون کوئی سچ کہو کھاں میاں جانیوں کس اصیلی
 پریاں دا ایہ ملک تمامی سے کوہاں دے توڑے
 آدم زاد نہیں اس دھرتی ہرگز لبھدے لوڑے
 نبی سلیمان جی تھیں پچھوں اندر انہاں مکاناں
 آدم زاد نہ آیا کوئی تیرے پانچہ جواماں
 کتھوں ہیں توں مرد سپاہی کس مطلب نول آئیوں
 کس آفت نے چاء لیاندوں ایس مکان پہنچائیوں
 سیف ملوک رہیا چپ کیتا پوند نہ ہویا جوانی
 مہر افروز اگے چا دھریا رقعہ کھول شتابی
 کر کے بند لفافے اتے لکھیا نام پری دا
 وادی دے دل پوتی لکھیا جو جو ادب کری دا
 منشی کھول رقعہ ہتھ پھریا پڑھ بیان سناوے
 میں گھٹ جاناں کم خطاں دا مولی راس لیاوے

نامہ بدلیع الجہاں

سر نامے دا نام اسے وا جو دیندا انعاماں
روز بروز پہنچاوی روزی کیا خاصاں کیا عاماں
جی کجھ رزق خلق دا کیتوس انوں ماسوں کاہوں
ہر ہر جائی آپ پہنچاندا بند نہ ہوندا راہوں !
قسمت جوڑ بناندا آپوں جو جوڑی اس جوڑی
توڑے لکھ کرے چترائی ہرگز کسے نہ توڑی
نور ظہور گلاں دا کر کے رونق دے بہاراں
مست محبت نال کریندا طوطے بھور ہزاراں
دیوے تائیں دیوے راتیں آگنی دی روشنائی
سوز پتنگاں دے دل پاندا ملدے کر کر وصائی
چوہاں طبعان دی توں گھنائی دکھ کیتے پھر پیڑے
مڈھوں اکو جنس محمد اگوں فرق نکھیڑے
اکناں ناری نام دھرا یا اک سدے کر خاکی
آل سمیت درود انہاں تے شرف جہاں لولاکی
جس دی خاطر پیدا کینا آدم تے سبھ پریاں
عاشق تے مشعوق بنائے دکھ پنڈاں سر دھریاں
خوب حسن محبوباں تائیں دتوس اپنے نوروں
عاشق دے دل چھک لگایوس بھج بھج آون درووں
سچے عشق اونہاندے اندر پادتیاں تاثیراں
معشوقاں دے پتھر دل نوں چور کرن سنگ تیراں
جس نے قدرت دی پھر کانی لکھ لکھے ہر یک دے

ہور کسے تھیں ہور نہ ہوندے اکثر اوہو پک دے
 بادشاہاں نوں تختوں سٹے دیندا تاج غلاماں
 معشوقاں تھیں عاشق کردا لکھن ہار کلاماں
 بعد اس دے ہن عرض گزاراں دادی دی درگاہے
 وائشمندا اقبالاں والی روشن وانگر ماہے
 پردہ ادار عقیفہ دامن پاک آلودوں
 شرف اقبال اسانوں لدھا اوس شریف وجودوں
 اے دادی فریادی جوگی جاء نہیں کوئی مینوں
 سر میرے تے جو دکھ ورتے مدھ بن آکھاں کینوں
 مدھ ہے میرا صرفہ دادی توں دکھ ٹالسن والی
 سر میرے تے ہے ہتھ تیرا مدھ لدکی پالی
 طوبی رکھ تیرے دی چھایں رہیوں میں بہشتی
 ہن بھی ندی غماں دی اندر توں ہیں میری کشتی
 جس دن دی میں پیدا ہوئی تتی واء نہ لگی
 ہن از غیبوں بھانبر بلایا ساڑ سٹی اس اگی
 ایہ جوان شہزادہ سچا مصر شہر دا والی
 صورت میری دی تک مورت چانیوں خستہ حالی
 کئی قضیے سر پر سہم کے آن میرے تک پوہتا
 مینوں بھی تک صورت اس دی عشق لگا دل بہتا
 مت اس گلوں غیرت آوے غصہ چڑھے تسناں
 کرنی رب سچے دی ہوئی دوس نہیں کجھ سناں
 بھاری مرض محبت والی لگنیم نال قضائے

اتوں ضرباں مار وچھوڑا دم دم ہرج پہنچائے
 لوں لوں گھاؤ تتی نوں ہويا بنی مصیبت ڈاڈھی
 مرہم ہے ہتھ تیرے وادی توں میری چھلیا ہڈی
 جیکر حال اندر دا ویکھیں جو میرے پر ہوندا !
 ہووے محبت اگلی میں تے پتیں کھل پروندا
 جی کجھ جال بچارہ تھکدا جال اندر وچہ جاندا
 جال سٹے غم ماچھی تائیں جے اوہ تگے وانددا
 شاہزادے دے درد وچھوڑے کیتی جان ازائیں
 نک وچہ آئے ساس پیارے جھبڈے پھیر ملائیں
 کٹھی وانگ کبوتر پھٹکاں طاقت تاب نہ رہیا
 تھکے ہوندى میں کیوں دکھ روندی حال خراب اجیہا
 توں بلائیں لیندی آہیں جدوں بلا نہ آہی
 ہن بلا لگی بن وردی کر میری ہمراہی
 اک اک وال میرے دا صرفہ کر دی سیں توں اگے
 اج نہیں آ تھکدی مینوں اگ بلی وچہ جھگے
 ماواں والی مہر محبت جے توں اج نہ کر سیں
 میں مرجا ساں نال افسوساں رو رو آہیں بھر سیں
 اج علاج کریں کجھ میرا دیساں سدا دعائیں
 ہوہر نہیں کوئی دارو چلدا سیف ملوک ملائیں
 درد دھیاں ماں وادی وٹے یا پھر نانی وادی
 تاں میں درد بھر دی ماری تھک ول ہاں فریادی
 چیتا چیتا بھل نہ جائیں کریں ملاپ اساڈا

نہیں تاں کھا کٹاری مرساں لہسی لنگ تساڈا
 چٹی چادر داغ لگے گا شہرت تے بدنامیں
 گھر گھر اندر قصہ پوسی ملکیں شہر گرائیں
 پیو دادے دا نام گئیں گا دشمن خوشیاں کر سن
 ساک شریک مرین تاڑی خوفوں مول نہ ڈرسن
 وکیا چت رہاں نت ماندی دس نہیں کجھ میرا
 رکھ امید توقع بہتی پھڑپھا پلا تیرا
 جنس نا جنس نکھیریں نا ہیں کھونہ کھونہ جانی
 مذہب پاک عشق دے اندر کیا چوہڑا اکیارانی
 نا محرم اغیار نہ جانیں سیف ملو کے تائیں
 نال حقارت دیکھیں نا ہیں ڈا ڈھا ہے رب سائیں
 مینوں تک نکیل اجیہی عشق اوہدے نے پانی
 سے برساں دی قیدے وانگر وسدی پلک جدائی
 ایہو عرض سوال بندی دا ایہو خوانش شادی
 آس مراد نہ تروریں میری دئیں ایہو وار داری
 نہیں تاں بہت افسوس کر یسیں روسیں تلیاں ملیں
 ایہ ویلا پھر لہسی نا ہیں پچھوں تاندی چلیں
 مہر افروزے رفتے وچوں جاں سنیاں ایہ قصہ
 دل وچہ کھندی نال عشق دے پیش نہ جاندا غصہ
 حیدر عشق زور آور سبھ تھیں قتل کریندا اڑیاں
 جے کوئی صلح کرے سو چھٹے کوئی نہ بچدا لڑیاں
 چھین سن جان نہ دیندا ہرگز اگے چڑھیاں

من رضا محمد بخشا بچے قد میں جھڑیاں
 عذر بہانہ ٹردانا ہیں جو آکھے سو کرے
 ڈیگر نوں جے ڈھیناں ہووے کاہنوں گل گل مرے
 جے اوہ جان منگے تاں جلدی سر اگے چا دھریے
 سو سیاناں تے مت اکو ڈاڈھے کولوں ڈریے
 عشق بہادر کسے نہ ولایاں بچیا کوئی لڑکے
 شاہ منصور انا الحق کہنوں رہیا نہ سولی چڑھ کے
 عشقے دا پیوند نہ خدا جے جگ چھلے پھڑ کے
 ڈا پڈے نال محمد بخشا کیں پھل پایا لڑکے
 کرے چھپر کبیر کریدا عشقے چال چڑھدا
 پڑوہ پائے یار ملایے مت رہ آوے پڑوہ
 مہر افروزے سد شاہزادہ اپنے پاس بہایا
 خلعت تے وڈیانی بخشی قرب عزت تے پایا
 نرمی نال کچھی گل ساری دس بچہ سی ورتی
 کس حیلے سک پہنوں اتھے کتھے تیری دھرتی
 شاہزادے نے حال حقیقت اول آخر توڑی
 بی بی اگے آکھ سنائی پڑوے وچہ نہ چھوڑی
 بی بی کچھیا ہے اوہ مورت پاس تیری اس جانی
 کہیوس کول رکھاں ہر ویلے اکدم نہیں جدائی
 بی بی کہیادس اسانوں اکھیں ویکھ سنبھاپے
 جھوٹا سچا معلم ہووے عشق تیرا تدجا پے
 سیف ملوک حمال وچوں مورت باہر نکالی

مہر افروزے اگے رکھی ظاہر کھول دسالی
 ویکھ ہوئی حیران پریشان بہت شعاع حسن دا
 دل وچہ کہندی نقش اجیہا اینویں کدے نہ بن دا
 معجزات نبی دے وچوں ایہ کیسی ہے کوئی کارا
 مورت اتے کدا جیہا قدرت دا چمکارا
 سرپیراں تک تگدی جاندی ویکھ لگی حیرانی
 کی تگدی اک پاسے لکھے خوشخط حرف نورانی
 شاہزادے نوں کہندی بیٹا دانشمند سیانے
 علم کلام ہووے گا پڑھیا ایہ اکھر پڑھ جانے
 سیف ملوک کہیا پڑھ دس سال جیکھ لکھیا ہووے
 ہر بولی ہر خط دا اکھر میں تھیں کھلووے
 بی بی نے فرمایا بیٹا آ پڑھ کھول ایہ نانویں !
 شاہزادہ ونج بیٹھا اگے پڑھدا حرف سچاویں
 کہیوس ایہو لکھیا اتھے جس دی ایہ مورت
 نام بدیع جمال پری دا ہوسی سندر صورت
 شاہپالے دی بیٹی ہو سی اوہ شاہرخ دا جایا
 شاہرخ دا پو بی سلیمان ایہو لکھیا آیا
 تحت بدیع جمال پری دا باغ ارم چہ ہوسی
 اک شاہزادے عاشق ہو کے لوڑے چڑھ کھلوسی
 دوجی مورت جو مر دا دیں اس دے حرف سناواں
 عاصم شاہ بیٹا ہو سی سیف الملوک اس ناداں
 عاصم بن صفوان بن ہووے گا والی تحت مصر دا

چاراک سے شہزادہ ہوئی اگے اس دے بروا
 جان ایہہ گل سنی اس بی بی کیتوس ہتھ اوتیرے
 سراتے کوئی جا بنی سی اس اندر ہتھ پھیرے
 اوتھوں اک کتاب مزخ کڈھ بی بی نے پھولی
 سیف ملوک دے ہتھ دتی پڑھ سمجھائیں بولی
 سیف ملوکے سی اوہ اگے یاد صحیح زبانی !
 پھولدیاں ہی نکلی آگوں صفت ثناء نورانی
 احمد مرسل ختم بنیاں دو جگ دی جس شاہی
 صلی اللہ علیہ وسلم ہوگ حبیب الہی
 مکی مدنی قرشی جیلی باعث خلق تمام
 آل اولاد سمیت انہاں تے ہون درود سلاماں
 بنیاں دا سرتاج ہووے گا آخر وچہ زمانے
 نام حمد عربی جمسی عبداللہ دے خانے
 جاں دنیا تے پیدا ہو سی بھجسی کفر کناراں
 کسری دے گھر کسر پوگی کہنسن کوہ دیواراں
 عالم تے روشنائی ہو سی نور ہدایت کولوں
 جمل جہان ہووے گا تازہ عدل رعایت کولوں
 غفلت جہل منیرے جاسن شمس شریعت چہڑھسی
 کھلسن راہ طریقت والے ہر کوئی اندر وڑ سی
 دس سی شہر حقیقت والا جاسی ظلم مجازی
 معرفت بازار محمد رونق لا سی تازی
 دوہاں جہانان وچہ دھروئی اوس نبی دی پھر سی

جو کوئی اس وا کلمہ پڑھسی دوزخیاں تھیں کر سی
 مائی جے دے شکمے اندر ہوگ اے پس پردہ
 دین اپنے نوں ظاہر کر سی زور ترور کفر وا
 اے وجود شریف انہاندا پیوں ہوگ نہ ظاہر
 مائی ودائی نام اوہدے وا پڑھسن کلمہ ظاہر
 اوہ محبوب الہی خاصہ سر افسر لولاکی
 قدم مبارک اس دے جسمن نوری ناری خاکی
 سمائے اسدے پیشہ ہوون گے دھرت انبر جگ سارے
 سایہ نال شریک نہ ہو سی نوری بدن پیارے
 لکھ یوسف اس دال نہ جیہا ہوگ جوان اجیہا
 دن دن روپ زیادہ چڑھسی کدے نہ تھسی بیہا
 سبھ تھیں بے پرواہ ہوویکا نال رے دی یاری
 سورج ساہواں مول نہ تلکی کیس نواکے چلسی
 بدلی وچہ رہے گا چھپیا ہرگز جھال نہ جھلسی !
 اللہ اس نوں کول بلاسی عرشوں چاہڑ اگیرے
 یاراں ہار کلام کرے گا تم میرے ہم تیرے
 متھے داغ غامی والا چوہدیں وا چن لا سی
 آء مجلسی دو ٹکڑے لے کے خدمت گار کہاسی
 دو ہیں جہانیں خوشیاں ہو سن حوراں منگل گاسن
 کرن ملک مبارک بادی صدقے ہو ہو جاسن
 باغ بہار ہوسی کل عالم دس سن رحمت باراں
 سبھ پیدائش اس نعمت وا کرن شکر ہزاراں

جو کسی تابعداری کرسی سو مقبول ہووے گا
 جو منکر اس پاک جنابوں سو مقتول ہووے گا
 دو ہیں جہانیں نامی کرسی چارے یار پیارے
 پنج جسے اک جندوں ہو سن رحمت نال سنگارے
 اک صدیق اک عادل ہو سی اک سخی لکھ داتا
 چوتھا شاہ مرداں وا ہو سی نال عشق مدھ ماتا
 غلاب شیر اللہ وا ہو سی بھائی پاک نبی وا
 گنتر وچہ نہ آوے ہرگز رتبہ شاہ علی وا
 نام اوہدا سن زور گھٹے گا دیوتیاں عفریتاں
 نعرہ سن کے کوٹ گرن گے پوسی بھانج پلپیتاں
 دل دل وا اسوار ہووے گا خیر دل دل کر سی
 دل دل سسئی لکھ کناراں جت ماسے منہ دھری
 چوٹ اوہدی کوئی کوٹ نہ جھلسی دشمن ملسن منجا
 سے رستم لکھ جمن ثانی جھل نہ سکسن پنہ
 زور اوہدا کوئی ہور نہ جھلسی فتیا ہر میدانوں
 دین اسلام کریگا پکا کدھسی کفر جہانوں
 حیدر صفدر شیر بہادر ، شاہ دلیر سپاہی
 سے سورج تھیں روشن ہو سی کر سی دور سیاہی
 زمیاں تے آسماناں اتے نوبت آس دی کھرسی
 حوراں ملک نقیب ہوون گے جس پاسے اٹھ ٹرسی
 نوکر جس دے ایسے ہوسن واہ سلطان اونہاں وا
 نوری بدن مبارک ہو سی سرور شاہ شہاں وا

آڈم جن ملائک حوراں سبھ طفیل انہادی
 اوہ سلطان بنیاں سندر ہور پٹیل انہادی
 آدم اے نہ ہویا آبا جاں اس نبی کہایا
 انبر دھرتی دوزخ جنت خاطر اس دی پایا
 مہتر نوح سلیمان موسیٰ جھنڈا اسدا چاندے
 اوس عزیز اگے ہو بروے یوسف جیسے دکاندے
 کرسی عرش نہ لوح قلم سی ناں سورج چن تارے
 تاں بھی نور محمد والا دیندا سی چمکارے
 کل نبی محتاج انہاندے اوہ سرتاج تماں
 آل سمیت محمد بخشا ہون درود سلاماں
 آفرینشن حضرت جی وا کھلا ذکر کتابوں
 خوش آوازے نال شہزادہ پڑھدا جگر کبابوں
 خوب آوازہ تن من صافی عشقوں روشن چھاتی
 نالے دکھیا پڑھنے والا ہور عنایت ذاتی
 سبھ صفتاں تھیں صفت وڈیری ہويا فضل حضوروں
 کھلی عالی صفت مبارک پاک نبی دے نوروں
 جیوں جیوں پڑھے شہزادہ اچانال ادا صفائی
 یمن نبی وا اثر کریندا ہر سینے ہر جانی

مرگاں مرگاں دا غم چھڈیا شیراں زور آوریاں
تتر باز سبھول آئے کٹھیاں ہویاں پریاں
سن کلام کڈھے سر باہر مجھ سنسار ندی دا
مجلس اندر ظاہر ہویا معجز پاک نبی دا
شور شہر وچہ ظاہر ہویا اٹھیا شعلہ نوروں
تر فزاٹ پیا وچہ خلتاں کیا نیڑے کیا دوروں
حالت وچہ بیہوش ہوئے سن پیر جوان ایانے
اکدوجے پر ڈھیندے اٹھدے جیوں بھٹھی وچہ دانے
حوراں دوڑ بہشتوں آیاں جیوں ڈولی ول سیاں
صفت نبی دی سن سن روون آکھن صدقے گیاں
چھوڑ آسمان فرشتے آئے سن سن ہوئے دیوانے
شاہزادے پر ڈھیندے جیونکر شمع اتے پروانے
کوہ قافاں دے پنکھی آئے ہور جیوان چرندے
سنن کلام زیں تھیں باہر نکلے سبھ خزندے
روون تے کر لاون سارے شوق کنول دل پتے
پڑھن درود شہزادہ جس دم نام نبی دا چپے
جن دیواں عفریتاں ملی کئی کوہاں تک دھرتی
ہوئے ہجوم ایسے گویا روز قیامت ورتی
وچہ ہوا نہ مہدے پنکھی ترف ترف کئی مردے
جنت دے دروازے کھلے دوزخ ہوئے سر دے
فل پیا آسمان توڑی دھر دھر کجھ نہ رہیا
حضرت دی سن صفت مبارک ہر کوئی آکھے ایہا

اول آخر تیک جنھاں دا شان نہ تھیندا بیہا
 صلی اللہ علیہ و سلم دھن حبیب اجیہا
 جیوں جیوں پڑھا نام نبی دا سیف ملوک شہزادہ
 تیوں تیوں ہووے آواز صفائی جوش خروش زیادہ
 جیوں جیوں کرے آواز چیرا تیوں تیوں سنگھ صفائی
 دم دم نال نبی دی برکت ہووے کلام سوائی
 صفت نبی دی پڑھے شہزادہ دھر کے خاص ارادہ
 ہوندے جاوَن بول ریلے روشن صاف زیادہ
 پریاں جن پکھیر و وحشی سب اکٹھے ہوئے
 کیتا اثر کلام تماں بنجوں بھر بھروئے
 چھجیں کھاریں رنی بی بی بنجوں جھو لیں بھریاں
 ہائے ہائے کر کے رنیاں اوتھے ہووے تمام پریاں
 جاں پھر سیف ملوک شہزادے کیتی چپ کلاموں
 ہر اک دا جیو جانی آیا کیا خاصوں کیا عاموں
 بی بی نے فرمایا بیٹا غرض تیری ہن ایہا
 شاپری ہتھ لگے کیوں بنے سبب اجیہا
 ایہہ مہم نہیں سر ہوندی ہے کم مشکل بھارا
 توں آدم اوہ پری شہزادی وڈی بلند ستارا
 پریاں ناری لوک نیارے پورے قول قراروں
 بے وفا تسانوں گندے بھج و بھج تکراروں
 مکر فریب بہانے کر کے پری کسے نوں ٹھگو
 ہتھ لگے تا اینویں کیوں چھوڑ کتے ول وگو

صاف جواب شہزادے سنیاں لگ گیا غم کاری
 زندکن وٹ ڈھٹھا کھا گردی ہوش گئی بھل ساری
 راوی کہندا مہر افروزے عشق اوہدا آزما
 اگے ہی پیغام اس گل دا بی بی دل سی آیا
 ہو غفریت بدیع جمالے گھلایا آہا اگیرے
 سبھ حقیقت لکھ پہنچائیوس کم دادی ہتھ تیرے
 حال احوال شہزادے والا نالے اپنا سارا
 دادی اگے ظاہر کیتا کرین اسدا چارا
 ایس میرے پر عاشق ہو کے جھلے قہر ترواں
 مینوں بھی ہن عشق اس دے نے وانگ رنجواں
 جوڑی ساڈی جھب رلائیں میں مروی وچہ سولاں
 جے ایہ ورنہ دیہو مینوں ہتھیں موت قبولوں
 چتیا دتیں جواب نہ اس نوں جے توں دادی میری
 جے اکوار جواب دتونی مر کے ہوسی ڈھیری !
 اگے ہی ایہ ہے دکھیارا پر پر سلایا درواں
 اندر اس دا پرزے پرزے باہر دا عید مرداں
 اتوں توں نہ بلدی اتے پائیں تیل جوابوں
 ساعت دھل نہ لگسی اونویں مری ایس عذابوں
 ایہ مویا تاں میں بھی مرساں گھڑی نہ چکھے رہساں
 جے تھہ ایہ احسان نہ کیتا مہر تیری کی کہساں
 کر کے آس تیرے در گھلایا موڑیں نہیں نراسا
 بیدل نوں دلبری نبھائیں دے کے غور دلاسا

جاں جاں جان میرے تن ایہو خاصہ دل وا جانی
 جے جھڑکیں مر جا سی عاشق میں بھی ہو ساں فانی
 اکیں ڈٹھے باجھوں اس نے کیتی ایڈ آشنائی
 دنیا اتے کوئی کوئی ہوئی ایسا مرد وفائی
 آدم جن پری وچہ کیہرا اتنی ہمت والا
 جو اس سفر قصبے کئے پین پر نگت شالا
 نام نشان مقام ذریت صورت رنگ جوانی
 گھلیاں لکھ بدیع جمالے صفتاں نیک انسانی
 بی بی سبھ حقیقت سمجھی گل نہیں ایہہ کچی
 شاہری دے سخن آزمائیوں کوڑ لکھے یا سچی
 جیوں جیوں شاہری نے لکھی تیوں ڈٹھی ساری
 فکر پیوس ہن جے مر جائے ہو سی وڈی قہاری
 جے اس غش بیہوشی وچوں پنچ کے باہر آوے
 دیاں ولا سالواں آسا ساک کراں رب بھاوے
 عنبر اشہب آن شتابی مغرز اوہدے تے ملایا
 سیف ملوک ہوش سنبھالی اٹھیا خاکو رلیا
 شکر گزار ہوئی اوہ بی بی کرن لگی دلداری
 غور دلاسه بے وسواسہ خاطر بے شماری
 آکھن لگی اے شہزادہ ناں کر غم نہ جھورا
 کم تیرے وچہ ہمت کرساں قسمت نال نہ زورا
 نال عنایت رب پے دی مشکل حل کراساں
 مطلب تیرے کارن نہیں باغ ارم وچہ جا ساں

جیکھ زور میرے وچہ ہو سی لاساں جاں جاں سرساں
 ماطہ تیرا اللہ بھاوے شاہپالے گھر کر ساں
 سیف ملوک ایہ گلاں سن کے ہتھ بندھ اٹھ کھلویا
 جھک کے ست سلام کریدا جیو پیاسی مویا
 بی بی تائیں دے دعائیں دیوے رب جزائیں
 جے توں بھلا میرے سنگ کرسیں اجر دیوگا سائیں
 بی بی نے فرمایا لیاؤ جھب باورچی کھانے
 پور رکاب نکاندے جاندے خدمتگار سیانے
 کھاندا کجھ طعام شہزادے لائق قد طلب دے
 رکھ امید پیالے پیتے فضل نیارے رب دے
 جاں کجھ ہويا آسودہ راہی پچھدی بی بی رانی
 دس زبانی اپنی سانوں ساری سفر کہانی
 سیف ملوکے مجلس اندر پھول ورتی سبھ ورتی
 دریاواں وچہ جو کچھ ورتی جو گذری وچہ دھرتی
 بہرامے دے مارن والا ملکہ دا چھٹکارا
 واسطہ سرانڈیپ فلکن دا حال سنایا سارا
 صاعد یار ملن دا قصہ ہور مصیبت اس دی
 سبھو راس براس سنائی مجلس سن سن کسدی
 زارو زار رناں سب کوئی نالے بی بی رونی
 تتیاں دی سن گل محمد مجلس تتی ہونی
 خدمتیاں نوں کہیا بی بی جھب کرو تیاری
 باغ ارم ول ٹرے شہزادہ خرچ دیہو جو کاری

ہویا تیار اسباب تمامی پھیر عفریت بولایا
 ادہو آہو خاٹف جیہڑا اگے چاء لیایا
 بی بی حکم کیتا عفریتے شاہزادے دے تائیں
 صحیح سلامت باغ ارم وچہ اگے چل پہنچائیں
 میں بھی ایہ تک آئی جانوں ڈھل نہ لاساں موے
 عفریتے شاہ کاہندے چایا سر پر حکم قبولے
 اڈیا دیو محبت چایا اک پل کتے نہ اڑیا
 سیف ملوک اس پہرے اندر باغ ارم تک کھڑیا
 باغوں باہر سی اک چشمہ آلتھا اس اتے
 ساعت گھڑی آرام کیتونے بیٹھ رہے یا ستے
 تائیں جے پھر آیا پچھوں اس بی بی دا ڈیرا
 لشکر فوج نشان نثارے شوکت شان وڈیرا
 باغ ارم دے گرد چوہیرے ہو گئے ڈیرے ڈیرے
 شہرستان سنہری اندر فوجاں پائے گھیرے
 پریاں زیور گہنے بھریاں جیونکر ہریاں شاخاں
 سیف ملوکے نال محمد ہس ہس کرن مزاخاں
 آون سات لگائے تنبو باغ ارم وچہ لٹھے
 ملن چلے شاہپال شاہے نوں دھو کپڑے منہ تھے
 سچا ساہبان شتابی شاہزادے پر لایا
 بستر لا دتے گاؤ تکیے عزت نال بہایا
 شاہپالے دے میلے کارن ہو گئے اٹھ سارے
 آوے جدوں قضا محمد داناواں مت مارے

خاطر جمع تسلی کر کے آہو خائف آیا
دیواں خبر پری نوں غیری سیف ملوک پہنچایا
اس جانی کجھ پریاں آہیاں ہور کئی طرفینی
گئے شہزادہ سوہن انہانوں سبھو واقف عینی
کہہ کے گئی انہاں نوں چیتا ویکھ آدم دا جلیا
شکر کجھ کریو نا ہیں ایہ گھر ساڈے آیا
انہاں نوں کی صرفہ آہا گیاں جت ول جاناں
خوف خطر دی جانی رہیا ستا بال ایاناں
سیف ملوک اکلا رہیا پاس نہ رہیوس کائی
بستر توں اٹھ سیر کریندا باغ اندر ہر جانی
گل پھل رنگا رنگ دے تکدا چنکھی خوب ہزاراں
بھلے بھلیرے رکھ نورانی انت نہ میویداراں
م م م شکر رہاناں آکھے حمد ثناء کروڑاں
جیوندیاں وچہ جنت آندوس پگ گیاں سبھ لوڑاں
پریاں باپ میرے دکھیا رے چھم چھم ہوسن روندے
لوں لوں ٹھنڈا نہاں نوں پوندی جے اج تکدے ہوندے
پر میری کی خبر انہاں نوں جا پہتا کس جانی
کروا سیر ہیشاں اندر مولی آس پوچانی
اونہاں ہیکھی لای ہوئی ہوگ کتے مر رہیا
اتنی مدت پاء نہ آیا ناں کوئی خیر سنیہا
بابل میرا روندنا ہو سی وانگ نبی کنعانی
نہ معلم اس یوسف والی پت لدھی سلطانی

میں آج باغ ارم وچہ پھروا بن پریاں دا لاڑا
 ناری لوک میرا تن خاکی چاون رکھ کنڈہارا
 ماپے غم میرے وچہ ہو سن کر دے نت سیاپے
 خاکو اندر سوندے ہو سن جیونکر ہالی تاپے
 رو رو کے ہن ہویا ہوی پیو میرا نا پینا
 آتش غم میری دی اس دا ہوگ جلایا سینا
 اس دے وڈے دا میں ہوساں مر کے خاکو رلیا
 یاوچہ وخت قصبے بھارے پاکڑا ہی تلیا
 مینوں رب دتی وڈیائی موج ہیشیں ماناں
 پیو بہار میری ہن ویکھے سبز ہووے کلماناں
 لہنہاں خوشیاں اندر آبا خوشی نہ پچدی کسے
 توڑے کول بجن دے پہتا توڑ چڑھے تاں دے
 بےتے سالک راہ چلیندے خوشیاں مانن لگے
 ہوئے بند نہ پہتے کدھرے ناں کچھے نہ اگے
 خوشیں خوشیں سیر کریندا نظر چو طرفے پھیرے
 دریا تے کوہ قاف اس تھائیوں دسدے آہے نیڑے
 لکھ ہزار درخت پہاڑی بہت بلند شماروں
 نال آسمان جہاندی چوٹی دس قاف کناروں
 سبز شعاع انہاندے کیتا انبر دا رنگ پیلا
 رنگ برنگی میوے دس کوئی سوہا کوئی پیلا
 بنگے محل چبارے دھولر باغ اندر خوش جائیں
 روضے، مدرس، مجلس خانے، مسجد، ہٹ، سرائیں

نقش نگار عجب سوئے ہر ہر طرح نیارے
 ویکھ نقش خیال اوہدے دے ہوش گئے بھل سارے
 تک معمار ادراکے والا کند ہويا تدبیروں
 حکمت کاریگر دی روئے چتر کار منیروں
 ہر حیوان انسان پری دی صورت نقش بنائی
 بہت کمال نہایت سوئی زیور لاء سہائی
 ہر پاسے خوشبو پھلاں دی مغز معطر کر دی
 ہر میوے تھیں باس بہشتی قوت دے جگر دی
 شاہزادہ تک باغ ارم دا ہو تعجب رہیا
 دل وچہ کہے بہشت اصلیا ہو سی کدا جیہا
 بندر تے کوہ قافاں اندر باغیں تے صحرائیں
 ایہہ عجب رکھ نہ ڈھکے منا خوش آب ہوائیں
 جنت اعلیٰ کہندے جس نوں ہوک متے اوہ ایہا
 دنیا اتے کتھوں ہووے سندر باغ اجیہا
 کر کے سیر بہار چمن دا پھر چشمے پر آیا
 جس پر آہو خائف آہا اول آن بہایا
 خوش ہوا نہایت مٹھی بہت سکھاون والی
 سے برساں دا ماندہ ماڑا کرنے نزد آ حالی
 وگن نہراں لہر بہ لہراں پچے تھاں کنارے
 ٹھنڈیاں چھاواں کولے کولے سبزے فرش کھارے
 نارونی دا رکھ گھنیرا چشمے اتے ہے سی
 دریائی دی چھتری سادی ہوگ نہ سوئی ایسی

جھلی داء ہلن وچہ شاخاں کرن اشارت راہیاں
 آہو ہین تساڈے کارن خوب وچھائیاں ڈاہیاں
 چشے وچوں آ پیاسے ٹھنڈا پانی پو
 چھاں گھنی آرام کر دتے گھڑی آسو دے تھیو
 نارونی دی چھانویں جا کے ہویا دراز شہزادہ
 باغ ارم دی داؤ سکھائی مستی چڑھی زیادہ
 مدت دا نندرایا آہا نیندر گھل مل آئی
 ستا ہو بیہوش شہزادہ دشمن وار چلائی
 سے برساں دی رہدی کر کے جاں روح منزل پہتا
 اک گھڑی دی غفلت خوشیوں دو رہنے مڑ بہتا
 نفس موئے دا سنگی شیطان آن کرے اپالے
 باغ حقیقی وچوں پھر کے قید مجازی ڈالے
 سٹوں سخت ہوون پھر ہٹاں کہن حکیم سیانے
 اس قیدوں چھکارا اوکھا کڈھے یار دھگانے
 ویری دشمن موئے گئے وا ساہ وا ساہ نہ کریئے
 سب موئے دا کنڈا جھبے پھر بھی دریں مریئے
 کر کر زہد ریاضت بھائی جاں میلے پر آیا
 خوشی غمورت غفلت کیتی روح بندی مڑ پایا
 تنگ پیا دل آہن ساقی بھر کے ویہ پیالہ
 دشمن دے وس پیوس اکال ہے تیرا اپرالا
 قیدے اندر رہاں امید پی کے جام صبروا
 من رضا محمد ڈا ڈھا جو چاہے سو کردا